

56
c
20

14
29-D
24



Ex Bibliotheca
majori Coll. Rom.
Societ. Jesu

56. 4. 39.

56
2
24
43
56
8
33

14-29.D.24





J. LUYTS
 PHIL. PROFES.
 Institutio
 ASTRONOMICÆ.

TRACTATUS AD RHEXIA.
 Apud FRANCISCUM HALMAM Acad.
 Typograph. cl. 1688.

Placet delin.

G. Müller fecit

Digitized by Google

JOANNIS LUYTS,

Philosophia Professoris,

ASTRONOMICA INSTITUTIO,



IN QUA

DOCTRINA SPHÆRICA atque THEORICA,
intermixto usu *Sphæra Cælestis*, & variis
Chronologicis, pertractantur.

*Adjunctæ sunt in illustrationem Argumenti pluribus
in locis FIGURÆ ÆNEÆ diversæ.*



TRAJECTI ad RHENUM,
Ex Officina FRANCISCI HALMA, Acad. Typogr.

M. DC. XCII.

THE NEW YORK PUBLIC LIBRARY

AUG 11

NEW YORK, N. Y. 10018

THE NEW YORK PUBLIC LIBRARY
ASTOR LENOX TILDEN FOUNDATION
10018

Nobilissimis, Amplissimis DOMINIS,
D. JOHANNI BORRE
van AMERONGEN, JC^{to}.

*Supremi Fœderatæ Belgicæ Confessus, qui Hagæ
Comitum est, nuperrime membro,*

D. ARNOLDO SPOOR, JC^{to}.
*Ordinum nomine ad Cameram Rationum hujus
Provinciæ antehac delegato,*

CONSULIBUS;

NEC NON
INCLUTO

Reipublicæ TRAJECTINÆ

S. E. N. A. T. U. I,
ACADEMIÆ ANTISTITIBUS.



Imul atque, VIRI MA-
GNIFICENTISSIMI,
Vestra auctoritate Professor
Philosophiæ in Universitate
Vestra renunciatus sum, hoc
negotium mihi datum credidi, ut commis-

* 2

fam

BIBLIOTECA NAZ.
ROMA
VITTORIO EMANUELE

D E D I C A T I O .

ſam Spartam quam fideliffime exornarem.
Id pro meis facultatibus , qua publice , qua
privatim , præſtiti voce , & , ſi Deus velit ,
præſtabo in poſterum , nunc ſtylo molior.
Ingens Cœli ac Terræ volumen una pelle
exigua arctare cogitaveram , ſed quum ſe
Cœlum nimis diffuderit , ſatius duxi , illud
ante perficere , proxima cura Terram , ſi
Terrarum Cœlique Sator vivere & valere
me jufferit. Opella hac ſtudui Aſtrophilis
concifa ac expeditam viam , quæque
prompti ſit aditus , in Domos Superas mu-
nire , ac earum Myſteria , cum priſca , tum
recentia , pro meo modulo referare ; quo
quoties lubet , ipsis liceat , è Terrâ non di-
ſceden-

D E D I C A T I O.

scedentibus, in vastissimis spatiis, quæ sursum
 sunt, procul periculo, procul metu, cum
 deliciis vagari, oculis distantia Sidera ad-
 movere, ingenioque supponere. Nec gra-
 ve fit, quod Labor hic qualisqualis **ILLU-
 STRE VESTRUM NOMEN** in
 fronte præferat. Non dicam, Argumentum
 complecti, in cujus contemplationem Pro-
 metheus, qui primus hominem de luto fin-
 xisse fingitur, perhibetur os illi sublime in-
 dulxisse. Argumentum, quod maximi sæ-
 pius fecerunt vel Viri Principes. Neque so-
 lus Cæsar inter prælia, quando Leges filere
 solent, Stellarum Coelique plagis assiduus
 vacasse legitur; nec unicus Castellæ & Le-
 * , gionis

D E D I C A T I O .

gionis Rex regiam munificentiam in hujus
 Argumenti Professores sua tempestate exer-
 cuit. Argumentum , quod nec Vobis ,
GRAVISSIMI PROCERES, ingra-
 tum fore auguror ; quandoquidem nulla
 non occasione declarastis , quanta in ejus
 culturam & cultores voluntate feramini.
 Quando Turrim , quam Sidereis obser-
 vationibus dedicastis , inter antiquissimas
 Vestrae urbis structuras , tempus , quo nulla
 res majus robur habet , lacerasset , quam
 alacres hoc Caeliburgum , ne quid res Astro-
 nomica detrimenti pateretur , in integrum
 restituisstis ; non sine gravi impensa , opibus
 Vestrae reipublicae ex nupera tunc Gallo-
 rum

DEDICATIO.

rum calamitate non parum attritis. Hoc etiam nomine liberalia mihi otia in Vestro Athenæo fecistis & facitis, utque in hoc currenti curriculo novum calcar adderetis, annuos ipsius Fasces ipso hoc anno commissistis. Quæ nisi sinuoso figam in pectore, & quanto possum animi motu, reminiscar, truncus ficulnusque sim. Ut breve faciam. Quæ Opella in Vestro fundo, sub Vestræ benevolentia alis, Vestris operis & manibus, concepta, formata, firmataque est, & nunc in dias luminis auras protrusa, debita cum veneratione, in publicum gratitudinis testimonium, tanquam Vestram se Vobis sistit; & Vestro

tuta

DEDICATIO.

tuta præsidio superesse sperat, ne patiamini, illam à vultu Vestro tristem discedere, sed hilares, quæso, suscipite; quo fidentius ignobiliorem Mundi partem, quam gesto, brevi adnitar parturire. Supremo Numini supplex supplico, velit, Vos diutissime Populo & Academiae Trajectensi lætissimi interfitis, ac feri in Coelum revertamini!

Rheno-Traj. Non. Decemb. Jul.

A. Era Salut. Vulg.

clō Idc LXXXVIII.

NN. AA. VV.

Obsequiosissimus cliens,

JOANNES LUYTS.



LECTURO

A U C T O R

S.



Stronomos cogitata sua Astronomica ut plurimum sic videas instituire, ut, quando præcipua Scientiæ hujus Capita discutient, exordiantur ab interpretatione Linearum, quæ ad juvandam imaginationem unice excogitârunt. Dein ad rem ipsam progressi, si quæ se offerant in cursu Operis jucundiora Problemata, ea aut silentio ferè transmittunt, aut tanquam in transitu meminere; ac, cum materia illustrationem quandam requirit, non nisi Schematismum adjiciunt, cum notis quibusdam Alphabeticis. Contrà qui Problematibus Stellarum, per Quadrantem, Planisphærium, Sphæras, vel si quod aliud materiale Organum, solvendis, sese occupant, frequenter, quæ in hac Disciplinâ interioris sunt aditus, soliti sunt

* *

præte-

P R O L O G U S.

præterire. *Mihi autem in hac INSTITUTIONE ASTRONOMICA* utrumque, ut manus manum lacet, meo more præstare constitutum est. Ubi Sphericam adorior, apparatus Linearum non seorsum excutio, ut tedium, quod ex hac methodo non injuriâ videretur posse subrepere, prævenirem; verum connexâ ratione Affectiones Stellarum exponuntur, non prius mentione factâ Circulorum, quàm in illis expediendis possunt conducere. Ubiubi verò licuit, nobiliora Problemata interseruntur; quia experiundo edoctus sum, quàm hæc naturam rei dilucidant, & nondum initiatos ac rudiores, simul atque ea perspicere incipiunt, afficiant, ut propemodùm exultent, exclament, ingeminentque celebre illud Εὐρηκα, atque inflammentur, ut plus ultra indefessi procedant, nam Φιλομαθὴς Πολυμαθὴς. Et quia in Doctrinâ Cælesti manus, ut cum Anaxagorâ loquar, Sapientiæ causa est, & hæc inter instrumenta Mechanica nullum parare possit, quod expeditius ac magis distinctè, viâ quasi palpabili, Problematis satisfaciat, quàm Sphæra Aratæa (sic Gobum Cælestem multi vocitant) quemadmodum ipsâ in his illis circumstantiis uti oporteat, explicatur. Quin neque prætermissi sunt Schematismi, ut eadem veritas etiam in plano representetur; quod mens imaginationi solidorum per plana, quandocunque usui est, tantò celerius assuescat. Hæc etiam de causâ non Literis, quod communissimè videas, sed integris vocibus, quid per Schema intelligatur, in ipso Schemate

P R O L O G U S.

mate annotatum est. Nam quibus infuetum, cogitationes Literis adnectere, eis istiusmodi Schemata Schemata esse definunt, dum quando, quid posteriores Literæ sibi velint, perpendunt, priorum jam excidit significatio. Porro quàm ad Cæli notitiam summoperè sit necessarium, diversas Stellarum dimensiones sapiùs instituere, de ratione usurpandi Radii, nec non Quadrantis Astronomici, & hujus Observationis certitudine, sermo injicitur. Cæterum multam paginam faciunt duo Cæli Luminaria. Fusius ostenditur, quæ Phænomena, dùm Orbitas suas transigunt, in universo Terrarum Orbe & Cælo Æthereo enascantur. Quo vultu utriusque discus Tubo conspectus sese offerat, atque obtulerit solertissimo Cælestium indagatori, magni nominis Hevelio, & quemadmodum hic Vir, mirificissimâ distinctè imaginandi facilitate instructus, magno ausu, Lunam in Terram Ætheream transmutaverit; in quâ alteram Europam, Asiam & partem Africæ, cum suis Regnis, Provinciis, Montibus, Rupibus, Promontoriis, Peninsulis, Littoribus, Isthmis, Insulis, Paludibus, Lacubus, Sinibus, Fretis, Maribus, Scopulis, Fluviis, denique Fontibus, teste adjecto Iconismo, licet conspiceret: ut minimè mirum sit, eos, qui hisce ingenii lusibus delectantur, & Lunam, uti Terra nata est, natam credunt, arbitrari, ne frustrâ sit tantum Opus, suis Colonis non cavere. Quæ tamen Sententia quàm debili consistat talo, non semel ostenditur. Et cum Scientiæ, ut amicitia, uti-

P R O L O G U S.

litate ferè probari soleant, hæc INSTITUTIO pate-
facit, quàm utilis sit cùm Geographiæ, tum in primis
Chronologiæ, quâ Profanæ, quâ Sacræ, accuratior Solis
& Lunæ intelligentia. De reliquis Astris non ea tantum
recenset, quæ priscis Nominibus Cælo dignatis memorata
sunt; sed quæ hujus atque superioris sæculi Atlantes ac
Hipparchi observavere. De Astrologiæ Judiciariæ funda-
mento atque incertitudine paucis dissertat, & pluribus de
celeberrimis Mundi Systematibus. Argumenta, quæ pro
Terræ motu aut quiete fortissimè urgentur, procul misso hoc
aut isto humano Nomine, ad obrussam solius rectæ ratio-
nis exigit; quæ cùm Mathematicæ certitudinis, quic-
quid glorientur aut Copernici, aut Tychoonis nimii Admi-
ratores, minimè offenduntur, & Phænomena utroque
modo expediri possunt, censet agitativissimam hanc Quæstio-
nem, omnia, ut cum Senecâ loquar, circa nos agat
Deus, an nos agat, à Naturâ in incerto relinqui. Quam
cum Naturæ Auctor suâ voce tam evidenter determinet,
ut nemini, qui à præjudiciorum nube immunis est, & ex
animo Oraculis ejus assurgit, ambigendi locus superesse
queat, æquissimum sentit, ut tanto testimonio mens veri
avida sine omni hæsitacione ponat calculum. Denique sub-
nectit, quò oporteat Globi subsidio comunissima quedam
Solaria fabricare. Atque hæc quidem summa est eorum,
quæ hac INSTITUTIONE ASTRONOMICA
comprehenduntur; quam sic studui perficere, ut neque
proli-

P R O L O G U S.

prolixitate importuna sit, neque brevitate obscura, neque
 alculo laboriosa, neque quæstionibus involutis aut in-
 ructuosis referta, & diffusa hujus Scientiæ fundamenta
 contineat, ac scalas & alas, si cui altius eniti sit volupe.
 Lemmata marginalia adscripta sunt, quod, quæ quolibet pa-
 ragrapho enuntiantur, primo quoque intuitu innotescant,
 & quam promptissimè possint repeti, ac memoriæ tenaciùs
 adhærere. Omnia verò in usum Pubis Academicæ, cui medi-
 tationes, vocem, calamus, me ipsum, dico, & dicabo, ex-
 acta sunt, ut Commentariorum vice existant in Capitibus
 Philosophiæ Naturalis, quæ de materiâ Cœlesti parcius ple-
 umque differunt, convenienter quidem instituto, verum
 minùs perspicuè. Atque idèd hæc Doctrina verbis non so-
 lum, sed & Schematibus benè multis, ac, quoad fieri po-
 uit, evidentibus, declaratur. Quin ut eadem filum sint, jux-
 ta quod cogitationes nostræ & illorum, quibus animus erit
 nobiscum amplissimam, nobilissimamque totius Mundi regio-
 nem contemplari, dirigantur. Et sic fidem vulgandi hujus
 operis libero, quam ante menses aliquot dedi, quando ejus
 nunc absoluti caput, ut de habitu atque futurâ Methodo
 constaret, in Exercitatione quâdam Academicâ, quam or-
 natissimus & optimæ spei Juvenis, Jacobus de Vries, Ul-
 trajectinus, feliciter defendebat, omnium oculis exponebam.
 Felicem me prædicabo, & sat pretii ex impensâ industriâ
 etulisse, si memoratum modò finem obtineam. Vive, vale
 LECTOR, & si Deus vitam viresque secundas benignus mihi

* * 3

suff-

P R O L O G U S.

sufficiat , brevi INTRODUCTIONEM AD VETEREM ET NOVAM GEOGRAPHIAM cum adjunctis Sansonis Chartis præfolare. Interim ,

——— ——— Si quid Tibi rectius hisce,
Candidus imperti ; si non , his utere mecum.



ALLO-

A L L O Q U I U M

ad nitidissimum (cùm in lucem prodiret,

AUTORE CL. PHILOSOPHO,

JOANNE LUYTSIO,

p. t. Rectore Magnifico)

C O D I C E M

A S T R O N O M I C U M.



Er mare, per terras ergò, LIBER ASTRIFER,
ibis?

Nonne malum, aut Momos, naufragium-
ve times?

Quid facis? In mundi Oceano latrantia mille

Monstra natant; remoras mille alit ille suas:

Perge tamen. Dentes adversaque cornua quisquis

Formidat, nihil hunc scribere posse puta.

Sæpè nimis vanam trepidamus arundinis umbram,

Et Lunam allatrat nocte silente canis.

Vade; sed invidiæ freudentis despice morsus:

Optima (crede) malus temnere livor amat.

Parvus es, at magnus, paucis dum maxima pingis

Lumina, & è terris me vel ad Astra trahis.

Multa supra nos esse doces, quæ si nihil ad nos

Pertineant, frustra Lunaque Solque nitent.

Quem

Quem non scire juvat tot distinguentia noctes
 Astra? quis æthereum non stupet omne decus?
 Nulla mea aut Soli, aut fumant altaria Lunæ;
 Sed mihi Divinam monstrat uterque manum;
 Dextra DEI patulo amborum dominatur in auro,
 Stellarumque potens tot regit una faces.
 Cæca superstitio Marti Venerique sacella
 Struxit, at hic lucem Marsque Venusque parit:
 Nec tamen impuris Veneri Mars hæret in ulnis;
 Nil facit ad Cœli fabula spurca jubar:
 Caste liber, castas tua dictat imago figuras,
 Vertice dum SCRIPTOR nubila summa ferit,
 Et videt in terris præ se fulgentia circum,
 (MAGNIFICO RECTOR NOMINE) Sceptra geri.
 Clarecant armis, clarescant sanguine Reges,
 Sidereamque ornent lucida signa Domum;
 Libra, Leo, antiquique Helenæ (duo Sidera) Fratres,
 Scorpheus, ac Pisces, puraque Virgo micent;
 Jam nova Lux oritur, jam totum illustrat Olympum
 Lux similis Stellis LUYTSIUS ipse suis.

L. vande POLL.

IN
ASTRONOMICAS
COGITATIONES

Clarissimi , Subtilissimi ,
D. M. JOHANNIS LUYTSII,

Professoris Philosophi in Acad. Ultraj.
p. t. Rectoris Magnifici.



UID sua tam facilis mihi limina pandit Olym-
pus,

Et subit immensi mens penetrale Dei!

Quid , quæ sunt teneris oculis impervia no-
stris,

Tam clarent oculis pervia cuncta meis!

Ut super alta feror ! Turresque urbesque recedunt ,

Sub pedibus , culmen quod fuit antè , jacet.

Crescere quid video flammæ per inane volantes !

Quid coit in parvam terra remota pîlam!

En ! quo Telluris moles sine pondere pondus

Instabilis stabili stet glomerata loco!

Quî Sol nocte diem mutet ! Quî Luna laboret !

Et quibus Iulî Fastibus annus eat !

Astra vaga adverso cæli quî tramite currant !

Quî redeant solitis sydera fixa choris!

Ergo

Ergo humeris volucres aptasti , Dedale , ceras ,
 Atque agitat plantas Perseos ala meas ?
 Haud est cur dubia plumescant brathia fato ,
 Icarias fecit quo malè fîsus aquas.
 Tutius ex humili quàm se super æthera tollat
 Mens studiosa loco , pagina docta dedit.
 Pagina docta dabit celso considerare in axe ,
 Et quæque ad digitos astra vocare tuos.
 Quæ quondam radio Ptolemaus in orbe notavit ,
 Finxit & ingentum Tycho , stupenda tuum ;
 Quæque tubus , Galilee , tibi nova sÿdera monstrat ,
 Et superans acies Heveliana fidem ;
 Quid falsi verivæ habeant , discussa patefcunt
 Omnia , & in liquido sunt manifesta die.
 Quas igitur , VIR CLARE , feram pro munere grates ?
 Res erit hæc votis una petita meis :
 Te duce Cælestis studium sic floreat Artis ,
 Sed ut Te capiat , quod capis ipse diu !

Viro quem Ars & Amor
 intimè sibi junxit

Posuit

G. DE VRIES.

Ad

Ad Subtilissimum Virum,
D. JOANNEM LUYTSIUM,
 Philosophum Trajectinum,
 C U M
A S T R O N O M I A M
In lucem ederet, & paulò post publici juris
facturus esset
 COGITATIONES GEOGRAPHICAS,
M E T R I C A A C C L A M A T I O.



Ens tua sublimes audet conscendere sedes,
 Luminaque aetherae nosse rotata plagæ.
 Sidera, quæ Boreas, & quæ semotior Auster
 Possidet, in libro das speculanda tuo.
 Flammiferas Phaëthon moderetur Solis habenas,
 Cernat ut excellis cominus astra locis:
 Icarus insolitis homini secet aëra pennis,
 Contemplans oculis astra propinqua suis,
 Me juvat Astrologum potius spectare figuras,
 Indeque stelliferas discere malo vias.
 Tutius inspicio pictorum terga globorum,
 In quibus astrorum nomina scripta lego.
 Tutius in chartis contextos orbibus orbes
 Observo, & stellis addita signa suis.
 Tutius eximias, LUYTSI, perlustro papyros,
 Queis pandis rutili clara theatra poli.
 Hic video magni contracta volumina coeli,
 Stellarum turmas, Pleiadumque chorum.
 Hic tardo sequitur gressu sua plaustra Boötes:
 Crinibus hic pulchris Cassiopœa nitet.

Hic

Hic in conspectum prodit nimbofus Orion,
 Cœlestesque suo territat ense feras.
 Funibus hic fulget navis stellantibus Argo,
 De quâ res miras fabula prisca refert.
 Zodiaci duodena micant hic sidera, per quæ
 Annorum menfor Sol agit almus equos.
 Stare negant multi Terram, Solemque moveri:
 Sæpius hæc quanquam pagina sacra docet.
 Sinciput est illis vacuum fortasse cerebro:
 Aut animæ nutat glandula læsa domus.
 Gaudeo de mundi tua quod sapientia rebus
 Eloquiis cedat religioſa Dei.
 Iusuper arcta *γῆδος* latæ compendia *γᾶς*,
 Quæ monstrant colles, oppida, regna, lacus.
 Te duce nunc Libycas tendam peregrinus ad oras:
 Te duce per Syrtes & loca vasta ferar.
 Arvaque per varias Europæ dissita partes,
 Ingentesque urbes hospes adibo novus.
 Nunc citus extremos curram spectator ad Indos,
 Prataque mobilibus pinguia Gangis aquis.
 Et quæ Christophorus detexit classe Columbus
 Littora, te fretus pervolitabo duce.
 Dum sua fraternis complebit cornua Phœbe
 Ignibus, & propria luce carebit inops:
 Volvet inexhausto dum Titan sæcula motu:
 Dum current celeri noxque diesque pede:
 • Dumque gravis tremulo pendebit in aëre tellus:
 Nereïdumque greges dum vada salsa colent:
 Ampla tuos laus est scriptos mansura labores,
 Postque rogos famæ te canet usque tuba.

MARTINUS HARLINGIUS,
V.D. in Ecclesiâ Hornanâ Minister.

I N



INSTITUTIONIS
ASTRONOMICÆ
SECTIO PRIOR,
SIVE
DOCTRINA SPHÆRICA.

CAPUT I.

Astronomie Preliminaria.



Astronomia, quæ & Uranometria, & Scientia Sideralis aliis nuncupatur, hodie minus rectè diceretur Astrologia; quippe quæ respicit effectus Siderum in Inferioribus, & Prognosticatrix, seu Judiciaria aliàs nominatur, quam quoad maximam sui partem fundamento putamus destitui.

I.
*Varium
Astrono-
mia no-
men.*

Est verò nostra Disciplina Scientia Mathematica Mixta, quæ Stellarum Affectiones tradit.

II.
Definitio.

Dicitur Scientia Mathematica Mixta, quia non in generali Quantitatis notione occupatur; sed eam restringit ad determinatum subiectum, puta Stellas.

III.
Genus.

-M

A

Stella

IV.
Objectum.

Stellæ autem sunt ingentia corpora, ad nudum intuitum sphaerica, in Cælo Æthereo collocata ad illustrationem Telluris, primariamque Temporum mensuram.

V
Distinctio
à Physicâ.

Harum naturam explicare Physici fori est, Affectiones verò (ne Physica nimis vasta evadat) penitus Astronomici; videlicet motum, situm, distantiam, magnitudinem, lumen, & si quæ plura Phænomena, adscitis eum in finem consentaneis quibusdam Hypothesibus.

VI.
Motus Stellarum.

Inter has Affectiones Stellarum longè excellit Motus, quo ex vi à primo creationis tempore ipsi à Creatore inditi, & quousque celestis durabit Machina, perseveraturâ; pervastissima, fluidissimaque Cælorum spatia juxta naturæ leges voluntur. Supponit hic, & in sequentibus Systema Tychonicum; quo jure infra dicitur.

VII.
Ejusdem
Divisionis.

Disperunt vulgò Astronomj Motum Stellarum in Primum, quem alias diurnum, communem, alienum, accidentarium, & motum raptus appellant, & ab omnibus, atque æquali penè temporis interstitio conficitur; atque Secundum, qui & à potiori parte annuus denominari potest, omnibusque quidem communis est, sed tempore admodum dispari peragitur, ideoque proprius dici consuevit.

VIII.
Usi &
Astronomia.

Cæterum hic geminus Motus in causâ est, quòd gemina Astronomiæ pars Astronomis statuatur; Sphaerica, quæ Primum, atque Theorica, quæ Secundum Motum exponit. Sed de hoc postmodum, ad illum progredimur.

C A P U T I I.

Motus Primus, Axis, Poli Mundi.

I.
Motus Primus.

PRIMUS, seu Diurnus Stellarum Motus est, quo omnes omnino Stellæ, xxiv circiter horarum spatio, suas revolutiones spirales per Cælum supra Terram conficiunt, propterantes ab ortu (loquimur de iis Terræ locis, quibus Stellæ oriuntur, & occidunt) in meridiem, cæterasque Cæli plagas, ex ordine se mutuò consequentes.

II.
Quem im-
primis

Ad hunc Motum, cæteraque Stellarum generaliora Attributa feliciter intelligenda, multum conducit inter Instrumenta Me-

Mechanica Astrolabium, sive Planisphaerium Ptolemæi, atque imprimis Globus, seu Materialis Sphæra; quæ Cælo magis æmula est, & imaginationem intensius juvat, eandemque idcirco in posterum sæpissimè adhibebimus.

Sphæra declaratur.

Quandoquidem verò hoc Instrumentum tanti existit usus. in Primi Stellarum Motus explanatione, placuit Astronomis Astronomiæ partem, quæ hunc subsidio Sphæræ expendit, trita voce Sphæricam, & Sphæram simpliciter appellare.

III.
Unde Sphærica nomen.

Cæterum ad Primi Motus distinctiorem intelligentiam concipiendus est in Cælo Axis imaginarius (per universum enim concavum Cælum rotantur Stellæ) ad similitudinem realis, seu ænei, qui in Globo conspicitur.

IV.
Necessitas Axis Cælestis.

Id est immobilis recta Linea, ex immoto Cæli Puncto, seu vero Septentrione per centrum Telluris traducta, & in altero tandem Cæli puncto, seu vero Meridie terminata. Vulgò Axis Mundi dicitur, & sæpe Axis simpliciter, atque ipsius extremitates Poli Mundi, seu Primi Mobilis, Latinis Vertices, Cardinesque; quarum altera Polus Septentrionalis nuncupatur, seu Arcticus, à gemino Sydere vicino, altera Australis, sive Antarcticus ab oppositâ Arctici positurâ.

V.
Definitio ipsius, & Polarum.

Motus autem Primus cujuslibet Stellæ concipiendus est fieri circa determinatam, & situi suo respondentem portionem Axis hujus imaginarii, atque in apparente parallelismo (quod tamen de Fixis in primis intelligendum) cum Lineâ Æquinoctiali.

VI.
Ratio Primi Motus.

CAPUT III.

Æquator.

Linea Æquinoctialis, quæ & Æquator frequentissimè nominatur, & per excellentiam Linea, non sine ratione, est Circulus Cæli imaginarius, maximus, alias magnus, & major, (sic Circulos, qui Cælum in duas æquales partes partiuntur, vocant Astronomi) mobilis, immutabilis, educus ex centro Telluris, seu alterutro Mundi Polo ad mediam inter utrumque distantiam, Cælumque distribuit in duo parvis magnitudinis Hemisphæria, Boreum atque Austrinum.

L.
Æquator.

II.
*Illius Divi-
sio.*

Concipitur hic Circulus (veluti & cæteri Maximi, quin & Minores) divisus, ut distinctius intelligatur, quâ parte ipsius versentur Stellæ, & quidem propter calculi commoditatem in partes trecentas sexaginta, quarum singulæ prorsus ejusdem sunt quantitatis, & quælibet Gradus nuncupatur; qui, usu sic exigente, in 60 fragmenta omnino æqualia subdividitur, ac quodlibet istiusmodi fragmentum dicitur Scrupulum, seu Minutum Primum, vel Minutum simpliciter; hoc denuo in 60 paria fragmenta, vocata Secunda; & quodque iterum ex hisce in 60 Tertia; atque ita deinceps, semper æqualia, si tantâ subtilitate opus sit. Nam minima sæpè (saltem in usu Globi) non curantur, & plerumque in Primis, aut Secundis subsistunt Astronomi.

III.
*Nota Gra-
dum &c.
ac eorum
utilitas.*

Multiplex hæc divisio quando penes Autores occurrit, compendii ergo vel per literas initiales exprimitur hunc in modum; Gr. Mi. Sec. Tert., vel supra numerum graduum ponitur nota Nulla, vel Ciphra, & supra numerum Minutorum aut una, aut altera, tertiave lineola, prout vel Prima existunt, vel Secunda, vel Tertia. Sunt verò hi Gradus, graduumque Fragmenta quasi pedes, & digiti Uranographici, per quos omnis cælestis Metria instituitur, uti ex sequentibus apparebit.

IV.
*Apparens
inæquali-
tas motus
Primi;*

Cæterum licet omnes Stellæ Motum Primum æquali tempore interstitio propemodum obeant, disparis tamen velocitatis esse videntur. Celerrimæ ex Stellis observantur, quæ incedunt per Æquatorem; tardiores, quò plus, minùve ab eo abeunt versus alterutrum Polorum Mundi. Unde vel eadem Stella (quod tamen de Planetis potissimum velim intelligi) tardior, celeriorque conspicitur. Tardissimæ, quæ proximè Polum, & si alicujus centrum cum hoc, aut illo Polorum coincideret, omni Primo motu destituta videretur.

V.
*Et æquali-
tas.*

Quæ tamen non ita velim intelligi, ac si quoad apparentiam quælibet Stella diversum à cæteris omnibus motum obtineat. Nam multæ sunt seu in eodem, seu opposito Cæli Hemisphærio, aut utriusque commissurâ, quæ pari celeritatis gradu comparent moveri; quemadmodum æneus Sphæræ Meridianus, de quo postmodum, clarissimè edocebit.

VI.
Veritas

Utrum verò quemadmodum videntur Stellæ moveri, verè moveantur, maximè ex parte incertum est; quum quæ om-
nium

nium segnissimè dicerentur moveri, possent omnium esse ce-
lerrimæ. penè incerta.

CAPUT IV.

Æquator mensura Motus Primi.

Quicquid sit de hoc Motu, non rarò novisse expedit,
quantum hæc, illave Stella, ubicunque Cælorum hæ-
reat, in Primo Motu profecerit, quantumve temporis
impenderit ad quantamcunque revolutionis suæ partem per-
currendam. Quæ per Æquatorem cognoscuntur, maximum
Circularum, qui describuntur primo motu, cuique paralle-
læ moventur Stellæ, uti modò monuimus; ac cujus motus
maximè est æquabilis, perpetuus, omnibusque Terræ Incolis
per Globum semper, & sine negotio observabilis. Atque prop-
ter hanc temporis mensuram, quæ per gradus Æquatoris insti-
tuitur, hi (quod in cæteris Circulis non obtinet) vocantur
Æquator, Tempora. L.
Æquator
mensuras
Motum
Primum,
& Tempus.

Quâ autem ratione ex gradibus Æquatoris Tempus hauria-
tur, uti utilissimum, ita facile scitu est. Numerum Graduum,
si æquet quindecim, sive excedat, per xv divide; Quotiens
Horam, seu Horas dabit. Gradus residuos, aut si numerus
Graduum sit infra xv, multiplica per quatuor, & prodibunt
Minuta Horaria. Si verò Minuta gradus sunt convertenda in
Horæ minuta, utere auræ proportionis Regula, quæ Trium
communiter nuncupatur. Notum enim, 60 Minuta gradus qua-
tuor horæ Minuta componere. Aut Minuta gradus per qua-
tuor multiplicentur, & Quotiens exhibebit secunda Horarum,
quorum 60 sexagesimam horæ partem, seu primum ejus mi-
nutum constituunt. II.
Conversio
Gr., & M.
in Horas, &
Min. Hor.

Ex quibus accuratè perceptis neque arduum foret Horas, &
horarum Minuta in Gradus, graduumque Minuta commutare.
Nam Hora, vel Horæ per xv multiplicatæ Gradus quæsitos
largientur; sicut & Minuta horaria, si per iv dividantur. Si
quæ restant Minuta horaria, multiplicentur per xv, offerent
sefe Minuta gradus. III.
Et contra.

Ne verò calculus alicui negotium facestat, & ut ratio tem-
po- IV.
Compen-

6 INSTITUT. ASTRONOMICÆ

diem per
geminam
Tabulam.

poris habeatur, juvat subijcere geminam Tabulam, quarum altera exhibet conversionem Graduum, & Minutorum Æquatoris in Horas, & Minuta horarum; altera verò oppositum.

v.
Delinectio
Prioris.

Tabula prior Conversionis Graduum, & Minutorum Æquatoris in Horas, & Horarum Minuta.

Gr. Hor. Min.			Gr. Hor. Min.			Gr. Hor. Min.		
1.	0.	4.	31.	2.	4	70.	4.	40.
2.	0.	8.	32.	2.	8.	80.	5.	20.
3.	0.	12.	33.	2.	12.	90.	6.	0.
4.	0.	16.	34.	2.	16.	100.	6.	40.
5.	0.	20.	35.	2.	20.	110.	7.	20.
6.	0.	24.	36.	2.	24.	120.	8.	0.
7.	0.	28.	37.	2.	28.	130.	8.	40.
8.	0.	32.	38.	2.	32.	140.	9.	20.
9.	0.	36.	39.	2.	36.	150.	10.	0.
10.	0.	40.	40.	2.	40.	160.	10.	40.
11.	0.	44.	41.	2.	44.	170.	11.	20.
12.	0.	48.	42.	2.	48.	180.	12.	0.
13.	0.	52.	43.	2.	52.	190.	12.	40.
14.	0.	56.	44.	2.	56.	200.	13.	20.
15.	1.	0.	45.	3.	0.	210.	14.	0.
16.	1.	4.	46.	3.	4.	220.	14.	40.
17.	1.	8.	47.	3.	8.	230.	15.	20.
18.	1.	12.	48.	3.	12.	240.	16.	0.
19.	1.	16.	49.	3.	16.	250.	16.	40.
20.	1.	20.	50.	3.	20.	260.	17.	20.
21.	1.	24.	51.	3.	24.	270.	18.	0.
22.	1.	28.	52.	3.	28.	280.	18.	40.
23.	1.	32.	53.	3.	32.	290.	19.	20.
24.	1.	36.	54.	3.	36.	300.	20.	0.
25.	1.	40.	55.	3.	40.	310.	20.	40.
26.	1.	44.	56.	3.	44.	320.	21.	20.
27.	1.	48.	57.	3.	48.	330.	22.	0.
28.	1.	52.	58.	3.	52.	340.	22.	40.
29.	1.	56.	59.	3.	56.	350.	23.	20.
30.	2.	0.	60.	4.	0.	360.	24.	0.
Min. Min. Sec.			Min. Min. Sec.					

Si

Si Gradus resolvendi exactè consentiant cum Gradibus expressis in Tabulâ, proximus numerus in proximâ Columnâ quæ ad dextram est, tempus indicat. Sin dissentiant, accipitur numerus proximè minor cum horis, atque minutis respondentibus; dein gradus residui cum suis minutis, quæ prioribus horis, atque minutis adjiciantur.

VI.
*Resolutio
Graduum;*

Exempli gratiâ occurrant Gradus 299, scire aveo ope delineatæ Tabulæ, quot Horas, & Minuta constituent. Eandem ingrediens observo datum Graduum numerum in eâ non reperiri, sed proximè minorem, qui sunt 290; hos video in Columnâ ad dextram conficere integras Horas xix cum 20 Minutis. Dein 9 Gradus, quos insuper datus numerus complectitur, seorsum quæro, observans pro iis occurrere 36 Minuta horæ, quæ si tempori statim invento addam, resultant Horæ xix, & Minuta 56 pro datis gradibus 299. Similiter quovis alios casus oportet resolvere.

VII.
*Exempla
declarata.*

Si Minuta Gradus convertere cupis in Minuta, aut Secunda Horæ, quære in Tabulâ propositum Minutorum numerum, & qui huic à dextro latere proximè adstat, ostendit Secunda, vel Minuta, ac Secunda Horaria, quæ quærebantur.

VIII.
*Resolutio
Minutorum;*

Quo clarior sit hæc resolutio Minutorum gradus in minuta, aut secunda Horæ, exemplo uno, alterove illustrabimus. Sint 14 Minuta gradus, nosse quis cupit, quot Secunda horæ contineant, Columnam graduum (nam hæc Columna etiam est Tabella Minutorum gradus, ut ex subscriptione Columnæ videre est) ingrediatur, atque in proximâ Columnâ versus dextram videbit adscripta esse 56 Secunda Horaria pro datis Minutis gradus. Denud proponantur 59 Minuta gradus, Tabula docebit his respondere 3 Minuta horæ cum Secundis 56. Atque ita in cæteris.

IX.
*Exemplis
etiam de-
clarata.*

Sic quidem citra difficultatem Gradus, atque Minuta æquatoris in Horas, & Minuta Horaria resolvuntur. Quo verò & oppositum pari facilitate procedat, & alteram Tabulam delineamus.

X.
*Delineatio
Tabulæ Po-
sterioris.*

Tabula

*Tabula posterior conversionis Horarum, & Minutorum
Horæ in Gradus, atque Minuta Equatoris.*

Hor. Gr. Min. Hor. Gr. Min. Min. Hor. Gr. Min.

1.	15.	1.	0.	15.	31.	7.	45.
2.	30.	2.	0.	30.	32.	8.	0.
3.	45.	3.	0.	45.	33.	8.	15.
4.	60.	4.	1.	0.	34.	8.	30.
5.	75.	5.	1.	15.	35.	8.	45.
6.	90.	6.	1.	30.	36.	9.	0.
7.	105.	7.	1.	45.	37.	9.	15.
8.	120.	8.	2.	0.	38.	9.	30.
9.	135.	9.	2.	15.	39.	9.	45.
10.	150.	10.	2.	30.	40.	10.	0.
11.	165.	11.	2.	45.	41.	10.	15.
12.	180.	12.	3.	0.	42.	10.	30.
13.	195.	13.	3.	15.	43.	10.	45.
14.	210.	14.	3.	30.	44.	11.	0.
15.	225.	15.	3.	45.	45.	11.	15.
16.	240.	16.	4.	0.	46.	11.	30.
17.	255.	17.	4.	15.	47.	11.	45.
18.	270.	18.	4.	30.	48.	12.	0.
19.	285.	19.	4.	45.	49.	12.	15.
20.	300.	20.	5.	0.	50.	12.	30.
21.	315.	21.	5.	15.	51.	12.	45.
22.	330.	22.	5.	30.	52.	13.	0.
23.	345.	23.	5.	45.	53.	13.	15.
24.	360.	24.	6.	0.	54.	13.	30.
		25.	6.	15.	55.	13.	45.
		26.	6.	30.	56.	14.	0.
		27.	6.	45.	57.	14.	15.
		28.	7.	0.	58.	14.	30.
		29.	7.	15.	59.	14.	45.
		30.	7.	30.	60.	15.	0.

XI. Neque hic quicquam monendum circa usum hujus Tabulæ, quandoquidem apertissimus est. Horæ, atque Minuta obvia investigentur in Columnis, appositusque proximè ad dextram numerus, desiderio Graduum, & Minutorum satisfaciet. Sic Ho-

Usus ipsius
evidentissi-
mus est.

Horæ cum 20 minutis horæ, teste Tabulâ, largiuntur gradus 155. Pariter cæteræ horæ, & minuta expediri possunt. Non descendimus in hac Tabulâ ad minuta secunda, & tertia, quod nec in alterâ præstitum; quia in problematis per Globum solvendis tantâ subtilitate non indigemus.

CAPUT V.

Horizon Rationalis, Sensibilis, Apparens.

PORRò dum ita Primo motu volvuntur Stellæ, omnes simul, Sole licet sublato, ob opacam Terræ molem à Terricolâ I. *Horizon* videri non possunt. Hinc Astronomi Circulum majorem ex Terræ centro ad Cœli intervallum mente ducunt, qui à punctis Verticali, & Pedali (quæ quasi ipsius Poli reputantur, & frequenter exprimuntur per voces Arabicas *Zenith*, ac *Nadir*) undique prorsus æqualiter removetur, quo Hemisphærium Cœli conspicuum, sive superius ab inconspicuo, seu inferiore distinguant; atque hic Circulus Horizon dicitur, Latiniq; Finiens, Finitor, Terminator visus, atque Macrobio Circulus Finalis.

Non raro dispeſcitur in Mathematicum, seu Rationalem, II. *Horizon* Naturalem, sive Sensibilem, & Visibilem, seu Apparentem. *Rationalis.* Illum proximo Articulo delineavimus, & per Horizontem Globi repræsentatur, quando ex suo Meridiano ritè pender, ac infra Horizontem justè deprimitur. Hoc autem ilicò sequente viâ internoscet. Si initio Æquatoris applicito ad Horizontem ortivum, videas illud cum plagâ Cardinali ortivâ congruere, Globoque immoto, finem gradus centesimi octuagesimi cum plagâ Cardinali occiduâ, certus sis Globum sic dispositum legitimè pendere, & deprimi. Sin secus experiaris, etiam cogita non benè suspendi, neque in isto casu Horizontem ejus imaginem esse Rationalis, seu Mathematici; cujus tamen assidua imago esse debet, cæteroquin nullum problema Globi subsidio accuratè solvetur.

Horizon Naturalis, sive Sensibilis Horizonti Mathematico III. *Horizon* parallelus est, atque in idem Cœlum excurrit; sed educitur ex *Sensibilis.* parte superficiæ Terræ, in quâ consistit Spectator, veluti cen-

B

tro

tro, ut à se mutuo distent per semidiametrum Telluris. Quare hic Horizon Cœlum in partes omnino æquales non distribuit.

IV.
*Æqualis
Rationali
ad sensum.*

Quia verò vastissima existit inter Terram, & Cœlum supremum intercapedo, ac Terra Cœlo collata admodum est exigua, uti postmodum ex Mundi Systemate, & Solariorum doctrinâ patefiet; idè licet Oculi in Terræ centro consisteret, nihilominus ibidem visu non deprehenderet majorem Cœli portionem, quàm nunc in Terræ superficie, subductis ex eâ visionis impedimentis omnibus. Nam distantia inter Horizontem Rationalem, atque Sensibilem in Cœlo Fixarum est juxta quosdam non nisi trecentesima portio gradus; quin juxta alios quadringentesima, oculo maxime activo minime observabilis. Atque idcirco Horizon sensibilis pro Rationali Astronomis usurpatur.

V.
*Declaratio
hujus rei
per Sche-
ma.*

Ut autem utriusque natura intelligatur feliciter, adpositi sunt Gemini Circuli, quorum interior parvulus Tellurem cum suâ semidiametro, exterior spatiosus Cœlum Fixarum repræsentat; linea per centrum Telluris transiens Horizontem Rationalem, & quæ superficiem ejus contingit, Sensibilem; arcus circuli exterioris inter utramque lineam, distantiam utriusque Horizontis in Cœlo Fixarum.



De

Denique Horizon Apparens, five Visibilis est iste Circulus, qui spatium, quod oculus in planitie circumductus ex superficie Telluris videre potest, concludit; quare omnino distinguendus est ab Horizonte Sensibili, de quo modò. Quamvis autem sint longitudinis Radii ex Terreni Orbis contactu oculum incurrentes, inter Autores non bene conveniunt, qui æquare volunt quatuor milliaria Germanica communia; sunt, qui prolongant; sunt, qui abbreviant. Quum erò hic Circulus sit Terrestris, impræsentiarum nostræ considerationis non existit.

VI.
*Horizon
Apparens.*

CAPUT VI.

Horizon Rectus.

HActenus de priori Horizontis partitione. Sequitur Posterior, juxta quam discescitur in Horizontem Rectum, Parallelum, & Obliquum, pro vario motu diurno stellarum in ordine ad varium Horizontem.

Horizon Rectus est, quando integer axis Mundi, & uterque solius polus concipiuntur incumbere Horizonti, atque Equator pertransire puncta Zenith, & Nadir. In hac Cœli dispositione & Stellæ motu diurno, & Circuli omnes Equatori paralleli, ad sensum recta supra hunc Horizontem oriuntur, eadem ratione occidunt. Hujusmodi Cœli faciem Sphæra itè disposita, vulgò Recta, seu Jacens clarissimè exhibet, nec non sequens Figura.


I.
*Alia Horizontis
Divisio.*

II.
*Horizon
Rectus.
Schemate
illustratur.*

Figura naturam Horizontis Recti, quemadmodum fieri potest in plano, dilucidius illustrans.

B 2

Hoc



III.
Compositis
solis Æqua-
torem inha-
bitantibus.

Hoc verò Horizonte ii soli (si mathematicè rem concipias) gaudere possunt, qui in Æquatore terrestri, Cœlesti penitus subiecto habitant. Quibus, & quidem solis propter hanc Cœli posituram sequentia observantur Phænomena; uti citra difficultatem intelliger*, qui Sphæram juxta delineatum modò Schema disposuerit, quin qui ipsum hoc Schema diligentius contemplatur.

IV.
Primum
eorum Pha-
nomenon.

Ut transeam Rectam ascensionem, & descensionem Stellarum, quarum statim meminimus, primum ipsorum Phænomenon est; Quòd omnes omnino Stellæ, ubicunque in Cœlo collocentur, quotidie supra Horizontem eorum ascendant, & infra eundem descendant. Neque tamen omnes, quæ in superiore Cœli-Hemisphaerio existunt, unquam experientiâ docente conspiciuntur vel à sollertissimis Siderum Inspectoribus, quantumvis intentis, Cœlo quantumlibet sereno, atque favente.

V.
Secundum.

Secundum est; Quòd quælibet Stella ipsis per omnes anni tempestates, & singulos illarum dies moretur per XII circiter horas in Hemisphaerio Cœli superiore, totidemque in Inferiore. Ut istic nullum horarum, aut temporis incrementum, vel decrementum obtineat, saltem ullâ parte sensibile, sed sem-

semper quælibet Stella, uti dictum, *Tempora nocturnis æqua diurna facit.*

Tertium est; Quod Fixæ seu Æquatori, seu Polis viciniore, seu locis intermediis positæ, quæ semel simul oriuntur, semper simul oriuntur, cæterasque Cœli Plagas Cardinales simul inçant, simul per easdem transeant, & ex iisdem exeant. Contra Fixæ, quæ seriùs, ocysùve oriuntur, nunquam simul in aliam Cardinalem Cœli Plagam incidunt; sed altera alteram continuò ita præcisè vel antecedit, vel persequitur, ut ne minima sit differentia inter easdem enascatur.

VI.
Tertium.

Quartum denique, seu ultimum est; Quòd gradus Æquatoris, qui cum Fixâ, seu Fixis in hac Cœli positurâ supra Horizontem ascendit, vulgòque vocari solet illius, aut illarum Recta Ascensio, simul per notabile tempus cum eadem, aut iisdem infra descendat, tùmque Descensionis Rectæ nomen adipiscitur. Per notabile tempus inquam; nam longiore progressu mutatio in gradibus istis accidit. Ita Syrio inter annum xxxv, & l. fluentis jam Sæculi hæc Ascensio variavit per x Minuta; & aliis Fixis variat ferè similiter. In causâ est Secundus Fixarum motus, de quo postmodum.

VII.
Quartum.


C A P U T VII.

Horizon Parallelus.

HActenus de Horizonte Recto, quantum sufficit. Sequitur Parallelus, qui obtinetur, quando alter Mundi Polus concipitur accuratè erectus in Zenith, & alter in Nadir depressus, ac Circuli Cœlestes, Æquinoctialis, & Horizon omninò concipiuntur congruere. Hunc Horizontem Sphæra ad hanc ideam composita, vulgò Stans, seu Parallela, optimè exprimit, & quadantenus Schemata subjunctum.

I.
Horizon
Parallelus.
Schemate
illustratur.

*Schema naturam Horizontis Paralleli, quantum
plan a superficies permittit, Oculo
subjiciens.*



II.
Mirabile
ejus Pha-
nomenon,
solis Sup-
polaribus
observa-
bile.

Ex traditâ Cœli positurâ admirabile profuit Phænomenon, iis tantum, si dentur, Incolis observabile, qui sub vero Cœli Septentrione, vel Meridie, id est alterutro Polorum Mundi (si mathematicè denuò loquamur) vitam trahunt. Puta omnes Stellæ, & Circuli ab Æquatore æquidistantes, seu in hoc, seu isto Cœli Hemisphærio existant, moventur motu diurno propemodum parallelæ Horizonti, adeoque nullæ quotidie ex conspicuo Cœli Hemisphærio transeunt in Inconspicuum, aut vice versâ; quemadmodum ex collatione Schematis statim expressi, & Globo ritè disposito; videre est. Quotidie dixi; cæteroquin Planetæ ocyùs, seriùsve (quin & multæ ex Fixis post longissimum temporis intervallum) ibidem & oriuntur, & occidunt, confectâ dimidiâ circiter parte Circulorum, quos Motu Secundo decurrunt.

III.
Alterum
priori non
abfimile.

Huic Phænomeno alterum non est abfimile, ex priore enascens; scilicet quod ab hoc Horizonte Plagæ Cardinales, & intermediae tollantur. Non potest Septentrio uni parti Horizontis magis, quàm alteri attribui, uti neque Meridies. Æquator nec Orientis, nec Occidentis punctum in Horizonte assignat; & si quæ Stellæ ibidem oriantur, aut occidunt,


jant, hoc fit propter motum, non Primum, verum Secundum, & in diversis admodum partibus Horizontis.

CAPUT VIII.

Horizon Obliquus.

Restat post explicitum Horizontem Parallelum Obliqui expositio; qui habetur, quando alter Mundi Polus concipitur versari inter punctum Zenith, & Horizontem conspicuum, alter verò inter punctum Nadir, & Horizontem inconspicuum. Hoc pacto si Sphæra disponatur, ad oculum repræsentat hanc Cæli constitutionem, & vocatur Obliqua, sive Sedens. Interim eandem etiam per adjunctam Figuram nobis non incommode imaginabimur.

I.
*Horizon
obliquus.
Schemate
illustratur.*



Notabilis verò est discrepantia in hujus Horizontis obliquitate. Nam Horizon, & punctum Zenith, seu Nadir differunt per quartam Circuli majoris partem. Quare quam diu Polus vel tantulum (si mathematicè rem expendas) à Zenith, vel Nadir, seu Horizonte conspicuo, vel inconspicuo abest, Horizon Obliquus perseverat.

II.
*Admodum
varias.*

Cæte-

III.
*Gaudet uno
Polo, vario
pro situ In-
colarum:*

Cæterum qui hoc Horizonte fruuntur, alterutrum tantum Polorum supra eum observant, & quantum hic elevatus est, in tantum alter citra vel minimam differentiam infra eundem deprimitur; quemadmodum in delineatâ modò Figurâ videre est. Omnibus verò Incolis, qui inter Æquatorem terrestrem, & Polum terræ Arcticum commorantur, non nisi hic Polus elevatur; uti ex adverso solus oppositus, qui oppositum Terræ Hemisphærium incolunt. Itaque ex vero cecinit Virgilius:

Hic Vertex nobis semper sublimis; at Illum

Sub pedibus Styx atra videt, Manesque profundi.

IV.
*Et elevato
juxta La-
titudinem
Loc.*

Quousque autem hic, aut ille Cœli Polus in determinato quo Loco attollatur, sciendum ex hujus rectâ declinatione ab Æquatore terrestri versus Polum terrestrem, quam Latitudinem communiter vocant Geographi. Nam huic Latitudini Loci elevatio Poli Cœlestis prorsus respondet. Hinc si Urbs ab Æquatore in Austrum deflectat per Gradus xxx, & Minuta 20, Polus Mundi Austrinus ibidem supra plagam Austrinam Horizontis conspicui sublatus est per totidem Gradus, atque Minuta. Sin verò in Septentrionem recedat, Polus Mundi Septentrionalis extat supra Plagam Septentrionalem Horizontis conspicui juxta mensuram hujus recessus.

V.
*Quod pro-
bat ex
rei naturâ.*


Neque ratio omnimodæ paritatis obscura est. Quilibet enim Spectator Cœlum suspiciens (ut liquet ex iis, quæ suprà de Horizonte Sensibili inculcavimus) ejusdem observat Hemisphærium, adeoque à suo Zenith rectâ deorsum gradus hinc illinc xc. Si itaque terræ Locus, in quo Spectator consistit, ab Æquatore terrestri abest per gradus x, etiam Zenith Spectatoris aberit ab Æquatore Cœlesti per gradus totidem; proinde ipse aberit ab elevato Terræ, & Cœli Polo per gradus lxxx; quare decimus gradus infra Polum Cœlestem visum Spectatoris terminabit. Similiter in cæteris.

VI.
*Item Me-
chanicæ;*

Quin hæc convenientia inter Latitudinem Loci, & elevationem Poli Cœlestis ad oculum monstrari potest per Globum Terrestrum. Elige in eo quemcunque Locum, eum fac ab Horizonte æqualiter prorsus abesse, & observa primum distantiam ipsius ab Æquatore in Meridiano æneo; deinceps distantiam Poli ab Horizonte in eodem, numerus omnino coincidat. Ita

Ita se habet Mechanica hujus veritatis demonstratio, quæ & citra negotium Mathematicè sic potest institui. Æquator, & Polus Mundi conspicuus distant per Gr. xc, sicut & Zenith Loci, ac Horizon; si itaque partem utrique Quadranti communem (id est quæ interjacet inter Zenith Loci, ac Polum mundi elevatum, quantacunque sit, seu 20, 30, 40, &c. Graduum) ab utroque Quadrante cogitatione subducas, remanebit hincinde æqualis portio, puta arcus vel 70, 60, vel 50 Graduum; quorum alter continet distantiam inter Æquatorem, & Zenith Loci, alter inter Polum Mundi, & Horizontem. Verissimum igitur est hoc Astronomorum effatum: *Altitudo Poli semper æquatur distantia Æquatoris à puncto Zenith, sive locorum Latitudini.* Cæterum ad demonstrationis intelligentiam Schema subiectum conferatur.

VII.
Ac Mathematicè:



Qui ergo Globo Cœlesti uti cupit ad promptiorem Cœli intellectum, præprimis necessum est, diligenter advertat ad Loci, in quo versatur, aut observationem instituere intendit, constitutionem; utrum ab Æquatore in boream, an in austrum, & quousque (quæ ex Mappâ Geographica curatiore haberi possunt; aut observationibus Astronomicis, de quibus post pauca) declinet, ac sicut observavit, Globum disponat.

VIII.
Et observandum in Globis

C

Dispo-

IX.
Ob Phæ-
nomena.

Disponat inquam, quum Phænomena Stellarum pro variâ variî Poli elevatione valdè variant; præsertim in iis Stellis, quæ longius ab Æquatore removentur, in cæteris minor occurrir discrepantia.

CAPUT IX.

Prima Horizontis Obliqui Apparentia, & quæ ex eâ consequuntur.

I.
Prima Ho-
rizontis
Obliqui
Apparen-
tia.

Apparentiæ, quæ ex Horizonte Obliquo fusiùs delineato exoriuntur, mediæ naturæ sunt inter eas, quas Rectus, & Parallelus Horizon exhibuit; sicuti Globus iustè positus Intuentem poterit edocere. Prima ex illis est, quòd Stellæ, atque Æquator, ac Circuli omnes ipsi Paralleli, qui in hoc Horizonte oriuntur, obliquè oriantur, pergant ascendere, similiter descendant, & tandem occidant. Variat tamen hæc Obliquitas non tam in eadem, imprimis si ad fixas attendimus, quàm in diversâ Poli elevatione.

II.
Ascensio, &
Descensio
obliqua;

Hinc manifestum est, quare Gradus Æquatoris, qui cum Stellâ in hoc Cœli positu supra Horizontem ortivum oritur, dicatur obliqua illius Stellæ Ascensio; uti qui cum Stellâ occidit, obliqua Descensio.

III.
Multum
varia, &
nota per
Globum.

Utraque multum variat in variis Stellis, imò iisdem Planetis, non tantum in diversâ Poli elevatione, sed & eadem. Nihilominus in quocunque Horizonte Obliquo, & quando lubet, Ascensio, & Descensio obliqua cujuscunque Stellæ per Globum faciliè reperitur. Nam habitâ ratione Poli, Stella præscripta Horizonti primùm orientali, deinde occidentali applicetur, Gradus Æquatoris, qui cum Stellâ simul in ortu est, petita est obliqua ejus Ascensio; qui verò cum eâ in occasu, obliqua ejusdem Descensio.

IV.
Utilis est ad
soluendum
omnes;

Cognitio hujus Ascensionis, & Descensionis usum præstat in Problematis quibusdam per Globum solvendis. Exemplo sint bina sequentia, quorum alterum ita se habet: Invenire Horam occasus, & ortus Solaris ad variam latitudinem, quando Sol existit extra Æquinoctialem Circulum. Expeditur, Polo bene disposito, per inventam differentiam ascensionalem, quæ

quæ inter Ascensionem Solis rectam, & obliquam intercedit, quæ postquam in Horas, & Minuta (quod per Tabulam priorum Capitis IV citra negotium conficitur) conversa est, adjici debet VI Horis, si Sol in Septentrionem declinet, & summa concedit tempus occasus Solaris, uti & moræ inter Horizonem ortivum, atque meridiem; quam si subducas ex Horis XII, Hora ortus proveniet. Sin verò Sol in Austrum desceat, differentia ascensionalis versa in Horas, & Minuta, subducatur ex Horis VI, habebitur tempus occasus, & interstitii inter ortum, atque meridiem, ex quo, ratione mox traditâ, Hora ortus exurgit.

Alterum Problema sic sonat; Investigare temporis intervallum inter ortum, occasumve duorum Signorum, aut Stellarum, seu ejusdem sint Signi, sive secus ad propositam latitudinem. Hic notanda est, præmissâ dispositione Poli, Ascensio (si discrimen ortus cupias investigare) obliqua utriusque Signi, seu Stellæ, & Ascensio Signi, sive Stellæ antecedentis subducenda est ab Ascensione consequentis, & arcu transmutato in Horas, atque Minuta, differentia ortus innotescet. Similiter operandum, ut quæ inter occasum est differentia, intelligatur.

Interim animadvertere oportet, multos posse dari casus, in quibus Ascensio, Descensioque Signi, seu Stellæ præcedentis excedunt Ascensionem, & Descensionem consequentis, propter initium Æquatoris interpositum inter Signum, Stellarumve antecedentem, ac consequentem. Quæ difficultas vincitur, si Gradus ascensionis, vel descensionis Signi, seu Stellæ præcedentis subducantur ex integro Æquatore, & residui adjiciantur Gradibus ascensionis, vel descensionis Signi, aut Stellæ subsequenter; Vel Gradibus ascensionis, aut descensionis Signi, sive Stellæ consequentis superaddantur Gradus integri Æquatoris, & ex hac summâ Gradus ascensionis, aut descensionis Signi, aut Stellæ antecedentis subtrahantur, & qui restant, resolvantur pro more, ac desiderio satisfiet.

V.
*Alteriusque Proble-
matis.*

VI.
*In Hoc no-
tando ex-
ceptis.*

CAPUT X.

Secunda, & Tertia Horizontis Obliqui Apparentia.

I.
*Secunda
Horizontis
Obliqui Ap-
parentia.*

HActenus de primâ Horizontis Obliqui apparentiâ, & quæ exinde proveniunt. Secunda est, quòd Circuli Æquatori paralleli, quos Horizon Obliquus intersecat, ab eo intersecantur inæqualiter, & diversâ ratione. Qui ab Æquatore ad Polum elevatum declinant, eorum majus segmentum est in Hemisphærio superiore, & minus in inferiore; qui verò ad Polum depressum, illis contrarium usquevenit. Discrepat etiam hæc interfectionis inæqualitas pro diversâ declinatione Circulorum ab Æquatore, ac Poli positurâ. *Vide sit Figuram Capituli VIII.*

II.
*Himmora
Stellarum
varias;*

Hinc clarissimum est, Stellas in Horizonte Obliquo extra Æquatorem locatas, & quotidie orientes, ac occidentes, diutius remorari in uno, quàm altero Cæli Hemisphærio. Quantum verò temporis insumant in hoc, illove transcendo, & quanta ipsius sit differentia in transitu utriusque, Globus duplici modo docere potest.

III.
*Quam
Globus ex-
hibet per
Æquato-
rem;*

Prior ita se habet: Quære (Polo justè posito, habitâque, si Planeta sit, ratione diei) arcum Æquatoris, qui Meridianum pertransit, interea dum Stella ex Horizonte ortivo in occiduum abit, & cum per Tabulam priorem Capituli IV in Horas, ac minuta convertet, ac mora Stellæ supra Horizontem conspicuum innotescet, Moram infra inconspicuum consequeris, si residuum Æquatoris arcum, ut modò, immutes, aut Horas, & minuta priora ex integro die subducas; atque sic pariter discrimen temporis inter utramque moram intelligetur.

IV.
*Et Cyclum
Horarium.*

Posterior modus Stellam (observatis Polo, ac die, si sit Planeta) Horizonti orientali applicat, & Globo immoto, Indicem cycli Horarii ritè dispositi lineæ Horæ XII. Hisce peractis Globus in occasum volvitur, usque dum Stella attingit meridiem, & numerus Horarum, ac Minutorum in Cyclo notatus si duplicetur, habebitur commoratio Stellæ supra Horizontem. Aut si duplicare recusas, Stellam Indice primùm ut statim disposito, ex ortu in occasum provolve, & Hora ab illo

illo indicata quæ sita erit, atque priori omnino consonans. Horas mansionis infra Horizontem cognosces ex subductione horarum inventarum ex horis XXIV; aut motu Stellæ ex occasu, Indice prius statuto in XII, per Hemisphærium Cœli inconspicuum in ortum.

Tertia Proprietas Horizontis Obliqui est, quod Stellæ, quæ Circulos describunt circa hunc, illumve Mundi Polum, quorum semidiameter vel minor est, vel æqualis Polo elevato, seu depresso, nunquam, si moventur circa Polum elevatum, infra Horizontem conspicuum descendant, licet eidem variè appropinquent. Exempla nobis sunt Ursa minor, & Major pro parte maximâ, quas idè non ineleganter Poëtæ ex vulgari præjudicio Feras siccas appellant, metuentes tingi Oceani æquore. Sin verò circa Polum depresso Stellæ oberrant, ibidem semper sic remorantur, ut ad Horizontem inconspicuum quidem plus minùs accedant, nunquam tamen eundem superent.

V.
Tertiasjuf-
dem Appa-
rentia.

Si autem quis novisse expetat, quænam Stellæ quantacunque Poli elevatione, aut depressione sic moveantur, sciri hoc potest ope circini, cujus altero pede applicito huic, illive Globi Polo, debitè elevato, & Globo servato sine tremore, alterum pedem extende in Cardinalem Plagam Horizontis, seu borealem, seu austrinam, & per Globi superficiem circumfer. Qui delineabitur Circulus, Stellas petitas comprehendet.

VI.
Quibus
Stellæ ad
datum lo-
cum com-
petat?

Cæterum Horizonte Obliquo gaudet pars longè maxima Terricolarum. Nam qui in Æquatore Terrestri vitam agunt, & si qui agunt sub Polis, nulli sunt, collati cum cæteris Terræ Incolis; quemadmodum & Mappæ, & rei natura edocent. Unde evidentissimum, quàm necessarium existat, illius naturam probè cognoscere.

VII.
Scientia
Horizon-
tis obliqui
valde ne-
cessaria est.

CAPUT XI.

Horizontis Lignei, & quæ ipsi inscribuntur, Utilitas.


UNicus Globi Horizon, qui per ipsius mobilitatem tres Cœlestes nobis exhibuit, Rectum, Parallelum, & Obliquum, immobilis est, aptus tamen per volubilitatem

I.
Horizon
Globi est
imago Cœ-
lestis;

litem Globi aliòs quoscunque repræsentare. Atque ita clarissimè nobis ostendit Horizontis Cœlestis naturam, qui quidem ratione ejusdem Loci idem est, & idem manet, sed in diverso statim variat.

II. *Cur hic in
varius Loci
variet* Neque ratio hujus varietatis obscura est; nam quocunque progredimur, novam, novamque superficiem terrestrem portionem attingimus, alterumque uti Zenith; sic Nadir nanciscimur. Quare assumptis alio Circuli centro, & situ, qui hinc resultat Horizon Sensibilis, non potest non à priore diversus esse.

III. *Quod
etiam pa-
tet ex Schem-
mate.* Ad oculum hoc observare est, quando lubet conferre adpositum hunc Schematismum, in quo pro variâ Incolarum positurâ alius, aliusque Horizon delineatur.



IV. *Et Stella
variet in
ortu*

Hinc liquet, cur dum Stella orta est huic Terricolæ, alteri nondum sit orta, alteri oriatur. Contrà dum occidit uni, alteri nondum occiderit, alteri occidat; uti cernere licet in tradito proximè Schematismo. Distant enim Terricolarum Domicilia non tantum ratione septentrionis, atque meridei, verum ortus etiam, & occasus, ac qualiumcunque plagarum, & juxta cum Domiciliis Horizon variat. Porro

Porro ligneus Globi Horizon præter traditam immobilitatem latior est in supremâ superficie, cujus exteriori margini Plagæ Cardinales inscriptæ sunt, per quartam Horizontis partem à se mutuò divisæ, quæ cum mediis numerum faciunt xxxii, longiore usu receptum.

V.
*Plaga Horizon-
tis
Lignei.*

Magna verò harum Plagarum est utilitas in solutione plurimum, & jucundiorum Problematum. Globi subsidio instituendâ pecuninis loco si quis quærat, in quâ Cæli Plagâ Stella præscripta oriatur, occidat, aut versetur, quam diu arcum concit supra Horizontem conspicuum. Vel quam Altitudinem abeat in hoc, aut illo loco, dum datam Cæli plagam pertransit, cæteraque id genus fusiùs deinceps exponenda. Facile si poterit satisfieri per inscriptas Horizonti Plagas.

VI.
*Conducunt
in solutione
Problematum.*

Insuper conspicua est in intimo ejusdem Horizontis marginis annua Solis Orbita, vulgò Ecliptica; primùm vulgari modo divisâ, post in xii æqualia Segmenta, quorum quodlibet continet xxx Gradus, & adpositum habet suum characterem, nagem, & nomen Constellationis; sicut in Globis, saltem favoribus videri potest.

VII.
*Ecliptica
Horizontis.*

Medio loco inter utrumque marginem exhibet geminam totius anni Ephemeridem, seu Calendarium, vel ut Arabes vocant, Almanach, Gregorianum, & Julianum; licet istud in minoribus Globis solùm compareat. Dies Calendarii sic ordinati existunt, ut quisque sermè respondeat certo gradui eclipticæ Horizontis, quæ concordat cum Globi Eclipticâ.

VIII.
Calendarium ejusdem.

Estque hæc dispositio admodum utilis, quin necessaria; vana enim Problemata expediri non possunt ope Globi, nisi radus Solis, quem ad propositum diem occupat, cognoscatur, qui jam citra negotium haberi potest per delineatum Calendarium, & huic respondentem Eclipticam.

IX.
*Usus in
noscedo
gradu Solis.*

C A P U T XII.

*Via noscendi Gradus Solaris ad diem propositum
per Distichon, ac Usus hujus notitiæ.*

Quia tanta necessitatis est hæc notitia Astronomi varios Versiculos excogitarunt, quibus probe intellectis, fideliterque impressis memoriæ gradus Solis ad datum diem

I.
*Gradus Solis
scitur
per Distichon.*

diem constare potest absque hoc Horizontis apparatu. Omnis cæterorum, hoc Metri Distichon apponamus;

<i>Jan.</i>	<i>Feb.</i>	<i>Mart.</i>	<i>Apr.</i>	<i>Maj.</i>	<i>Jun.</i>
<i>Aquar.</i>	<i>Pisc.</i>	<i>Ar.</i>	<i>Taur.</i>	<i>Gem.</i>	<i>Canc.</i>
GAUDE	CHRISTUS	ADEST	TITAN	APTISSIMUS	EXIT;
<i>Jul.</i>	<i>Aug.</i>	<i>Sept.</i>	<i>Oct.</i>	<i>Nov.</i>	<i>Dec.</i>
<i>Leo.</i>	<i>Virg.</i>	<i>Libr.</i>	<i>Scorp.</i>	<i>Sagitt.</i>	<i>Capric.</i>
INTRO	IBIT	JUSTUS	IMPIUS	EXUL	ERIT.

II. Occurrunt in duobus his Metris Dictiones XII juxta numerum mensium, qui annum constituunt, & signorum Eclipticæ. Prima ordine Dictio mensi Januario, Signoque Aquarii ex parte respondet; cæteræ suo cuiuslibet Mensi, atque Signo, pro ut se mutuò consequuntur, quemadmodum superscriptio indigitat.

III. Et Litera initialis vocis in datum mensem quadrantis inspicenda est; quæ si deprehendatur Consonans, collige Solem die x juxta Julianum Calendarium Signum istud inire. Sin Vocalis, perpende, quota in ordine Vocalium existat, numerumque tibi repertum denario adde, & ingressus patebit.

IV. Porro ut intelligatur, quando residuos gradus cujusque Signi Sol occupet, nota, utrum propositus Dies mensis longius abeat ab illius initio, quàm dies, quo Signum ingreditur. Si sic, numerum posteriorem à priori subducito, & qui restat numerus, gradus erit, in quo istoc die Sol versatur.

V. Exempli gratiâ quæret Aliquis, quod Signum, & quem gradum ipsius Sol occupet xxx die Januarii. Observo Januarius pro majori parte Signo Aquarii respondere, & vocem GAUDE, quæ huic Mensi, ac Signo adscripta est, à Consonante incipere, proindeque die x Januarii Solem Aquarium intrare; & quum requiratur gradus Solis ad diem xxx ejusdem Mensis, diem introitus in Signum, seu decimum Januarii ex proposito die, nempe xxx ejusdem Mensis subtraham, qui restat numerus, ostendit gradum vigesimum, esse Aquarii, in quo ad propositum diem Sol versatur.

VI. Sin verò datus Dies mensis vicinior existat ejus initio, quàm dies

Cujus XII
verba no-
tant Men-
ses, &
Signa;

Et Litera
initialis
ingressum
in Signum.

Quando
sit in prio-
ribus Gra-
dibus sui
Signi?

Quod
exemplo
illustratur.

VI.
Quando

dies ingressus in novum Signum, ita calculum institue. Numerum minorem subtrahe à majori, qui restat, subducatur ex integro Signo, & numerus superstes gradum dabit Signi proximè præcedentis, quem cupiebas cognoscere.

in posterioribus ?

Sic si rogetur, in quo Signo, & gradu Sol sit ipsis Kalendis Januarii; constat ex allato statim exemplo ipsum decimo ejus die Aquarium subire, quamobrem diem præscriptum, primum Januarii subduco à die introitus, decimo ejusdem mensis, & supersunt dies novem, per quos Sol hætenus abest ab Aquarium initio, & quos ubi ex integro Signo, seu triginta subtraxero, remanet summa viginti unius pro Gradu vigesimo primo Signi Aquarium immediatè præcedentis, sive Capricorni, qui gradus quæsitus Solis locus est.

VII.
Cujus exemplum adjicitur.

Solummodo addam, negligendum non esse cùm in usu Horizontis lignei, tùm in hisce Versiculis annum Bissextilem, qui quidem ante ultimum Februarii diem nihil parit discriminis; attamen à Kalendis Martiis, atque deinceps efficit, ut unum diem dici proposito continuè oporteat superaddere.

VIII.
NB. annus Bissextilis.

Atque ita rationem non unam pandimus, quâ quoties libet, licet scire, in quo gradu Signi Sol hæreat quolibet die totius anni. Quibus benè perpenis, vice versâ ignorari non potest dies mensis, præcognito gradu Signi, in quo Sol reperitur, seu per Calendarium Horizontis, seu traditum Distichon. Quare hoc Problemate misso, videamus, quid tandem (cujus ante meminimus) cognitio loci Solaris ad Problematum quorundam resolutionem conducatur.

IX.
Ex gradu Solis scitur Dies.

Itaque Speciminis loco sit par Problematum, quorum Prius ita se habet: Horam ortus, occasusque Stellarum indagare quolibet loco, & tempore. Quod ut expediatur, habitâ primùm Poli curâ, inquirendus est Solis gradus, quem ad propositum diem mensis occupat; hoc in meridie locato, atque in moto Globo, Indice Cycli horarii ritè dispositi in lineâ horæ XII, vertatur Globus pro re natâ ortum versus, vel occasum, usque dum Stella præscripta Horizontem orientalem, & occidentalem stringat, atque Index Horam quæsitam indicabit.

X.
Ufus notitia gradus Solis in anno Problemate;

Posterior est; Horam noctis indagare per ortum, aut occasum Stellarum, aut appulsum ad Meridianum tam in boreâ,

XI.
Ac altero.

D

quam

quam in austro. Quod ita resolves. Fac ut ante cum Polo, gradu Solis, Cycli horarii indice; Globumque versa in occasum quousque Stella in propositâ plagâ se habuerit, & quod desiderasti, Index docebit.

CAPUT XIII.

Refractio Stellarum.

I.
*Refractio
Horizon-
talis.*

HAstenus de Horizonte Globi. Cæterum Stellæ, dum circa Horizontem Cœli, seu Rectum, seu Obliquum consistunt, imprimis Refractionem patiuntur; per quam accidit, ut Spectatori elevationes exhibeantur, quàm vera sunt, calculusque dictat Astronomicus. Ita quidem ut citiùs oriri videantur, seriùsque occidère, quàm re ipsâ & oriuntur, & occidunt.

II.
*In Sole,
Lunâ,
Stellis.*

In magnis autem Luminaribus Sole & Lunâ, Refractio, quæ ad Horizontem contingit, statuitur in hisce locis fieri ad minuta xxxiv, in reliquis verò Stellis ad xxx. Quod quatuor minutorum discrimen Tychoni asseritur; licet non desint, qui existiment æqualem omnibus Stellis, seu majoribus, seu minoribus Refractionem competere.

III.
*Causa
ipsius.*

Causa hujus Phænomeni est media, infimâque aëris Regio, impurissima propter copiosissimos vapores, & exhalationes infinite diversas, in quas quando radii Stellarum ex purissimo Æthere, supremâque regione Aëris obliquè incidunt, necessariò ex canone Opticorum refringi debent.

IV.
*Consec-
rationum.*

Hinc quidam autumaverunt, neque injuriâ, si Aër ab omni forde terrestri immunis Terram cingeret, omninò actum fore de Refractione Stellarum, & utroque Lunæ, quin Solis crepusculo.

V.
*Refractio
variat.
Phæno-
menon
Arcticum
admirabile.*


Cæterum quò densior Aëris Atmosphæra est, radiorumque incidentia obliquior, eò major est Refractio, minor si secus, docentibus ratione, & uniformi experientiâ. Hinc causa liquet Refractionis istius stupendæ, quam Batavi in expeditione ad Arcton, Anno superioris Sæculi xcvi, observaverunt. Tertio die Novembris ultimum Solem conspexerant, versantes in elevatione Poligraduum lxxvi, credebantque ex Calculo Solem à sese abfuturum ad usque xi diem Februarii proximi.

Sed

Sed ecce! præter omnem expectationem die xxiv Januarii supremum Solis marginem denuò viderunt in ipso Meridiei puncto, & integrum die xxvii ejusdem Mensis. Quum tamen juxta Ephemerides Astronomorum infra Horizontem adhuc latitaret per gradus V, & ultra. Quantum discrimen! si hæc Refractio ad nostram exigatur.

Liquet etiam, cur Lunâ subeunte Eclipsin, nonnunquam utrumque Luminare potuerit conspici supra Horizontem, adeoque extra lineam oppositionis. Istiusmodi Lunæ Eclipsin sibi visam fuisse Anno mdcxc, vii Julii manè Tubingæ testatur Mæstlinus. Quò verò hoc Phænomenon, uti quæ de Refractione protulimus, felicius intelligantur, lubuit hoc Schema subijcere.

VI.
Aliud circa
Lunam &
Solem,
Schemate
illustratum:



Denique ex eadem Atmosphærà est, quòd Stellæ circa Horizontem locatæ majores, propioresque, sed obscuriores compareant, quàm quum meridiei viciniores existunt. Item quòd Sol circa eundem sæpius non præcisè orbicularis videatur, verum Ellipticus; adeò ut diametèr Horizontalis perpendiculari superet longitudine.

VII.
Item Stellæ
& Solem.

Quò verò Stellæ feruntur sublimius, eò Refractio magis, magisque, licet sensim, immupitur; adeò ut Stella, quæ in Horizonte subit Refractionem ad Minuta xxxiv, ubi ad xxxiii altitudinis gradum ascendit, subeat solummodo juxta variorum Arithmeticam ad unum Minutum, atque ita tandem

VIII.
Refractio
decrevens,
& increvens;

evadat prorsus inobservabilis. Contrà accidit, quando denuò descendunt Stellæ; quippe increfcit Refractio magis, magisque, quò propius ad Horizontem delabuntur. Interim notandum, parem esse, cæteris paribus, circa Horizontem ortivum, occiduumque Refractionem in Stellis, si in æquali elevatione hic, atque illic collocantur.

IX.
*Noscenda
ex hac Ta-
bellâ.*

Si autem quis scire velit, quemadmodum hæc Refractio de gradu in gradum in hisce Oris sese habeat, poterit hanc subjunctam Tabellam consulere, quæ magnis Luminaribus juxta cum reliquis Stellis subserviat, mediâque procedit inter Observationes Tychonis, atque Lansbergii, & supputata est ad usque Minuta, & decimas partes Minutorum.

Altit.		Refract.		Altit.		Refract.	
Grad.	Min.			Grad.	Min.		
0.	34.	0.		20.	4.	5.	
1.	26.	0.		21.	4.	1.	
2.	20.	5.		22.	3.	8.	
3.	17.	6.		23.	3.	5.	
4.	15.	8.		24.	3.	2.	
5.	14.	2.		25.	2.	9.	
6.	12.	8.		26.	2.	6.	
7.	11.	6.		27.	2.	3.	
8.	10.	6.		28.	2.	0.	
9.	9.	8.		29.	1.	8.	
10.	9.	2.		30.	1.	6.	
11.	8.	7.		31.	1.	4.	
12.	8.	2.		32.	1.	2.	
13.	7.	7.		33.	1.	0.	
14.	7.	2.		34.	0.	8.	
15.	6.	7.		35.	0.	6.	
16.	6.	2.		36.	0.	4.	
17.	5.	7.		37.	0.	3.	
18.	5.	3.		38.	0.	2.	
19.	4.	9.		39.	0.	1.	

C A P U T XIV.

Altitudo Stellarum.

A Refractione Stellarum transeundum ad earum Altitudinem, cujus mentio jam in Refractione, & ante non semel facta est, quæque sine Horizonte non potest percipi. Est verò Altitudo arcus ex quadrante Circuli Verticalis rarissimè enim est quadrans integer) inter Horizontem, & ellæ centrum interceptus. Arabibus dicitur Almucantarath.

I.
Altitudo Stellarum.

Circulus autem Verticalis, aliàs Almucantarath, est maximus, mutabilis, uti Vertex, mobilis; qui ex Mundi centro ducitur, & per Zenith, atque Nadir transiens Horizontem rectà cat. Unde innumeri per idem Zenith duci possunt, Horizontem in diversis partibus interfecantes; inter quos qui trajitur per intersectiones Horizontis, & Æquatoris, Primarius verticalis nuncupatur.

II.
Circulus Verticalis.

Horum tamen omnium vicem Unicus mobilis supplere potest, quemadmodum eos de facto in Globo supplet Circulus verticalis, aliàs Quarta, seu Quadrans Altitudinis, qui est arcus æneus, magnitudine quadrantis Circuli; annectendus, & cochleam puncto Zenith, quod est in meridiano æneo, & eidem ab hoc, aut isto ipsius latere, pro ut usus requirit, atque ita quocunque sit volubilis. Distinguitur in Gradus xc, imo ab Horizonte versus Zenith crescente.

III.
Quadrans Altitudinis.

Cæterum accrescit Altitudo Stellarum in Horizonte Recto, Obliquo, quò propiùs ab ortu ad meridiem accedunt, in quo meridies sunt altissimæ; licet Altitudo variarum Stellarum, in & sæpe ejusdem, quemadmodum in cæteris Cœli punctis, & hic, admodum sit diversa. Maxima Altitudo meridiana puncti Zenith; quam & Stellæ quædam quotidie, aliæ vix nonnunquam, aliæ nunquam obtinent, uti ex Globo disposcitur decet, facile observare est.

IV.
Altitudo quousque crescit Licet variè.

Quando meridiem derelinquunt Stellæ, & ad occasum properant, decrescit Altitudo, quo pacto accreverat, usque dum Horizontem attingunt. Quare si parem vel à Meridiano, vel

V.
Item decrescit? Quod

fit pariet.
refte Globo,
& Um-
brâ.

Horizonte arcum sumas ejusdem Circuli Stellaris, eadem erit & pomeridiana, & ante meridiana Stellæ ejusdem Altitudo, saltem ad sensum. Experimentum in Globo sumi potest, & ad oculum convenientia apparebit. Atque hinc est, quod umbra ante, & pomeridiana corporis perpendiculariter erecti, quod Sol illustrat, æquales semper deprehendantur eodem die, Sole ad idem intervallum citra, & ultra Meridianum collocato. Quæ observatio utilissima est ad reperiendum verum Septentrionem, atque Meridiem, uti deinceps declarabitur.

VI.
Meridia-
nam altitu-
dinem su-
pra polum
intueretur:

Ex hisce neque laboriosum est intelligere, quando Stella sit in meridie, seu parte Meridiani, quæ supra Polum est. Nam quum versatur circa hanc Coeli plagam, aliquoties accipiat ipsius Altitudo, quâ viâ statim dicemus, & maxima, quam deprehendis, ista Meridiana erit, quam expetis.

VII.
Et infra..

Si scire desideras, quando Stella inoccidua (quales benè multas in Horizonte magis Obliquo reperiri ante insinuavimus) partem Meridiani, quæ infra Polum est, teneat, plusculas observationes, quum huic plagæ imminet, institue, & minima Altitudo petitam sedem exhibebit.

VIII.
Altitudo
sub Polo.

Quod attinet Horizontem Parallelum, de quo hætenus silui; supra eum quidem accidit aliqualis Altitudinis discrepantia in eadem Stellâ, sed non tanta, nec tam celeriter. Fixæ enim lentissimè suam immutant Altitudinem; Planetæ ocyùs, scilicet pro varietate sui motus Secundi, de quâ postmodum.

CAPUT XV.

*Via inveniendæ Altitudinis Stellarum per
Globum, & Quadrantem.*

I.
Via noscen-
dæ Altitu-
dinis;

ATque ita tradita est Altitudinis natura. Si verò Quis novisse velit, quanta sit Stellæ, aut Stellarum Altitudo, dum in conspicuo nobis Hemisphærio commorantur, viâ non unâ hoc sciri potest. Per Globum quando & ubicunque; per Quadrantem, Sextantem, Octantem, si Cælum faveat; per Radium Astronomicum, si præter arridens Cælum liber Horizontis prospectus conceditur.

II.
Per Glo-

Per Globum ita operare; Polo loci, die Observationis, &

cx

ex hoc Solis gradu, atque Indice Cycli Horarii ritè notatis, Globum move, quò, & quousque Hora proposita desiderabit; dein latus Quadrantis, in quo gradus insculpti sunt, annexi puncto Verticali in debito Meridiani latere, traduc per Stellæ datæ centrum, seu notam, & ad oculum observare licebit, quem cupivisti, arcum Quadrantis, inter Horizontem, & Stellam, seu notam Stellæ interceptum.


Per Quadrantem Astronomicum (in cæteris Instrumentis Quadrante minoribus eadem ferè est ratio operandi) legitimè in gradus distributum, suisque in altero latere instructum pinnacidiis, & perpendicularo, sic observationem institue. Filum perpendiculare Quadrantis ex centro ejus liberè pendeat, & ipse Quadrans tam diu attollatur, vel deprimatur, usque dum radii (si in Solis, aut Lunæ Altitudinem inquiris) horum Luminarium radient per foramina pinnacidorum; aut oculus centrum Stellæ per ipsa conspiciat, vel saltem trans supremam utriusque pinnacidiæ extremitatem. Hoc situ Quadrantem contine, donec perpendicularum quiescit; post eundem inclina, & perpendicularum in limbum Quadrantis incidens arcum monstrabit, quæsitæ Altitudini congruum, numerandum ab isto latere Quadrantis, quod pinnacidiis destituitur, usque ad perpendicularum.

Quod verò hic operandi modus (si accuratè peragitur, & ratio habetur ante memoratæ Refractionis, quam velim & in Radio attendi) omninò procedat, evidentissimum est ei, qui gustum habet Matheseos. Nam (loquimur de Quadrante mobili, quod habet pinnacidia fixa in alterutro latere, qualem præparavit Lansbergius, & hodie imprimis in usu sunt) perpendicularum mente rectà productum, in Zenith incidit, facitque cum radio Stellæ transeunte per crenas pinnacidorum angulum, contingit distantiam Stellæ à puncto Zenith, cui alter angulus, qui est inter perpendicularum, & latus Quadrantis pinnacidiis donatum, adæquatur. Quum autem sic constet distantia Stellæ à puncto Zenith, qui restant gradus Quadrantis, necessariò esse debent pro Altitudine. Mentem apposita Figura clariùs poterit illustrare.

III.
Per Quadrantem
Astronomicum.

IV.
Ratio hujus
Operationis
Schemate
illustratur.

Fateor



V
Incommo-
dum Qua-
drante.

Fateor tamen Observationem hujuscemodi Quadrante peractam difficultate non carere, quemadmodum in Sole, & Luna, ita imprimis in reliquis Stellis. Quia si non impossibile, saltem est difficillimum, manus, Observatione durante, servare, uti oportet, immobiles. Quare longè prætulerim Quadrantem, aut Sextantem, &c. majorem immobili alicui corpori justè affixum Huic minori mobili. Quod & in cæteris Instrumentis notandum.

CA-

CAPUT XVI.

*Via noscendi Altitudinem Stellarum per Radium
Astronomicum.*

TRansco ad Radium Astronomicum, quem Baculum Jacobici vocant, Instrumentum perantiquum, cujus jam meminisse volunt Virgilium in Ecl. III, v. 40, 41.

Et quis fuit alter?

Descriptio Radio ipsum qui Gentibus orbem?

Hodie nostratibus Nautis, quando per Oceanum iter instituunt, familiarissimum, cujus structura, antequam ad usum accedimus, tribus verbis proponenda est.

Baculus adhibetur, minimè spissus, protensus in longitudinem paucorum pedum, atque distinctus in quatuor tantum planas superficies, sive latera paris latitudinis. Quodlibet distributum est in proportionatos gradus, graduumque segmenta, quorum quodque ut plurimum x minuta prima complectitur. Gradus, qui Altitudini explorandæ subserviunt, solent ad dextrum superficiæ marginem collocari, numero versus oculum incrementum.

Præter Baculum pro numero laterum iv considerandi occurrunt Transversarii debite magnitudinis. Quilibet ex hisce suo respondet lateri, & internoscitur ex mediâ suâ longitudine, quæ æquare debet spatium Baculi, quod inter gradum sui lateris nonagesimum, & extremitatem, quæ oculo applicanda est, interjicitur, seu ex appposito eidem extremitati uno ex quatuor primis Characteribus numeralibus, quorum primus datur Transversario maximo, & secundus proximo, atque ita deinceps. Cochleâ donatur quisque ex Transversariis, quo legitime dispositi in suo situ firmentur, ne ultra, citrâve cedant.

Hisce præmissis, Instrumento usus Baculum assume, & ex Transversariis Observationi instituendæ commodissimum; hunc suo lateri sic applica, ut supra illud perpendiculariter consistat. Tum planâ Baculi extremitate oculo admotâ, Transversarium ad eum adduc, vel ab eodem reduc, usque dum capite, manibus, Baculo, Transversarioque immotis,

E

oculus

I.
*Radium
Astrono-
micum.*

II.
*Descriptio
Baculi;*

III.
*Et Trans-
versario-
rum.*

IV.
*Usus Radii
in Stellis;*

oculus curatè videat trans superiorem Transversarii extremitatem centrum Stellæ; atque trans inferiorem Horizontem. Quod ubi accidit, monstrat immoti Transversarii superficiës, quæ oculo proxima est, in suo latere Baculi petitos Elevationis gradus.

V.
Item in
Sole.

Hoc quidem modo Radium Astronomicum adhibere oportet in omnibus Stellis, si Solem excipias; cujus Altitudo propter torrentes radios sic mensuratur, à Nautis, ut ipsi tergum obvertant, observantes depressam ejus imaginem in placidâ aquâ majoris lavacri. Aut si priori viæ inhæreant, ita aptant superiori extremo Transversarii laminam æneam, ut per interjectam rimulam Solem sine offensâ liceat intueri.

VI.
Monitum,
cui apposi-
ta Colum-
na infer-
vitur.

Cæterum quò hæc ratio dimetiendi exacta sit, oportet Observator consistat in planitie; aliàs si in loco editiore versatur, Altitudinem justo majorem deprehendit. Quæ verò quanta sit, intelligi potest ex subjectâ geminâ Columnâ, quarum altera exhibet locum Observatoris supra planum terrestre; altera Minuta, per quæ ex. gr. Sol, quando Observator faciem ipsi obvertit, elevatior, quàm est, in Radio Astronomico deprehenditur. Contra Parallaxis imminuit Altitudinem, sed de eâ postmodum.

<i>Altitudo. Pedum.</i>	<i>Minu- ta.</i>
1.	1.
3.	2.
7.	3.
13.	4.
21.	5.
30.	6.
41.	7.
53.	8.
67.	9.
83.	10.
100.	11.
119.	12.
140.	13.
163.	14.
186.	15.

Tan-

Tandem Coronidis loco subnectere lubet Problema, quod ex tradita Doctrina de ratione dimetiendæ Altitudinis profuit; nempe quando quacunque viâ Solis, aut Stellæ in Globo signatæ Altitudo, seu ante, seu pomeridiana innotescit, ex eâ Horam diei sic licet investigare. Polo, gradu Solis, Indice, Circulo verticali, uti oportet, constitutis, vertatur Globus, donec gradus Solis, vel Stella in Circulo Verticali observatam tenuerit Altitudinem, & Horam Index monstrabit.

VII.
Ex Altitu-
dine Stella-
rum scitur
Hora.

CAPUT XVII.

*Via noscendæ Stellarum Distantiæ à Zenith,
& à se mutuo.*

PORRO eadem fideiâ hic duo dealbantur parietes. Nempe observatâ explicitis modis Stellæ cujusdam Altitudine, ex eadem observatione sine ulteriori negotio liquet pariter ejusdem à Vertice intercapedo. Nam intervallum inter Horizontem, & punctum Zenith est Quadrans Circuli Verticalis; à quo si observatam Stellæ altitudinem subduxeris, restabit arcus inter Stellam, & Zenith pro distantia ejus à Vertice; quemadmodum Circulus Altitudinis in Globo, Quadrans, Radius Astronomicus conferentem docebunt. Conferatur Schema Capitis xv. Atque hinc evidens est, quare hæc Distantia vocetur Complementum altitudinis ad Quadrantem.

I.
Ex altitu-
dine scitur
Distantia
à Zenith.

Transco ex cognita Stellarum Interapedine à puncto Zenith, vicissim intelligi earum Altitudinem supra Horizontem; subducendo scilicet illam ex integro Quadrante, qui restant Gradus Altitudinem largientur, iisdem Instrumentis testibus, & citato statim Schemate Capitis xv.

II.
Et contrâ.

Sed missâ ratione inveniendæ Altitudinis Stellarum, & Distantiæ à suo Zenith, ad mutuam earum Distantiam, hujusque reperiendæ modum nos recipimus. Est autem Distantia Stellarum arcus Circuli Maximi inter Stellam priorem, posteriorēque interceptus.

III.
Distantia
Stellarum.

Hanc citra negotium scire licet in Fixis, quas Globi superficies nobis exhibet, circino tantum in subsidium vocato, atque observatâ interapedine ad Eclipticam, seu Aequatorem

IV.
Noscitur
in Globo per
circinum.

*in Cælo ra-
rius per
Quadrantem;*

V.
*Et sapius
per Ra-
dium.*

Globi examinatâ. In Cælo noscitur per Quadrantem, si utraque Stella collocetur in eodem Circulo Verticali, hac ratione. Observetur Stellæ superioris, & inferioris Altitudo, ac hæc ab illâ subducatur, residuum desiderata est Stellarum Distantia.

Si verò, uti plerumque contingit, Stellæ, quarum mensuranda Distantia est, sint in diversis Verticalibus, convenit Astrolabium, seu Radius Astronomicus, de quo statim. Hunc quando cogitas adhibere, selige pro Distantiæ diversitate optimum Transversarium, & ut in mensurandâ Altitudine, supra suum latum constitue. Dein, oculum extremitati Baculi applica, & Transversarium move, usque dum oculus per alteram ipsius extremitatem centrum hujus Stellæ; per alteram verò Baculo, Transversarioque immotis, illius observet. Gradus, & minuta, quæ Transversarius in suæ superficie dextro margine abscindit, desiderata erunt Distantia.

VI.
*Stellæ Glo-
bo non in-
scriptas ei-
dem inscri-
bere;*

Atque istac viâ laboriosum non erit Planetas, Stellæ recentem emicantes, Fixas satis clarè visibiles, quæ in Globo, aliisve Instrumentis expressæ non extant, Cælo deducere, atque in hisce convenientius delineare, quam optimus quisque Geographus loca primum detecta in suâ Tabellâ exprimit; licet Hic objecto suo existat conjunctior, Astronomus à suo remotissimus. Nam Stellæ non comparentis in Instrumento Mechanico distantia mensuretur à binis Stellis in eo expressis, & ubi hi arcus se mutuo interfecabunt, ibidem Stellæ hæcenus non expressæ locus erit.

VII.
*Item mo-
tum Ista-
rum.*

Similiter operari oportet, quando cauda Cometæ investiganda est. Quæ observationes quum repetuntur, & notantur quotidie, jucundo spectaculo videre licet, quem cursum, & quàm sibi similem, aut dissimilem observatæ Stellæ per apparitionis tempus in Cælo tenuerint.

VIII.
*Radiis pro-
bat Glo-
bum, &
contra.*

Denique transco, per Radium Astronomicum, atque imprimis majora Instrumenta accuratius divisa, atque disposita, examinari posse, utrum Globus, similesque Machinæ artefactæ Sydera in proportionatâ cum Cælo distantia contineant. Et vice versâ, qui dimetiri incipiunt, ex Instrumentis longiore usu probatis dijudicare possunt, num quam instituerunt, legitima sit dimensio.

C A P U T X V I I I .

Stellarum Azimuth.

HAftenus de Stellarum Distantiâ. Ad Plagas earum, Arabibus Azimuth progredimur, quas dum per superius Coeli Hemisphaerium deferuntur, indefinenter juxta cum Altitudine commutant.

Dividitur Azimuth in Generale, & Speciale. Illud est arcus horisontis comprehensus inter istam Meridiani partem, quæ horisontem ad austrum interfecat, & istum Circulum Verticalem, qui ex Zenith per centrum Stellæ rectâ in Horisontem quæ protenditur.

Hoc Azimuth Generale discescitur in Orientale, atque Occidentale. Illud numeratur à Meridiano in austro per ortum quæ ad Meridianum in boreâ per integrum Semicirculum; & ex eodem Meridiano in austro per occasum ad Meridianum in boreâ, per spatium priori æquale, se diffundit.

Speciale Stellarum Azimuth, quod alias Latitudo, seu Amplitudo ortiva, vel occidua nuncupatur, est arcus Horizontis interceptus inter puncta veri, sive Æquinoctialis ortus, vel occasus, punctaque ortus, vel occasus Stellarum.

Hoc Speciale Azimuth dividitur in Septentrionale, & Meridionale. Septentrionale est arcus Horizontis, qui à Vero ortu, vel occasu in Septentrionem defleat; Meridionale vero arcus, qui ex iisdem punctis in Meridiem.

Est autem Amplitudo ortiva Stellarum ubique locorum ualis (saltem ad sensum) occiduae Amplitudini. Interim Amplitudo ortiva, occiduaque variant in Stellis extra Æqualem locatis pro vario recessu ab Æquatore, variâque Poliaritudine. In eadem Poli Altitudine Fixæ non nisi signiffimè immutant Amplitudinem; Planetæ pro varietate sui motus, seriùsve.

Sol tantum bis in anno, & post elapsum spatium semestris Amplitudine ortivâ, & occidua destituitur. Alterâ mediâ re residui temporis Amplitudinem habet Septentrionalem; & Meridionalem. Cæterum si mathematicè gradus Eclipticæ

I.
*Azimuth
Stellarum.*

II.
*Diviso in
Generale;*

III.
*Quod du-
plex est.*

IV.
*Ac Spe-
ciale.*

V.
*Idem du-
plex.*

VI.
*Varia in
Stellis;*

VII.
*Ac Sole
nec non
correspondit.*

pticæ nobis imaginamur, quaternos semper observabimus, quorum Amplitudines ortivæ, occiduæque æquales erunt. Quemadmodum & æquales erunt in Stellis, quæ ab Æquatore æqualiter distant, sive simul abeant in meridiem, aut septentrionem; sive quantum hæ in austrum, tantum istæ in boream.

VIII.
Investigatio Azimuth Specialis per Globum:

Cæterum Azimuth cum Generale, tum Speciale Stellarum in Globo extantium, facile hujus subsidio quovis loco, & tempore investigantur. Speciale (ut quod minùs operosum præmittam) invenies, si Polo aptè posito, Stellam, aut gradum, qui Soli respondet, Horizonti ortivo, occiduove advolvas, gradus Eclipticæ in Horizonte, quos observabis inter verum Ortum, aut Occasum, & Stellam Horizontem stringentem intercedere, significabunt, quantum, & quale petitum sit Azimuth.

IX.
Et Generalis ex notis Die, & Horæ;

Azimuth Generale per Globum duplici viâ expediri potest. Prior est, si Stella sit supra Horizontem, seu ortivum, seu occiduum, ex præcognitis Die, & Horâ, quam sic confice. Polo ad locum observationis constituto, inquire in gradum Solis, & sub meridiano debite colloca, indicemque in lineolâ Duodecimæ; dein Globum in orientem, aut occidentem plus minùs, pro ut exigit data Hora, converte, atque hoc situ invariato, Quadrantem Altitudinis suo Zenith, & requisito lateri Meridiani adnecte, atque per gradum Solis, si Solis Azimuth quæritur, aut Stellæ centrum transfer, & gradus Eclipticæ in Horizonte, qui inter verum meridiem, atque Quadrantem Altitudinis intercipiuntur, quæsitum Azimuth exhibebunt, cui quæ plaga in extimo Horizontis margine respondeat, pariter observare est.

X.
Ac Altitudine.

Posterior Via procedit per cognitam Altitudinem, seu ante, seu pomeridianam Solis, aut Fixæ, quâ sic uteris. Habitâ ratione Poli, Circuli verticalis, gradus Solis; hunc (si Solis Azimuth expetis) aut aliàs Fixam propositam in ortum, vel occasum converte, donec in Circulo verticali datam tenueris, Altitudinem, & Circulus verticalis in Horizontis Eclipticâ & extimo margine desideratum Azimuth demonstrabit.

XI.
Ex Azimutho

Quemadmodum autem ex cognitâ Stellarum Altitudine scitur generale earum Azimuth, ita & ex hoc cognito Azimutho

urho vicissim earundem Altitudo innotescit. Nam post cum Pol^{is}, Circulum verticalem tradito Azimutho impone, & adum Solis, aut Stellam ad latus ejus adolve, ac quæsitâ seu ipsius, seu illius Altitudo patebit.

Porrò ex Azimutho Stellæ, aut plurium, quando in eodem Azimutho, Hora diei sic cognoscitur. Polo, gradu Solis, dice, Circulo verticali decenter euratis, Globum volve quodque Stella, aut Stellæ in proposito hærebunt Azimutho, & dex Horam indicabit.

Quæ hæcenus de Stellarum Azimutho inculcavimus, atque superius de Distantiâ earum à Vertice, ac Altitudine, oportet intelligantur in ordine ad determinatum Horizontem; in hoc plus minus commutato, hæc omnia statim commutentur. Quare si quis in genere in alicujus Stellæ Azimuth, titudinem &c. inquirat, non expresso loco, Quæstio ista nitus existit insolubilis.

C A P U T XIX.

Meridianus cum vario Officio.

I Ue usque de Horizonte, & quæ ex ejus consideratione prognata sunt, disseruimus. Progredimur ad Meridianum, cujus jam aliquoties hic illic meminimus. Est Circulus maximus, ductus ex Terræ centro, seu vero ortu, aut casu ad mediam inter utrumque distantiam per puncta Zenith, & Nadir, Mundi polos, duasque Cardinales plagas Horizontis, Austrum, ac Boream, distribuens Mundum in orientalem & occidentale Hemisphærium.

Hunc Cœli Meridianum æneus Circulus, in quo Globus celestis ex binis Pol^{is} suspenditur, repræsentat per istud latitudinem, cui gradus inculpti sunt, & quod Globum ex æquo bititur; quo igitur, & non altero latere semper utendum in omnique Phænomeno. Præter vulgarem divisionem, in quatuor Quadrantes distribuitur: hinc a Pol^{is} ad Æquatorem, mero crescente, illinc decrescente; quo variis usibus in-

Distribuit Meridianus Cœli in Horizonte Recto, & Obliquo

noscitur
Altitudo

XII.
Item Hora.

XIII.
Azimuth,
Zenith,
Altitudo
attributa
sunt certis
Locis.

I.
Meridianus
Cœli.

II.
Meridianus
Globi.

III.
Meridiani

Officium.

quo omni tempore arcus Circulorum, quos Stellæ in superiore, & inferiore Hemisphærio decurrunt, prorsus æqualiter; adeo ut quando sub eo existunt, tantum absint ab ortu, quantum ab occasu, & contrâ. Quod quum in maximo Luminari ex æquo obtineat, clarissimum est, quare hic Circulus Meridianus nuncupetur.

IV.
*Invenire
quando
Fixa sit
sub Meri-
diano supe-
riore, &
inferiore.*

Quando autem Fixa ad diem præfixum se ad superiorem Meridiani partem, & inferiorem, seu Cœli medium, imumve applicet, Globo hac ratione cognoscitur. Polo, gradu Solis, Indice pro more dispositis, volvitur Globus, donec Fixa sub Meridiano superiore constituitur, & Index horam ostendet; cui si XII Horæ adjungantur, aut tam diu Globus roretur, liquebit, quando sub Meridiano inferiore sit futura. Quin quod juxta rationem numerandi horas hic receptam eadem sit hora, sed diversâ cognominis. Ut si Fixa quintâ matutinâ sit in meridie, erit quintâ vespertinâ in imo Cœlo, atque ita in cæteris.

V.
*Item quan-
do ipsi sublit
annus Solis*

Porro si novisse desideras, quando Fixa cum Sole Cœlum mediet, quod semel tantum in anno cooptingit; Polum erige, & Fixâ sub Meridiano extante collocatâ, nota gradum Eclipticæ, qui Globo immoto, una pariter sub Meridiano existit, & ex gradu invento per Kalendarium Horizontis Dies patebit.

VI.
*Meridia-
nus Termi-
nus est Dies;*

Adde Meridianum esse, à quo Astronomi unanimiter Diem inchoare malunt, quam ab Horizonte; quandoquidem Sol eodem modo semper, & ubique se habet respectu Meridiani, non verò Horizontis, pro cuius variâ obliquitate Sol variè oritur, & Dies naturales variant.

VII.
*Et Index
Rectæ As-
censionis in
obliquo Ho-
rizonte.*

Etiâ per Meridianum scire licet, quantumvis obliquo Horizonte, quæ sit Recta Ascensio, Descensioque Fixarum. Nam Fixa locetur sub Meridiano, gradus Æquatoris, qui eundem simul perstringit, Recta erit istius Stellæ Ascensio, & Descensio. Quemadmodum observari poterit, si Horizonte obliquo converso in Rectum, eadem Stella ad hunc Horizontem applicetur, idem, qui modò, gradus deprehendetur.

CAPUT XX.

*Meridianus idem, & varius, ac Paradoxum non
unum hinc enascens.*

Ceterum quia Meridianus est Circulus maximus, eviden-
tissimum est, omnia Loca, quæ huic Circulo subjiciun-
tur, eodem quidem Meridiano potiri, sed diversis tamen
ipsius partibus; atque hinc Phænomena ejusdem Meridiani in-
colis multum discrepant.

I.
*Varia Loca
eodem Me-
ridiano
substant:*

Contrà qui ab hoc Circulo versus quamcunque plagam vel
tantillum (si mathematicè rem expendimus) digrediuntur, vel
absunt, alium Meridianum obtinent; unde nec eadem civitas,
pagus, casa, homo, sub eodem existunt. Quia tamen obtusior
est Oculi acies, quàm ut minutam quamque observet differen-
tiam, testibus Horologiis Sciothericis; hinc eadem Civitas li-
cet vasta, suburbia, Pagi, Provinciæ per milliaria non ità
multa discrepantes, eodem gaudere Meridiano perhibentur.

II.
*Plura
Varius.*

Prima autem sensibilis variatio, quæ inter Meridianos sese
aperit, exigit juxta quosdam intervallum ccc circiter Stadio-
rum ex occasu in ortum, aut vice versâ, seu xxxvii, & se-
missis milliarium Italicorum. Quod tamen spatium an suffi-
ciat, non immeritò licet dubitare, quum ex hac distantia
nonnisi discrimen duorum & Semi Minutorum horæ possit
exurgere.

III.
*Primum
discrimen
visibile in
Meridia-
nis.*

Quidquid sit de hac Variatione, certum est ex motu diurno,
Stellas ad Meridianum Cœli, qui per xv gradus Æquatoris in
ortum vergit, per horam ocyus devenire, quàm qui per toti-
dem in occasum; & si distantia Meridianorum major, aut mi-
nor est, differentia temporis juxta variat. Cum verò Meri-
dianis Cœli Terrestris subjaceant, quod in Cælo accidit, in
Tellure experiuntur diversi Meridiani Terricolæ.

IV.
*Stella ad
Meridianos
orientales
citius ap-
pellens.*

Hinc evidentissimum est, Incolas orientales, & occidentales
eodem tempore diversissimas Horas numerare. Quæ verò huic,
quæ isti numeretur Hora, facilè intelligitur, si arcus Æquato-
ris terrestris, aut Circuli vice ipsius defungentis, inter Locum
ortivum, occiduumque interceptus, ex Globo, aut Mappâ

V.
*Unde Va-
riant Ho-
rarum, &
ratio eam
investigan-
di;*

eruat; hic conversus in Horas & Minuta (quod quàm promptissimè fieri potest per *Tabulam Priorem Capitis IV*) differentiam temporis inter hæc duo Loca aperiet, quæ aliàs in Globo etiam haberi potest per motum Indicis. Inventam differentiam adde tempori, si Locus sit orientior; deme, si existit occidentalior.

VI.
*Quæ
Exemplo
declatur.*

Exempli loco ponamus duo Loca, quorum alter à Loco nostræ habitationis abest ortum versus per gradus XLV; alter per totidem in occasum. Quæritur, quando nostro Loco est Meridies, quæ Hora diei sit Orientali, quæ Occidentali? Respondeo, Orientali (si horas numeret, uti Nos) erit III pomeridiana; Occidentali, X ante meridiana. Atque ita in cæteris.

VII.
*Hinc liquet
ratio Pro-
blematis;*

Quin si hæc Quæstio probè intelligitur, multum laborandum non erit in solutione hujus Problematis: Horam nostri Loci invenire, Sole, aut Fixis in aliis Regionibus orientibus, occidentibus, vel ad determinatam supra Horizontem altitudinem elevatis. Nam præcognitâ (quod antè docuimus) Horâ alterius Regionis ex motu Solis &c., tantum operari oportet, uti modò.

VIII.
*Et Veritas
primi Pa-
radoxi:*

Liquet porro, quid de hoc Paradoxo dicendum sit: Duo Homines eodem temporis puncto, eodemque in Loco nati, & eodem puncto temporis mortui, potuerunt vixisse per tempus impar; alter per Horas verbî causâ X, XX, quin plures, diutius altero. Verissimum est sano sensu. Naturale tempus obitus utrique quidem idem erit, sed denominatio istius temporis pro vario situ Meridianorum multum potest variare.

IX.
*Item Se-
cundi:*

Idem judicandum de altero Paradoxo, cujus Acosta meminit in Historia Indiarum Occidentalis, & quod nostrates Nauræ plus semel postmodum observaverunt. Narrat, Hispanos suo tempore velicasse ab ortu in occasum, & Portugallios contrariis lineis, utroque in Insulas Philippinas. Hic obviam sibi facti, experti fuerunt per spatium, ~~non tamen~~ variare Diaria; ita ut pars altera, Hispani diem Saturni observaverint; altera verò, Portugalli diem Solis.

X.
At Tertiū.

Denique eidem innititur fundamento, quod de Portugallis memoratur, qui versus occasum totum Terrarum orbem circumnavigerant, nempe quod Domum ex oriente reduces feriam hebdomadis quartam numerarint, quintam Conterraneis, qui

qui domi remanserant, numerantibus. Contrarium experirentur, quia orientem egressi ex occidente Domum repeterent. Quin si qui Orbe ex oppositis Plagis circumnavigato, in Portum, unde coepta erat navigatio, appellerent, eorum Diaria observarentur per duos dies variare.

Ita vidimus, quam varient Meridiani Coelestes. Secus comparatum est cum Meridiano Globi, simplice, & immoto non tantum, sed immobili. Quosunque tamen Coelestes commodissime representare potest per Globi circumvolutionem; uti & accidit in Horizonte, de quo antea.

XI.
Meridianus Globi
est pro omnibus Locis.

CAPUT XXI

Elevatio Poli, & Aequatoris se manifestant.

Varia ratio noscende Elevationis Poli.

PORRò quandoquidem Meridianus (sicut ex tradita definitione liquet) est Circulus major, necessario ab Horizonte, etiam Circulo majore in duas aequales partes distribuitur; quarum altera supra Horizontem extat, altera verò infra eum absconditur. Quae extat, continet in Horizonte obliquo (præter distantiam Aequatoris, & Poli elevati, quæ est graduum xc) tantum altitudinem Poli ac Aequatoris, quæ ideo non possunt non alteros gradus xc componere.

I.
Meridianus superior tenet quartas duas;

Totum hoc videre licet in Globo, cujus pro lubitu aut Polus, aut Aequator eleventur, & semper hæc Altitudines conjunctæ quartam Meridiani concedent; dummodo Meridianus legitime infra Horizontem deprimitur.

II.
Teste Globo.

Unde evidentissimum est, si cognita habeatur solius seu Poli, seu Aequatoris Elevatio, etiam alterius confessim intelligi. Nam nota elevatio Poli ex integrâ quartâ subducatur, quotiens quesitam elevationem Aequatoris largietur, quæ Astronomis complementum Elevationis Poli ad Quadrantem dici consuevit; cujus denominationis ratio non potest non esse evidentissima. Quomodo ex opposito si ex cognita elevatione Aequatoris habeatur Poli elevatio, hæc etiam rectè vocari potest complementum elevationis Aequatoris.

III.
Ex elevatione Poli scitur elevatio Aequatoris.

IV.
Polus, &
Æquator
proprie non
elevantur.

Memini modò elevationis Poli, ac Æquatoris, & postmodum quàm sapissimè hujus elevationis mentio incidet, sciendum tamen, quod operæ pretium duxi monere, nec Polum, nec Æquatorem propriè aut elevari, aut deprimi. Nam uti ille Punctum immotum est, sicut dictum superius, ita & hic consequenter nec elevari potest, nec deprimi; quandoquidem inter utrumque Polum medius est, & manet perpetuò. Sed quia Horizon Coeli versus boream, & austrum contendentibus semper variat, & tamen invariatus solet concipi, hanc imaginationem juvante Globo; hinc quod Horizonti esset attribuendum, Polo, & Æquatori attribuitur, volente sic usu, quem penes arbitrium esse solet, & vis, & norma loquendi.

V.
Poli Eleva-
tio variè
scitur per
Globum;

Cæterum summè necessarium est, tam ad Problematum solutionem, quàm intelligentiam Globi Terrestris novissè Elevationem Poli in loco quocunque, quæ non unâ ratione haberi potest. Si Polus Stella esset visibilis, ejus Altitudo, non aliter ac alterius cujuscunque, per Radium, aut Quadrantem Astronomicum posset inquiri; verum quum non nisi punctum sit imaginarium, Stellis utimur, seu Polo, seu Æquinoctiali vicinis.

VI.
Ex Fixâ
Æquatori
vicinâ;

Si Fixâ Æquatori vicinâ (seu citra eum, seu ultra consistat, nihil refert) uti sit animus, explora (quod qui fieri debeat, jam ante Capite XIV, §. VI. docuimus) Meridianam ejus Altitudinem, & hac cognitâ quære Stellam in Globo, atque Meridiano suppone, ac à gradu Meridiani, qui Stellæ imminet, numera deorsùm observatos in Cœlo gradus Altitudinis, terminumque hujus numerationis cum Horizonte Globi fac coincidere, ut Stella sub Meridiano Globi tantam exactè possideat Altitudinem, quantam in Meridiano Cœlesti. Tum Meridiano Globi immoto, vide quanta sit Poli elevatio supra Horizontem Globi, & tanta etiam erit quæsita Poli Cœlestis Elevatio.

VII.
Ex Sole
dupliciter.

Similiter de die per Meridianam Solis fulgentis Altitudinem Poli Elevatio innotescit. Tantùm hoc est discriminis, quòd loco Fixæ sumi debeat gradus Solis in Eclipticâ Globi, quem ad diem observationis occupat. Quin & aliter scire licet ex Sole Poli Cœlestis Altitudinem. Globum in plano sic disponente, ut Horizon Globi parallelus sit Horizonti Cœlesti, & Plagæ

Plagæ illius Plagis hujus respondeant. Inde gradui Solis, quem tenet observationis tempore, perpendiculariter infige aciculam, atque hanc Meridiano adolve, & expectato Solis adventu ad Meridianum, qui ex hujus umbrâ cognoscitur, ac situ Horizontis invariato, Meridianum move, donec perpendicularum Meridianum perstringens, umbram amittit, & quam videbis elevationem Poli, petita erit.

Sic agitur cum Stellis *Æquatori* vicinis. Si per Stellam circumpolarem, quæ non occidit, quoties humillimè infrà Polum deprimitur, Poli elevationem vis inquirere, observa ejus Altitudinem, dum in Meridiano est, seu suprâ, seu infrà Polum, & Stellæ in Globo inventam largire Altitudinem, Polus Globi Poli Cœlestis Altitudinem significabit.

Ita quidem multipliciter ope Globi intelligitur, quanta sit Poli elevatio, quæ tamen & citra ipsius subsidium haberi potest, ex proximâ Observatione hunc in modum. Cognitâ ejusdem Stellæ circumpolaris meridianâ Altitudine, cum infrâ, & suprâ Polum est, Altitudinem minorem à majore subtrahe, & dimidiatum hoc discrimen adlice minori Altitudini, vel à majore subducito, & invenies justam Poli Cœlestis Altitudinem. Quò autem hæc operandi ratio clariùs intelligatur, hoc Schema subjunximus.



F 3

Sic

VIII.
Ex Stellis
circumpo-
laribus
Mechanicis.

IX.
Ex eisdem
Arithme-
ticis, ad-
juvante
Schemate.

X.
*Quod ex-
ponitur.*

Sic si Altitudo Meridiana Stellæ supra Polum fuerit gradu LXXVIII, & ejusdem infra Polum graduum XXVII, differentia inter utramque Elevationem æquat gradus LI, cujus dimidium est graduum XXV & semissis; quod si minori altitudini observatæ addatur, aut à majore subtrahatur, resultabunt pro Elevatione Poli gradus LII cum semisse, uti ex delineato Schemate citrà negotium videre est.

C A P U T XXII.

Declinatio Stellarum varia; ac modus, per quem cognoscitur.

I.
*Declinatio
Stellarum
gemina est.*

PORRò etiam Meridianus subservit noscendæ Stellarum Declinationi, quæ arcus est ex quadrante Meridiani (nam rarissimè Declinatio Stellæ integrum quadrantem adæquabit) interceptus inter Æquatorem, & Stellæ centrum. Duplex est, Borealis & Austrina, maximæque Stellarum partibus plus minùs convenit, & si quibusdam non conveniat, eam tamen lapsu temporis adipiscuntur.

II.
*Lentè va-
riat in Fi-
xis.*

In Fixis variatio Declinationis admodum lenta est, lentior tamen in unâ, quam alterâ. Sic Fulgentissima in ore Canis majoris inter annum LXXV hujus, & proximi Sæculi augebit suam Declinationem per quatuor Minuta; Cor Scorpii per sedecim; Polaris per triginta quatuor. Aliæ Declinationem simili ratione imminuunt. Causa hujus variæ variationis est Secundus motus, & situs Fixarum.

III.
*Citius in
Planetis,
ac Sole, cu-
jus omnem
Declinatio-
nem Tabel-
la exhibet.*

In Planetis Declinatio celerius immutatur. Exempli loco Sol sit, qui singulis diebus ipsam, neque æqualitèr, sic variat, ut per annum admodum sit conspicua. Interim si varios dies spectes, Sol sæpiùs eandem habet Declinationem. Quantum verò habeat quotidie, & qui gradus Signorum in Declinatione conveniant, exactè videri potest in subditâ hac Tabellâ, per Trigonometriam Sphæricam adornatâ.

Tabella

Tabella exhibens Declinationem Solis, in quocunque Signo, & Signi gradu commoretur.

	Aries.		Libra.		Taurus.		Scorpius.		Gemini.		Sagitt.	
	Gr.	Min.	Gr.	Min.	Gr.	Min.	Gr.	Min.	Gr.	Min.	Gr.	Min.
0	0	0	11	30	20	12	30					
1	0	24	11	51	20	25	29					
2	0	48	12	12	20	37	28					
3	1	12	12	33	20	49	27					
4	1	36	12	53	21	0	26					
5	2	0	13	13	21	11	25					
6	2	23	13	33	21	22	24					
7	2	47	13	53	21	32	23					
8	3	11	14	23	21	42	22					
9	3	35	14	32	21	51	21					
10	3	58	14	51	22	0	20					
11	4	22	15	10	22	9	19					
12	4	45	15	28	22	17	18					
13	5	9	15	47	22	25	17					
14	5	32	16	5	22	32	16					
15	5	55	16	23	22	39	15					
16	6	19	16	40	22	46	14					
17	6	42	16	57	22	52	13					
18	7	5	17	14	22	57	12					
19	7	28	17	31	23	3	11					
20	7	50	17	47	23	7	10					
21	8	13	18	3	23	12	9					
22	8	35	18	19	23	15	8					
23	8	58	18	34	23	19	7					
24	9	20	18	49	23	22	6					
25	9	42	19	4	23	24	5					
26	10	4	19	18	23	26	4					
27	10	26	19	32	23	28	3					
28	10	47	19	46	23	29	2					
29	11	9	19	59	23	30	1					
30	11	30	20	12	23	30	0					
	Pisces.		Virgo.		Aqua.		Leo.		Capric.		Cancer.	

Ita

IV.
Tabella illustratio.

Ita si nosse expetis Declinationem Solis in x gradu Arietis, & xx Virginis, & x Libræ, & xx Piscium, inuenies gradus 111 cum min. 59 pro Declinatione; quæ in Ariete, ac Virgine est borealis, in Librâ verò & Piscibus austrina, uti ex positura Signorum evidentissimum. In cæteris casibus eadem viâ procede.

V.
Qui Declinatio Stellarum noster per Globum,

Cæterum Declinatio Solis, & Fixarum etiam mechanicè per Globum hoc modo inquiritur. Gradus Solis, qui si dies tantum datus est, per Horizontis Eclipticam innotescit, Meridiano advolvatur, atque observetur ille ipsius gradus, qui supra gradum Solis rectâ consistit, & erit, quem expetis. Si notato hoc gradu Meridiani Globum vertas, videbis non nisi alterum gradum Eclipticæ eidem gradui Meridiani eodem modo supponi. Excipe, quando Sol existit circa initia Cancri & Capricorni. Cum Fixis operare similiter, & quæ ex ipsis eadem prorsus gaudeant Declinatione, Globi circumvolutio indicabit.

VI.
Et Stellarum Circumquinoctialium per Arithmetice

Sed neque Globo indiges ad noscendam Solis, & Fixarum Declinationem, quando ex ante dictis cognita habetur Poli, & Æquatoris elevatio. Nam Solis (eadem est ratio in Stellis circumquinoctialibus) altitudo Meridiana exploretur, & cum altitudine Æquatoris conferatur, si coincident nulla est Declinatio; si altitudo Meridiana variat, subduc, si minor est, ab altitudine Æquatoris, & gradus, qui restant, erunt Polo boreali elevato, Declinatio Solis austrina. Contrâ fac, si altitudo Meridiana Solis altior deprehendatur altitudine Æquatoris, atque residuum Declinationem boream exhibebit.

VII.
Item Circumpolarium.

In Stellis circumpolaribus investiga ex altitudine Meridianâ infra, & supra Polum distantiam Stellæ à Polo, hanc ex integro Quadrante subduc, & gradus extantes erunt pro Stellæ Declinatione boreali, vel meridionali, pro Poli, circa quem feruntur, varietate.

VIII.
Declaratio huius rei per Schema.

Quæ binis proximis articulis proposuimus, clariùs intelliguntur, si subiecto hoc Schemate imaginationem adjuverimus.

Nam



Nam quid si Æquator altus sit per Gradus xxxviii, & Stella sub Meridiano ad austrum observetur ejusdem altitudinis, tunc omni Declinatione destituitur, sicut videre est. Quid si Stella, quæ hic supra Æquatorem depingitur, alta sit per gradus lv, subductâ altitudine Æquatoris restant pro boreali ejus Declinatione gradus xvii. Tandem quid si Stella infra Æquatorem occurrens, alta deprehendatur per gradus xvi, ejus Declinatio meridionalis erit xxii graduum. Si Stella abesse à Polo Arctico intelligatur per gradus xxv, Declinationem borealem habet juxta Schema, graduum lxxv. Nam Polus, & Æquator per quartam Meridiani partem dirimuntur.

IX.
Schematis
explanatio.

Cæterum qui uti decet, ultimum modum investigandæ Declinationis percepit, facile observabit, quantum Planetarum, aut recentium Syderum Declinatio de die in diem variet; item quandiu utrumque Solis Solstitium ad sensum duret, ac quando incidant Æquinoctia.

X.
Functus Ul-
timi Modi.

CAPUT XXIII.

Ecliptica, ejus Declinatio conclusa Tropici, Axis, Poli. Circuli Polares varii.

I.
*Ecliptica
necessitas.*

Praeter Affectiones hæcenus de Stellis traditas, etiam Longitudo, & Latitudo earum celebris est, quas tamen nemo intelligat sine præviâ intelligentiâ Eclipticæ; sic dictæ, quod Luminaria Sol, & Luna in eâ, aut circa eam conjuncta, vel opposita deficient, quod Græcis per *ιολίπην* exprimitur.

II.
*Nomen,
Definitio.*

Dicitur alias Via Solis, Circulus per medium Animalium, Zodiacus, qui tamen in propriâ significatione ab Eclipticâ differt, ut Zona à circulo, sicut postmodum latius explicabitur. Est Circulus maximus, mobilis, Æquatorem in binis oppositis punctis dividens, ab eoque hinc inde declinat æqualiter, & Cælum in Hemisphæria boreale, & meridionale bipartitur.

III.
*Maxima
Declinatio
variâ ob-
servata est,
teste Ta-
bellâ.*

Maximam Eclipticæ Declinationem ab Æquatore varii Astronomi vario tempore variam observaverunt; quo autem hæc varietas clarius, distinctiusque intelligatur, Celebriorum Observationes hic subjicimus.

Tabella exhibens maximam Declinationem Eclipticæ, quam vario tempore sequentes Astronomi annotarunt.

<i>Anno à morte Alexandri M.</i>		<i>Anno Christi.</i>	<i>Maxima Eclipticæ Declinatio erat</i>		
Aristarchum	44	23	Gr. 51	Min. 20	Sec.
Eratosthenem	114	23	51	20	
Hipparchum	174	23	51	20	
Ptolemæum	463	140	23	51	20
Albategnium	1240	880	23	35	
Arzachelem	1394	1070	23	34	
Almeonem	1464	1140	23	33	
Prophatium	1624	1300	23	32	
Peurbachium	1784	1460	23	28	
Copernicum	1839	1515	23	28	24
Tychonem	1920	1596	23	31	30
Clavium	1924	1600	23	30	
Gassendum	1954	1630	23	31	

Juxta

Quin

Quin Copernicus istius sententiæ est, maximam Eclipticæ Declinationem majorem non fuisse Gradibus $xxiii$ cum 52 Min., nec minorem futuram, quàm ipse deprehendit, Gradibus $xxiii$ & Minutis 28 ; quin Declinationem denudè incrementuram, usque dum supra Gradus $xxiii$ assurgat ad 52 Minuta, atque tunc iterum decreturam ad dictum terminum, & sic deinceps.

Sunt tamen Astronomi non ex infimis, qui maximam Eclipticæ Declinationem invariabilem esse existimant, adeoque hodie, & ætate Aristarchi, ac Eratosthenis parem fuisse; atque adeo sententiarum divortia à vitiis observationum derivant. Sic Tycho taxat observationem Copernici; quod Poli suæ regionis elevationem non exquisitè indagavit, proindeque Declinationem Eclipticæ pronunciaverit esse minorum 28 supra gradus tres & viginti, quam tamen Tycho contendit, ad semissem gradus ascendere. Quicquid fuerit de hoc negotio, statuunt communiter hodierni Astronomi maximam Declinationem Eclipticæ ab Æquatore esse graduum viginti trium, atque dimidii; quia si quæ à veritate accadat aberratio, ea tamen nullius momenti sit.

Cæterum maximam Eclipticæ Declinationem solent Astronomi binis Circulis minoribus, Æquinoctiali parallelis, concludere; borealem quidem Tropico Canceri, meridionalem verò Tropico Capricorni, quemadmodum in Globo videri potest. Tropici, quasi conversorii vocantur, quia quando ad ipsos Sol pervenit, non progreditur ulterius, sed conversionem instituit ad Æquatorem. Vocantur etiam Circuli æstatis & hyemis, Solstitii alti & imi.

Eclipticæ, quam Circulum mobilem esse diximus, solet adscribi Axis, circa quem Stellæ motu Secundo promoventur. Est autem hic Axis recta linea imaginaria è puncto Cœli, quod à Polo Mundano abest per maximam Solis Declinationem, per terræ centrum traducta, & in opposito Cœli puncto terminata. Extremitates ipsius nuncupantur Poli Eclipticæ, & pro varietate situs, alter Borealis, alter Meridionalis.

Hi Poli dum Primo motu circa Polos Mundi in orbem circumaguntur, describunt duos Circulos minores, Æquatori parallelos, qui Polares vocantur, atque discriminis ergo alter

IV.

Sententia Copernici;

V.

Aliis improbas. Sententia communis.

VI.

Ecliptica terminatur Tropici.

VII.

Ejus Axis & Poli.

VIII.

Circuli Polares immutabiles.

Polaris Arcticus, alter Antarcticus, & sunt immutabiles respectu Polorum Mundi, atque Eclipticæ. Uterque in Globo hodie exprimitur.

IX. Alii mutabiles. Secundum Veteres Circulus Arcticus, & Antarcticus (ut illis solum appellabantur) erant mutabiles, & indefiniti ratione diversorum locorum. Arcticus habebatur maximus Parallelorum circa Polum Septentrionalem semper apparentium; contra Antarcticus. Describebantur à Stellis, quæ non nisi radebant Horizontem in vero Septentrione, atque Meridie. Usus erat Stellæ in istiusmodi elevatione Poli perpetuò apparentes, aut disparentes suâ circumferentiâ concludere, & conspiciendas exhibere. Hoc sensu, qui Horizonte Recto fruuntur, non habent Circulum Arcticum, aut Antarcticum.

X. Præter alia nunc, ac olim. Uti verò veteres Astronomi, sicuti videre est in Proclo, Arato, Cleomede, & pluribus aliis, hos Circulos reliquis Sphæræ Circulis adjecerunt, omisiss, de quibus primò dictum est, Polaribus; sic contra Recentiores hos, quia sunt invariabiles, in Sphærâ delinçant, Veterum, quia pro variâ Poli elevatione mutantur, ex eâ deletis.

CAPUT XXIV.

Divisio Eclipticæ in Signa.

I.
Divisio
Eclipticæ
in Signa;

POTRÒ Eclipticæ præter morem dividendi consuetum, insuper dividitur in XII æquales Sectiones, quæ Dodecatemoria vulgò, sive Signa nuncupantur. Hanc divisionem ipsâ monstrante Naturâ per motum Solis, & Lunæ; interea enim dum Sol annuo spatio integram conficit Eclipticæ longitudinem, Luna duodecim Lunationes menstruas absolvit. Inde sicuti tempus annum in duodecim menses, ita & Ecliptica in duodecim partes distributa est.

II.
Signi in
Gradus.

Cuiuslibet verò Signo assignati sunt gradus xxx; cui subdivisioni ansam præbuit tempus xxx dierum, qui inter duas Lunationes propemodum elabuntur. Et quia gressus Solis diurnus per trigessimam Signi partem circiter se extendit, hæc nomen gradus obtinuit; quod deinceps ad partes trecentessimas omnium Circulorum translatum est.

Inter

Inter hæc Signa Eclipticæ Astronomi unanimi calculo primum locum assignant Signo Arietis, non tam quia Sol, quando ad ejus pervenit initium, Æquinoctium parit in universâ terrâ, & medius est inter maximas suas digressiones, quas versus boream & austrum instituit; sed imprimis quia borealibus Ver inchoans denuò aperit tellurem, & quæ Bruma tantum non enecuerat, in vitam restituit.

III.
Primum est
Arietis.

A Signo autem Arietis reliqua numerantur, progrediendo ab occasu in ortum, & nomen ferunt à Constellatione, quæ à Signi sui principio, circa quod ante ponebatur, versus ortum per integrum ferè Signum recessit, longiusque temporis progressu recedet propter proprium Fixarum motum, de quo inferius. Cæterum numerus, ordo, nomina, & notæ horum Signorum exprimuntur in Globo Cœlesti hunc in modum:

IV.
Reliquorum
ordo,
nomen,
nota.

γ. ♈. II. ♋. ♌. III.
Aries, Taurus, Gemini, Cancer, Leo, Virgo,

♍. ♎. ♏. ♐. ♑. ♒. ♓.
Libra, Scorpius, Sagittarius, Capricornus, Aquarius, Pisces.

Dividuntur hæc Signa (ut sileam Astrologorum divisiones) multipliciter; in Borealia, & Australia; Ascendentia ac Descendentia; Verna, Æstiva, Autumnalia, & Hyemalia; Cardinalia seu Mobilia, eaque vel Æquinoctialia, vel Solstitialia; Fixa seu Immobilia, alias Media; Extrema, seu Communia, & Bicorniorea; ac tandem Opposita. Quæ partim ex dictis innotescent, partim deinceps exponentur.

V.
Varia Signorum
Divisio.

Cæterum licet Signa Eclipticæ propriè loquendo tantum sint duodenæ ipsius portiones; attamen omnes Stellæ, quæ in Cœlo sunt, fuerunt, aut aliquando existent, una cum Constellationibus Astronomicis ad xii hæc Signa revocantur.

VI.
Omnes
Stellæ ad
xii Signa
revocantur.

Hunc in finem in Cœlo xii concipiuntur, inque Globo exprimuntur Semicirculi, qui quia in mensurandâ Longitudine Stellarum usum præstant, Semicirculi Longitudinis nominantur. Cœunt in Polos Eclipticæ, hinc versus Eclipticam ab invicem, magis magisque, attamen æquabiliter, secedunt, in ipsâ Eclipticâ sunt latissimæ, dirimentes universam Cœli concavitatem, & Globi convexitatem in xii æquales Superficies; Et Stellæ in suâ quæque Superficie collocatæ denominantur à suo Signo, cujus Character circa principium cujusque Signi in Globo exprimitur.

VII.
Per Semicirculos
Longitudinis.

VIII.
Signum
Stellarum
perire.

Ut autem commodè ex Globo intelligatur, in quo Signo sit Stella, aut Constellatio, alteruter Polorum Eclipticæ erigatur in Zenith, Globusque in hoc situ firmetur, ac Oculis per eum circumductus observet Semicirculos Longitudinis, & adpositos cujque Characteres, atque cum hisce Stellas conferat.

IX.
Quod
oculus se-
rius vi-
riat.

Sed advertendum Stellas, quæ nunc in Signo Tauri, Gemini, aut alterius cujuscunque versantur, non assidue in eodem morari. Transeunt juxta successionem Signorum ex uno in aliud; celerius Planetæ, uti & Cometæ plerumque; Fixæ tardius, quin tardissimè. Conferatur §. IV. hujus Caput.

CAPUT XXV.

Stellarum Longitudo, & Latitudo.

I.
Longitudo
Stellarum
quid?

Tandem progrediamur ad Longitudinem Stellarum, cujus jam aliquoties meminimus. Est autem Longitudo arcus Eclipticæ, comprehensus inter Semicirculum Longitudinis, qui per initium cujuscunque Signi traducitur, & alterum, qui ex Polo Eclipticæ per Stellæ centrum extensus in eam rectâ incidit; cujus vicem Quadrans altitudinis commodissimè potest supplere, sicut post pauca patefiet.

II.
Aliter de-
fini.

Ex quâ descriptione clarissimum est, Longitudinem Stellæ excedere non posse duodenam portionem Eclipticæ. Sunt tamen, qui & aliter numerant, unum tantum Longitudinis initium ponentes, puta in principio Signi Arietis; atque hinc Longitudinem continuantes per universum Eclipticæ ambitum, ut maxima esse possit graduum CCCLX, & intermediæ majores, aut minores, pro ut magis, vel minus longè à communi Principio remouentur. Itaque juxta hunc conceptum Longitudo Stellæ erit arcus Eclipticæ inter Semicirculum longitudinis, qui transit initium Arietis, & alterum, qui centrum Stellæ, interceptus. Longè aliter ergò vocem Longitudinis Astronomus accipit, quàm Geographus, cujus Longitudo cum Ascensione rectâ Astronomorum pro parte coincidit.

III.
Omnibus
Stellis com-
venit.

Ex quâ, sicut & præcedente descriptione, collatâ cum motu secundo Stellarum, evidens est, nullam in Cælo Stellam

lam existere, vel exituram, quin Longitudine gaudeat, gavisâ sit, & gavisura.

Missâ Longitudine ad Latitudinem Stellarum transeamus; quæ est arcus ex Quadrante circuli Latitudinis (rarissimè enim integrum adimplebit) interceptus inter Eclipticam, & positæ Stellæ centrum. Toto Cœlo à Stellarum Declinatione (de quâ ante) atque adeò Latitudine Geographorum, quæ eadem est cum Declinatione Astronomicâ, distinguitur.

Quia verò, uti notavimus, Ecliptica Cœlum in duo distribuit Hemisphæria, liquet duplicem esse Latitudinem, Meridionalem, & Septentrionalem, pro variâ Stellarum positurâ.

Porro perspicuum est, parti Stellarum longè minimæ nullam Latitudinem convenire; quasdam Latitudine eadem potiri; quasdam diversâ, sive ratione sui, sive aliarum Stellarum considerentur; & quanta sit maxima Latitudo.

Ut Longitudo, & Latitudo alicujus Fixæ, quæ in Globo exprimitur, cognoscatur, observa in quo Cœli Hemisphærio commoretur, & alterutrum Polorum Eclipticæ pro diversitate loci Stellaris attolle in Zenith, atque in eo fac subsistere. Ex hoc situ Ecliptica Globi sic coincidet cum Horizonte, ut simul Signa Eclipticæ, quæ est in intimo Horizontis margine, & quilibet gradus cujusque Signi per omnia cum Signis, & gradibus Eclipticæ, quæ in Globo est, coincident. Post Quadrantem Altitudinis Zenith affige ex illo latere Meridiani, quod Stella exigit, atque per Stellæ centrum transfer, & inferiore suâ extremitate monstrabit Quadrans desideratam Longitudinem in utraque Eclipticâ, sive eam numeres ab Aricte, seu sui Signi Principio; Et Gradus Quadrantis, qui Stellæ centro superstat, quæsitam ejus Latitudinem largietur.

Eadem operâ cæterarum Stellarum, quæ in eodem dimidio Hemisphærio delineantur, Longitudo, ac Latitudo observantur, Quadrante per eas trajecto. Similiter fiat cum Stellis, quæ extant in altero Cœli Dimidiato Hemisphærio, applicito solum Quadrante alteri Meridiani lateri. Si vero hæc Affectiones scire cupis in Stellis, quæ in opposito Cœli Hemisphærio sedem habent, Eclipticæ Polum, qui nunc in Nadir est, attolle in Zenith, & quarumcunque Stellarum ope Quadrantis,

IV.
Latitudo
Stellarum
quid i

V.
Duplex
est.

VI.
Item va-
ria, &
eadem.

VII.
Reperire
per Globum
Longitudi-
nem, ap-
Latitudi-
nem Fixæ
in eo ex-
pressa;

VIII.
Et reliqua-
rum utrius-
que Hemi-
sphæriæ.

tis , ut modò locati , ac usurpati, Longitudinem, Latitudinemque assequeris.

IX.
*Defectum
Globi.*

Sed neque prætereundum, Fixarum, quæ in Globo expressæ sunt, Longitudinem post magnum temporis interval- lum non posse manere Cœlo congruam, uti quidem manebit Latitudo, propter motum Secundum, qui accidit in Paralle- lismo cum Eclipticâ. Vide § 1X *Capituli* XXIV.

X.
*Reperire
Longitudi-
nem, &
Latitudi-
nem Stella
in Globo
non ex-
pressa.*

Denique si cui animus sit, Stellarum in Cœlo, non in Globo comparentium, Longitudinem Latitudinemque per Globum inquirere, sic procedat. Per Radium Astronomicum mensure- tur talis Stellæ distantia à binis Fixis propinquioribus & splendi- dioribus in Globo signatis; post circini adminiculo indagetur ta- le in Globo punctum, quod tam distet à duabus Stellis Globi, quàm Stella in Cœlo ab iisdem Cœlestibus, & cum hoc puncto reperto perinde age, ac ageres cum Fixâ Globi, cujus juxta doctrinam modò traditam invenienda esset cùm Longitudo, tum Latitudo, & propositum Problema solutum erit.

XI.
*Et tam
Globo inscri-
bere.*

Pari facilitate cursus Planetæ, aut Cometæ per universum ap- paritionis tempus Globo inscribi potest, atque notari, quan- tum ex suâ Longitudine indies immutarent. Repetatur tan- tum quotidie eadem Operatio. Insuper si quis incidat in Hi- storiam alicujus Stellæ insolitæ, quæ scribitur habuisse in Cœ- lo tantam cùm Longitudinem, tum Latitudinem, illicò huic Stellæ sua sedes in Globo ostendi potest.

C A P U T XXVI.

Generalis Fixarum Doctrina.

I.
*Stellarum
divisio.*

HActenus generaliores quasdam Stellarum Affectiones percurrimus, nunc seorsim expendamus primum Iner- rantes, vulgò Fixas, seu Affixas, deinde Errantes, Græ- cis voce receptissimâ Planetas.

II.
*Fixæ quid?
Sola in Glo-
bo ex-
stant.*

Fixæ sunt, quæ serenioris Cœlo semper lumen spargunt coruscans, vividum & sibi simile; licet communi Astronomo- rum consensu multò longius removeantur à Terrâ, quàm supremi Planetæ. Insuper propter æquabilem motum, quo feruntur, indefinenter eandem à sui ordinis Stellis observant

distantiam. Atque hæc ratio est, quare, Si Solem excipias, nullius Planetæ via, aut imago, sed tantum Fixarum in Globo compareant.

Fixæ, quamvis finitæ numero, innumerabiles sunt humano acumini, imprimis (ut hyemem sileam) hoc patuit, postquam Astronomi Cælum per Telescopium inspexerunt. Quod igitur minor locus foret confutioni, Veteres in Cælo sibi conspicuo, imprimis insigniores, grandioresque numerarunt, quæ cum admixtis minoribus in summam collectæ constituerunt mille, & viginti duas.

Porro easdem considerarunt dupliciter, vel separatas ab aliis, vel cum iis conjunctas. Illo sensu singulas spectavere citra respectum Constellationum, quas constituunt, easdemque reducerunt in VII Classes, sive Ordines, qui etiam Differentiæ Stellarum nuncupantur.

Ratio hujus divisionis petita est ex ortu Fixarum Heliaco, qui pro diversâ earum magnitudine in unâ citius fit, quam in alâ. Sed de hoc postmodum. Primæ Classis Fixæ sunt omnium maximæ quoad oculum; Secundæ has excipiunt; cæterarum Classium Fixæ iterum, iterumque minores evadunt, ut Sextæ sint omnium minimæ; quibus & aliquas addiderunt, nudis oculis vix adspectabiles, quas idcirco & Nebulosas, & Obscuras vocaverunt.

Hæc differentia magnitudinis inter Fixas etiam solet in Globo exprimi. Quin ne quis erret, Tabella adpingitur, quæ imaginem cujusque Ordinis exhibeat. Quot verò Fixæ à Veteribus in quamque Classem referantur, conspici potest ex apposita Formulâ:

MAGNITUDO. NUM. FIXARUM.

I.	15.
II.	45.
III.	208.
IV.	474.
V.	217.
VI.	49.
Nebulosa.	5.
Obscura.	9.
SUMMA	1022.

H

Quò

III.
Numerata
sunt Veteribus;

IV.
Et in VII
Classes di-
gesta.

V.
Ejus ratio.
Definitio
Classium;

VI.
In Globo
expressa.
Numerus
Fixarum
cujusque
Classis.

VII.
*Quid sint
Signa, &
Sporades?*

Quò autem Veteres hunc Numerum Stellarum & assequerentur, & reservarent felicius, eas in certas Figuras redegerunt; quas appellarunt Signa cælestia, Imagines, Constellationes, Astra, Asterismos, & Sydera. Neque tamen hæc Figuræ integrum Stellarum numerum, modò expressum, exhaustiunt. Quædam enim propter disconvenientem situm non potuerunt concurrere satis commodè ad constitutionem Figurarum, ad quas tamen revocari solent, puta quæque ad proximam. Atque hinc evidens est, quare hæc Stellæ Græcis *σποράδες* vocentur, huc illuc dispersæ, & Latinis Informes. Cæterum ex harum aliquibus deinceps aliqua Signa efformata fuerunt, imprimis Tychoni Brahæ; ut Coma Berenices, Antinous, similiaque.

VIII.
*Signorum
numerus.
Ratio vari
minimu.*

Hujusmodi Signa à priscis usque temporibus numerata fuerunt nonnisi XLVIII. Interim quædam sunt ex Signis majoribus, quæ minores Constellationes in suo ambitu comprehendunt. Transeo, cuiuslibet Signo suum nomen concessum esse; quin non rarò nomen totius Signi uni lucidiori Stellæ ex hoc Signo attribui. Occasionem verò Nominis dedit vel similitudo externa, vel superstitio, vel virtus Stellarum imaginaria, aut si quid simile.

IX.
*Signorum
divisio.*

Porro ratione situs hæc Signa tripliciter dividuntur; vel enim Eclipticam occupant, & Media nominantur; vel ab ea abeunt in Septentrionem, inque Meridiem, & appellantur Extrema. Quot verò Signa in Eclipticâ numerentur, atque in hoc, & illo Cæli Hemisphærio, intelligi poterit ex Ventis hisce memorialibus:

*Ad BOREÆ partes TER SEPTEM Sydera fulgent.
SIGNIFER inde subest, BIS SEX qui Sydera versat.
Denique converti TER QUINQUE notantur ad AUSTRUM.*

C A P U T XXVII.

*Signa Zodiaci. Numerus Stellarum ea componentium.
Ordo carmine expressus.*

I.
*Signa
Ecliptica.
Aries.*

Media primùm proferamus, quorum & Nomina, & Ordo sunt hujusmodi:
I. ARIES. Clarissima hic est, quæ frontem occupat, expri-

exprimens cum binis, quæ in sinistro cornu occurrunt, figuram clavæ, alteramque cum iis, quæ in naso & fronte sunt. Residuae, quas gerit in posteriore parte corporis, & caudâ, obscuriores existunt.

Numerantur juxta Ptolemæum, quem etiam sequemur in reliquis Signis, in Ariete Stellæ XIII. Tertiæ magnitudinis 2; Quartæ 4; Quintæ 6; Sextæ 1.

Informes circa Arietem sunt v. Tertiæ magnitudinis 1; Quartæ 1; Quintæ 3.

- II. TAURUS. Dorso *Pleiadas* gerit, quæ & Vergiliæ nominantur, ac fronte *Hyadas*, Latine Succulæ, & Succidæ; quarum longè præcipua est illa in oculo austrino, idè dicta per excellentiam *Oculus Tauri*, Arabibus Aldebaran, Romanis Palilicium.

Stellas continet XXXII; nam quæ in extremo cornu Boreo Tauri est, refertur ad dextrum pedem Aurigæ. Primæ magnitudinis est 1; Tertiæ 6; Quartæ 11; Quintæ 13; Sextæ 1.

Informes circa eundem sunt XI. Quartæ magnitudinis 1; Quintæ 10.

- III. GEMINI. Aliàs *Caster* & *Pollux*, *Apollo* & *Hercules*. Claviores habet in capite, & pedibus.

Completitur Stellas XVIII. Secundæ magnitudinis 2; Tertiæ 5; Quartæ 9; Quintæ 2.

- IV. CANCER. Minoribus constat, quarum celebriores sunt Nebulosa, dicta *Præsepe*, & *Alinus borealis*, atque meridionalis, aliàs *Afelli*. Stellas tenet IX. Quartæ magnitudinis 7; Quintæ 1; & una Nebulosa.

Informes circa ipsum sunt IV. Quartæ magnitudinis 2; Quintæ 2.

- V. LEO. Est inter splendidissimas Cœli Constellationes. Duæ reliquas superant, una in pectore, occupans fermè Eclipticam, quæ *Cor Leonis* vocatur, item *Regulus*, ac *Basiliscus*; altera in extremâ caudâ, vulgò *Cauda Leonis*.

Stellas numerat XXVII. Primæ magnitudinis 2; Secundæ 2; Tertiæ 6; Quintæ 8; Quintæ 5; Sextæ 4.

Informes circa Leonem statuuntur VIII. Quartæ magnitudinis 1; Quintæ 4; Luminosa 1; Obscuræ 2. Ceterum hæc tres ultimæ sunt extra numerum Stellarum, quem Ptolemæus

Signis Eclipticæ attribuit, & confusæ fuerunt cum Caudâ Leonis, circa quam observantur. Recentiores Astronomi ex illis formarunt novum Sidus, dictum Crines, seu Coma Berenices, etiam Spicarum Manipulus, complectiturque juxta alios VII, imò XI Stellas, efformantes ferè triangulum. Hanc Comam ad Constellationem Bootis, de quâ postmodum, varii referunt.

Virgo.

VI. VIRGO. Longissimum est inter Signa Eclipticæ. Gerit manu sinistrâ eximiam Stellam, quæ *Spica* audit, & *Spica Virginis*; alteramque in dextrâ alâ, quæ *Vindemiatrix* nominatur. Stellas habet XXVI. Primæ magnitudinis 1; Tertiæ 6; Quartæ 6; Quintæ 11; Sextæ 2.

Informes circa Virginein ponuntur VI. Quintæ magnitudinis 4; Sextæ 2.

Libra.

VII. LIBRA. Aliàs *Balanx*, complectitur duas clariore, quæ *Lances* dicuntur, quarum altera meridionalis est, & lucidior, perstringens Eclipticam, & altera septentrionalis. Præter hæc etiam Nobilis est in Hypomochlio.

Stellas habet VIII. Secundæ magnitudinis 2; Quartæ 4; Quintæ 2. *Informes* occurrunt IX. Tertiæ magnitudinis 1; Quartæ 5; Quintæ 2; Sextæ 1.

Scorpius.

VIII. SCORPIUS. In eo conspiciuntur variae, & fulgentiores Stellæ, quarum præcipua est, quæ in medio corpore observatur, dicta *Cor Scorpii*, Græcis Antares, vel Antartes. Stellas possidet XXI. Secundæ magnitudinis 1; Tertiæ 13; Quartæ 5; Quintæ 2.

Informes ipsi adscribuntur III. Nebulosa 1; & Quintæ magnitudinis 2.

Sagittarius.

IX. SAGITTARIUS. Dicitur etiam *Archmenes*, cujus principales occurrunt in arcu & sagittâ.

Numerat Stellas XXXI. Secundæ magnitudinis 2; Tertiæ 9; Quartæ 9; Quintæ 8; Sextæ 2; Nebulosa 1.

Capricornus.

X. CAPRICORNUS. Etiam *Caper* nominatur, qui eminentioribus destituitur; si binas in flexu caudæ, alteroque cornu excipias.

Stellas continet XXVIII. Tertiæ magnitudinis 4; Quartæ 9; Quintæ 9; Sextæ 6.

Aquarius.

XI. AQUARIUS. Venit & nomine *Amphora*. Hoc Signum in

in IV minora aliis subdividitur; in Mantile, Aquarium, Urnam, & Aquam profusam. Fulgidiores habet in utroque humero, altero brachio, & pede; sed longè fulgidissima est, quæ in termino Aquæ ac ore Piscis meridionalis conspicitur, Arabibus *Fomalhand*, vel ut alii malunt *Phomaut*.

Stellas in universum complectitur XLII. Primæ magnitudinis 1; Tertiæ 9; Quartæ 18; Quintæ 13; Sextæ 1.

Informes circa Aquarium sunt III, Quartæ magnitudinis.

XII. PISCES. Horum alter austrinus est, & occupat Æquatorem; alter boreus. Uterque gemino Lino connectitur, quorum commissura *Nodus* appellatur, in quo clarissima est omnium, quæ in Piscibus, aut duobus linis sese offerunt, proxima Æquatori, atque ejusdem Nominis.

Stellas habet XXXIV. Tertiæ magnitudinis 2; Quartæ 22; Quintæ 3; Sextæ 7.

Informes circa eos inveniuntur IV, Quartæ magnitudinis.

Quandoquidem verò recensita hæc Signa creberrimè occurrunt, solent Astronomi propter scriptionis compendium ea quibusdam Notis exprimere, quas jam ante Capite XXIV §. IV exhibuimus, & quæ probè memoriæ infingendæ sunt, quo expeditè intelligi possint Autores, qui de Signis his illis loquentes per sæpe tantum notas eorum efferunt.

Ita Eclipticæ Signa recensuimus, & quot Stellas quodlibet complectatur. Omnes si in Summam colligamus, provenient pro Signis Eclipticæ in universum CCCXLVI; inter quas solummodo sunt V Primæ magnitudinis; Secundæ IX; Tertiæ LXIV; Quartæ CXXXII; Quintæ CVI; Sextæ XXVII; Nebulosæ III; Obscuræ nullæ.

Cæterum Nomina, Ordinem, atque Numerum horum Signorum scire licet ex binis hisce Versiculis, qui in omnium ore circumferuntur:

Sunt Aries, Taurus, Gemini, Cancer, Leo, Virgo,

Libraque, Scorpium, Arcitenens, Capre, Amphora, Pisces.

Multò autem elegantiore carmine, & quonam pacto Astronomi soleant hæc Signa in Globo Cœlesti depingere, ea expressit Manilius in Astronomico, Lib. I, p. m. 9, versu XI. Sic sonat Poëtæ carmen:

II.
Signa hæc
vulgò Notis
exprimuntur.

III.
Numerus
Fixarum
in Signis
Eclipticæ.

IV.
Signa hæc
expressa
Carminibus:

V.
Et Alio
pulchrissimo.

*Aurao Princeps ARIES in vellere fulgens,
 Respicit admirans aversum surgere TAURUM,
 Summisso vultu GEMINOS, & fronte vocantem.
 Quos sequitur CANCER, Cancrum LEO, VIRGO Leonem.
 Equato tum LIBRA die cum tempore noctis
 Attrahit ardenti fulgentem SCORPION astro.
 In cuius caudam contento dirigit arcu
 MIXTUS EQUO volucrum missurus jamque Sagittam.
 Tum veni angusto CAPRICORNUS Sidere flexus.
 Post hunc inflexam defundit AQUARIUS urnam,
 PISCIBUS assuetas avidè subeuntibus undas.
 Quos Aries tangit claudentes nubima Signa.*

CAPUT XXVIII.

*Signa Hemispharii Borealis. Numerus Stellarum ea
 componentium. Carmen memoriale.*

I.
*Signa He-
 mispharii
 Borealis.*

Vilis Eclipticæ Signis, ea etiam lustremus, quæ in Hemisphærio Boreali collocantur. Quò autem hoc com-
 . modè fiat, incipiamus à Polo Eclipticæ boreo, atque
 hinc in orbem versus Eclipticam descendamus. Sic facientes
 offerent se sequentia Signa, & sequenti ordine.

Draco.

I. **DRACO.** Item *Serpens*, in longitudine amplectitur omnia
 Signa Eclipticæ; nam circa ipsius Polum borealem in gy-
 rum undique se convolvit. Luculentiores ostendit in Capi-
 te, & hic illic per caudam.
 Stellæ numerat xxxi. Tertiæ magnitudinis 8; Quartæ
 16; Quintæ 5, Sextæ 2.

*Ursa mi-
 nor.*

II. **URSA MINOR.** Aliàs *Arctos*, *Fera minor*, *Cynosura*, *Plan-
 strum minus*. Habet tres Stellæ longè celeberrimas, unam
 in extremitate caudæ, Polo Mundi vicinissimam, quæ *Po-
 laris* appellatur, Nautarum directrix; duas in anteriore
 parte corporis, Batavis *Vigiles*.
 Stellæ tenet vii. Secundæ magnitudinis 2; Tertiæ 1;
 Quartæ 4.

Cepheus.

III. **CEPHEUS.** Clarissimas habet in humero, lumbis, femore.
 Ipsi adscribuntur Stellæ xi. Tertiæ magnitudinis 1; Quar-
 tæ 7; Quintæ 3.

Infer-

Informes II. Altera Quintæ; altera Quartæ magnitudinis.

IV. CASSIOPEA. Constellatio est instar Cathedræ, cui *Cassiopea*. incumbit homo, brachia tollens ad Sidera. Quinque illustrioribus Stellis coruscat. Anno LXXII superioris Sæculi ad Cathedram Cassiopeæ apparuit illustre Phænomenon, quod primo apparitionis tempore Jovem, & Sirius vicit splendore, & magnitudine corporis, atque Astronomorum illius temporis oculos, animos, calanumque sic præstrinxit, ut merito dubites, utrum hæc Stella Cælo, an Terris illustrior fuerit, clariorque. Stellas complectitur XIII. Tertiæ magnitudinis 4; Quartæ 6; Quintæ 1; Sextæ 2.

V. CYGNUS. Item *Olor*, præcipuas habet in ore, pectore, *Cygnus*. & alis. In pectore Cygni apparuit anno 1600 nova Stella tertiæ magnitudinis, quæ diu manens, scribitur tandem anno 1621 sensim evanuisse. Stellas monstrat XVII. Secundæ magnitudinis 1; Tertiæ 5; Quartæ 9; Quintæ 2.

Informes binas, Quartæ magnitudinis.

VI. LYRA. Etiam *Lyra Apollonis*, *Arionis*, *Cithara*, *Vultur ca-* *Lyra*. *dens* nominatur. Inter ipsius Stellas eminet, quæ in alterâ alâ est, vulgo *Lucida Lyra*. Stellas exhibet X. Primæ magnitudinis 1, Tertiæ 2; Quartæ 7.

VII. HERCULES. Dicitur & ὁ ἐν γόνατι, Ingeniculatus, *Hercules*. seu Ingeniculator à situ; distinguendus ab altero Geminorum, qui aliàs Pollux appellatur. Instructus est clavâ, & exuviis Leonis, variasque ostendit luculentiores Stellas, quarum quæ frontem occupat, existit clarissima, & dicitur *Caput Herculis*.

Stellas ostendit XXVIII. Tertiæ magnitudinis 6; Quartæ 17; Quintæ 2; Sextæ 3.

Unam *Informem*, Quintæ magnitudinis.

VIII. CORONA BOREALIS. Sidus est inter Cæli celeberrima, quanquam exiguum. Lucidam habet ejusdem nominis. *Corona borealis*. Stellæ in ipsâ numerantur VIII. Secundæ magnitudinis 1; Quartæ 5; Quintæ 1; Sextæ 1.

IX. BOOTES. Vocatur & *Vociferator*, *Bubulum*, *Arctophylax*, *Bontis*, *Plan-*

Plaustrum ductor. Intra ejus femora conspicitur Stella insignis, & admodum rutilans, dicta *Arcturus*.

Stellæ in ipso inveniuntur XXII. Tertiæ magnitudinis 4; Quartæ 9; Quintæ 9.

Una *Informis* est, Primæ magnitudinis.

Sileo in Globis minoribus duos Canes exprimi, quorum posterior luculentam Stellam continet; prior obscuram, fitas inter caudam Ursæ majoris ad boream, & Comam Berenices ad austrum. Hos Bootes medianibus frænis moderatur.

Ursa major. X. URSA MAJOR. Aliter *Fera major*, *Helice*, *Plaustrum majus*. Contrariam Ursæ minori posituram habet. In eâ septem clariiores Stellæ observantur in formam Plaustrum, inque eadem dispositione dispositæ, quâ septem Ursæ Minoris. Horatius septem *gelidos Triones* nuncupat. Quatuor, quæ in corpore sub figurâ quadrilaterâ delineantur, *Carrum* expriment, tres reliquæ in caudâ *Equos*. Stellæ hujus Signi statuuntur esse XXVII. Secundæ magnitudinis 6; Tertiæ 8; Quartæ 8; Quintæ 5. *Informes* ejusdem VIII. Tertiæ magnitudinis 1; Quartæ 2; Quintæ 1; Obscuræ 4.

Auriga. XI. AURIGA. Hunc & *Erichonium*, *Hemiochum*, ac *Custodem Capellæ* vocant. Fulgentissimam gerit in humero sinistro, quæ Hircus, sive *Capella* dicitur, sub quâ & duo *Hædi* occurrunt. Præter hæc in dextro humero, & pede etiam duas notabiliores ostendit.

Stellæ Aurigæ sunt XIV. Primæ magnitudinis 1; Secundæ 1; Tertiæ 2; Quartæ 7; Quintæ 2; Sextæ 1.

Perseus. XII. PERSEUS. Sinistrâ gerit *Caput Medusæ*, sive Gorgonis, in quo una reperitur cæteris longè splendidior, ejusdem nominis. Ipse Perseus præcipuas habet in dorso & sinistro pede.

Stellas includit XXVI, inter quas sunt Secundæ magnitudinis 2; Tertiæ 5; Quartæ 16; Quintæ 2; Nebulosa 1.

Informes III, Quintæ magnitudinis.

Triangulum. XIII. TRIANGULUM. Alii *Triangulum septentrionale*, *Triangulum*, *Triquetrum*, & *Deltoion* nominant. Est Isosceles.

Stellas continet IV. Tertiæ magnitudinis 3; Quartæ 1.

XIV. AN-

- XIV. **ANDROMEDA.** Quæ & *Persea*. Quatuor insigniores *Andromeda*.
Stellas demonstrat, unam in capite; unde *Caput Andromeda*
appellatur, etiam Umbilicus Pegasi, quem ideo Ptolemæus
non ad Andromedam, sed Pegasum refert; ac reliquas
in humero, cingulo, & meridionali pede, rectam lineam
componentes.
Stellas possidet XXIII. Tertiæ magnitudinis 7; Quartæ 12;
Quintæ 4.
- XV. **PEGASUS.** Aliàs *Equus alatus*, Poëtarum versibus de- *Pegasus*.
cantatissimus est, cujus clariores Stellæ comparent in ore,
collo, alâ, crure, & tres ex hisce cum umbilico Pegasi, de
quo quam proximè, ingens efformant *Quadrangulum*.
Stellas tenet xx, Secundæ magnitudinis 4; Tertiæ 4;
Quartæ 9; Quintæ 3.
- XVI. **EQUICULUS.** Etiam *Equuleum*, *Seditionem Equi*, *Hinnum Equiculus*.
nominant. Est sidus mutilum, non repræsentans, nisi Caput
Equi sectum.
Stellas iv numerat, omnes obscuras.
- XVII. **DELPHINUS.** *Delphin* aliter, cujus quatuor splendi- *Delphinus*.
diores *Rhombum* constituunt; infra quem & altera ejusdem
fulgoris observatur.
Stellæ ejus sunt numero x. Tertiæ magnitudinis 5; Quar-
tæ 2; Sextæ 3.
- XVIII. **TELUM.** Signum existit perquam exiguum, figuræ *Telum*.
non inelegantis.
Stellas non nisi v ostendit, Quartæ magnitudinis 1; Quin-
tæ 3; Sextæ 1.
- XIX. **AQUILA.** Sæpius etiam *Vultur volans*, tres monstrat *Aquila*.
inter utramque alam, quarum media est clarissima. Ut
fileam, quæ in caudâ apparent.
Stellæ ejus sunt ix. Secundæ magnitudinis 1; Tertiæ 4;
Quartæ 1; Quintæ 3.
Informes circa Aquilam sunt vi, constituentes *Antineum*,
non memoratum Ptolemæo, cujus tres in rectâ lineâ dispo-
nuntur, quarum media ponitur in *Æquatore*; tres reliquæ
componunt triangulum. Tertiæ magnitudinis sunt 4; Quar-
tæ 1; Quintæ 1.
- XX. **SERPENTARIUS.** Non rarò *Ophinchus*, *Anguitenens*, *Serpenta-*
Angui- *rini*.

Anguifer. Inter præcipuas Stellas sunt fulgens in capite, communiter *Caput Serpentarii*, binæ in dextro humero, altera in manu sinistra. In dextro pede Serpentarii anno quarto Sæculi labentis visa est Stella primæ magnitudinis, quæ ultra annum permanfit.

Stellas recenset xxiv, Tertiæ magnitudinis 5; Quartæ 13; Quintæ 6.

Informes v, Quartæ magnitudinis.

Serpens.

XXI. SERPENS. Nec non *Anguis*, *Serpens Ophiuchi*, quem manibus prehensum tenet. Prolixa est constellatio, variis quæ fulgentioribus coruscat, imprimis non longè à Capice. Stellæ Serpenti adscribuntur xviii. Tertiæ magnitudinis 5; Quartæ 12; Quintæ 1.

II.

Stella hujus integri Hemisphaerii, earundemque magnitudo.

Sic percurrimus istas Constellationes, quæ in Hemisphærio boreali observantur, & quot quæque Stellas, & cujus ordinis complectatur, annotavimus. Hæ si in summam colligantur dabunt Stellas cccclx, inter quas erunt Primæ magnitudinis iii; Secundæ xviii; Tertiæ lxxxiv; Quartæ clxxiv; Quintæ lviii; Sextæ xiii; Nebulosa i; Obscuræ ix.

III.

Ordo Carminum expressus.

Ceterum quò felicius horum Signorum Nomina, Ordo, & Numerus infigatur memoriæ, atque inhereat, libuit hoc memoriale Carmen subijcere.

*Serpens, Ursæ minor, Cepheus, cum Cassiopeâ,
Cygnus cum Citharâ, tunc Hercules, atque Corona,
Arctophylax, majus Plaustrum, Custosque Capella,
Perseus, & Trigonum, dein Persea, Pegasus, Himmus,
Dolphinus, Telum, Vultur, post Anguifer, Anguis.*

C A P U T XXIX.

Signa Hemisphaerii Australis. Numerus Stellarum in eo. Carmen Technicum.

I.

Signa Hemisphaerii Meridionalis

AD Signa denique, quæ in Australi Cœli Hemisphærio à Veteribus recensita fuerunt, contendamus, initium facturum à Signo Arietis, atque hinc processuri in orbem juxta successionem Signorum. Sic autem procedentes sequentia Signa, & sequenti ordine sese pendent.

I CE-

- I. CETUS. Item *Balena*. Vastum Signum est, atque præcipuæ ipsius Stellæ sunt circa os, in medio corpore; & caudâ. Omnes ejus Stellæ sunt xxii. Tertię magnitudinis 10; Quartę 8; Quintę 4.
- II. ORION. Aliás *Gigas*. Si quod in Cœlo, illustre Sidus est, atque mirabili Stellarum varietate, & elegante positurâ concinnum. Fulgentiores sunt binæ in humeris, quarum quæ in sinistro est, licet minor sit corpore, præcellit tamen rubore, & activitate, *Bellatrix* dicta. Tres sunt in Balæo, seu Cingulo in lineâ rectâ dispositæ quarum prima vicinissima est Equatori, & vulgò *trium Magorum Sidus* nuncupantur. In *Ense* clarissimum est Manubrium. In sinistro pede Stella est admodum coruscans, Arabicè *Rigel*, communis Orioni, & Eridano. *Scutum* ex minutis componitur. Stellæ habet xxxviii. Primæ magnitudinis 2; Secundæ 4; Tertię 8; Quartę 15; Quintę 3; Sextę 5; Nebulosa 1.
- III. CANIS MINOR. Dicitur etiam *Procyon*, & *Antecanis*. Splendidam habet in femore; quæ etiam *Procyon*, seu *Antecanis* appellatur. Stellis 11 constat; alterâ Quartę, alterâ Primæ magnitudinis.
- IV. HYDRA. Nec non *Serpens Aquaticus* & *Coluber*. Unus est ex duodecim laboribus Herculis. Constellatio est longissimè se diffundens. Inter Stellæ eminet clara in pectore, quæ *Cor Hydra* nominatur. Stellæ ostendit xxv. Secundæ magnitudinis 1; Tertiæ 3; Quartę 19; Quintę 1; Sextę 1. *Informes* circa Hydræ notantur 11, Tertię magnitudinis.
- V. CRATER. Item *Scyphus*, *Poculum*, *Patera*. Ponitur supra corpus Hydræ. Nullas habet eximias. Numerantur in eo vii. Stellæ; omnes Quartę magnitudinis.
- VI. CORVUS. Hydræ insidet, & duas splendidiore in aliis. Quæ in extremo pede est, communem habet cum Hydræ. Atque hic vii sunt. Tertię magnitudinis 5; Quartę, & Quintę 1.

- Centaurus.* VII. CENTAURUS. Nobiliores habet in humeris, equino corpore, atque imprimis in binis anterioribus pedibus. Adscribuntur ipsi Stellæ xxxvii. Primæ magnitudinis 1; Secundæ 5; Tertiæ 7; Quartæ 16; Quintæ 8.
- Lupus.* VIII. LUPUS. Etiam *Fera* & *Bestia Centauri*. Claram monstrat in summo pede posteriore ad manum Centauri. In eo occurrunt xix Stellæ. Tertiæ magnitudinis 2; Quartæ 11; Quintæ 6.
- Ara.* IX. ARA. *Lar* aliàs, & *Thoribulum*. Stellæ, quæ & Aram, & Flammam componunt, exigui sunt splendoris. Recensent in eâ Stellas vii. Quartæ magnitudinis 5; Quintæ 2.
- Corona notia.* X. CORONA NOTIA, sive Australis. Sic dicta est ad differentiam alterius, quam in Hemisphærio boreali recensuimus. Neque in hac Stellæ occurrunt alicujus nominis. Stellas in eâ locant xiiii. Quartæ magnitudinis 5; Quintæ 6; Sextæ 2.
- Piscis Austrinus.* XI. PISCIS AUSTRINUS, sive Notius. Etiam *Magnus* cognominatur, & *Piscis Capricorni*, quod discernatur à Piscibus Eclipticæ, de quibus ante. Nullam possidet, quæ comparari potest, cum fulgentissimâ in ore; sed de hac diximus in Aquario. Stellæ in eo occurrunt xi. Quartæ magnitudinis 9; Quintæ 2. *Informes* circa eundem 6. Tertiæ magnitudinis 3; Quartæ 2; Quintæ 1.
- Eridanus.* XII. ERIDANUS. *Nilus* quoque, & *Fluvius* simpliciter appellatur, atque sinuosa est, & maximè diffusa Constellatio. Varias stellas possidet; sed omnes claritate vincit, quæ austrinam ejus extremitatem occupat, Arabicè *Acarner*, sive *Acharnahal*, aut *Acharnaharum*. Stellas ipsi attribuunt xxxiv. Primæ magnitudinis 1; Tertiæ 5; Quartæ 27; Quintæ 1.
- Lepus.* XIII. LEPOS. Elegans Signum est. Quatuor, quas gestat in auribus, constituunt quadrilaterum; sed fulgentiores sunt, quæ locantur in corpore. Stellæ ejus ponuntur xii. Tertiæ magnitudinis 2; Quartæ 6; Quintæ 4.

XIV. CA-

XIV. CANIS MAJOR. Venit & nomine *Canicula*, *Canis Orionis*, atque *Sirii*. Quam in ore tenet, non tantum hujus Constellationis splendidissima est, sed & omnium, quas recensuimus, & recensuimus. Exprimitur vulgo voce *Caniculae*, quin istis, quas integræ Constellationi modò adscripsimus; fuitque Dux Anni penes Ægyptios. Stellæ ipsi accensentur XVII. Primæ magnitudinis 1; Tertiæ 5; Quartæ 5; Quintæ 7.

Canis major.

Informes XI. Secundæ magnitudinis 2; Quartæ 9.

XV. ARGO NAVIS. Quæ & *Navis Jasonis*, & *Arca Noë* vocari solet, est ex maximis Cœli Constellationibus, variasque luculentiores hic illic ostendit; verum longè clarissima est, quæ in Gubernaculo invenitur, nominata *Canopus*, & *Canopus*.

Argo Navis.

Stellæ hujus in universum sunt XLV. Primæ magnitudinis 1; Secundæ 6; Tertiæ 8; Quartæ 22; Quintæ 7; Sextæ 1.

Atque sic etiam perlustravimus istas Constellationes, quas Hemisphærio meridionali Veteres attribuerunt, unâ cum numero Stellarum, quas quæque complectitur. Si verò omnium hujus Hemisphærii Constellationum Stellæ in summam lubeat coacervare, deprehendemus cccxvi; inter quas Primæ magnitudinis erunt VII; Secundæ XVIII; Tertiæ LX; Quartæ CLXVIII; Quintæ LIII; Sextæ IX; Nebulosa 1; Obscura 0.

II.
Fixæ hujus Hemisphærii, cum differentiâ magnitudinum.

Cæterum quò promptius enumeratæ Constellationes cognoscantur, memoriæque tenacius inhereant, placuit hos versiculos memoriales subungere:

III.
Ordo horum Signorum in Carmine.

Sunt Balena, Gigas, Procyon, Coluberque, Scyphusque, Corvus, Centaurus, Lupus, Ara, Coronaque, Piscis, Eridanus, Lepus, atque Canicula, denique Navis.

C A P U T XXX.

Galaxia.

P R E T E R Constellationis hætenus traditas Veteribus etiam cognita fuit *Galaxia*, aliàs *Circulus*, rectius *Via Lactea*; quæ est tractus Cœli, pallidi sive lactei coloris, ipsum instar cinguli ambiens, atque unâ sui parte candidior, latior-

I.
Galaxia.

que, quàm aliâ, ac alibi simplex, alibi multiplex.

II.
Per quæ
Signa tran-
seat ?

Transit autem perpetuò, & sine vel minimâ immutatione per hæc Signa sequentia : Ex Septentrione versus Meridiem per Cassiopeam, caput Cephei, Olorem, & infra Olorem Tropicum Cancrî variis in locis interfecando, per Aquilam, ac (superatis Æquatore ad Antinuum, & caudam Serpentis Ophiuchi, atque Eclipticâ, & Tropico Capricorni ultra, ac citra Sagittam) per levam Sagittarii, Sagittam & caudam Scorpîi ; porro per Lupum, ac pedes Centauri contendit, atque hinc in Septentrionem revertitur per Argonavem, Tropicum Capricorni, Æquatore inter Orionem, ac Canem minorem, supremum dextrum brachium & caput Orionis, pedes Geminorum, atque hic, & supra caput Orionis tractât iterum Eclipticâ, & Tropico Cancrî, per Heniochum, sive Aurigam, Perseum, donec iterum in Cassiopeam incidat. Quemadmodum hic cursus Galaxiæ ad oculum observari potest, si Globus Cœlestis in subsidium vocetur, atque progressus fiat juxta successione Signorum, quam statim expressimus.

III.
Hæc vix
exprimis
carmen
Manilii.

Perpulchrè etiam hunc ordinem Carmine declaravit Manilius Lib. 1. pag. m. 22 v. 1 ; dum postquam de Zodiaco verba instituit, sic transit ad Circulum Lactæum :

*Alter in adversum positus succedit ad Arctos,
Et paulùm à Borea gyro sua fila reducit,
Transique inversa per sidera CASSIOPEÆ.
Inde per obliquum descendens tangit OLOREM,
Æstivosque secat fines, AQUILAMQUE supinam,
Temporaque aquantem gyrum, Zonamque ferentem
Solis Equos, intra caudam, qua SCORPIUS ardet,
Extremamque SAGITTARII levam atque Sagittam.
Inde suos sinuat flexus per crura pedesque
CENTAURI alterius, rursusque ascendere Cælum
Incipit, ARGIVAMQUE RATEM per aplustria summa,
Et medium mundi gyrum, GEMINOSQUE per ima
Signa secans subit HENIOCHUM, teque inde profectus
CASSIOPEA petens super ipsum PERSEA transit,
Orbemque ex illâ coeptum concludit in illâ.*

Et paulò post ;

N^o

*Nec querendus erit, visus incurrit in ipsos
Sponte suâ, seque ipse docet, cogitque notari.
Namque in caruleo candens nitet orbita Mundo,
Cum missura diem subito, cælumque recludens.*

Credidit Aristoteles hanc Galaxiam esse exhalationes in aëre accensas, quare Meteoris accenset, sed hic dormitat Philosophus; quandoquidem Mundo coæva, & nunc, & olim ubique locorum inter eandem Fixas situ prorsus eodem conspicitur. Aliis fuit pars Firmamenti continua, cæteris densior, apta ad accipiendum Solis lumen, non tamen istius densitatis, cujus Fixæ. Verum nec hoc procedit, contractis Tychoni solidis Orbibus, & deturbatis ex Æthere. Recentiores, postquam arundine Dioptrica ipsi licuit Cælum inspicere, censuerunt uniformi suffragio Galaxiam nihil aliud esse, quàm Stellularum, quarum quælibet nudo visui est inconspicua, confluum ineffabilem, atque ex conjuncto harum lumine adspectabilem istam albedinem provenire. Idem jam olim Democritus (ut apud Plutarchum videre est) conjectavit.

IV.
*Varia de
Galaxiæ
opinio.*

CAPUT XXXI.

*Recentiorum Labores in augendo Fixarum,
Signorumque numero.*

HActenus de Galaxiâ, & numero Stellarum apud Veteres, variâque earum distributione. Subjiciendum porro, quid recentiores Astronomi laboribus Veterum superaddiderint. Tycho Braheus, licet ultra ducentas ex iis, quas observarunt Veteres, observare nequiverit propter obliquiorem Horizontem, Stellas tamen quas potuit, tam studiosè contemplatus est, ut circiter ducentas ad Veteres adjece- rit. Numerum earum, quæ adnotatæ fuerant in Cassiopeâ, duplicavit, & pro re natâ in reliquis Constellationibus progressus est. Similiter Keplerus, qui Stellis veterum addidit trecentas, & septuaginta. Sileo Galilæum, Petavium, Baj- erum, qui Telescopio Cælum intuiti, loquuntur numerum Stellarum tantum non incredibilem.

I.
*Recentiores
auxerunt
numerum
Fixarum.*

Sed neque hic substiterunt Recentiorum conamina. Indiæ utrius-

H.
Imprimi.

detestis
Signis circa
Australium.

utriusque perlustratores in parte Cœli, quæ Polo Antartico vicina est, & quam nemo Europæus, neque veteres Ægyptii potuerunt conspicerè, complures Stellas notaverunt, quas in varia Signa distribuere, quamvis in numero omnes non consentiant.

III.
Eorum nu-
merum CAT-
mine no-
tatam;

Nos quidem contenti erimus recensitione eorum Signorum, quæ Globo impressa oculis exponuntur, & sunt numero XIV, additis insuper binis Nubeculis, juxta hoc Carmen memo-
riale :

QUATUOR, atque DECEM numerarunt circiter AUSTRUM
Sidera nuperius Nautæ; quibus UTRAQUE NUBES
jungitur, Antiquis quæ nunquam visa fuerunt.

IV.
Ordo.
Cruz.

Ordo autem, quem in hisce proponendis observabimus, est hujusmodi :

Cruz.

I. CRUX. Hispanis *el Cruzero*. Sub ventre Centauri locum obtinet, & ex quinque Stellis componitur, quarum quatuor fulgore eminent, sub figurâ Crucis dispositæ. Nautis in austrum velificantibus Cynosura est, juxta quam cursum instituunt; uti Stella polaris fuit ante inventionem acus magneticæ. Cæterum varii sunt, qui hanc Constellationem non recensent inter novas Constellationes Hemisphærii meridionalis, sed referunt ad posteriores pedes Centauri, cujus jam antè meminimus. Verum nulla ratio videtur, quare hæc minùs nova audiat Constellatio, quam aliæ, quarum statim monebimus.

Indus.

II. INDUS. *Sagittifer*. Nonnisi obscuriores possidet. Juxta quosdam XIII, alios XII numerat.

Grus.

III. GRUS. *Phænicopterus*. A Grue alii distinguunt. Græcis *Geranos*; Hispanis *Flamengo*. Quidam XIII, alii XV Stellas ipsi attribuunt. Tres cæteris clariores ostendit in dorso, alâ, ac oculo; quarum hæc cum caudâ Piscis Notii coincidit.

Phoenix.

IV. PHOENIX. Stellas complectitur XIII, juxta alios XIV, & XV, ex quibus quæ in collo, alâ, & flammâ exprimuntur, reliquas superant magnitudine.

Columba.

V. COLUMBA. *Columba Noë*, *Columba olivifera*. Constat Stellis XI, quarum duæ præcipuæ sunt in dorso, dictæ *boni Nuntii*. Hæc Constellatio aliis negligitur.

Musca.

VI. MUSCA. *Musca Indica*; Indis *Mnia*. IV Stellas numerat,

rat, omnes minoris magnitudinis. Hanc ad Chamæleontem alii referunt.

VII. TRIANGULUM AUSTRINUM. Tenet Stellas IX, quarum tres, quæ angulos repræsentant, residuas splendore vincunt. *Triangulum Austrinum.*

VIII. PAVO. Huic quidam XVI, alii XIX, quin XXIII adscribunt. Splendidam gerit in oculo, præter quam binas habet in alâ, tertiamque in pectore fulgentiores, fermè in rectum dispositas. *Pavo.*

IX. PICA INDICA, *Brasilica, Toucan & Toucan.* EX VIII. *Pica Indica.* Stellis conflatur, sed nulla est alicujus nominis.

X. HYDRUS. *Serpens aquaticus.* Longior est constellatio, atque ex Stellis XIII, XV, XX (variant enim Astronomi) constituitur. Maximam ostendit in capite, prope extremitatem Eridani. Polo Antarctico inter omnes constellationes est vicinissima, sed quæ ipsius pars Polo proxima est, nullam tenet, quæ fulgore emineat. Quin infra gradum vigesimum à Polo istiusmodi Stella non conspicitur. *Hydrus.*

XI. DORADO. Hispanis nomen Piscis; Græcis *Xiphias*. Stellæ ipsius sunt juxta quosdam VII, alios non nisi IV, splendidiores; quarum prima propinquissima est Polo Eclipticæ. *Dorado.*

XII. PISCIS VOLUCRIS, *volans, Passer.* Stellas VII, vel ut aliis placet, V includit, sed exiguas. *Piscis volucris.*

XIII. CHAMÆLEON. Constat Stellis IX, aut X minusculis, figuram exprimentibus non omnino dissimilem Ursæ minori. *Chamaeleon.*

XIV. APOUS, *Apis Indica, Avis Paradisi.* Avem Paradisi quidam distinguunt ab Ape Indicâ, & ex eâ novam faciunt Constellationem, cujus tamen in Globo nullum apparet vestigium. Stellas X, aut XII nacta est, sed ex infimâ conditione. *Apoüs.*

XV. NUBECULA MINOR. Hydrium attingit.

XVI. NUBECULA MAJOR. Aliquâ parte confinis est Polo Eclipticæ, & constellationi Dorado. Sunt candidæ maculæ in Cælo circa Polum austrinum, Galaxiam colore referentes, ideoque ejusdem cum eâ naturæ creditæ, quare recenter detectis Sideribus ab Astronomis quibusdam accensentur, ab aliis contradistinguuntur. Nonnulli Nautæ eas appellant Nubeculas Magellani. *Minor; Major Nubecula.*

V.
*Versus me-
moriales.*

Ordinem & nomina recentiorum horum Siderum subjuncti
Versiculi memoriales sic efferunt:

*Crux, Indus, Geranos, Phoenix, & Noë Columba,
Muscaque, cum Triquetra, Pavo, Brasica Pica,
Hydrus, Dorado, Passer, Chameleon, Aponi.*

VI.
*Numerus
Signorum
varius;*

Sic vidimus quantâ accessione cum Fixarum, tum Signo-
rum recentiores Astronomi Cœlum locupletaverint, & unde
nascatur discrepantia, quòd nonnullis Sidera circa Polum Au-
strinum statuuntur numero xii, aliis xiii, xiv, xvi, quin
& xvii.

VII.
*Et Stella-
rum.*

Uti in Signis, sic numero harum Stellarum Astronomi dif-
crepant. Quidam exclusis nebulosis, & binis Nebulis sive Nu-
beculis, Stellas tantùm numerant cxxi; quas ratione Magnitu-
dinis sic subdividunt, ut præteritis Primæ, quæ nullæ sunt,
Secundæ sint vii. Tertiæ vi; Quartæ xxxv; Quintæ lvi;
Sextæ xi; Informes vi. Juxta nostram recensitionem occurrent
vel cxxxii, vel clx, quem tamen numerum alii amplificant.

VIII.
*Trita Sig-
norum no-
menclatu-
ra melior.*

Cæterum quando novas, & antiquas Cœli Constellationes
proposuimus, receptæ inhæsimus Nomenclaturæ; quam planè
subvertit quidam Julius Schillerus Augustanus, autumans
indecorum existere, quòd Cœlum Urfis, Draconibus, Cen-
tauris, similibusque nugis, & fabulis impleatur, ideoque Cœ-
lum Christianum Gentili sequentem in modum substituit.
Eclipticam assignavit xii Christi Apostolis; Hemisphærium
Boreale Novi Testamenti personis, & rebus memorabilibus;
uti Meridionale Veteris Testamenti. Similiter processit in no-
vissimis Constellationibus. Hoc verò hac immutatione præ-
stitit, ut Barbarus factus sit omnibus.

C A P U T XXXII.

Via ad notitiam Fixarum.

I.
*Rectificatio
Horizontis,
Meridiani
& Poli in
Globo;*

TAndem Coronidis loco exponendum, qui Stellæ, & tra-
dita Sidera beneficio Globi Cœlestis, & Quadrantis, seu
Radii Astronomici, ubique locorum, & quoties occasio
se se dedit, cognoscantur. Quod ut fiat, Globus, uti lo-
quantur Astronomi, primùm rectificetur, seu ad situm Cœ-
li

li exquisitè disponatur; hunc in finem necessum est, ut Horizon, Meridianus, Polus, & Stellæ Globi convenient cum Horizonte, Meridiano, Polo, ac Stellis cœlestibus. Situm Horizontis quidam explorant ad globulum plumbeum ex filo perpendiculariter dependentem, sed hic non adedè necessarius videtur, quum simplex sufficiat intuitus. Meridiano rectificando interfuire potest Pyxis Nautica, sive Compassus, qui non rarè in pede Globi ad partem austrinam collocari solet; item præcognita Stella Polaris, cum distantia à Polo. *Vide sis SECTIONIS II Caput XXVII, Paragr. x.* Poli elevatio haberi potest (præter noticiam Stellæ Polaris, de quâ quàm proximè) ex curatiore Chartâ Geographicâ, vel viis ante assignatis. *Confer huius SECTIONIS Caput XXI.*

Hiscæ præmissis, Stellæ, & Signa Globi revocari possunt ad situm Cœlestem diuersimodè. Ex præcognitis die, & horâ, desiderata Cœli constitutio sic acquiritur. Quare ex die gradum Solis, cum lateri Meridiani suppone, & Indice imposito XII, Globum volve, quousque hora observationis requirit; quem terminum adeptus, Globum firma, & habebis situm omni parte eundem cum situ ipsius Cœli.

Porrò si vel Dies, vel Hora diei ignoretur, nihilominus quis voti compos potest evadere per cognitum Stellæ Azimuth, vel Almucantarath. Globi Horizonte, Meridiano, ac Polò ritè dispositis, volvatur Stella, usque dum debitum Azimuth, vel Almucantarath, seu ante, seu pomeridianum, obtineat, quod per Circulum Verticalem citra negotium intelligitur, pariterque Globus, quæ desiderabatur, constitutionem obtinebit.

Hoc præmissò, oculus sereno Jove, & à Crepusculo, ac Lunæ radius immuni, dirigendus est in fulgidiores Fixas, earumque apparens magnitudo, plaga, altitudo supra Horizontem, varia distantia à vicinis majoribus non tantum, sed & minoribus, probè notandæ veniunt; quæ si cum Stellis Globi ad amussim consentiant, certò licet concludere, Stellas in Cœlo visas ipsissimas esse cum iis, quas Globi superficies delineatâs ostendit.

Imprimis negligere non oportet formas & figuras, quas Fixæ suo situ non rarè efficiunt; puta vel Circulum, ut in

II.
Item Stellarum priorum modo;

III.
Ac posteriore.

IV.
Quomodo utilis ad negotium Stellarum?

V.
Ad quam Figurâ ca-

ram mul-
tium ju-
vant.

Coronâ ; vel Triangulum , quale in utroque Hemisphærio reperitur ; vel Quadrangulum , ut quatuor in Ursâ majore , quæ cum tribus reliquis exprimunt figuram currus cum inflexo temone. Sic tres Reges in Orione efformant Cingulum ; Stellæ in Delphino crucem minorem ; & majorem clariorem in Cygno. Pleiades à multitudine conglomeratâ , non absimili pullis , faciliè cognoscuntur. Caput Medusæ sedem exprimit. Similiter in reliquis Constellationibus , quantum pote , utile est alias , aliasque Figuras excogitare , quò firmius retineantur , & imaginatio ipsarum ad iteratum conspectum redeat quàm promptissimè.



INSTI-

INSTITUTIONIS ASTRONOMICÆ

SECTIO POSTERIOR, • S I V E DOCTRINA THEORICA.

C A P U T I.

Motus Secundus Stellarum, & spuria ejusdem Explicatio.



Actenus de priori parte Astronomiæ, quæ Sphærica nominatur, pro Institutione differuimus. Progredimur ad posteriorem, quam Theoricam, seu Theoriam nuncupant; quia in declarando proprio Stellarum motu utitur quibusdam Machinulis, aut Orbibus planis chartaceis, aut circulis tantum delineatis circino: quæ Organa Theoriæ

I.
*Pars Astro-
nomiæ
Theorica.
Ratio no-
minis.*

communiter Astronomis appellantur.

Proprius autem Motus, qui & Secundus dicitur, & Annuus à potiore parte, peragitur ex occasu in ortum obliquè in consequentia Eclipticæ, seu secundum successionem Signorum; quod quando per compendium exprimere volunt Astronomi, solummodo exprimunt literam initialem cujusque vocis, hunc in modum, S. S. S.

II.
*Motus
Secundi
Definitio.*

Quod verò hic Motus omnibus Stellis conveniat, ex observationibusprehenditur. Inter Planetas exempli loco sit Lu-

III.
Conuenit

*Planetis,
esse Lunā,*

na. Hæc in Novilunio vespere unâ cum Sole occidit. Tri-
duo, aut quatrinduo post, Sole occidente, longo intervallo ab
occasu versus ortum relinquitur, ad quem indices magis, ma-
gisque appropinquat; donec sub finem secundæ Septimanæ,
Sole infra Horizontem labente, ipsa demùm in ortu caput ex-
erit. Insuper neque in eodem semper Parallelo versatur, aut
eiusdem manet Declinationis, sive declinationis plagam, sive
mensuram spectaveris. Similia in reliquis Planetis observan-
tur.

IV.
*Item Fixis;
sed serius
observatum
est.*

In Fixis vetustissimi Astronomi Proprium Motum propter
nimiam ipsius tarditatem non potuerunt notare, quem tamen
Posteri, Priorum adjuti laboribus, invenerunt. Timocharis,
qui vixit tempore Alexandri Magni, scripsit Pleiadas ab-
fuisse per gradus xx à puncto Verni Æquinoctii. Postmo-
dum ætate Imperatoris Domitiani, seu post iv Sæcula, eadem
Pleiades repertæ sunt ab eodem puncto Æquinoctii distare
per gradus xxiv. Temporis progressu etiam incrementum
cœpit hæc distantia, licet sicuti peractæ Observationes possunt
docere, non æquali progressu, quem tamen in dubium vocat
Kepplerus. Paris naturæ sunt, quæ de aliis Fixis in ordine ad
hunc Motum memorantur.

V.
*Explicatur
juxta sen-
tentiam Co-
pernici;*

Cæterum quâ ratione eidem Stellæ eodem tempore duplex
Motus possit competere, & quidem oppositus, complurium
vexavit ingenia. Coperniciani hunc duplicem Motum ab-
surdum judicantes, Planetis non nisi proprium attribuunt;
communem à circumvolutione Terræ circum axem deri-
vantes, de quâ inferius; Fixis verò nullum. Quæ autem
in hisce ad plagam ortivam conspicitur revolutio, duntaxat
relativa erit, nata ex eo, quòd Æquator quotannis Eclipti-
cam aliquantò secet antè, unde Æquinoctiale punctum tran-
sit in Præcedentia, & partes Eclipticæ, ac Stellæ comparent
in Consequentia tantundem progredi. Atque hæc ratio est,
quare Copernicus Proprium Fixarum motum appellet Præ-
cessionem, seu Anticipationem Æquinoctiorum.

VI.
*Et Prole-
mas.*

Alii, suppositâ Hypothesi de Telluris quiete, ad solidas
Sphæras, sive Orbes confugiunt, quorum quisque superior
proximè inferiorem complectitur, sicut in Cæpis tunica tu-
nicam; & per hos geminum Motum ita interpretantur. Motus
Com-

Communis fiet à supremi Orbis , qui ab hoc effectu Supremum , seu Primum Mobile vulgò nuncupatur , circumvolutione , unà secum omnes inferiores circumferentis , ut hic Motus quasi per accidens sit , & ab extrinseco. Proprius verò Motus continget ex eo ; quòd quilibet Orbis inferior suo motu plus minùs contranitur motui Primi Mobilis , atque hic Motus Orbibus inferioribus per se , & ab intrinseco conveniet. Quo autem uterque Motus clariùs intelligatur , eum illustrant exemplo Formicæ , rotæ figulari insidentis , quæ non obstante motu in orbem , in plagam oppositam cursum potest dirigere.

Sed licet hoc pacto duplex Motus diversus , imo innumeri eidem corpori possint competere , non tamen tradita explicatio satisfacit , quia permulta repugnant , quo minùs Cælum ex Orbibus solidis componatur ; quemadmodum infrà ostendemus , quando dicendi locus erit de Ptolemæi Systemate.

VII.
*Qua non
 satisfaci.*

C A P U T I I .

Legitima Explicatio Motus Secundi in genere , & Fixarum in specie.

REctiùs nostro iudicio inter veteres Philosophos senserunt Anaxagoras , Democritus , & varii antiqui Patres , unum tantùm Cælum existere , fluidum instar aëris , per quod Stellæ , in suo quæque loco dispositæ (seu à fluxu Cœli circumagantur , sive per Cælum quiescens se circumagant) simpliciter feruntur in occasum , sed dispari velocitate. Fixæ omnium celerrimè , quas superiores Planetæ , & hos inferiores excipiunt , ut Luna omnium sit tardissima. Verum Planetas non tantum , sed & Fixas Æquator rapiditate motus superat , ut si initium Æquatoris advolvatur Meridiano , & simul ad eum consistat Fixa , atque unus , aut plures Planetæ , unâque pariter à Meridiano in occasum procedant , punctum Æquatoris suam periodum primò conficiet , Fixa eodem temporis articulo hærente in puncto Cœli , quod Meridiano proximum est versùs ortum , ac Planetis in aliquantò remotioribus , plus minùs , pro motuum suorum diversitate. Quæ quidem

I.
*Stellis non-
 nisi motus
 in occasum
 convenit ,
 varia celo-
 ritatis :*

varia-

variatio cum quotidie recurrat, necessum est, ut omnes Stellæ ad Æquatorem collatæ temporis progressu appareant in ortum contendere, quia tardiùs procedunt in occasum, & ab eodem puncto Æquatoris, ac Stellis occidentalioribus, perpetuò celerius in occasum progredientibus, continuò magis, magisque deferuntur.

II.
Quod doceatur exemplo Solis

Quo autem plenius hic conceptus intelligatur, Proprium Motum particularis Planetæ expendamus; nam cæterarum Stellarum eadem prorsus est ratio. Itaque constituamus Solem, quando est in initio Arietis, quod initio Æquatoris respondet, sub Meridiano, & hinc Globum volvamus in occasum, quousque initium Æquatoris Meridiano iterum subjaceat, quod ubi accidit, Sol unum ferè gradum orientalis deprehenditur, proximo die duos, tertio tres, atque ita deinceps; adeò ut, quo tempore Sol circa tellurem instituit reditus CCCLXV, inveniatur Æquator perfecisse CCCLXVI, qui tamen ultimus, & supernumerarius reditus non accidit simul uno die, sed per integrum annum particulatim colligitur.

III.
Tantum in occasum moti.

Non igitur Sol accuratè loquendo in orientem, & initium Æquatoris in occidentem concesserunt, verum uterque non nisi in occidentem concessit, punctum Æquatoris celerius, Sol tardiùs: quare necessum est, ut illud hunc tandem denuò assequatur. Interim notandum, quod qui unum tantum in Sole, ac Stellis motum admittunt, nihilominus utantur vocibus primi, & secundi Motus, longissimo usu receptis, quo omnis evitetur confusio.

IV.
Preffior explicatio Secundi motus Fixarum.

Sed missà generali naturâ motus Secundi, seu Proprii Stellarum cum in specie contemplerur, primùm in Fixis, deinceps in quoque Planetâ. Fixæ hunc Motum instituunt circa Axem, & Polos Eclipticæ, in Parallelismo cum eadem juxta successionem Signorum; uti observationes priores cum posterioribus collatæ edocent. Quod ut distinctiùs imaginemur, cogitandum Fixas motu diurno Circulos perfectos, seu in se ipsos redeuntes non describere, sed qui aliquantillùm deviant seu versus austrum, seu boream; quales, si liceat magna componere parvis, constituunt funium inflexiones, aut complicationes serpentium, & Spiræ appellantur Astronomis.

Quem-

Quemadmodum verò Primus Motus in Fixis maximè est æquabilis, ita etiam Secundus se habet; uti ex collatione veterum observationum cum novis videre est. Quas enim Ptolemæus suo tempore in unâ rectâ lineâ conspexit, eandem etiam nos hodie post elapsa tot Sæcula in eadem lineâ invariabiliter dispositas observamus; speciminis loco Capellam, sinistrum pedem Erichonii, & Palilicium, seu oculum Tauri: Item eandem Capellam, & dextrum Aurigæ pedem cum Orionis sinistro propemodum, ut alias sileam.

In hoc consentiunt omnes Astronomi, hunc motum omnium esse longè tardissimum; quo autem tempore peragatur, Varii plus minùs dissentiunt. Ptolemæus, & plurimi inter antiquos statuerunt Motum Secundum non absolvi, nisi elapso spatio cccclx Sæculorum, quod in cccxc Sæcula Alphonsini extenderunt. Copernicus desideravit 25816 annos Ægyptios; Tycho 25411 Julianos, & dies 215; vulgò rejectâ fracturâ ipsi adscribunt 12 annos supra milles, & centenos. Itaque juxta Tychonis Arithmeticam Fixæ progredientur versus ortum hebdomadis spatio vix 1 Sec.; integro anno tantum 51 Sec.; annis Lxx & diebus 215 unicum gradum; singulis centenis annis grad. 1, & 25 min., denique annis circiter 2118 universum dodecatemorium. Hæc autem opinionum discrepantia ex Observationum varietate profluit.

Cæterum tempus hujus revolutionis vocatur Macrobio Annus Mundanus; aliis magnus Annus Sidereus, vel magnus Annus simpliciter; item magnus Annus Platonius: quo transacto docent Platonici numerum completum fore, resque omnes in pristinum statum redituras.

C A P U T I I I .

Utilitas ex tradito Secundo Motu Fixarum in solvendis variis Problematis.

Porro qui hunc Secundum Fixarum motum, uti decet expendere, clariùs, distinctiùsque percipiet rationem diversorum Problematum, quorum nonnulla jam ante attigimus. Quare Fixæ tam segniter suam Declinationem

V.
Is æquabilis est;

VI.
Et lentissimus.

VII.
Magnus Annus.

I.
Motus Secundus variatam declinationem immu-

*nis in Fixarum
multum
diluatur.*

immuent, & quæ in Signis Geminorum, Cancrî, Sagittarii, ac Capricorni versantur omnium segnissimè; quæ in Piscibus, Ariete, Virgine, & Librà celerrimè; quæ denique in Signis intermediis, Tauro, Leone, Scorpio, atque Aquario intermediâ ratione. Quare Fixæ, quæ hærent in Signis, & gradibus Signorum oppositis, & in pari distantia ab Æquatore, æquali tempore æqualem experiantur Declinationis vicissitudinem. Quare ejusdem Fixæ Declinatio temporis progressu fiat ex Australi nulla, postmodum borealis, & ex adverso. Quare aliæ possint habere Declinationem borealem, aut australem, dein nullam, iterum borealem aut australem; & aliæ nonnisi borealem, vel australem, cum vario tamen incremento, & decremento.

II.
*Item Latitudinem,
& Longitudinem:*

Insuper ex Secundo Fixarum Motu liquet evidentissimè, quare Fixæ, quæ nullam nactæ sunt Latitudinem, nullam impostum nanciscantur; quæ Borealem, eam cum Meridionali neque commutent, neque vel augeant, vel imminuant; similiterque comparatum sit cum iis, quibus obigit Meridionalis Latitudo. Contrâ autem fiat cum Longitudine earundem, quam omnes perpetuò mutant, & æquabiliter juxta successionem Signorum.

III.
*Nec non
mutationem loci
in Signis
Zodiaci;*

Atque ita videmus, quam ob rem ante duo circiter millia annorum, quum Ægyptii, & Græci Astronomi Cœlo incumberent, prima Stella in cornu Arietis fuerit circa ejus initium, à quo nunc temporis per gradus xxviii in orientem contendit. Item cur Constellationes Eclipticæ non conveniant cum suis Dodecatemoriis; sed Aries migraverit in Dodecatemorum Tauri, hic in Geminorum. & ita porro: quin cum tempore à suis Dodecatemoriis longius sint evagaturæ, & sequentia Sæcula requisitura sint alios Globos Cœlestes.

IV.
*In Stellis
Cynosuræ.*

Hinc pariter innotescit, quare in Sphærâ Hesiodi Polo omnium proxima fuerit Stella in Cynosuræ dorso, Nautis Vigil, ex quâ nautæ Sidonii creduntur Poli altitudinem observavisse. Item quare Stella in extremâ caudâ Cynosuræ, Polaris vocatâ tempore Hipparchi abfuerit à Polo gradus xxi & xxiv min., hodie verò tantum ab eo absit per gradus duos, & xxi min., atque post pauca Sæcula juxta quosdam in Polum incidet, juxta alios distabit per pauca Sæcula, & deinceps si

Mun-

Mundus pergat durare, ab eo secedet magis magisque, quin ad XL gradus, & amplius.

Nedum quare Stellæ ex Cepheo, Cygno, Hercule, Dracone, quæ jam multum absunt à Polo (ut transeam quæ sunt in Argo Navi, & Hydro circa Polum Austrinum) postmodum ei futuræ sint vicinissimæ, quemadmodum ope circini facillimum est edocere. Denique quare Stellæ quædam, quæ nunc infra Horizontem nostrum perpetuo latent, subsequen-
tibus Sæculis supra eum sint orituræ; & contrà, quæ jam supra eundem sine occasu obambulant, imposterum etiam infra sint descensuræ.

V.
*In Circum-
polaribus;
aliisque.*

Sileo ex hoc motu etiam liquere, quare Pleiades, Hyades, Orion, Canicula, Spica Virginis, Arcturus, aliæque seu Stellæ, seu Constellationes, serius nunc, quam olim cum Sole oriuntur, & occidunt, atque hodie citius, quam post Sæcula, quod in intelligendis Antiquis Scriptoribus diligenter est observandum. Unde nemo non videt, quàm parum firmæ sint cogitationes Astrologorum, quando Pleiadas, Hyadas, Orionem prædicant pluvias, tempestuosas, Nautis infestas; Caniculam cum Sole surgentem torrere aërem, terram, maria, in cellis vinum affligere, & quæ plura sint ejusdem commatis. Tandem ex eodem motu liquet, quare annus Solaris Astricus, sive Sidereus, seu temporis spatium; quo Sol à Fixâ (seu fuerit prima in Ariete, seu clara in fronte, seu Canicula, seu alia quæcunque) digrediens ad eandem revertitur, major sit anno Solari Tropico, sive Vertente; quem tamen ante Hipparchi tempora Antiqui ab anno Tropico non distinxerunt.

VI.
Et cur Fixæ serius cum Sole surgant; & annus Sidereus sit prolixior Tropico.

CAPUT IV.

Motus Trepidationis in Fixis.

PRæter motum Proprium, sive Secundum Fixarum, de quo jam disseruimus, quidam Fixis duos insuper, sed imperfectos Motus adscribunt, quos vocant motus Trepidationis, item motus Accessus, & Recessus, ac Librationes; quæ aliis tamen adhuc sunt in ambiguo. Prior est, quo

I.
Motus prior Fixarum Imperfectus.

L 2

Fixæ

Fixæ per exiguum spatium, tantum tertiam gradus partem parum excedens, à Boreâ in Austrum, iterumque ab Austro in Boream, inæquabiliter tamen commoventur. Quo autem temporis interstitio hic Motus conficiatur, inter Auctores non bene convenit. Cæterum ex eodem pendebit ista disparitas in maximâ Solis Declinatione, quæ diverso tempore notata est, & quam ante attigimus.

II.
Motus Posterior.

Posterior est, quo Fixæ per spatium priore majus, id est per gradus duntaxat duos cum triente, ab Ortum in Occasum, iterumque ab Occasu in Ortum, motu etiam inæquabili, reciprocationem instituunt; quo Motu efficitur, ut & Fixarum motus ab Occasu in Ortum, & magnitudo anni inæquales appareant.

III.
Motus imperfecti expositio juxta Alphonsum.

Rex Alphonsus cum suæ Ætatis Astronomis hanc Fixarum Trepidationem expositurus, novem mobilibus Orbibus Ptolemæi adjungit decimum; quorum septem Inferiores motibus Planetarum subservient; octavo Orbi proprius erit motus Trepidationis; Nonus tribuet octavo Orbi motum ab occasu in ortum; & decimus tandem erit primum Mobile.

IV.
Juxta Alios.

Alii xi Cælos, five Orbes constituunt; juxta quos, ut sciam Orbes Planetarum, Orbis octavus Fixas ab occasu in ortum circumferet; Orbis nonus & decimus communicabunt iisdem binos illos imperfectos Motus; quos denique excipiet Orbis undecimus, primum Mobile.

V.
Juxta Copernicum.

Copernicus ut salvet Motus Imperfectos, voluit Axem Terrestris describere figuram intortæ corollæ, eundemque suo habitu in ortum, ac reditu in occasum Posteriores motum efficere; uti eundo in boream, ac redeundo in austrum Priorem. Cæterum quicquid Astronomi de Motibus hisce doceant, certum est, Observationes eorum incertiores existere, quam ut de iis multum determinemus.

CAPUT V.

Generalis Planetarum Doctrina.

Sic proprios Fixarum Motus perlustravimus. Nunc ordo
 xigit, ut ad Proprios Planetarum Motus progrediamur; I.
 de quibus tamen antequam dicimus, necessum est de Pla- Planeta-
rum Nati-
ra.
 netis in genere quidpiam præmittatur. Sunt autem Planetæ,
 Latinis Errones, & Stellæ Erraticæ, istiusmodi corpora Cœ-
 lestia, quæ infra Fixas, & se mutuò in inæquali distantia à
 Tellure sub Eclipticâ, aut circa eam feruntur, motu quidem
 admodum difformi, & inter se invicem, & in ordine ad Fixas,
 quo distantia cujusque Planetæ à Stellis reliquis ne quidem
 per momentum eadem manet; sed maximè uniformi, si per
 se considerentur. Nam certissimis & immutabilibus Periodis
 à condito mundo circumferuntur, uti loquuntur Ephemerides.
 Unde non malè Ciceroni Planetæ dicuntur per Antiphrasin.

Si Solem excipias, omnes lumine mutuatio, & quidem II.
 Solari perfunduntur, quemadmodum liquet, habitâ ratione Affec-
tionis.
 distantia, ex colore luminis. Superficiæ plerique sunt inæ-
 qualis, magnitudinem apparentem sæpe immutant, & à Fi-
 xis, atque se invicem loco, situ, quantitate corporis, ac lumi-
 nis qualitate discernuntur.

Dissepiscunt hodie Planetas in Primarios, & Secundarios. Hi III.
 à Recentioribus Astronomis detecti sunt subsidio Telescopii, Prior Di-
visio.
 deque ipsis loquemur, quando de Primariis Planetis, circa
 quos gyraut, disserendi dabitur copia. Illi jampridem Anti-
 quis innotuerunt, & Motus illorum diligenter fuere perscru-
 tati.

Subdividuntur porrò Primarii Planetæ in Luminaria, & IV.
 Planetas simpliciter. Illa numero duo sunt, Sol & Luna, Et Post-
rior.
 quos his characteribus ☉, ☾, signant Astronomi; atque
 ita per Antonomasiam non tantum Astronomis, sed & cunctis
 ferè Scriptoribus appellantur, præeunte sic accuratè Sanctâ
 Paginâ. Residui Planetæ Primarii sunt V, quorum nomi-
 na & characteres ita se habent: Saturnus ♄, Jupiter ♃,

L 3

Mars

Mars ♂ (qui Ptolemaicis communiter Superiores vocantur respectu Planetæ omnium fulgentissimi) Venus ♀, & Mercurius ☿, cum Luminari Lunâ, iisdem Inferiores vocati respectu dicti Planetæ.

V. Cæterum Ordinem primariorum Planetarum juxta cum Numero ex sententiâ Ptolemæi efferunt hi memoriales Versiculi :

Ordo; &
numerus,
Carmino
significatus.

SATURNUS prior est: hinc JUPITER: inde GRADIVUS:

Quos sequitur PHOEBUS: Cypria quinta VENUS:

MERCURIUS sextus: LUNÆ Post infimus ordo

Traditur, ac agmen clauditur hoc numero.

CAPUT VI.

*Sol causa Diei. Dies Astronomicus.
Varium Diei initium.*

I.
Sol.

SEd singulos hosce Planetas pressius inspiciamus, ducto exordio à Sole, cæterorum omnium facile principe. Est autem Luminare Cœli maximum, ex se coruscans, quod motu communi Diem, & proprio Annum, variasque ipsius Tempestates constituit.

II.
Vulgaria
Diei natu-
ralis de-
scriptio:

De Motu Solis communi nil attinet dicere, quum ex ante dictis citra negotium innotescat; sed effectum ejus, qui Dies est, premere non licet silentio. Vulgò definitur istud spatium temporis, quo accedit integra lucis Solaris, & subsequens tenebrarum, seu continua, seu interrupta revolutio. Dicitur aliàs Dies naturalis, *ἡμερῶν ἕως ἡμερῶν*, quasi Noctidiale.

III.
Nec non
Astrono-
mici;

Verum hæc Diei definitio universalis non est; dantur enim Dies plurimi, sine luminis & tenebrarum vicissitudine, quemadmodum paulò inferius ostendetur. Quare rectius Diem naturalem licet describere; quod sit spatium temporis, à Sole requisitum, ut à Meridiano digrediens redeat ad eundem. Atque interea circumvolvitur integra Linea Æquinoctialis, unâ cum additamento ejusdem, respondente illi Eclipticæ particulæ, quam interim motu Proprio Sol percurrit. Et hic Dies naturalis dici consuevit Astronomicus.

Ne-

Neque ratio hujus Additamenti, cujus statim meminimus, obscura esse potest ei, qui notavit, quæ de Motu Secundo, & declaratione ejus per Motum Solis, jam ante attigimus. IV.
Cujus ad-
ditamenta
variant. Hæc autem Additamenta, seu portiones Æquatoris, quotidianis Solis ascensionibus, aut descensionibus respondentes, non semper sunt uniusmodi. Nam Motus Solis proprius per Eclipticam inæqualis est, atque gradus Eclipticæ in ordine ad Æquatorem & Horizontem obliquum variæ sunt obliquitatis, & proinde hæc inæqualitas non potest non in Dies naturales redundare. Interim Astronomi inter Additamenta inæqualia Medium, seu æquale assumunt, quod mensura statuitur inæqualium.

Atque hinc est, quod Dies naturales statuuntur duplices. V.
Et hinc
Dies sunt
inæquales: Alii sunt Veri, qui etiam inæquales, & apparentes vocantur; quibus præter integram Æquatoris periodum additamenta vera, atque in ipso Cælo comparentia, sed inæqualia superadduntur. Nempe in Apogæo 57 min. & in Perigæo 61 min.; ut secunda transeam cum silentio.

Alii sunt Medii, sive æquales, quibus accedunt supra totam circumductionem Æquatoris additamenta media seu æqualia; quæ excurrunt ad 59 min., 8 sec., 20 tert. Aded ut Dies naturalis medius componatur ex ccclx gr. Æquatoris, atque 59 min., 8 Sec., 20 Tert.; pro quibus tamen ut plurimum tantum ccclx-gr. assumi solent. Nam ista inæqualitas inter paucos dies proximos observari non potest; ast si aliquam multo dies ordine in aliquâ anni parte comparentur, discrimen orietur omnino notabile. VI.
Et æquales.

Porro ubinam Diei naturalis initium oporteat collocare, disquiritur. In Sphærâ Rectâ nihil refert, utrum assumatur Meridianus, an Horizon. Nam in eâ Circulus, qui uni Horizon est, alteri est Meridianus, & contrâ; atque adeo ibidem non malè assumi potest Horizon, seu orientalis; Seu occidentalis, lucis, & tenebrarum terminus. Sed neque in Sphærâ Parâllelâ, neque in Obliquâ semper & ubique, Horizon posset huic usui subservire; quandoquidem in illis multi dies occurrunt, per quos Sol supra aut infra Horizontem indefinenter obambulat. Quin ubi in Sphærâ obliquâ infra Horizontem Sol se condit, non satis rectè Horizon adhiberetur pro diei initio; VII.
Horizon
non est ac-
curatum
& univer-
sale Diei
initium:

tio; quia pro diversa Sphæræ obliquitate, Sol eodem die ferrius occidit & exoritur. Quin ubi eadem est Sphæræ obliquitas, variat tamen ejus ortus & occasus, pro ut ab Æquatore versus hunc, illumve Polum plus minus digreditur.

VIII.
Omnino
Meridia-
nus, usur-
patus A-
stronomus;

Quum verò Meridianus ubique locorum se, velut Horizon rectus habeat, & Sol ad eum perpetuò eadem ratione sese applicet, quemadmodum diximus SECTIONIS PRIORIS Cap. XIX, § VI, VII; hinc est, quòd Astronomi in decerthendo Diei initio maluerint Meridianum præfere; seu diurnum, quod faciunt plerique; seu nocturnum, quem Tabulæ Prutenicæ dictæ seligunt. Sed utrum fiat, perinde est. Morem Astronomicum Poëta suâ voce sic exprimit:

Incipiunt numerare Diem, quævis Sidera nota,

Quum Sol in medio splendet nitidissimus orbe.

IX.
Et variis
Gentibus.

Astronomos in seligendo Diei Civilis, seu Politici cardine secuti sunt Umbri, Alexandrini, Ægyptii, hodieque Arabes, diem inchoantes à suo Meridie; Item Aufonii, Veteres Romani, Diem suum à mediâ nocte exordientes. Utroque sequuntur Galli, Belgæ, & Germani communiter; quibus idcirco Horologia utroque isto tempore ad numerorum initia revertuntur.

X.
Sunt ta-
men, qui-
bus placet
Horiz. m.
seu occi-
dum. seu
orientum.

Aliis tamen Nationibus Horizon magis arrisit, seu ortivus, seu occiduus non morantibus in usu civili, quam monuimus modò, Dierum inæqualitatem; licet præter hoc incommodum, alio premantur longè graviori, & Politico usui inimicissimo. Nempe nulla actio consequeta, v. gr. decumbendi, surgendi, prandendi, cœnandi, eidem horæ æquali affigi potest, propter variationem dierum, quam pariunt anni Tempestates. Nihilominus tamen Judæi Diem exorsi sunt à Solis occasu, respicientes Creationis mundanæ ordinem. Idem usitarum fuit Atheniensibus, hodieque Silesiis, Bohemis, Austriacis, nec non Italicis. Chaldæi, sive Babylonii, Græci, sicut & hodie Noribergenses Diem ab Ortus Solis auspiciantur.

CAPUT VII.

Dies & Nox Artificialis. Varium Crepusculum, & ejus per Globum investigandi ratio.

Porro Dies naturalis solet distribui in Diem, & Noctem Artificialem; in quâ distributione observandum, quod circa descriptionem Diei naturalis notavimus. Est verò Dies Artificialis spatium temporis, quod requiritur, ut centrum Solis ex ortu ad occasum se applicet; & Nox Artificialis spatium inter occasum centri Solaris, ac ortum ejusdem.

Ex hac descriptione liquet, quemadmodum Astronomi etiam reliquis Stellis diem, & noctem per analogiam adscribant; per diem intelligentes earum moram supra Horizontem, & per noctem moram infra, etiam si illa sæpè noctu, hæc verò de die accidat.

Sed ad Dies, & Noctes Solares regredior. Hos in Horizonte Recto æquales semper existere, evidens est ex secundo ejus Phænomeno, de quo superius. Contrà eosdem pro variâ obliquitate Horizontis, varióque Solis recessu ab Æquatore plus minùs indies variare, & quanta utrorumque sit longitudo ad datum diem & locum, ignorari non potest, perceptis, quæ de secundâ Horizontis Obliqui Apparentiâ jam ante docuimus; quibus tamen uberior lux accedet ex Doctrinâ de proprio motu Solis, & oriundis inde variis anni Tempestatibus. Sed de hac infrâ. Transeo, etiam hanc variationem ad dies & noctes Stellarum, de quibus modò, analogicè se extendere.

Cæterum ex traditâ definitione Noctis artificialis patet, Crepusculum & matutinum, & vespertinum partes ejus existere. Est autem Crepusculum lumen istud, quod non tantùm ante Solis ortum in regione orientis conspicitur, & venit nomine Crepusculi matutini, Diluculi, Auroræ; verum etiam, quod post ejusdem occasum, in regione occidentis superstes est, diciturque Crepusculum vespertinum, aut Crepusculum simpliciter.

Causa utriusque eadem est, quæ Refractionis, de quâ supra. Scilicet Terram undique ambit Atmosphæra, à superficie

I.
Diviso
Diei in
diem, &
noctem Artificialem;

II.
Quæ Stellis
etiam tribuitur.

III.
Quam variant Longitudine

IV.
Crepusculi
natura.

V.
Causa.

ficie ipsius ad non exiguam altitudinem se diffundens ; quam citius manè Sol illustrat & vesperi seriùs , quàm conspicuam nobis Terræ extremitatem , atque hinc radii determinati sine certo ordine ad oculum , quod deprehendimus , lumen efficiunt.

VI.
*Initium,
& Finis.*

Statuunt verò Astronomi communiter , Crepusculum Matutinum incipere , quando Sol in Circulo verticali , qui ipsum pertransit , abest ab Horizonte ortivo per gradus xviii ; & Vespertinum finiri , quum distat totidem gradibus ab Horizonte occiduo. Communiter inquam , nam distantia hæc ab Horizonte ponitur aliis paulò major , aliis paulò minor. Imo eadem esse non potest per omnia loca , & tempora , propter variam Atmosphæræ temperiem ac altitudinem , per quas Crepuscula nunc solito tardiùs , nunc velociùs incipere debent , & desinere. Quò autem Sol huic , illive Horizonti existit vicinior , eò clarius est Crepusculum , & amplius se diffundit ; quò remotior , eò evadit obscurius , magisque dilutum.

VII.
*Duratio in
Horizonte
Recto:*

Duratio Crepusculorum neque in eodem loco , neque diversis semper est eadem. In Horizonte Recto brevissima sunt Crepuscula ; nam sive Sol versetur in Æquatore , seu extra eum plus minùs , rectà ascendit , descenditque , & gradus isti xviii ocyssimè percurruntur. Brevissimum interim ibidem Crepusculum est , Sole per Æquatorem incedente ; nam tum Circulus verticalis , qui per Solem traducitur , cum Æquatore prorsus coincidit , ut non amplius durent hæc Crepuscula , quam per Horam & Minuta 12. In Tropicis quidem Sole hærente , paulò majora deprehenduntur , paulò inquam ; nam nondum septem integra minuta Horæ , priora excedunt. Denique in locis intermediis Sole statuto , Crepuscula intermediâ ratione se habebunt , & in pari distantia ab Æquatore etiam paria deprehenduntur.

VIII.
In Obliquo.

In Horizonte Obliquo longiùs durant Crepuscula ; quandoquidem arcus Parallelorum Solis , intercepti inter Horizontem , & punctum Circuli Verticalis , quod ab Horizonte distat per gradus xviii , obliquè se habent , ideòque Sol desiderat longius temporis interstitium , ut eos conficiat. Neque hæc obliquitas in omnibus Parallelis est eadem , sed major fit , quò propinquoires sunt Polo conspicuo , atque hinc in
lati-

latitudine boreali maxima sunt Crepuscula, Sole Tropicum Cancri pervadente; uti in australi maxima sunt, quando Tropicum Capricorni peragrat. Sole verò existente in gradibus Eclipticæ æqualiter ab eodem Solstitio remotis, Crepuscula æqualia inveniuntur, quia idem Parallelus utrumque istum gradum pertransit.

Porro quò Obliquior est Horizon, eò prolixiora fiunt Crepuscula. Hinc multis in locis per æstatem Crepusculum vespertinum continuatur cum matutino, adeò ut ne in mediâ quidem nocte deficiat. Quin quantò Horizon evadit obliquior, tantò & in mediâ nocte Crepusculum luculentius deprehenditur, & per noctes complures perseverat. Sileo in Horizonte Parallelo continuum esse Crepusculum per dies proximè LII. Ratio autem horum Problematum est uniusmodi; quando enim Sol in Meridiano nocturno consistens nondum per integros gradus XVIII, aut pauciores distat ab Horizonte, oportet per integram noctem variâ claritate conspiciatur Crepusculum, & per consequentes, quàm diu majorem nondum distantiam ab ipso consecutus est. Quod verò Crepusculum hîc durat per plures aut pauciores noctes Artificiales, in Horizonte admodum obliquo, & Parallelo extendit se ad dies Naturales, quousque Sol infra integrum Horizontem obambulans juxta Circulum verticalem gradus prænotatos attingit, nec ultra deprimitur.

Cæterum Globi ope facile intelligitur initium, & finis Crepusculorum ad omnia loca, & tempora. Et primùm quidem quando Crepusculum vespertinum matutino non continuatur, ejus finem sic investiga. Habita Poli, & dici ratione, gradum Solis, quem tunc occupat, Meridiano suppone; ac Indice horam XII indicante, volvatur Globus in occasum, quousque gradus Eclipticæ, gradui observato oppositus, supra Horizontem orientalem in Circulo Verticali graduum XVIII altitudinem adipiscatur, Globo sic sine motu perseverante, Index Finem Crepusculi vespertini indigitabit.

Si ejusdem dici Crepusculi Matutini initium expetis, tantum Circulum verticalem alteri lateri Meridiani affige, cæteris immotis; eundemque gradum oppositum fac supra Horizontem occidentalem consistere in pari altitu-

IX.
Varia Crepusculorum continuatio. Causa ejus.

X.
Finem Crepusculi per Globum investigare:

XI.
Item initium, & alternatim Arithmetice:

dine graduum, & Index invariata Globi positurâ, Initium Crepusculi matutini significabit. Quin noto principio, aut fine alterutrius Crepusculi, licet labori alterius investigandi superfedere; nam juxta consuetum nobis morem numerandi Horas, semper principium, & finis Crepusculi matutini ac vespertini si jungantur, XII Horas component; quare tempore alterutrius Crepusculi ex hisce subducto, Horæ quæ restant, alterius initium, aut finem nobis suggerent.

XII.
Ac integram ejus Durationem:

Præcognitis explicitâ ratione Crepusculi initio, ac fine, facile est ejus Durationem investigare. Inquiratur hora ortus Solaris ad diem propositum, arque ab eâ subducatur inventum initium Crepusculi matutini, quod restat, integram hujus durationem monstrabit, cui Crepusculi vespertini duratio adæquatur.

XIII.
Quin ad datum locum noctes, per quas Crepusculum vespertinum, & matutinum continuantur.

Insuper si novisse desideras, per quot noctes, ubicunque Crepusculum vespertinum, & matutinum sibi mutuò continuantur, ista accadat continuatio, Globum justè elevata, & initium Capricorni; Polo Arctico elevato, alias Cancrici, superiori Meridiano advolve, & nota, quot gradus Eclipticæ ultra citraque hoc initium occurrant, quibus altitudo gradibus XVIII minor est, & quinam bini gradus accuratè eam adimpleant. Hoc præstito, quàm diu Sol in gradibus, qui prioribus opponuntur, commoratur, perdurat Crepusculorum continuatio; quando autem gradus ingreditur, qui binis gradibus, altitudinem graduum XVIII accuratè adimplentibus, opponuntur, inchoatur aut clauditur hæc Crepusculorum continuatio.

C A P U T VIII.

Dies in varias partes distributus, item Horas.

Horæ Equales, variis variè numeratæ.

Ratio eas investigandi. Earum divisio.

I.
*Secunda
Dini distributio.*

SIc primam vidimus Dierum naturalium distributionem. Veteres Romani eosdem in plures partes distribuerunt, omnibus in numero non consentientibus; quarum præcipuæ erant Media Nox; Gallicinium; Crepusculum matutinum;

tinum; Diluculum, sive aurora; Mane; Meridies; Vesper; Occubitus Solis; prima Fax; Crepusculum Vespertinum; Intempesta nox; Concubium. aut Contemium.

Hodie usitatissimè integer Dies naturalis in partes xxiv, ^{II.} quæ Horæ vocantur, distribuitur; seu primi hujus distributionis *Et Tertia in Horas xxiv.* Autores respexerint ad communem & commodam divisionem Aëris, seu ad xii Zodiaci dodecatemoria, quibus xii Lunationes menstruæ in anno respondent, seu ad alias rationes. Notandum verò, vocem Horæ non sonuisse olim partem vigesimam quartam Diei, sed tempus quodcunque, & quatuor anni Tempestates.

Dividitur Hora in Æqualem, & Inæqualem. Æqualis, ^{III.} quæ aliàs Æquinoctialis nuncupatur, est pars vicefima quarta *Hora Æqualis;* Diei naturalis. Quamvis autem Horæ cujusque Diei æquales existant sibi mutuo, non tamen sic comparatum est cum Horis diversorum Dierum; quia hi, ut ante monuimus, impares deprehenduntur. Horæ mediæ, ut cæteras sileam, complentur spatium temporis, quo xv gradus Æquatoris, & min 2, ascen. circiter 28 Meridianum pertranseunt. Quandoquidem verò hæc fractura existit exigua, negligi solet; quare communiter xv tantum gradus seu tempora Æquatoris pro Horâ æquali numerantur.

Istiusmodi Horis omnes ferè Gentes jam utuntur, postquam ^{IV.} Automatica Horologia, quæ ponderum tractu, tam pulsibus, *Multum usitata. Variarum earum numeratio, & fructus.* quàm indicibus æqualiter horas indicant, obtinuerunt. Initium harum Horarum variis variè ponitur, pro ut nempe Diem inchoant. Nobis, qui à Meridiano diurno ad nocturnum, & contrà, bis xii Horas numeramus, hoc commodi ex hac numeratione accidit; ut licet ortus, occasusque momenta varientur, ex cognita tamen Horâ ortus illicò Hora occasus, & vice versâ cognoscatur, numerum hunc, illumve tantum ex Horis xii subducendo. Qui Horas ab ortus, aut occasus punctis inchoant, nec numerum earum interrumpunt, ex hac numerandi ratione quantitatem Diei, aut Noctis artificialis sponte semper observant.

Cæterum si cui animus sit Horas ab occasu Solis cum Italis, ^{V.} aut ab ortu cum Noribergensibus exordiri, & numerum ad *Horas ab occasu, aut ortu in or-* xxiv continuare, poterit ope Globi, nec unâ ratione intelligere,

hem num-
randas in-
venire di-
versimodè
per Solem:

gere, quota in suo loco Diei hora sit juxta hunc Ordinem. De die hoc sciri potest per cognitam Solis aut Altitudinem, aut Azimuth, aut Radios, neque idèò modus operandi triplex est, sed unus, & idem. Sic autem expeditur Problema; Globus legitimè elevato, gradum Solis, quem ad Diem observationis occupat, Horizonti seu ortivo, seu occiduo (pro ut lubet horam inquirere) applica, & Indicem duodecimæ. Dein Globum verte, donec gradus Solis notam Altitudinem, seu ante, seu pomeridianam, aut notum Azimuth adipiscitur, vel acus modico ceræ firmata, & gradui Solis imposita perpendiculariter, nullam umbram de se projicit, atque indicabit Index horam quæsitam; numerandam à XI: Meridianà non interrupto ordine.

VI.
Et Fixas.

De nocte Idem duplici viâ absolvitur, aut per Fixarum Azimuth, aut Altitudinem, seu ante, seu pomeridianam. Polo, Indice, gradu Solis locatis ut modò, Globum converte, usque dum Stella proposita in latere Circuli Verticalis datum aut Azimuth, aut Altitudinem possideat, & Hora ex Indice innotescet.

VII.
Divisio Ho-
ræ aequalis
in Minuta.

Ante tamen quam Horas æquales mittimus, monendum, Astronomos eas partiri in 60 æquales portiones, dictas Scrupula, seu Minuta simpliciter, aut Minuta Prima; & quodlibet Primum in 60 æquales particulas, sive Secunda; ac quodlibet Secundum in totidem Tertia; atque ita deinceps, quousque istâ subtilitate opus fuerit; pari ratione, ac gradus, de quibus suprâ locuti sumus.

C A P U T I X.

*Horæ Inæquales. Cur vocatæ Planetariæ? Modus eas reperiendi. Equalibus quando conver-
siant? Alia Diei Divisio.*

L
Hora In-
æquales;
olim voca-
ta. En-

HAftenus de Horis Æqualibus. Hora inæqualis est duodecima pars Diei, vel Noctis artificialis. Hujusmodi, nec alias horas Veteres scribuntur observavisse. Dicuntur inæquales, non quidem ratione ejusdem diei, vel noctis, sed

sed diverforum ; quos in Horizonte obliquo sæpè multùm immutari , jam antè insinuavimus. Aliàs vocantur Judaicæ , quia uti ex Sacris intelligitur , Judæis usitatæ fuerunt. Item Temporales , seu Temporariæ , quia juxta cum variatione Temporum & ipsæ variant ; Denique Planetariæ , quia censent Astrologi singulis Horis inæqualibus singulos Planetas dominari.

Sed hoc pressius paulò exponendum. Volunt igitur , Planetam , qui Diem denominat , præesse primæ Horæ ab exortu solari ; hunc excipere proximum inferiorem , atque hunc alium proximum , & ita deinceps ; etiam ascendendo ad Supremum , postquam descensum erit ad Infimum , uti observare est ex hisce Versiculis :

*Cynthia, Mercurius, Venus, & Sol, Mars, Jove, Saturnus,
Ordine retrogrado sibi quisvis vindicant horam.*

Quia autem Dies naturalis ex xxiv Horis inæqualibus constituitur , & Horâ xxii dominatur Planeta iterùm , qui primâ dominatus est ; hinc innotescit , cur Dies septimanæ non appellentur juxta seriem Planetarum , quæ ex sententiâ Ptolomæi à Saturno per intermedios ad Lunam delabitur , assurgitque denuò ; verum semper duobus Planetis intermissis.

Totum hoc per compendium intelligi potest ex subjecto Circulo , in septem æquales arcus distributo , & rectis ex utroque extremo cujusque arcus eductis in punctum oppositum ; hinc septem creantur triangula Isoscelia , in quorum fastigiis si quando ponuntur Planetæ cum suis quisque characteribus , supremo quidem tributo Saturno , proximo ad lævam Jovi , atque ita ex ordine , mox patet , non tantùm quis ex Planetis proximâ Horâ regnaturus sit , sed & primâ horâ diei proximi , & futurorum , adeoque quis dies præsentem , ac proximos quosque sit excepturus. Nam recta , quæ ex Saturno ad lævam descendit , Solem assignat , hinc itur ad Lunam , Martem , atque residuos juxta ductum linearum.


rum Synonyma.

II.
Dominia Planetarum in eis.

III.
Hinc Ditarum Nomenclatura ;

IV.
Declarata in Schemate.

Sed



V.
*Quantita-
 tem Hora
 Planetaria,
 Diurna in-
 vestigare;*

Sed missa Astrologorum vanitate, videamus qui Globi sub-
 sidio quantitas horarum Inæqualium investigari possit ad quæ-
 vis loca, & tempora. Præmissa Poli dispositione, observa
 Ascensionem obliquam Solis ad diem, quo scire expetis horæ
 Inæqualis magnitudinem, hinc locum ejus ad Meridianum vol-
 ve, & nota quis gradus ex Æquatore, stante hoc situ Globi, Ho-
 rizontem orientalem perstringat; porro arcum inter duo ipsius
 puncta per numerum senarium divide, & quotiens monstrabit,
 quot gradus & minuta, aut minuta, quælibet hora Inæqualis
 diurna contineat, quæ facile secundum superiora in Horam,
 & Minuta horaria, aut hæc tantummodò transmutantur.

VI.
*Item No-
 cturna.*

Quantum verò Hora diurna inæqualis æqualem excedit,
 tantum Nocturna æquali minor est, ac vice versa. Hinc si Mi-
 nuta

nuta horæ, per quæ Hora diurna inæqualis æqualem excedit, ex horâ æquali subducantur, quæ restant, concedunt horam nocturnam inæqualem. Si vero Hora diurna inæqualis æquali minor est, etiam subducatur ex æquali, & quæ deficient Minuta ad horam æqualem, integræ horæ æquali adjungantur, & prodibit Hora nocturna inæqualis. Interim Hora inæqualis diurna juncta nocturnæ ejusdem diei, semper & ubique componit bihorium, omnino congruens binis Horis æqualibus.

*Ambapa-
res sunt 2
horæ æqua-
libus.*

Insuper si cui volupe est novisse, quota sit Hora inæqualis, Sole, aut aliâ quâ Stellâ in dato loco, & die talem, ac tantam Altitudinem, aut Azimuth obtinente, aut aciculâ, in gradu Solis (qui est in Globi Eclipticâ, & quadrat in diem propositum) perpendiculariter erectâ, nullam umbram mittente; per præcedens Problema quæratum primùm quantitas horæ Inæqualis; dein arcus inter ascensionem seu descensionem obliquam Solis, & punctum Æquatoris in ortu, aut occasu, quando Sol aut Stella ad Circulum verticalem consistit in datâ Altitudine, Azimutho, aut perpendiculum Solis sine umbra est. Tum cum per horam Inæqualem partire, & quotiens quota sit hora Inæqualis, aperiet.

VII.
*Quota sit
Hora in-
æqualis, in-
vestigare.*

Cæterum quum Antiqui Horas diurnas inæquales inceperint numerare ab ortu, & finiverint in occasu, numero per unitates increscente, similiterque progressi sint in numerandis Horis nocturnis inæqualibus, evidentissimum est ipsissimas horas cum ipsorum, tum nostras diversissimæ esse denominationis, neque Horas horis prorsus congruere, nisi circiter Æquinoctia. Tunc enim Antiquorum Prima diurna, seu quæ cum Solis ortu incipit, nostra Sexta matutina est; illorum Tertia nostra Nona; Sexta Duodecima; Nona Tertia pomeridiana; Undecima Quinta; Duodecima pomeridiana Sexta; Tertia nocturna nostra Nona Vespertina, Septima nocturna nostra Prima à mediâ nocte, atque ita in cæteris.

VIII.
*Horæ in-
æquales à
nostris no-
mine, non
re differunt
circa Æqui-
noctia;*

Dixi statim, Horas Horis non congruere, nisi (de locis loquor, qui ab Æquatore huc illuc declinant) circa tempus Æquinoctiorum; quod enim Sol à Principiis Arietis, & Libræ magis ad initia Cancris, ac Capricorni appropinquat, eò hæc congruentia minor evadit; & tantò minor, quantò obliquior est Horizon.

IX.
*Omnino
extra hoc
tempus.*

N

Deni-

X.
Diei &
Noctis sub-
diviso.

Denique observandum, non tantum dies, & noctes Artificiales distributos fuisse in inæquales Horas XII, sed & Noctes in quatuor Vigiliis, seu excubias militari modo, quarum quælibet trihorium complectebatur; Dies etiam in quatuor Quartas, & singulas à primâ exordii sui Horâ nomen sumplisse. Primam Quartam, seu primam, secundam, & tertiam horam ab exortu Solis, vocabant horam Primam; Secundam Quartam, seu aliàs horam quartam, quintam, ac sextam, vocabant horam Tertiam; Tertiam Quartam vocabant horam Sextam; & tandem ultimam Quartam vocabant horam Nonam. Quæ probè tenenda, uti quæ proximis binis Paragaphis annotavimus, in variorum S. Scripturæ Textuum interpretatione.

CAPUT X.

Secundus Motus Solis.

I.
Secundus
Motus So-
lis.

Sed plus satis de Die, quem Sol motu Primo, seu Comuni constituit. Ad Secundum, seu Proprium ejus Motum progredimur, quem sic instituit circa axem, & polos Eclipticæ, secundum Signorum seriem in consequentia, ut ab eadem nec huc, nec illuc digrediat.

II.
Ipsi asseri-
tur ex ortu
& declina-
tione.

Solem verò sic moveri, indubitatum faciunt perpetuæ Observationes. Hodie cum Fixâ occidat, cras, atque deinceps seriùs occidet; oriatur cum Fixâ, diebus consequentibus post eam oriatur. Insuper Declinatio Solis Meridiana deprehenditur sic incrementum, aut decrementum, nec plus, nec minus, quàm gradus Eclipticæ respondentes; ut mirum non sit Eclipticam, aliàs Orbitam, & Viam Solis appellari.

III.
Inæqualis
est, testibus
Æquino-
ctiis.

Porrò Circulum, quem Sol hoc Motu describit, Eccentricum esse, seu centrum à Terræ centro diversum habere, colligunt seduli ipsius Inspectores ex non unâ ratione. Quando observant Solis Æquinoctia, constanter deprehendunt, tempus, quo percurrit Semicirculum borealem, superare istud, quod in australi absolvendo impendit, per varios dies; quam in Horis, & minutis non planè conveniunt. Tycho, quem è multis sufficit nominare, reperit ab Æquinoctio Ver-
no ad

no ad Autumnale Dies CLXXXVI, Horas 18, & Min. 25; ab Æquinoctio autem Autumnali ad Vernalium solummodo Dies CLXXVIII, Horas 11, & Min. 4.

Transco hanc irregularitatem non tantum inveniri ab Æquinoctio in Æquinoctium; sed etiam si singuli Quadrantes observentur seorsum. Idem Tycho notavit, Solem in primo Quadrante, seu ab Ariete in Cancrum morari Dies XCIII, & Horas 5; in Secundo Dies XCII, & Horas 12; in Tertio LXXXIX Dies, & Horas 10; in Quarto denique LXXXIX. Hæ tamen ultimæ inæqualitates non adeo accuratæ existunt; quia Observationibus Solstitionum summè subtilibus innituntur. Ne loquar, apparentem Solis Diametrum per idem Instrumentum minorem conspici æstivo, majorem hyemali tempore; & durationem Eclipsium Lunarium variare in eadem Lunæ distantia & à terrâ, & Eclipticâ.

Quanta autem sit Eccentricitas Solis, uti vocant; seu distantia centri in viâ Solis à centro terræ, non convenit inter Astronomos, quia variant Hypothesibus. Adde alios statuere Eccentricitatis mutabilitatem, & alios ex opposito stare pro ipsius constantia.

In Solis Eccentrico notare oportet Apogæum, quod aliis summa Apsis seu Absis, & Arabibus Aux nominatur, punctum Eccentrici à centro terræ remotissimum, quod quando Sol occupat, movetur signissimè, tantum proprio motu de die conficiens 57 min.; quum verò versatur in Perigæo, seu puncto Eccentrici centro Terræ vicinissimo, quod & ima Apsis, & Augis oppositum dicitur, pergit ocyssimè, de die gradum cum minuto pertransiens; denique intermediâ ratione se habet, quando est in locis Orbitæ suæ intermediis.

Apogæum Solis hoc tempore reperitur distare à Vernali Æquinoctio per gradus xcvii, & min. 16, & Perigæum tantundem ab altero Æquinoctio. Neque hæc puncta invariata manent in Cælo, verum paulatim progrediuntur in Consequencia, & juxta quosdam spatio viginti annorum absolvunt 21 min.; juxta alios paulò amplius motu æquabili.

IV.
Nec non
Anni
Quadrantes,
&c.

V.
Eccentrici-
tas Solis.

VI.
Apogæum
& Peri-
gæum.

VII.
Locus co-
rum, &
variatio.

CAPUT XI.

Varii Anni.

I.
Anni
Tropicus.

Interim Sol, ut à puncto Eclipticæ digrediens ad idem redeat, exigit Dies ccclxv, Horas 5, Min. 49, pauculaque que Secunda, & hoc spatium temporis vulgò & propriè vocatur Annus Solaris Vertens, sive Tropicus, à punctis Tropicis, seu Solstitialibus, seu Æquinoctialibus, licet necessum non sit annum ab iis exordiri; & Temporalis, quia temperat quaternas anni vicissitudines; ac denique Naturalis, quia juxta Naturæ leges perficitur.

II.
Ægyptius.

Ab hoc Anno Astronomico Politici plus minùs dissentiunt. Chaldæi & Ægyptii Annum terminabant Diebus ccclxv, absque ullâ horarum appendice, eundemque dividebant in menses, quorum quisque ex diebus triginta componebatur, adjectis post finem mensis ultimi, quem *Meſori* vocabant, quinque diebus, qui idè dicti sunt *ἡμεροίμηναι*. Hunc Annum Veteres Astronomi propter perpetuam æquabilitatem, & calculi commoditatem usurpaverunt. Vulgò dicitur Ægyptius, seu Ægyptiacus.

III.
Ejus mensu-
bilis.

Quandoquidem verò hic Annus per quartam ferè dici partem Tropico minor est, adeoque quolibet quadriennio penè per diem integrum, certâ sede initiali destituitur, & quotannis procurrit versus initia mensium; unde accidit, ut intra annos Julianos ccclxv, quater sumptos (quam annorum periodum magnum annum Cynicum appellabant) initium anni Ægyptii per omnes dies Juliani vagetur, iterumque cum eodem conveniat, numerantque tunc Ægyptii annos mccccxvi. Similiter agitur cum Æquinoctiis, & Solstitialiis, quæ dum quotannis per sexhorium seriùs accidunt, eadem temporis periodo transcunt per omnes menses anni, & dies mensium, isto, quo se mutuo sequuntur, ordine.

IV.
Anni Ju-
lianus.

Minùs distat ab Anno Tropico Julianus, quem C. Julius Cæsar adjutus potissimùm industriâ Sosigenis Mathematici seu constituit, seu in Romano Imperio usurpandum publico Edicto fancivit. Complectitur verò Dies ccclxv, & Horas qua-

quatuor, juxta hoc Distichon memoriale Ovidii:

Is decies senos, ter centum & quinque Diebus

Junxit, & è pleno tempora quarta die.

Noluit autem Cæsar has Horas perire, ne quod notavimus in annis Ægyptiis, incommodo premeretur; neque satis Politico usui consultum putabat, Annum à novâ Horâ quotannis ordiri, ideoque tribus prioribus annis omnino eas neglexit, nec ante annum quartum, quando integrum Diem constituunt, rationem earum haberi voluit. Hinc nata est divisio annorum Julianorum in Communes, & Intercalares. Illi quantitate cum Ægyptiis, de quibus statim, conveniunt, & aliàs Vulgares, seu Ordinarii nuncupantur.

V.
*Dividitur
in Communes;*

Hi quarto quolibet anno recurrentes componuntur ex Diebus CCCLXVI. Hic verò Dies supernumefarius juxta Kalendarium Romanorum intercalatur Februario proximè ante Diem sextum Kalendarum Martii, & etiam dicitur sextus Kal. Mart., ut hi duo dies continui, quasi pro uno computentur. Atque hinc patet, quare hic Annus (uti Mensis & Dies) vocetur Intercalaris, Interjectitius, Bisextus, Bisextus, Bisextilis, & Embolimæus.

VI.
Et Intercalarem;

Ut autem sciatur, utrum annus Julianus propositus sit Intercalaris; sin minùs, quotus sit à proximè elapso Intercalari, advertendum in Ærâ Christianâ ex annis præterlapsis Centesimum quemque esse Intercalarem, & qui porrò in Sæculo sese offerunt, eorum Indicem hic subjungimus:

VII.
*Notos ex
Indice;*

IV	XXVIII	LII	LXXVI
VIII	XXXII	LVI	LXXX
XII	XXXVI	LX	LXXXIV
XVI	XL	LXIV	LXXXVIII
XX	XLIV	LXVIII	XCII
XXIV	XLVIII	LXXII	XCVI

Qui verò extra Indicem proponuntur, omnes Communes sunt, ab Intercalaribus plus minùs distantes.

Et hac Anni formâ non tantum ratione Anni Communis, sed & Intercalaris etiamnum utimur, isto tamen discrimine, quod Dies ille Intercalaris hodie adjiciatur ultimo Februario.

VIII.
*Hodieque
usitatos.*

CAPUT XII.

Anticipatio Æquinoctii in Anno Juliano fuit occasio mutati Kalendaris.

I.
Sol anticipat Æquinoctia.

CÆterum quia quantitas anni Juliani major est anno Tropico per quædam minuta, uti ex collatione videri potest, necessum est, Solem paulatim ingressum suum in Signa Cardinalia, reliquaque anticipare. Hinc accidit, ut Æquinoctium Vernum, quod Julii Cæsaris ætate in Diem XXIII aut XXIV Martii incidebat, hodie contingat decimo aut undecimo ejusdem Mensis. Lentissima igitur est hæc anticipatio; nam spatio v annorum, & ferme semissis, per horam ocyus Signum ingreditur, spatioque circiter cxxx annorum, per integrum diem; quamvis temporis progressu expectandum esset, Mundo perdurante, quod Æquinoctium Veris (eadem ratio est in Æquinoctio Autumni, atque Solstitiis) tandem eveniret tempore Solstitii hyemalis, & Æquinoctii Autumnalis, & Solstitii æstivi, & denique illo, quo ætate Cæsaris evenit.

II.
Reductio Æquinoctii ad tempus Synodi Nicænæ:

Displicuit verò hæc Æquinoctiorum, Solstitiorumque anticipatio Gregorio XIII, Papæ Romanensi, qui idcirco ante Sæculum in animum induxit ea reducere ad tempora Synodi Oecumenicæ Nicænæ, ibidemque firmare in perpetuum. Hinc quum inter hanc Synodum, & Papæ consilium elapsi essent anni MCCLVII, observavit Minuta, per quæ annus Julianus Vertente major est, per hosce annos collecta componere IX Dies integros, & ultra semissem; adeoque cum sedente Sydone Nicænâ, Sol Æquinoctium Vernum faceret XXI die Mensis Martii, & Papâ hanc correctionem moliente, die XI ejusdem Mensis, eundem in sedem Synodi retraxit, decem diebus in anno Juliano dissimulatis, numerandoque præteritis.

III.
Et ejusdem in eo permanfio.

Ne autem istâ Sede iterum, iterumque emoverentur Æquinoctia, quod ex nimia intercalatione denuò esset expectandum, quum & deinceps annos Julianos cum communes, tum intercalares, Papa usurpari voluerit; jussit, ut ex quatuor proximis annis Sæcularibus Epochæ Christianæ Primus, nempe

M. DC

MDC esset intercalaris, & tribus residuis, MDCC, MDCCC, MDCCCC, qui aliàs Intercalares esse deberent, omnis intercalatio omitteretur, haberenturque pro annis Communibus, idemque observaretur indefinenter in quatuor quibusque Sæcularibus futuris, quia spatio 1v Sæculorum Minuta annuatim collecta tres dies, & paulò amplius constituunt.

Atque ita evidens est, quare qui hoc Novum Kalendarium Gregorii amplectuntur, & à Calendis Januarii cum Cæsare annum inchoant, à Reformatione ipsius usque ad hujus Sæculi consummationem in numerandis diebus mensium per decem dies illos antecedant, qui Kalendarium Vetus, seu Julianum sequuntur; & imposterum antecedent per dies undecim, duodecim, ac plures, plurisque, si tam diu Mundus persistat, & Papæ decreto locus detur.

IV.
Hinc praesens, & futura Styli variatio.

CAPUT XIII.

Litera Dominicalis varia. Cyclus Solis.

PORRò quum Dies, ex quibus annus Julianus communis constituitur, dividuntur per numerum septenarium, prodeunt Septimanæ LII, uno die superfluo. Hinc FERIA (ita in usu Ecclesiastico indignantur dies Hebdomadis addito tantum Epitheto, quod ordinem diei exprimit. Sic Dominica dicitur FERIA prima, Sabbathum FERIA septima, atque ita in reliquis) annum communem inchoans, semper etiam eundem finit; quumque quælibet hebdomada totius anni in Kalendario signetur per septem priores literas Alphabeti, quarum prima respondet primo anni diei, secunda secundo, & sic ex ordine ad diem octavum, qui primam denuò nanciscitur, etiam litera A, quæ annum communem inchoat, perpetuò eundem concludit.

I.
Idem Dies, ac Litera annum communem aperit, & claudit:

Unde sponte sequitur annos, qui communibus succedunt, semper à proximo die Septimanæ inchoari, & si communes sunt, cum eodem finiri. Exempli gratiâ, si præcedens annus communis inchoatus, finitusque fuerit cum die Dominicâ, seu feriâ primâ hebdomadis, proximè succedens communis inchoabitur, finieturque cum feria secundâ, seu die Lunæ, & hæc variatio per singulos dies anni se diffundit.

II.
Alius Dies proximum.

Ex

III.
*Hinc litera
Dominica-
lis variat;*

Ex eodem fonte est, quod cum anni communis proximè elapsi litera Dominicalis (sic dicitur, quia in Calendario designat Dominicam) fuerit v. c. A, anni communis proximè succedentis sit G, & qui hunc excipit F, & sic deinceps retrogrado ordine, quam diu annus communis communem sequitur. Nam quando annus incidit in diem Lunæ, huic pro more respondet litera A, & dici Martis litera B, ac si sequentibus diebus sequentes ex ordine literas tribuamus, litera ultima G ex cyclo hoc septenario incidet in Dominicam; uti penultima F, quando annus incidit in diem Martis.

IV.
*Imprimis
post Bissextilem;*

Itaque si omnes anni communes forent, expleto quoque septennio, litera dici Solis, sive Dominicæ iterum ad pristina sedem reverteretur. Nunc verò quia quartus quilibet annus intercalaris est, & supra integras septimanas binos dies complectitur, accidit, ut si intercalaris incipiat à Dominicâ, proximus ab eo non incipiat à die Lunæ, uti aliàs fieri assolet, sed Martis; quumque huic litera A, ut moris est, respondeat, liquet Dominicæ hujus anni non respondere literam G, sicuti eveniret, si annus præcedens esset communis, sed literam proximè præcedentem, puta F.

V.
Quo gemina est.

Anno igitur Bissextili duplex convenit litera Dominicalis, quarum prior usque ad diem Intercalarem (qui intercalatur testibus Calendariis, vel juxta morem Romanorum, aut quàm proximè, aut juxta hodiernum) obtinet, alteraque hinc ad anni exitum. Ratio hujus immutationis est, quod dies Intercalaris non adipiscatur novam literam, sed quam dies præcedens obtinuit, eam retinet, & hinc Dominica sequens diem Intercalarem, in aliam literam, quàm antecedentes ejusdem anni Dominicæ hætenus tenuerunt, incidit, scilicet in proximè præcedentem.

VI.
*Quantitas
Cycli Solaris.*

Quum ergo annus Intercalaris quolibet quadriennio rediens, binis literis Dominicalibus gaudeat, Cyclus literarum Dominicalium in orbem non vertitur, nisi numerus septenarius dierum Hebdomadæ multiplicetur per numerum quaternarium annorum Intercalarium, hoc est post annorum viginti & octo revolutionem, quæ vulgò Cyclus Solaris appellatur, quia Sol annuo suo motu hanc inducit vicissitudinem.

CAPUT XIV.

*Methodus inveniendi numerum Cycli Solaris juxta
Vetus Kalendarium ; Literam Dominicalem ;
Feriam , à quâ Mensis incipit , & Ferias
reliquorum dierum.*

UT autem litera Dominicalis anno proposito congruens juxta vetus Kalendarium innotescat, prænoscere oportet numerum Cycli Solaris eidem anno competentem, qui non unâ ratione invenitur. Dato anno Æræ Christianæ communis adde novem ; quia juxta sententiam omnium Christianorum , anno , qui proximè præcessit nativitatem Salvatoris, Cyclus Solaris fuit novem. Summam per Cyclum Solaris divide ; quod restat , numerus erit Cycli Solaris, dato anno conveniens. Si verò divisio nihil relinquat, Cyclus Solaris est viginti octo.

I.
Investigare
numerum
Cycli Solaris
datis
anni juxta
Vet. Calend.

Brevius ; si Annus proponatur , qui superat annum millesimum sexcentesium. Numero annorum supra nominatos sæculares (hisce abjectis) adjice tantum tredecim , & cum ut statim divide , quod remanet , monstrabit numerum Cycli Solaris, aut aliàs integra erit Periodus.

II.
Idem Brevius.

Præcognito numero Cycli Solaris, videatur tantum , quæ Literæ , si annus sit Intercalaris, aliàs Litera eidem in subjunctâ Tabellâ respondeat , eâque reperta erit Dominicalis in vetere Kalendario ad Annum propositum.

III.
Hinc scitur
Litera Dominicalis,
inspectâ
hac Tabellâ ;

*Invariabilis Tabella Cycli Solaris , &
Literarum Dominicalium juxta
Vetus Kalendarium.*

O

Cyclus

<i>Cyclos</i> <i>Solis.</i>	<i>Litera</i> <i>Dom.</i>	<i>Cyclos</i> <i>Solis.</i>	<i>Litera</i> <i>Dom.</i>
I.	G.F.	XV.	C.
II.	E.	XVI.	B.
III.	D.	XVII.	A.G.
IV.	C.	XVIII.	F.
V.	B.A.	XIX.	E.
VI.	G.	XX.	D.
VII.	F.	XXI.	C.B.
VIII.	E.	XXII.	A.
IX.	D.C.	XXIII.	G.
X.	B.	XXIV.	F.
XI.	A.	XXV.	E.D.
XII.	G.	XXVI.	C.
XIII.	F.E.	XXVII.	B.
XIV.	D.	XXVIII.	A.

IV. Ex intuitu hujus Tabellæ statim patescit, quinam anni ex hoc Cyclo Solari sint Bissextiles; cumque annus ante Æram Christianam, uti ante monuimus, haberet novem ex Cyclo Solari, Bissextilis erat, atque adeò annus primus Christi fuit primus post Bissextilem, & quartus ipse Bissextilis.

V. Repertà ex hoc apparatu Literà Dominicali anni propositi; difficile non est investigatu, à quâ Ferià quisque ipsius Mensis incipiat, in subsidium vocatis hisce binis Versiculis memorialibus:

Scire Feriam, à quâ Mensis incipiat per Distichon.

<i>Jan.</i>	<i>Feb.</i>	<i>Mart.</i>	<i>Ap.</i>	<i>Maj.</i>	<i>Jun.</i>
ASTRA DABIT	DOMINUS	GRATISQUE	BEABIT	EGENOS.	
<i>Jul.</i>	<i>Aug.</i>	<i>Sept.</i>	<i>Oct.</i>	<i>Nov.</i>	<i>Dec.</i>
GRATIA	CHRISTICOLÆ	FERET	AUREA	DONA	FIDELI.

VI. Componuntur ex XII Vocibus (nam GRATISQUE pro unâ numeratur) juxta numerum Mensium, qui in anno occurrunt. In qualibet verò Voce oportet notare literam initialem, quæ significat, primum diem mensis, cui hæc vox respondet, habere sibi adpositam hanc literam Alphabeti. Sic ASTRA docet primo Januarii competere literam A; DABIT primo Februarii competere D, atque ita in reliquis.

HIS

His probè notatis, ponamus anni nonagesimi supra millesimum sexcentessimum litteram Dominicalem E existere juxta Vetus Kalendarium; quia numerus Cycli Solaris est XIX. Dein septem priores literas Alphabeti suo ordine locemus, facto initio à Dominicali, hunc in modum: E, F, G, A, B, C, D, & cum hisce conferamus literas initiales Versiculorum, ac deprehendamus, primum Januarii atque Octobris hoc anno juxta dictum Kalendarium incidere in diem Mercurii; primum Februarii, Martii, ac Novembris incidere in diem Saturni; primum Aprilis, & Julii in diem Martis; primum Maji in diem Jovis; primum Junii in diem Solis; primum Augusti in diem Veneris, primum denique Septembris, & Decembris in diem Lunæ.

VII.
Exemplo declarata,

Tandem si animus sit novisse, in quam Feriam, seu diem Septimanæ cæteri dies mensium anni statim propositi (& similis ratio est in aliis) incidant, repetatur solummodò, quæ feria Septimanæ mensem, cujus dies præscribitur, inchoet, atque ab hoc initio in datum diem calculus instituat, qui tantò erit facilior, si cogitetur dies I, VIII, XV, XXII, XXIX, ejusdem mensis in eisdem Septimanæ ferias incidere.

VIII.
Scire quæ sit Feria quævis die mensis.

Sed & exemplo hoc illustremus. Quaritur quæ feria sit Septimanæ XVIII Decembris MDCXC? Ex ante allatis liquet, Decembrem istius anni inchoari à die Lunæ, & quum die xv ejusdem mensis iterum sit dies Lunæ, necessariò XVII die erit feria quinta, seu dies Jovis.

IX.
Ejus exemplum.

C A P U T XV.

Methodus reperiendi Litteram Dominicalem juxta Novum Kalendarium, & quæ ex eâ proveniunt.

Sic quidem Litera Dominicalis, & quæ ex eâ scaturiunt, habetur juxta vetus Kalendarium; sed minimè juxta Gregorianum, sive novum. Nam licet Cyclus Solaris in anno Juliano, & Gregoriano coincidat, atque eadem ratione supputetur, non tamen coincidit Dominicalis; quia propter

I.
Littera Dominicalis anni Jul. & Gregor. variat.

minuta superflua quotannis assumpta, Gregorius in anno Juliano decem integros dies dissimulavit, & ex ejus decreto plures impostero dissimulabuntur, uti ante monuimus; servatis tamen septem prioribus literis Alphabeti isto ordine, quo in Juliano usurpantur, incipiendo Kalendas Januarii à literâ A, & hinc ad reliquos anni dies contendendo.

II.
Dominica-
lem anni
Gregoriani
hoc sæculo
invenire;

Interim cognita literâ Dominicali in anno Juliano, laboriosum non est eandem novisse in Gregoriano ex delineatâ jam ante Tabellâ Cycli Solaris. Nam à literâ Dominicali anni Juliani numerentur sursum in Tabellâ decem litteræ istâ serie, quâ in Calendario se invicem subsequuntur, & litera, in qua calculus sistitur, quæsitâ est. Exempli gratiâ superius observavimus anni MDCXC Cyclum Solarem esse XIX, & Literam Dominicalem E existere, hanc quæramus in Tabellâ, atque hinc ascendendo numeremus x dies, pro ut sibi mutuo supponuntur, nempe ab E in F, G, A, B, C, D, E, F, G, & tandem A, quæ dicti anni Dominicalis est juxta novum Kalendarium.

III.
Et Futuris.

Atque hæc operandi ratio omnino procedit usque ad exitum hujus Sæculi; ast Sæculo proximo, id est ab anno 1700 ad 1800 oportet numerare dies XI; ab anno 1800 ad 1900 dies XII; ab anno 1900 ad 2100 dies XIII, & sic deinceps ob negligendos annos intercalares in anno Gregoriano, quos non negligit Julianus. Sed de his suprâ disseruimus.

IV.
Quod fa-
cilis sit ex
Tabellis.

Quo autem liberemur hac numerandi molestiâ, suffecerit, præcognito numero Cycli Solaris, adscriptas hæc Tabellas intueri, & observare, quæ Litera, aut Literæ Dominicales numero Cycli Solaris in dato Sæculo respondeant.

*Tabellæ Literarum Dominicalium pro hoc,
& futuris aliquot Sæculis juxta
novum Kalendarium.*

Cyclos Solis, & Literæ Dominicalis juxta Kal. Greg. ab A. 1500 ad 1700.

I.
II.
III.
IV.
V.
VI.
VII.
VIII.
IX.
X.
XI.
XII.
XIII.
XIV.
XV.
XVI.
XVII.
XVIII.
XIX.
XX.
XXI.
XXII.
XXIII.
XXIV.
XXV.
XXVI.
XXVII.
XXVIII.

CB.
A.
G.
F.
E.D.
C.
B.
A.
G.F.
E.
D.
C.
B.A.
G.
F.
E.
D.C.
B.
A.
G.
F.E.
D.
C.
B.
A.
G.
F.
E.
D.

Literæ Dominicalis juxta Kalend. Greg. ab A. 1700 ad 1800.

D.C.
B.
A.
G.
F.E.
D.
C.
B.
A.G.
F.
E.
D.
C.B.
A.
G.
F.
E.D.
C.
B.
A.
G.F.
E.
D.
C.
B.A.
G.
F.
E.

Literæ Dominicalis juxta Kalend. Greg. ab A. 1800 ad 1900.

E.D.
C.
B.
A.
G.F.
E.
D.
C.
B.A.
G.
F.
E.
D.C.
B.
A.
G.
F.E.
D.
C.
B.
A.G.
F.
E.
D.
C.B.
A.
G.
F.

Literæ Dominicalis juxta Kalend. Greg. ab A. 1900 ad 2100.

F.E.
D.
C.
B.
A.G.
F.
E.
D.
C.B.
A.
G.
F.
E.D.
C.
B.
A.
G.F.
E.
D.
C.
B.A.
G.
F.
E.
D.C.
B.
A.
G.

Cæterum ex cognita Litera Dominicali in anno Gregoriano, etiam statim intelligitur, à qua FERIA Septimanæ quilibet mensis dati anni inchoetur, & in quas Férias reliqui Mensium dies incidant. Nam modus operandi prorsus idem est, qui fuit in Juliano; tantum Litera Dominicalis hujus anni primo loco ponatur, & cæteræ literæ Alphabeticæ suo ordine, ac sicut superius, cum literis initialibus eorundem Versiculorum conferantur, & notis diebus Septimanæ, à quibus menses incipiunt,

v.
*Reperire
Férias per
omnes dies
Mensium.*

piunt, ad reliquos omnes per viam ante assignatam expeditissima est numeratio.

VI.
*Uſus Cycli
Solaris.*

Quàm verò utilis ſit Cycli Solaris, & quæ ex eo ſequuntur, intelligentia, ex dictis facile intelligitur. Hinc enim (ut ſileam anni cognitionem, utrum Biſſextilis ſit, an Vulgaris, & quotus à Biſſextili) lumen accedit Hiſtoriæ Eccleſiaſticæ, quæ perſæpè tantùm meſes, & dies hujus, aut illius eventus meminit, non tamen ferias; atque haberi poſſunt feriæ Feſtorum anniverſariorum, quæ Immobilia vulgò vocantur, quia ſemper eundem meſis diem in anno retinent, licet in alios alioſque hebdomadis dies illabantur.

CAPUT XVI.

Tempeſtates Anni concluſæ Coluris.

I.
*Diviſio
Anni in
Tempeſtates, ſeu
Trimeſtria.*

Sic vidimus variam anni Solaris quantitatem, & quæ ex ea progignuntur. Proximum eſt, ut de ejus diviſione in Tempeſtates aliquid ſubjungamus. Sol dum motu proprio percurrit Eclipticam, quæ ad Æquatorem multùm obliqua eſt, excitat in aëre evidentiffimas viciffitudines, prout in hac, aut iſtâ Orbitæ ſuæ parte collocatur. Hinc Annus communiffimè in IV Quadrantes, ſeu Tempora diſtribuitur; ſuntque Ver, Æſtas, Autumnus, & Hyems. Dicuntur aliàs Quatuor Anni Trimeſtria; quia Sol ut unum conficiat, tres ſuos Meſes requirit, quorum quiſque, ſi Medius aſſumitur inter exceſſum, defectumque, complectitur Dies xxx, Horas 10, & ſemiſſem quàm proximè.

II.
*Borealiũ
Ver;*

Cæterum inter hæc Anni Tempora Veri primus locus conceditur; quod eſt ad Boream habitantibus (de quibus, quæ de reliquis dicam Temporibus etiam vèlim intelligi) iſtud temporis interſtitium, quod Sol requirit, ut aſcendat ab Arietis initio per Taurum, ad finem Geminorum, ſeu ab Æquinoctiu Verno ad Solſtitium Æſtivum.

III.
Æſtus;

Ver Æſtas excipit, quæ eſt iſta pars Anni, quâ Sol per Cancrum, Leonem, ac Virginem deſcendit, ſeu à Solſtitio Æſtivo ad Æquinoctium Autumnale. Tranſco Æſtatem olim etiam Ver ſub ſe continuiffe.

Tertia

Tertia pars anni est Autumnus; quâ Sol per tria Signa proximè consequentia, Libram, Scorpion, & Sagittarium ulterius descendit, seu ab Æquinoctio Autumnali ad Brumale Solstitium.

IV.
Autumnus.

Quarta denique est Hyems, quâ denuò ascendit in Æquatorem per Capricornum, Aquarium, Pisces, seu à Solstitio Autumnali ad Vernal Æquinoctium. Sileo Hyemem antea etiam Autumnum complexam fuisse.

V.
Hyems.

Dixi hæc Anni Tempora ad Boream habitantibus accidere, quando Sol memorata Signa perambulat; nam ad Austrum locatis contrarium evenit. Quippe quorum Ver est, quando Libram, Scorpion, & Sagittarium percurrit; Æstas, quando Capricornum, Aquarium, ac Pisces; Autumnus, quando nominata statim Signa Veris; & tandem Hyems, quando recessita modò Signa Æstatis.

VI.
Tempestates Austrum.

Ratio autem hujus Vicissitudinis eos non latebit, qui ad naturam nominatorum Temporum ritè attenderit, & quâ ratione Circuli Æquatori paralleli, & ab eo versus Polum conspicuum, ac inconspicuum recedentes, ab Horizonte obliquo dividantur.

VII.
Ratio vicissitudinis in eis.

Hinc liquet, benè dictum esse Astronomis, quòd quo anni tempore Mundus creatus sit, prorsus nequeat determinari, Problemate hoc tantùm indefinitè proposito; quum si diversa loca respicimus, semper simul existunt, uti Ver, & Autumnus, sic Æstas ac Hyems.

VIII.
Hinc problema insolubile.

Non monco, quamlibet anni Quartam in tres portiones subdividi, quarum unaquæque Signum, seu Mensem comprehendit. Prima dicitur prima seu nova, Secunda adulta, Tertia præceps sive cadens; & Signa Prima cujuscunque Quadrantis vocantur mobilia, Secunda Fixa, Tertiaque communia, quorum in subdivisione Signorum jam ante meminimus.

IX.
Tempestas subdivisio.

Quo autem hæc Anni Tempora in Globo faciliùs dignoscantur, in eo occurrunt gemini Circuli maximi, ad angulos rectos in Polis Mundi se mutuò interfecantes, quorum alter transit per initia Arietis, & Libræ; alter per Polos Eclipticæ, ac initia Cancri, & Capricorni. Coluri vulgò dicuntur, quasi mutili, & imperfecti per excellentiam; quia in Horizonte obliquo nec simul, nec successivè omnes eorum partes licet

X.
Concluduntur Coluri.

112. INSTITUT. ASTRONOMICÆ
licet conspiciere. Prior ex hisce Circulis specialiter vocatur
Columus Æquinoctiorum, & Posterior Solstitiorum.

C A P U T XVII

Varium Anni Initium.

I.
*Initium
Anni apud
Astrono-
mos.*

II.
*Geminum
fuit Ju-
dæi.*

III.
*Cæsar in-
cepit à
Brumâ.*

IV.
*Ratio hujus
initii.*

Cæterum initium Anni, quod sumi posset ubique, Astro-
nomi unanimi ferè calculo reponunt in Cardinali pun-
cto Arietis; quia verosimile censent cum variis Docto-
ribus, Soli primùm creato hanc sedem assignatam fuisse.

Judæis duplex fuit Anni principium. Ante captivitatem
Ægyptiacam annum inceperunt à novilunio Mensis *Tisri*, sive
Septembris, moti jussu Divino, & hoc suo sensu, quodd Mun-
di nativitas incidit in Æquinoctium Autumnale. A capti-
vitate in memoriam liberationis, Deo sic imperante, Annum
Ecclesiasticum inchoavere à mense *Abib*, sive *Nisan*, nostro
ferè Martio respondente; seu ab isto Novilunio, quod Æqui-
noctio vernali fuit proximum.

Cæsar Annum à Sole novo voluit auspicari, seu quando
confecto Solstitio hyemali, sensibilia sui ad nos reditus indicia
incipiebat præbere, quæ in septimo, aut octavo gradu Ca-
pricorni contingunt, umbris Meridianis isto tempore aliquam
varietatem exhibentibus; hunc verò gradum tunc Sol Kalen-
dis Januarii occupabat, quem nunc ob quantitatem anni Ju-
liani iusto majorem, de quâ ante, per varios dies occlusus occu-
pat; initio tamen hujus anni in iisdem Kalendis etiamnum
immutabiliter perseverante.

Hoc autem principium creditur selegisse, quia ad Septen-
trionem degentibus est finis recessus Solaris, decrementi die-
rum, ac incrementi noctium; & contrâ principium accessus
eiusdem, item incrementi dierum, ac decrementi noctium.
Saltem hoc est quod Janus lib. 1. Fast. Ovidio interroganti,
quare principium Anni non ponatur in Verno Æquinoctio,
quando omnia ridet, annusque est formosissimus, sed Sol-
stitio Brumali, his duobus respondit Versibus:

*Bruma novi prima est, veterisque novissima Solis:
Principium capiunt Phœbus & Annus idem.*

Id

Id est, Bruma est prima dies Solis novi, & novissima veteris; seu quod de Lunâ Græci inquit, Έρως, & Νία.

Attici à Solstitio æstivo, seu propinquo huic Novilunio, initium anni duxerunt. Atque ita videmus plerosque populos unum ex punctis Cardinalibus, aut quod ei vicinum est, pro anni initio constituisse, & conservasse impostetum; à quibus tamen abiierunt Ægyptii, quibus sedes initialis anni per totam ejus seriem vaga fuit, quia eorum annus longè brevior extitit anno Tropico, sicut superiùs annotavimus.

V.
Attici,
Ægyptii,
quale fuerit?

Interim minor locus confusio foret, si anni Politici sic inchoarentur, & disponerentur, ut eorum initium responderet initio Signi in Eclipticâ, initiumque omnium mensium, uti medium, ac finis, responderent initio, medio & fini Signorum, adeoque cum Sol diutiùs nunc moretur in Signis æstivis, quàm hybernis, etiam menses æstivi tantò deberent esse longiores, & hyberni breviores. Sed aliud obtinet consuetudo, quam frangas citiùs, quàm corrigas.

VI.
Incommo-
dum anni
Politici.

CAPUT XVIII.

Æquinoctia, & Solstitia.

Misio vario Anni principio, recenseamus varias vicissitudines, quas Sol, dum varias conficit Tempestates, in variis locis producit. In genere observandum, quòd quando in Cardinalibus punctis Arietis & Libræ existit, pariat per univèrsam Terrarum orbem, ubi Æquator & Horizon se mutuò interfecant, Æquinoctium, juxta carmen Manili:

I.
Duo sunt
universalia
Æquino-
ctia.

LIBRA, ARIESQUE parem reddunt noctemque, diemque.

Dixi, ubi Æquator & Horizon se mutuò interfecant; nam ubi coincidunt, sublata Atmosphærâ, ibidem neque dies, neque nox foret.

Ratio hujus Phænomeni est, quòd Æquator & Horizon Cælestes sint Circuli maximi, qui quando se decussant, seu plus, seu minùs distent ab invicem, nihil refert, decussant bifariam. Quo autem mense & die Sol hæc Signa Car-

II.
Eorum
Causa, &
tempus.

Cardinalia ingrediatur, facilè ex ante allatis intelligitur.

III.
Item duo
Solstitia.
Ratio no-
minis.

Quando Sol alia duo puncta Cardinalia Cancrì, & Capricorni ingreditur, parit Solstitia, secundum istud Poëtæ:

Hæc duo Solstitium faciunt CANCER, CAPRICORNUS.

Quæ non ita dicuntur, quod Sol ad ea delatus quiescat, nam aliud testatur experientia. Sed quod simulac ad ista puncta pervenit, desinat ferri versus Polum septentrionalem, vel meridionalem, ad quem per spatium semestrem nunc elapsum indies magis, magisque appropinquavit; & regressum denuò sit instituturus ad Æquatorem, & oppositum Mundi Polum. Unde ab hoc Solis regressu hæc puncta Cardinalia Græcis Tropica appellantur, & à Solstitio Solstitialia.

IV.
Duratio
eorum.

Quia autem Sol per septem dies prius, quàm ad hæc metas pervenit, atque per totidem, postquam eas pertinuit, ad sensum consistere videtur, id est non magis accedere ad hunc aut istum Polorum, uti docent umbræ Meridianæ, de quibus ante, item nocturna diurnaue spatia, quæ per dies quatuordecim citra variationem deprehenduntur; hinc tempus, quod inter observatum finem recessus Solaris ab Æquatore, & observatum principium accessus ad eundem interjicitur, Solstitium appellari consuevit.

V.
Solstitium
Æstivum.

Dividitur in Æstivum, & Hyemale. Illud accidit iis, qui sub Tropico Cancrì, & plagâ magis in boream abeunte habitant, quando Sol existit ultra ac citra Cancrì Principium per septem gradus; & horum Vertici tunc temporis est vicinissimus, ac creat in omni Horizonte obliquo, in quo per dies Solstitii datur vicissitudo diei & noctis, Dies artificiales omnium totius anni longissimos, Noctesque brevissimas. Nam Tropicus Cancrì, quem Sol per istos dies describit, ab Horizonte obliquo maximè inæqualiter distribuitur, ita ut hic arcus diurnus magnitudine superet reliquos diurnos totius anni, & hic arcus nocturnus reliquorum nocturnorum sit minimus. Ubi verò tempore hujus Solstitii cessat diei, noctisque vicissitudo, Sol per hos dies Solstitiales in Meridiano supra Polum in eadem existit altitudine, quemadmodum etiam infra Polum, quàmvis hæc altitudo plurimis in locis illâ minor sit.

VI.
Hyemale.

Solstitium Hyemale iisdem Incolis contingit, quando Sol in oppositis Eclipticæ gradibus commoratur, & Phænomena,

ac

ac ratio Phænomenorum oppositâ ratione sese habent. Transeo Solstitium, quod Borealius est Æstivum, Australibus esse Hyemale, & contrâ; item Solstitium Æstivum nonnullis dici Solstitium simpliciter, & Solstitium Hyemale Brumam, quemadmodum paulò antè Ovidium sic canentem audivimus. Quo autem mense, & die hæc Solstitia incipiant, & finiantur, pari facilitate innotescit, quàm tempus utriusque Æquinoctii, de quo statim.

CAPUT XIX.

Phænomena, quæ ex Motu Solis per Eclipticam accidunt Habitatibus intra Tropicos.

Sed nunc in specie dicendum, quid iis, qui sub Æquatore scælesti collocantur, accadat ex motu Solari per diversa Signa Eclipticæ. Et ne dicam de perpetuo Æquinoctio, quod penes hos incolas tantùm obtinet, & ex superiùs allatis facile intelligitur, Sol iis quotannis ipso Meridici puncto bis verticalis est, quando versatur in Parallelorum medio, seu maximo, sive in principio Arietis, iterùmque in principio Libræ, ut spatium semestrem inter Solem verticalem priorem, & posteriorem intercedat.

Porro quatuor ipsis parit Solstitia; duo Ima propriè sic nuncupata, quando in Tropici punctis constituitur, & duo Alta, quando in punctis Æquinoctialibus. Hæc tamen accuratè loquendo Solstitia dici non possunt, sed tantùm per aliquam similitudinem.

Neque aliter accipi debent, quæ de geminis anni Tempestatibus perhibentur. Sole Æquatorem calcante, quod bis in anno contingit, Æstas ipsis adscribitur; quamvis Cælum tunc temporis minùs caleat ob pluviarum decidentium abundantiam. Quando per puncta Solstitialia ambulat, Hyemem experiuntur. Ver verò & Autumnum, quando medius est inter tempora Hyemis, & Æstatis.

Insuper quia Sol ab Æquatore huc illuc digreditur, Sole Signa borealia transeunte, umbra Meridiana horum Incolarum spargetur in meridiem; & transeunte Meridionalia, in septen-

I.
Habitantibus sub Æquatore Sol bis in anno in Zenith est.

II.
Parit 1^o Eis Solstitia.

III.
VIII Tempestates.

IV.
Varias umbras Meridianas,

trionem. Undeliquet, quo jure dicantur *ἀμφοτέρωθεν*, quasi utrimque umbram spargentes. Quando Sol per *Æquatore* incedens appellit ad ipsorum Meridianum, eopse tempore corpora perpendiculariter erecta umbram perpendiculariter descendentem projiciunt, & quia hæc plerumque observari non potest, videmus, quare hoc tempore *ἄκτιος*, id est umbrâ Meridianâ destituti, nuncupentur.

V.

*Qui sunt
inter Æ-
quant. &
Tropic.,
habent dies
inæq. & So-
lem bis in
Zenith.*

Hactenus de Phænomenis, quæ obveniunt degentibus sub *Æquatore*. Ad eos pergimus, qui inter *Æquatore* & alterutrum Tropicorum commorantur. Ibidem Dies artificialis, excepto gemino universali *Æquinoctio*, nocti suæ non æquatur. Sol quotannis bis verticalis est, quando ad illos *Eclipticæ* gradus pervenit, quorum declinatio latitudini loci æqualis deprehenditur, & tempus, quod inter Solem verticalem priorem, posterioremque intercedit, minus est, quàm in *Æquatore*, & tantò minùs, quantò viciniore sunt alterutri Tropicorum.

VI.

14 Solstitia:

His adde, quatuor etiam hic dari Solstitia, duo Alta, quando Sol movetur in Parallelo per Zenith transeunte; & duo Ima, quando hæret in Tropicis, quorum quod in Tropico Cancrî occurrit, altius est, quàm quod in Tropico Capricornî. Nec dies longissimus incidit in alta Solstitia, sed in illud ex Imis, quod altero est sublimius.

VII.

*11 Æstates
& Hyemes
impares:*

Geminas itidem æstates, & hyemes nacti sunt, sed impares respectu durationis; item caloris ac frigoris. Nam quod Incolæ propius absunt à Tropico Cancrî, eò Hyems sævior est atque prolixior, Sole per Signa australia contendente; eò contrâ brevior, minùsque intensa, quando circa Tropicum Cancrî commoratur. Aded ut in locis à Tropico Cancrî parùm distantibus, Æstates binæ, quas Sol gignit transeundo per circulum alti Solstitii, hyemem sibi interpositam omnino excludant, ipsæque sibi invicem, nulla hyeme intercedente, conjungantur.

VIII.

*Varia-
sum-
bra Meri-
dianas.*

Nihil subjicio de Umbris Meridianis, quæ cum ante notatis coincidunt, isto tantùm discrimine, quod maximæ umbræ ex Meridianis, quæ sparguntur in austrum, æquare eas non possint, quæ in boream; quia quantò Sol à vertice corporis longius distat, tantò umbra solet esse prolixior.

C A-

CAPUT XX.

*Phænomena Habitatium sub Tropico Cancr. Ascii.
Ratio eos investigandi. Problemata ex hoc
Problemate resultantia.*

Nunc istos Incolas contemplemur, qui directè sub Tropico Cancr habitant. Diem Artificialem habent brevissimum, quando Sol versatur in Parallelo maxime in austrum abeunte; seu in imo Solstitio; & longissimum Sole per Zenith ambulante, sive altum Solstitium, quod nulli Incolæ intra Tropicos accedit.

Iisdem duntaxat Sol verticalis fit, quando describit Tropicum Cancr; quod quum ad sensum contingat per omnes dies Solstitiales, liquet nullibi terrarum Solem sæpius in Zenith videri, quàm in Tropici. Quia autem Tropicus Cancr meta Solaris est versus boream, hinc extra tempus hujus Solstitii, Incolis perpetuò austrinus observatur, neque umbram aliam, quàm septentrionalem projicit, sub Meridiano collocatus. Adeò ut hi Incolæ omnium primi sint, quibus gemina umbra Meridiana deficit, ideòque primi dicendi *E'tropici*, umbram Meridianam invariabiliter spargentes versus alterutrum de mundi Pòlis.

Duo tantùm notant Solstitia, altum & imum; illud, Sole per Tropicum Cancr contendente, hoc per Tropicum Capricorni. Tunc autem Solis distantia à Zenith observatur æqualis distantie Tropici à Tropico. Nonnisi unam Æstatem habent, Sole in alto Solstitio commorante, & unam Hyemem, quando est in imo Solstitio.

Ex iis, quæ de Incolis sub Æquatore, Tropici, & intermedio loco habitantibus recensita sunt, liquet, eos in eo convenire, quòd aliquando sint *A'xios*. Quando verò hoc accidat, degentibus sub Æquatore, & Tropici, liquet ex cognitis Æquinoctiis, atque Solstitiis. Quando autem intermedio loco degentibus, liquet, si præcognitâ quantitate, & qualitate latitudinis Locorum, investigentur duo gradus Eclipticæ, qui declinationem habent, parem huic latitudini, & versus

I.
*In Tropico
Cancr
quando
Dies sit
longissimus*

II.
*Ibi Sol dies
aliquos con-
tinuos est
verticalis,
& primi
sunt Hete-
rosii.*

III.
*Duo sic
sunt Solsti-
tia, una
Æstat.*

IV.
*Quo die
Incola Zo-
na Torrida
sint Ascii?*

cundem Polum abeuntem ; ac dies mensis gradibus hisce respondententes. Atque ita patebit non tantum, quando Sol iis sit verticalis, sed etiam quantum temporis inter verticalem priorem, posterioremque elabatur.

V. *Sol in ea tantum est semper est verticalis.* Quia quia Sol Tropicis nunquam egreditur, & semper (excipe dies Solstitii) ad hunc, aut istum accedit propius, patet nullum esse momentum totius anni, quin Sol in aliquo puncto Zonæ torridæ supra Verticem hæreat ; quod tamen indices non solum, verum in singula momenta immutatur. Ubi autem quovis anni momento supra Verticem pendeat, Globi subsidio faciliè investigatur.

VI. *Investigatio, cui loco incumbat ad datum tempus ;* Inquiratur ad diem observationis gradus Solis, & ejusdem declinatio. Dein in Globo Terrestri Amstelodamum quaeratur, seu quicumque locus fuerit, à cujus Meridiano propositæ horæ numerantur, & Indice imposito XII, Globumolve in occasum, si hora, quâ Solem verticalem cupis investigare, antemeridiana sit ; aliâ si pomeridiana, Globus in orientem vertendus est pro assumpto numero horarum & minutorum. Tunc eo firmato, numerentur à puncto Meridiani ænei, quod supra Æquatorem consistit, tot gradus versus meridiem, vel septentrionem, quot & quales observata ante Solis declinatio exigit, & locus, qui termino numerationis subjacet, Solem ad datum diem ac horam in suo Zenith experitur.

VII. *Et quæ loca simul habent eandem Solis altitudinem.* Hic Locus quando elevatur in Zenith, & Quadrans altitudinis (cujus loco aliâs etiam Circinus adhiberi posset) eodem puncto adnectitur, jucundo spectaculo videre licet, in quibusnam Terræ locis Sol eodem puncto temporis æquè altus deprehendatur, & variâ quidem altitudine. Scilicet omnia loca, per quæ LXXXIX gradus Quadrantis in orbem traductus pertransit, Solem hoc tempore æquè altum observant ; item per quæ gradus LXXXVIII., & ita deinceps descendendo per gradus, graduumque segmenta in ipsum usque Horizontem. Ratio hujus Problematis aperta est ; nam qui in eadem sunt circumferentiâ ejusdem Circuli, necessariò vident Solem à suo Zenith ex æquo remotum, adeoque supra suum quicumque Horizontem æqualiter elevatum. Interim loca Australiora Solem intuentur ad boream constitutum ; Borealia vero ad austrum ; Intermedia ad alias aliasque plagas Horizontis pro re natâ.

Porro

Porrò invariato situ ejusdem Globi apertissimum est, quibus Terræ Incolis Sol eodem temporis puncto jam plus minus occiderit, aut occidat; nempe iis qui sunt sub Horizonte ori-
 tivo, vel in eodem. Item quibus oriatur; iis, quos tangit Horizon occiduus. Qui vivunt sub Meridiano in Septentrio-
 ne, Solem humillimum observant ad Horizontem, & cum digressu à Meridiano denuò adscensurum; qui verò sub Meri-
 diano ad austrum collocantur, habent eum supra Horizontem
 altissimum, & jamjam iterum descensurum. Qui denique con-
 tinentur intra Circulum, ductum ex Polo elevato ad inter-
 vallum elevationis ipsius, tunc potiuntur die continuo; uti
 nocte sepeliuntur, qui intra parem circulum ex opposito Polo
 eductum continentur.

VII.
 Item ubi
 Sol simul
 occidat,
 oriatur, sic
 altissimus,
 humilli-
 mus. con-
 tinuò ap-
 parens, de-
 litescens.

C A P U T XXI.

*Phænomena Habitatium intra Tropicum Cancrī,
 & Circulum Arcticum.*

Sed missis in universum Incolis Zonæ Torridæ, ad eos con-
 teridamus, qui intra Tropicum Cancrī & Polarem Arcti-
 cum vitam transigunt. Hic major, quàm intra Tropicos,
 est dierum, noctiumque artificialium inæqualitas. Die lon-
 gissimā & nocte brevissimā perfruuntur. Sole in alto Solstitio
 commorante, atque die brevissimā ac nocte longissimā, Sole
 maximè à Zenith remoto, seu imum occupante Solstitium.

Hoc tamen prætereundum non est, quòd hæc dierum &
 noctium incrementa & decrementa admodum inæquabiliter
 sese habeant. Cæteris paribus eò majora fiunt, quò Sol vici-
 nior est Æquinoctiis, eoque minora, quò ab iis evadit remo-
 tior. Exempli gratiā in elevatione Poli borealis ad gradus LII,
 tempus semidiurnum sex horas complectitur, Sole initium
 Arietis occupante; quando verò finem Arietis occupat, com-
 plectitur septem horas; quando finem Tauri, septem cum mi-
 nutis 51; quando Geminorum, octo cum minutis 15; quando
 initium Leonis, iterum horas septem cum minutis 51; & sic
 porrò ordine decrescente. Quæ varietas petenda est ex variā
 Solis declinatione, quæ quantò propior est Æquatori, tantò
 indices

I.
 Incolis Zo-
 ne Tempe-
 rata major
 est dierum
 inæquali-
 tas:

II.
 Imprimis
 Sole Æqua-
 tori vicino.

indies est major; quantò remotior, tantò minor, & hinc Parallelus Solis ab Horizonte variè interfecantur.

III.
Dies dies
interdum
par est;

Ex allato exemplo inæquabilis incrementi, ac decrementi Dierum ac Noctium liquet tamen, Sole existente in gradu Eclipticæ æqualiter ab eodem puncto Solstitiali abeunte, dies diebus, & noctes noctibus eodem in loco adæquari; nam tunc idem Parallelus à Sole describitur. Conferantur, quæ de Solis Declinatione annotavimus.

IV.
Et dies
nocti.

Similiter quando Sol versatur in gradibus Eclipticæ æqualiter ab Æquatore in boream, & austrum abeuntibus, Dies, quem creat, quando gradum percurrit, qui ab Æquatore declinat versus Polum elevatum, æqualis est in eodem loco Nocti, quam creat, quando est in altero gradu Eclipticæ, tantundem ab Æquatore ad oppositum Polum recedente, & vice versâ; quemadmodum post elapsum semestre, quin ocyùs, perpetuò hoc observare est. Neque mirum, quia hi Parallelus æquales sunt, & ab Horizonte contrariâ ratione dividuntur.

V.
Semper
sunt He-
terosci.

Porrò Sol hic nunquam in Meridiano sit Verticalis, ut neque in Meridiano infra Polum unquam infimo margine Horizontem perstringit. Semper Meridiei tempore à Zenith plus minùs in austrum vergit; unde Incolæ istoc momento tantùm sunt *Etrusci*. Quod cum experientiæ, & exspectationi Arabum adversaretur, ex Zonâ Torridâ in Temperatam appellentium, meritò eos Lucanus sic alloquitur:

*Ignotum vobis, Arabes, venistis in orbem,
Umbras mirati nemorum non ire sinistras.*

VI.
Gaudent
in Solst.,
& æstate,
ac hyeme.

Nonnisi binis Solstitiis potiuntur, & unâ æstate, ac hyeme dissimilibus. Loca enim, quæ circulis Tropicis propinquo ira sunt; majorem æstum & minus frigus observant; quæ Polaris, minorem æstum, frigusque intensius; quæ denique medio loco ponuntur, iis temperatior est Aeris vicissitudo.

C A P U T XXII.

Phænomena Habitantium sub Circulo Arctico.

I.
Sol dum est
in Signis
ascenden-

HOs Incolas excipiunt, qui sub circulo Polari Arctico commorantur. His Sol ex omnibus partibus Horizontis orientalis bis in anno exoritur, & ex omnibus

bus partibus Horizontis occidentalis occidit. Quando Ascendentem medietatem Eclipticæ ingreditur, incipit oriri supremo margine proximè plagam Austri Cardinalem, & hinc indies sensim sensimque, in suo ortu magis accedit versus Cardinalem Orientis, quam in ortu contingit, quando ad primum gradum Arietis devenit. Hinc porro ad Cardinalem plagam Septentrionis magis magisque appropinquat, donec ad finem hujus medietatis deveniens, oritur ratione partis sui inferioris circa hanc plagam quàm proximè. Uti verò in omnibus partibus Horizontis orientalis hac ratione spatio semestris oritur, sic etiam in omnibus partibus Horizontis occidentalis occidit; quia Circuli, quos Sol diurno motu describit, Æquatori paralleli existunt, adeoque in ortu & occasu æqualiter ab eo remoti, & per consequens etiam à Plagis Cardinalibus, meridie, & septentrione.

Contrà quando Sol hic loci alteram Eclipticæ medietatem, nempe Descendentem pertransit, idem accidit, sed retrogrado ordine. Hoc est, quando Sol existit circa initium hujus medietatis oritur proximè plagam Cardinalem Septentrionis versus ortum infimâ sui parte, & ad parem distantiam ab eadem, sed versus occasum occidit, atque ita deinceps; donec sub finem ejusdem medietatis tandem exoritur supremo margine proximè plagam Austri Cardinalem. Neque ratio obscura est; Sol enim eisdem Parallelos pertransit, in medietate Eclipticæ descendente, quos pertransit in ascendente, serie tantum inversâ.

Porro longissima dies, quæ creatur Sole in Tropico Cancris existente, hic exæquat horas xxiv, non excedit, & nox brevissima momentum est, vel perit. Nam Solis centrum isto die tantum (si Mathematicè hoc Problema concipimus, & seponimus considerationem Atmosphæræ; quæ cautio etiam in posteriore parte hujus Problematis, & aliâs observanda est) Horizontem perstringit citra ulteriorem occasum, quin mox se magis, magisque in altum extollit. Contra Sole alterum punctum Tropicum subeunte, nonnisi medietas Solis in ipso meridie isto tantum die conspicitur, & ad minimam moram, ut hæc nox dici longissimæ, adæquetur. Interim hæc Terræ loca prima sunt ex recensitis, in quibus dicto tempore dies naturalis in noctem, diemque artificialem non secatur.

Q

His

sibus, Inciliæ sub Circ. Polari ubique exoritur.

II.
Nec non in Descendentibus, sed retrogrado ordine.

III.
Dies 6 Nox 14 horarum.

IV.
*Tria Sol-
stitia.*

His adde tria Solstitia, si per Solstitium intelligatur maxima, vel minima Solis in Meridiano elevatio. Altum obtinent, Sole per Cancri initium incedente, quando ipsius altitudo coincidit cum distantia Tropicorum. Alterum ex imis obtinetur post horas XII, quando medius Sol sub Meridiano infra Polum Horizontem radit. Tertium denique, etiam imum, quum in alio puncto Tropico ambulans in ipso meridie dimidiam suicorporis partem ad momentum ostendat.

V.
*Una æstas.
Primi Per-
isæii.*

Denique Æstatem experiuntur in alto, Hyemem in imo Solstitio. Hæc autem satis sæva est, & illa hujus major mitigatio, quam quòd notabilem calorem apportet. Umbram semel in anno (si mathematicè loquimur) versus austrum projiciunt, quando Sol in Tropico Cancri ad Meridianum infra Polum descendit. Hic primum extra Tropicos cessant Heteroscii, & observantur *Πτείνου*, quasi circumumbratiles, quorum umbra in omnes Mundi plagas incidit.

C A P U T XXIII.

Phænomena inter Circulum Arcticum, & Polum Arcticum.

I.
*Investigare
quantita-
tem Dies
inter Pola-
rem &
Polum.*

INtra Circulum Polarem Arcticum, & ipsum Polum hæc occurrunt Phænomena. Dies & Nox artificialis longissimi extendunt se ad dies naturales, plures, pauciores, pro variâ Horizontis obliquitate. Quanta autem sit hæc Dies & Nox continua, non unâ ratione sciri potest. Polum borealem eleva ad altitudinem loci, cujus diem Artificialem longissimum in animo habes inquirere. Dein observa binos gradus Eclipticæ, qui Globo circumducto Horizontem radunt in Meridiano infra Polum, & arcus inter utrumque gradum interceptus resolvatur in dies naturales, ac constabit dies Artificialis quæsitus.

II.
*Idem ali-
ter.*

Aliter. Detrahe elevationem Poli (quæ necessariò excedere debet gradus LXVI, & 30 min.) ex integro Quadrante, & hoc complementum erit declinatio principii ac finis arcus semper in istâ Poli positurâ apparentis. Tum seu ex Tabulâ declinationum Solarium, seu Globi subsidio duos gradus septentrionales Eclipticæ investiga, quorum declinatio invento complemento ad amissum respondet, & arcus ab iisdem conclusus, ut modò mutetur, & votum expleveris.

Quò

Quò autem promptius haberi possit Quantitas longissimorum dierum, & longissimarum noctium, incipiendo ab Elevatione Poli borealis graduum LXVII, & per medios gradus ad xc usque ascendendo, sequentem Tabulam subjecimus.

III.
 Nec non ex
 appositâ
 Tabulâ.

Tabula longissimorum Dierum, & Noctium, qui inter Circulum Arcticum, & Polum ejusdem Nominis eveniunt.

Elevatio Poli Borealis.		Continua Dies per Æstatem.		Continua Nox per Hyemem.		Elevatio Poli Borealis.		Continua Dies per Æstatem.		Continua Nox per Hyemem.	
GRAD.	MIN.	DIES.	HORÆ.	DIES.	HORÆ.	GRAD.	MIN.	DIES.	HORÆ.	DIES.	HORÆ.
67	0	23	11	22	1	79	0	127	19	121	7
67	30	33	17	31	13	79	30	130	17	124	2
68	0	41	14	39	2	80	0	133	13	126	20
68	30	48	6	45	8	80	30	136	8	129	4
69	0	54	3	50	22	81	0	139	3	132	7
69	30	59	12	56	0	81	30	141	21	135	0
70	0	64	11	60	16	82	0	144	14	137	17
70	30	69	4	65	2	82	30	147	8	140	9
71	0	73	13	69	6	83	0	150	0	142	23
71	30	77	17	73	5	83	30	152	16	145	13
72	0	81	77	77	1	84	0	155	8	148	4
72	30	85	14	80	17	84	30	158	0	150	18
73	0	89	8	84	6	85	0	160	15	153	8
73	30	92	22	87	18	85	30	163	5	155	22
74	0	96	10	91	2	86	0	165	18	158	12
74	30	99	21	94	9	86	30	168	9	161	2
75	0	103	5	97	14	87	0	170	23	163	15
75	30	106	11	100	17	87	30	173	13	166	4
76	0	109	16	103	19	88	0	176	2	168	16
76	30	112	20	106	20	88	30	178	16	171	6
77	0	115	22	109	20	89	0	181	5	173	19
77	30	118	22	112	17	89	30	183	19	176	9
78	0	121	22	115	14	90	0	186	17	178	22
78	30	124	21	118	11						

IV.
*Dies nocti
inequalis.*

Cæterum arcus Eclipticæ perpetuò disparentes omnino æquales sunt arcibus ejusdem perpetuò comparentibus: quare si Sol pari velocitatis gradu omnes Eclipticæ partes pertransiret, dies artificialis longissimus nocte longissima nullâ parte major foret, aut minor. Nunc verò quum Sol in Apogæo tardius, in Perigæo celerius, in locis intermediis intermediâ ratione feratur, hac quidem tempestate Polo Arctico elevato, noctes longissimæ aliquantò minores erunt (quemadmodum cernere licet ad oculum in proximâ Tabulâ) diebus longissimis; uti Antarctico elevato dies longissimi aliquantò minores erunt longissimis noctibus.

V.
*Ibidem duo
dies & noctes
sunt 24
horarum.*

Ex dictis evidens est, in hisce locis duos tantum dies artificiales occurrere, qui Horas xxiv exactè adimpleant; nempe Sole occupante binos gradus Eclipticæ, quorum Declinatio borealis æqualis est distantia Puncti Zenith à Polo mundi. Similiter duæ solummodò noctes artificiales ibidem existunt ejusdem quantitatis, Sole in gradibus oppositis commorante.

VI.
*Sex Sol-
stitia.*

Unico, si strictè loquamur, gaudent Solstitio, puta alto, Sole Cancrum subeunte, nam imum abditum manet. Aliâs analogicè Solstitiū vocem accipiendo, sunt, qui illic sex enumerant: Duo alta, quando Sol versatur circa principium Cancri. Nam ibidem Meridiana ejus alitudo tam suprâ, quàm infrâ Polum maxima deprehenditur; quamvis quantum illa declinationem Tropici ab Æquatore excedit, tantundem hæc ab illa deficit. Et quatuor ima, centro Solis Horizontem bis in Meridiano ad plagam Cardinalem meridiālem, & bis ad septentrionālem perstringente.

VII.
*Una hyems
& æstas;
umbra Me-
ridiana
varia.*

Una Hyems, unaque Æstas iisdem locis adscribitur; si tempestas mereatur nomen æstatis, quâ perpetuo frigore omnia ita rigent, ut glacies maris Glacialis juxta cum nivibus quotannis binostantum menses resoluta, accessum navigantibus ad eas regiones adaperiat. Transco Incolas majori jure Periscios nuncupari, quàm qui in Circulo polari Arctico commorantur, & Meridiālem umbram, Sole in Meridiano infra Polum hærente, multò prolixiorem esse umbrâ Septentrionali, quando in Meridiano supra Polum existit.

CAPUT XXIV.

Phænomena sub Polo Arctico.

REstant denique Phænomena Poli Arctici. Hic integer Annus unus tantum Dies naturalis est, si cum imaginemur nobis per analogiam nostrorum dierum & noctium artificialium in ordine ad diem naturalem, qui ex iis componitur. Ita tamen hic Dies naturalis dividitur, ut dies Artificialis, Sole per Semicirculum borealem contendente, hodie paulò major sit vi mensibus, & nox Artificialis tantundem minor, cujus discrepantiæ ratio ex ante allatis evidentissima est. Cæterum noctis tædia utrumque Solis Crepusculum, sicut & longior Lunæ præsentia multum imminuunt.

I.
Sub Polo
Annus ex
die & nocte
constat, in-
equalibus;

Dicebam hodie Diem Artificialem sub Polo Arctico noctem vincere; nam circa annum Mundi 1160 (ut habent Tabulæ Prutenicæ) dies Artificialis nocti æqualis fuit, Apogæo Solis in Æquinoctio residente; quod & denuò accidet, si mundus in constituto sibi ordine pergit durare. Quin quæ longitudo Diei nunc observatur sub Polo Arctico, ea temporis decursu posset sub Antarcticò observari.

II.
An huius
variatio.

Hic quæri posset, an nullus in terrâ Locus reperiatur, cui intra spatium annum non sit uti diurnum, sic nocturnum tempus æquale. Multis placet affirmativa, quatenus in Horizonte parallelo dies durat per sex circiter menses, & nox per totidem. In Horizonte Recto perpetuum doniatur Æquinoctium. In Obliquo denique excessus dierum, & defectus noctium per æstatem compensantur cum defectu dierum, & excessu noctium per hyemem, ac quot dies continui occurrunt ultra circulum Polarem æstate, tot ex adverso noctes continuæ sunt hyeme.

III.
An tempus
diurnum
nocturno
æquale sit
ubique in-
tra annum?

Attamen si cogitemus disparem Solis velocitatem, & si Crepuscula pars diem censeantur, uti communior docet sententia, diem aperiri & claudi, Sole infra Horizontem depresso per gradus XVIII, tempus diurnum nocturno erit prolixius; & brevissimo tempore diurno potiuntur, qui sub Æquatore vitam instituunt, uti longissimo, si qui essent sub Polis. Licet propter

IV.
Quod ne-
gatur.

aërem crassiores Crepuscula, & plurimi Dies naturales strictè sic dicti, quum Sol ortui vel occasu, seu Horizonti conspicuo vicinus est, multum langueant.

V.
*Sol hic
describit
Horizon-
tem, & diu
oriatur ac
occidit.*

Etiam sub Polis, si infima Aëris regio immunis esset ab exhalationibus, Sol Æquinoctialia puncta ingrediens suo centro Horizontem describeret, qui in hoc situ cum Æquatore coincideret. Oritur semel in anno, nempe in Æquinoctio vernali, motu non communi, sed proprio; semel etiam tantum occidit, in opposito Æquinoctio. Tempus, ut Sol Horizontem attingens totus ascendat, descendatve, satis prolixum est.

VI.
*Tria hic
sunt Solsti-
tia, Hyems
seva, viz
Æstas.*

Propriè non nisi unum occurrit Solstitium, puta altum in Cancro. Impropiè etiam duo Ima, quando Arietem & Libram ingreditur. Hyems sævissima est & maximè diuturna, nam per unum Semestre directi Solis radii ibidem nulli sunt, & per maximam partem Semestris alterius obliquissimi, adeo ut exigua tantum frigoris remissio in isto aëre obtineat, quam si Æstatem lubeat nominare, etiam illic Æstas erit. Denique si & hic forent Incolæ, essent Perisciorum medii, umbrasque in omnes mundi partes singulis horis xxiv ad æqualem projicerent longitudinem.

VII.
*In opposito
Hemispha-
rio eadem
sunt Appa-
rentia.*

Sic quidem præcipuas Apparentias consideravimus, quæ ex motu Solis secundo, seu dum conficit quatuor anni Tempora, in septem distinctis regionibus Hemisphærii septentrionalis oriuntur. Prolixiores in iis fuimus, quia probe intellectæ naturæ motus Solaris multum declarant, & nobis non possunt non esse jucundissimæ; quum à nostris Apparentiis adeo discrepent & ad primum auditum stuporem menti incutiant. Quod attinet ad eadem loca alterius Hemisphærii, prorsus eadem Proprietates ipsis obveniunt; quare quæ hactenus diximus de Signis septentrionalibus & meridionalibus respectu locorum septentrionalium, eadem intelligere etiam oportet de Signis australibus & borealibus respectu australium.

CAPUT XXV.

*Ortus & Occasus Cosmicus, & Acronychus.
Methodus eos cum in Signis, tum Fixis
investigandi.*

Quas vicissitudines Sol in diversas Terræ partes inducat, quum quatuor anni Tempora percurrit, & quando hæc accidunt, jam annotavimus. Hac occasione non possumus non subijcere, quâ viâ antiqui Nautæ, Agricolæ, Pastores, & qui horum morem expresserunt Poëtæ, & rei Rusticæ Scriptores Tempora anni designaverint, & quare hanc viâ inflexerint. In veterè Republicâ Romanorum ante tempora Julii Cæsaris perturbatissima fuit Anni constitutio. Quippe qui descriptus erat ad motum Solis & Lunæ, sæpiusque per incuriam Pontificum longissimè differebat à ratiociniis Solaribus; itâ quidem ut Januarius Romanorum quandoque in æstatem, quandoque autumnum incideret. Hinc tempora rebus agendis destinata in formâ anni tam inconstante certò designari non poterant; quare necessum habuerunt, quorum intererat tempora novisse, ad varios Stellarum ortus, occasusque attendere, quo hanc confusionem superarent. Nam uti benè Poëta libro 1 Georg.

*Hinc tempestates dubio præsdiscere Cælo
Possumus, hinc mensesque diem, tempusque ferendis,
Et quando insidum remis impellere marmor
Conveniat; quando armatas deducere Classes,
Aut sempestivam sylvis emissere pinum.*

Triplicem autem ortum & occasum spectavere, qui Poëticus communiter dici consuevit, quia Stylum Veterum Poëtarum multum exercuit; item Vulgaris, quia penes Nautas, Agricolas, Pastoresque obtinuit, distinguendus ab ortu & casu Astronomico, sic dicto, quod hunc neglexerint ferè Poëtæ, quum hunc ac istum Astronomi juxta observent, & observaverint. Est autem ortus & occasus Astronomicus recta aut obliqua Stellarum Ascensio, & Descensio, de quibus suo loco locuti sumus. Poëticus verò spectatur, aut ad Horizontem cum

I.
*Cur Auti-
qui anni
Tempora
designaverint per
Stellas?*

II.
*Ortus &
occasus Poë-
ticus tri-
plex est.*

ortivum, tum occiduum, & duplex est, Cosmicus ac Acronychus; aut ad Solem, & Heliacus vocitatur.

III. *Quid sit Ortus & Occasus Cosmicus?* Ortus Cosmicus, aliàs Ortus matutinus verus, ut ab hoc incipiamus; accidit propriè, quando Signum vel Stella una cum Sole supra Horizontem adsurgit. Impropriè verò, quando adsurgit de die; quo pacto sex Constellationes Eclipticæ dici possunt singulis diebus Cosmicè oriri. Occasus Cosmicus, aliàs Occasus matutinus verus, propriè accidit, quando Signum, aut Stella tempore matutino, exoriente Sole, infra Horizontem delabitur; improprie, quando de die delabitur.

IV. *Quid sit Acronychus?* Ortus Acronychus, qui & Chronicus & Vespertinus verus appellatur, contingit propriè, quando Signum, vel Stella vespere, Sole infra Horizontem descendente, ex parte orientis supra eum ascendit; Impropriè, quando ascendit de nocte. Occasus Acronychus, seu Chronicus & Vespertinus verus propriè evenit, quando Signum, vel Stella una cum Sole sub Horizontem descendit; improprie, quod descendit per noctem.

V. *Qui hi se habeant in Signis, & Fixis Eclipticæ?* In Signis Eclipticæ, & singulis eorum gradibus perpetuum est, quòd Signum seu gradus, quod oritur Cosmicè, strictè loquendo, Acronychè occidat, & quod Acronychè oritur, Cosmicè occidat. Hoc exprimunt triti Versiculi:

Cosmicè descendit Signum, quod Chronicè surgit.

Chronicè descendit Signum, quod Cosmicè surgit.

Idem etiam contingit in Fixis, quæ in Eclipticâ collocantur, in quocunque Horizonte obliquo; item in Fixis ubicunque hærentibus in recto Horizonte.

VI. *Et Stellæ extra eam?* Sed aliud experimur in Horizonte obliquo, quando Stellæ constituuntur extra Eclipticam. Quæ enim ab Eclipticâ in boream abeunt & Polo boreali elevato, oriuntur Cosmicè, non occidunt propriè Acronychè, sed posterius plus minùs pro variâ suâ latitudine, & Horizontis obliquitate. Contra quæ ab eadem in austrum defleunt, & oriuntur Cosmicè, occasum Acronychum ocyùs, seriùs ob indigitatas modò causas suo occasu antevertunt. Ubi verò Polus mundi australis elevatur, Stellæ, quæ ab Eclipticâ in austrum secedunt, & Cosmicè oriuntur, post Solem occidunt; sicuti ante eum, quæ secedunt in boream.

Dics

Dies autem, quo Signum, seu gradus Eclipticæ Cosmicè oritur, & Acronychè occidit, ex Calendario Horizontis ilicò intelligitur; nam tantum quærat, quis dies aut proposito Signo, aut gradui in Calendario respondeat, & ille quæsitus erit. Si verò dies noscendus sit, quo Signum, aut gradus ejus oriat, & occidat Cosmicè, indagetur Signum, seu gradus Eclipticæ oppositus, & dies illi, aut huic respondens, etiam proposito satisfiet.

VII.
*Invenire
diem variis
ortus & oc-
casus in
Signis.*

Quo autem tempore Fixa extra Eclipticam collocata oriatur Cosmicè, & Acronychè occidat, ex Globo Cœlesti sic observabis. Habitâ Poli elevatione, applicetur Stella proposita ad Horizontem ortivum, & observetur gradus Eclipticæ, qui juxta eum Stellâ cum perstringit; ex quo si quærat, dies mensis, liquet, quando talis Stella Cosmicè oriatur. Ejusdem occasum Acronychum deprehendes, quum adjungetur Horizonti occiduo, ac Globo immoto, gradus Eclipticæ investigabitur, qui eum eopse tempore attingit, hic conversus in diem mensis docebit, quando proposita Stella descendat Acronychè. Si porro scire desideras, quando eadem Stella oriatur Acronychè, & occidat Cosmicè, eam ad ortum constitue, & Globo sine vacillatione servato, nota gradum Eclipticæ, qui est ad Horizontem occiduum, inque diem huic gradui congruentem inquire, qui erit dies ortus Acronychi. Ut occasum Cosmicum investigates, Stellam volve in occasum, & respice, quis gradus Eclipticæ sit in ortu, ex quo si hauriatur dies, cognitum erit tempus occasus Cosmici.

VIII.
*Nec non
Fixa extra
Eclipti-
cam.*

Ortus & occasus Cosmicus, & Acronychus hætenus explicati conveniunt omnibus Stellis, quæ oriuntur & occidunt, exceptis solâ Venere, atque Mercurio; qui quandoquidem à Sole brevi tantum intervallo recedunt (nam Venus, quæ longiores digressiones habet, quàm Mercurius, à Sole nunquam per integra duo Signa digreditur) non possunt occasu Cosmico occidere, aut ortu Acronychico exoriri.

IX.
*Quibus
Stellis con-
veniant?*

CAPUT XXVI.

*Ortus & Occasus Heliacus. Termini utriusque.
Quando accidat, ac olim acciderit?*

I.
*Ortus He-
liacus.*

TRANſcamus tandem ad ortum & occasum Heliacum. Ortus Heliacus, aliàs Ortus apparens, & Phas, seu Apparentia nuncupatur, contradistinctè ad Ortus veros, de quibus statim; nam Stella in hoc Ortu ex radiis Solaribus tantum se expedit, nec in Horizonte solum, sed & circa eum spectatur. Fit autem hic Ortus, si generaliter sumitur, quando Stella, quæ ad Solis in Hemisphærio conspicuo commorantis præsentiam delituit, ad ejus absentiam, seu occasum in visum se ingerit. Hoc sensu singulis diebus Heliacè oriuntur omnes Stellæ, quæ à Solis occasu per universum Hemisphærium observantur. Sed strictiùs sumpto vocabulo, Ortus Heliacus est, quando Stella, quæ ob parvam Solis distantiam antea disparebat, nunc ob majorem de novo incipit apparere.

II.
*Occasus
Heliacus.*

Occasus Heliacus, aliàs occasus Apparens, seu Occultatio, accidit in generali significatione, quando Stellæ ad absentiam Solis visibiles, eo redeunte, ex oculis subducuntur, atque ita occidunt indices matutino tempore Stellæ integri Hemisphærii. Speciali significatione accidit, quando Stella ante, propter distantiam à Sole, observata, nunc propter majorem ejus viciniam desinit observari.

III.
*Qua Stel-
la manè
Heliacè
oriuntur,
& vesperi
occidunt?*

* Accidit autem ortus & occasus Heliacus mane aut vesperi, & hinc uterque in Matutinum, aut Vespertinum subdividitur. Ortu Heliaco Matutino oriuntur, & Occasu Heliaco Vespertino occidunt tres superiores Planetæ, ac omnes Fixæ, quæ Horizontem subeunt, & ex quibus varias ratione hujus ortus & occasus celebrarunt Poëtæ, imprimis Canicula, & dies 30, 40, quin 50 (nam variant Scriptores) qui Ortum ipsius consequuntur, idè Caniculares nuncupati. Ratio verò in promptu est, nam omnes hæ Stellæ motu proprio segniùs, quàm Sol commoventur; quare si manè Solem suo exortu incipiunt antecire, quotidie amplius, ampliùsque anteibunt, donec radii So-

Solis dilutiores redditæ non sufficiunt, ad eas diutius contegen-
das. Contrà vesperi Sol eas suo occasu antecedens, continuo per
dies subsequentes minus, minúsque antecedit, unde tandem
non potest non Occasus ille Vespertinus accidere.

Sed contrarium in Lunâ contingit, quæ Nova, vesperi incipit
oriri Heliacè, & manè Vetus, Heliacè tandem occidit. Cau-
sa hujus contrarietatis est, quòd Luna motu proprio longè
celerius feratur, quàm Sol, quem ideò vesperi deserit, & ad
quem manè iterùm appropinquat. Denique residui duo Pla-
netæ inferiores, Venus atque Mercurius, diversimodè in hoc
ortu, & occasu se habent. Nam obeunt ortum Heliacum ves-
pertinum, atque occasum matutinum, quando Solem supe-
rant velocitate; contrà quando cursu tardi sunt & retrogradi,
obeunt ortum Heliacum matutinum, & occasum Vespertinum,
atque hinc Venus modò Hesperus, modò Phosphorus audit.

Nunc dicendum, quantum Stella debeat aut Solem præce-
dere, aut subsequi, ut Heliacè vel oriatur, vel occidat. Va-
riant verò Termini hujus distantie pro variâ Stellarum magni-
tudine, fulgore, ac intervallo ab Eclipticâ. Imò Luna certo
termino destituitur; nam interdum Heliacè oritur eodem die
post novilunium, interdum altero, tertio, quin & quarto, pro
motus sui & latitudinis diversitate.

Quanti autem sint hi Termini Apparitionis, & Occultationis
in Planetis & Fixis, quæ non longè abeunt ab Eclipticâ,
juxta sententiam Ptolemæi, quæ communissima est, licet
ex subjunctâ Tabellâ intelligere.

IV.
Quæ con-
stans, &
intraque Ta-
bulatione

V.
Termini or-
tus & occa-
sus Heliaci
variant.

VI.
Illorum
quantitas;

Sole in circulo Verticali sub Horizonte constituto per Gradus	{	V	{	apparent vel disparens	{	Venus	{	Stelle	{	Venus
		X				Mercur. Sup.				Mercur. Sup.
		XI				Saturnus				Saturnus
		XI $\frac{1}{2}$				Mars.				Mars.
		XII				Prima				Prima
		XIII				Secunda				Secunda
		XIV				Tertia				Tertia
		XV				Quarta				Quarta
		XVI				Quinta				Quinta
		XVII				Sexta				Sexta
		XVIII				Minutissima.				Minutissima.

R 2

Probè

VII.
*Spicienda
in circulo
Verticali.*

Probè notandum, quòd in Tabellâ dicantur Stellæ apparere vel disparere, Sole ad certos terminos ab Horizonte remoto in Circulo Verticali. Adeò ut requisita distantia hujus Ortus, vel Occasus non sit nisi arcus circuli Verticalis justæ magnitudinis, interceptus inter centrum Stellæ & Solis. Non igitur oportet in Terminis hisce constituendis ad Eclipticam, vel *Æ*, quatorum attendere.

VIII.
*Ad datum
locum re-
perire or-
tum Heliæ,
cum Fixa;*

Præcognitis & observatis Metis ortus & occasus Heliaci, per Globum facillè reperitur, quando hæc aut illa Fixa in dato loco Heliacè oriatur, & occidat. Ad reperendum Ortum, Stella, Polo decenter primùm curato, advolvatur ad Horizontem ortivum, & circulus Verticalis suo Zenith ab occidentali latere Meridiani applicetur; tum Globus in Ortum vertatur, usque dum inveniatur gradus Eclipticæ, qui per XII gradus, (si Stella data sit primæ magnitudinis) alias XIII, XIV pro re natâ, supra Horizontem occiduum elevatus est. Huic oppositus, qui ex ordine Signorum citra negotium se patefacit, eodem tempore infra Horizontem ortivum tantundem depressus est, quem quando Sol occupat (quod patet ex Eclipticâ Horizontis) proposita Stella Heliacè oritur.

IX.
Ad occasum:

Ejusdem occasum Heliacum sic deprehendes. Polo in suo situ relicto, Stella applicetur ad Horizontem occiduum, & circulus Verticalis in altero Meridiani latere puncto Zenith affigatur, ac per eum inquire in gradum Eclipticæ supra Horizontem ortivum elevatum, ut modò, & gradus, qui ex opposito subter Horizontem occiduum latitat, ipse est, quem Sol tenet, quando eadem hæc Stella Heliacè occidit.

X.
*Item tem-
pus ortus
& occasum
Poëtici,
penes Ve-
teres oc-
curren-
tium.*

Antequam doctrinam sinio de Poëtico ortu & casu Stellarum, observandum in gratiam antiquorum Scriptorum, qui creberrimam hujus ortus & occasus mentionem injiciunt, quando, & ubi scripserint, aut ad quæ loca in Scriptis suis respexerint; nam diverso loco & tempore hic ortus & occasus plurimum variat. Communiter quidem Poëtæ, ut & alii Auctores in descriptionibus ortus, & occasus Poëtici creduntur respexisse ad Urbes istius temporis celeberrimas, Romam, & Alexandriam. Plerique etiam ex illis circa principium annorum Christi, sive paulò post, sive non multum antè floruerunt. Cum hisce si conferantur, quæ de Proprio motu

Fixa-

Fixarum antè protulimus, laboriosum non fuerit Cœlum ad istud Sæculum revocare, & tempus istius ortus, & occasus Poëtici accuratius pervestigare.

C A P U T XXVII.

Ex celeriori ortu Fixarum, atque appulso ad Meridiem variat Cœli facies, & Hora noctis commodè haberi potest, præcognito Meridiani situ.

PORRò qui ad hunc ortum & occasum Poëticum in Stellis Fixis ritè attendit; item ad ea, quæ de motu Solis per universâ Eclipticam proposuimus, & cum hisce confert Ientissimum motum Fixarum, videt faciliè, quare Fixæ, quæ quotidie oriuntur & occidunt, in Horizonte recto & obliquo post mensem per integrum circiter bihorium ocyùs oriuntur, perveniant ad meridiem, occasum, & circulum mediæ noctis, ac constans ista vicissitudo observetur per omnes & singulos menses cujusque anni, atque proportionatà ratione in dimidiatis mensibus, septimanis, ac earum diebus.

Nempe Sol motu proprio quotidie per gradum circiter progreditur juxta successionem Signorum, & Fixa vix quicquam, quaresi hodie oriuntur simul, cras Fixa per gradum fere Solem præcedet in suo ortu, hoc est per quatuor minuta horæ, perrendie per gradus duos, seu octo minuta horaria, post dies quindecim per quindecim pene gradus, sive sexaginta minuta horaria, seu integram horam, & sic deinceps. Quantum verò præcedit in ortu, tantundem præcedet in Meridiano, Horizonte occiduo, & Circulo mediæ noctis.

Hinc insuper evidentissimum est, quare Stellæ, quæ ex gr. hac vespèrâ certâ horâ videbuntur circa ortum, meridiem, occasum, & locis intermediis, post mensem eadem horâ quæsitæ, in pristinis sedibus non compareant, sed vel abierint è conspectu, vel occidentaliores factæ sint per integrum Signum. Imo quare Constellatio, quæ hac vespèrâ horâ non est sub Meridiano diurno, Sole oppositum Eclipticæ gradum occupante, subitura sit eadem horâ meridianum nocturnum; adcoque quare facies Cœli æstiva, & hyemalis, & intermedie, tan-

I.
Fixa semper ocyùs oriuntur.

II.
Ratio.

III.
Hinc variat Cœli facies.

topere differant à se mutuo, neque eadem redeat, nisi confecto Solis curriculo.

IV.
*Astronomis
commoda.*

Hæc autem varietas in facie Cœlesti Astronomis occasionem concedit omnes Cœli constellationes orientes & occidentes cognoscendi. Si enim Sol vel impotus hæreret in eodem gradu Eclipticæ; vel Fixæ motu proprio pari velocitate eum Sole contenderent, varias ex Fixis nunquam liceret conspiceret, rutilantissimo Solis fulgore radios ipsarum extinguente. Nunc verò quum occidentaliores Fixas Sol derelinquat, & ad orientales sese conferat, fit, ut suo discessu alias, aliasque subinde aperiat, & annuo spatio, quæcunque in Cœlo Spectatoris oriuntur, & occidunt.

V.
*Nosse ho-
ram No-
tis per XII
Sidera.*

His adde, laboriosum non esse quavis nocte & singulis ipsius partibus ex nudo Fixarum intuitu horas noctis præter propter intelligere, si ad hanc æquabilem Fixarum anticipationem debite attendatur. Hunc in finem quibusdam assumptæ sunt hæc XII partim Stellæ, partim Constellationes sequenti ordine: *Pleiades, Humeri Orionis, Canis minor, Cor Hydra, Cauda Leonis, Spica Virginis, Corona Borealis, Caput Ophiuchi, Aquila, Os Pegasi, Magnum Quadrangulum, & denique prima Stella in Ariete.*

VI.
*Quæ initio
sui Mensis
Nonâ ad
Meridia-
num appel-
lunt.*

Duodecim seliguntur pro numero Mensium in anno Tropico, & juxta Meridianum Amstelodamensem, ac vicinos, *Pleiades* Kalendis Januarii secundum Gregorii Kalendarium ad Meridianum se applicant nonâ vespertinâ, & post bihorium *Humeri Orionis*, ac post alterum bihorium *Canis minor*, & sic perpetuò post idem temporis interstitium Sidus, quod præcedenti proximum est. Insuper Kalendis Februarii juxta eundem Srylum (qui in cæteris seu Stellis, seu Constellationibus mox memoratis unice observandus est) eadem vespertinâ nonâ ad Meridianum se applicant *Humeri Orionis*, similiter Kalendis Martii *Canis minor*, Aprilis *Cor Hydra*, atque ita deinceps per integram anni seriem.

VII.
*Uti docet
expressus
Ordo.*

Quod autem promptius habeatur, quod Sidus initio cujusque Mensis nonâ in Meridiano versetur, & quænam illud ex ordine antecedant, & consequantur, libuit cuilibet Mensi suum ex ordine Sidus adscribere:

Pleiad.

Pleiad. Hum. Or. Canis Min. Cor. Hyd. Cauda Leon. Spica Virg.
 JAN. FEB. MART. AP. MAJ. JUN.
Coron. Caput Oph. Aquil. Os Peg. Quadrang. Prima Ar.
 JUL. AUG. SEPT. OCT. NOV. DEC.

Hinc saltem quota sit Hora per integram primam noctem
 cuiusque Mensis, facile observatu est; nam quid si *Primam* VIII.
Arietis Kalendis Januarii sub Meridiano observem, judicabo *Hinc sciun-*
 existere VII vespertinam, si *Humeros Orionis*, XI, si *Canem* *tur hora*
Minorem, I nocturnam, si Meridianum inter *Canem Minorem* *per primas*
Minorem *sum;* *noctes men-*
 & *Cor Hydra* transire, II, atque ita in reliquis.

Quin nec ignorari potest Hora per ceteras noctes mensium,
 servata tantum debita proportione. Scilicet Sidus, quod pri- IX.
 mo die mensis hora nona Meridianum perstringit, perstringet *Et reli-*
 medio mense octava, quarta parte mensis semiononâ, tribus quar- *quas.*
 tis semioctava; quare cum hoc modo innotescat, quando Si-
 dus suo mense respondens quavis nocte totius Mensis debeat ad
 Meridianum appellere, hinc ex collatione hujus Sideris cum
 antecedentibus, & consequentibus reliquas horas, cuiusque
 noctis illic licet eruere.

Ut verò usus Horologii hujus perpetui sit expeditior, ad- X.
 dendum videtur, qui sciri possit, utrum Sidus ad Meridia-
 num pervenerit, aut quousque hinc illinc distet, nam non
 incurrat in oculos, uti Stella. Itaque quòd hoc sciatur, ducatur
 recta ex Stella Polari, quæ inter postremum Equum Plau-
 stri majoris, & vicinissimam ejus rotam progreditur, & in hac
 lineâ juxta æstimationem visus, sumatur tanta ferme distan-
 tia à Polari, quantam habent binæ anteriores rotæ in Plau-
 stro minori, atque ibidem circiter Polus Cœli Septentrionalis
 est. Hinc circulum per Zenith, & ultra produc, in quo
 quum sidus deprehendetur, sub Meridiano erit.

Vel paulò certius sic operaberis: Erige baculum ad angu- XI.
 los rectos, & hinc digredere ad aliquot passus in meridiem, *Et mediis*
 & alterum erige isto situ, ut oculus per utriusque extremita- *Baculis.*
 tem directus in Polum incidat. Dein reditus instituat ad ba-
 culum priorem, & ex hoc per posteriorem, atque ita Hori-
 zontem versus visu directo, Meridianus habebitur.

Sed quandoquidem non semper Baculis instructi sumus, XII.
 & quamvis essemus, oculus facile potest aliquantillum aber- *Imperfectio*
 rare; *hujus Ho-*
relogii.

rare; insuper quandoquidem hæc XII Sidera non tam exactè per bihorium se mutuò aut antecedunt, aut subsequuntur, ut ex Globi collatione observari potest, hinc hæc operandi ratio omnibus numeris absoluta non est, plena tamen jucunditate, & ad usum sæpè sufficiens.

XIII.

Qui plurimu locis inserviat?

Hæc Sidera, ubicunque in oculos incurrunt, ad explicitum jam finem adhibere integrum est, dummodo ad differentiam Meridianorum attendatur; nam ut hi vel orientiores sunt, vel occidentiores, sic aliis, aliisque horis ad eos adveniunt. Quando igitur constat, quâ horâ in loco quocunque proposito primum Sidus primâ nocte primi mensis in Meridiano versetur, pariter ex modo allatis aperta sunt cæteta, quæ ad hujus Horologii usum in dicto loco requirantur.

XIV.

Horam noctis scire ex ascensione rectâ.

Alii quando dictis jam vis internoscunt Meridianum, & hanc aut illam Fixam in eo observant, inquirunt in ejus Ascensionem rectam, à quâ Solis Ascensionem rectam subtrahunt, quod reliquum est, vertunt in horas & minuta, & tempus quæsitum innotescit. Si Ascensio recta Solis excedat Ascensionem Stellæ, huic in horas versæ addunt integras horas XXIV, & operantur, ut modò.

CAPUT XXVIII.

Eclipsis Solis.

I.
Eclipsis Solis.

Sic vidimus, quid Stellis accadat ex motu Solis per Eclipticam, nunc dicendum, quid accadat interdum Soli in eadem, quin potius Terræ, seu Oculis; certa nempe obscuratio, quam Luna efficit, opaco suo corpore inter Solem, & Terram intercurrentes, & quæ Eclipsis Solis per excellentiam nuncupatur.

II.
Accidit certo Novilunio, seu Sche-mate;

Hinc nunquam juxta ordinem naturæ visa est, aut videbitur Eclipsis in Sole, nisi in Novilunio, seu visibili utriusque Luminaris conjunctione; neque in omni conjunctione, uti edocet experientia, sed istâ solum, quâ Luna videtur, vel sub ipsâ Eclipticâ, id est in istis punctis suæ Orbis, quæ Eclipticam interfecant, & vulgo Nodi vocantur, seu Caput, & Cauda Draconis, vel citra, & ultra ista Puncta ad certos usque

usque terminos; puta Luminaribus Perigæis hinc inde ad
 gradus XVII & min. 18, sed Apogæis ad gradus XVI & min. 19.
 Rem quadrantenus imaginari licet in subjuncto hoc Schemate:



Quando in reliquis punctis suæ Orbitæ Luna versatur,
 quotiescunque accidat Novilunium, nunquam Solis portio
 Terræ eripitur; quia Luna vel suprà ad boream, vel infrà ad
 austrum transendo, nullam sui partem inter Solem, & Ter-
 ram interponit.

III.
 Non aliis.

Interim facile liquet, si ad terminos Eclipticos, de quibus
 statim, advertimus, quare Sol nonnunquam circa eundem
 Nodum bis Eclipsin patitur; sicut accidit Annis hujus Sæ-
 culi LXXVIII, & LXXXV, atque accidet denuò Annis LXXXIX,
 XCIII, ac XCVI: & quare Eclipsis prior, ac posterior intra
 Mensem Solarem eveniant. Item quare ut plurimum tantum
 semel circa utrumque Nodum Eclipsin patitur; ac posterior

IV.
 Numerus
 variat.

S

obser-

observetur quinto, vel sexto Mense à priori. Semel inquam circa utrumque Nodum, nam rarum est, in Nodo priore evenire unam Eclipsin, atque in posteriore geminam, cujus tamen exemplum præbuit Annus LXXXII. Denique liquet, quare nunquam Annus transeat, quin Sol subeat ad minimum bis Eclipsin. Interim juvandæ horum imaginationi etiam delineatum modò Schema potest conducere.

V.
*Universæ
Solares plu-
res sunt.*

Atque ita, si universam Terram spectamus, plures accidunt Eclipses Solares, quàm Lunares. Nam uti postmodum ostendemus, plerumque Luna bis in anno Eclipsin patitur; sed & elabuntur anni, quibus nonnisi semel patitur, vel nullo modo. Non tamen negandum, quin in determinato loco longè plures Eclipses Lunæ, quàm Solis appareant. Ratio hujus diversitates ex utriusque Eclipsis naturâ innotesceat.

VI.
*Eclipsis So-
lis Totalis
varius;*

Eclipses Solares non sunt uniusmodi, sed in Totales, & Partiales dispescuntur. Illæ accidunt, quando integer Sol ex conspectu eripitur, quod Luna præstare potest, quum apparens ipsius discus apparenti Solis disco exæquatur. Hæ omnes sunt sine morâ, saltem valde sensibili; aliqua tamen in eâ est differentia. Si vertex Coni umbrosi, qualem Luna spargit, peringat ultra Terræ superficiem, id est si in Terræ superficie ab umbrâ Lunæ circulus describatur, Eclipsis Solis Totalis pro variâ hujus circuli magnitudine cum aliquâ morâ erit. Sin verò extremus vertex Coni præcisè Terram feriat, erit Eclipsis Totalis sine morâ. Caligo tamen, quæ in Eclipsibus hisce nonnunquam creatur, tanta est, ut Stellæ compareant, & opus sit incensis luminibus.

VII.
*Nec non
Partialis.*

Eclipses Solis Partiales sunt, quibus non totus Sol, sed ejus pars aliqua obscuratur, seu media, seu plus, seu minus; quam Astronomi Digitis, seu duodenis diametri Solaris partibus, & earum minutis, dimetiuntur.

VIII.
*Eclipsis
Annularis
Schemate
illustratur.*

Ad has Eclipses etiam referendæ sunt Annulares istæ, quæ interdum observatæ scribuntur, in quibus Ora Disci Solaris, quando centrum Solis cum centro Lunæ conjungebatur, circumcirca ad latitudinem trium quartarum unius digiti, lucida visa est. In tali casu Sol videtur fuisse humillimus, & Luna altissima, nec vertex Coni umbrosi ad Terram pertigit. Cæterùm ad clariorem hujus Eclipsos ideam profuerit appositum hoc Schema intueri.

Causa



Causa hujus disparitatis in Solis Eclipsibus est varia appa-
rens Lunæ latitudo, quæ quò minor fuerit, eò Eclipsis eva-
dit major; quò autem major fuerit, eò evadit minor, vel
nulla. Huic altera accedit, nempe inæqualis Luminarium
distantia à Tellure, pro quâ apparentes eorum diametri im-
mutantur, quæ majores apparent, quando circa Orbium suo-
rum Perigæa versantur, & minores, quando hærent circa co-
rundem Apogæa.

IX.
*Ratio hujus
disparita-
tis.*

Nulla Eclipsis Solis, ne quidem omnium maxima, univer-
salis est, aut esse potest. Sol Terræ Hemisphærium præter-
propter illustrat, sed hoc per ejus Eclipsin non obscuratur,
quia nimis amplum est, & vera magnitudo Lunæ nimis exi-
gua, ipsaque à terrâ remotior.


X.
*Nulla Ecli-
psis Solis
est univer-
salis.*

Itaque illi tantum Terræ tractui integer Sol eripitur, per
quem conus umbræ Lunaræ pertransit, cujus diameter vel in
maximâ Eclipsi solum LXX circiter milliaria Germanica po-
test involvere. Qui verò Terræ tractus immediatè est extra
circumferentiam hujus Coni umbrosi, in penumbrâ versatur,
& Solem ex parte sibi ereptum sentit, seu medium, seu plus,
seu minus, ac fit hæc Eclipsis eò minor, & penumbra dilu-
tior, quò longius à Cono disceditur, ac qui extra penumbram
sunt, Sole integro, & illibato perfruuntur. Quæ quidem in-
tellectu laboriosa non sunt, si sequens Figura studiosius con-
feratur.

XI.
*Hinc eadem
alibi est To-
talis, Par-
tialis, Nul-
la; ut li-
quet ex hac
Figura.*

S 2

Porro



XII.
*Primo vide-
 tur ab Oc-
 cidentali-
 bus.*

Porro neque Eclipses Solis eodem temporis momento eveniunt. Qui habitant ad occasum, prius eas experiuntur, & qui ad ortum, posterius; ita quidem ut hi futuram adhuc Eclipsin expectent, dum illis omnino pertransit. Ratio hujus varietatis petenda est à Lunâ, quæ, quia Sole Eclipsin passuro est occidentalis, ipsoque celerius in ortum contendit, umbram primùm mittit in loca Terræ occidua, quæ propter progressum Lunæ in ortum sensim, sensimque fit orientalis.

Hinc

Hinc perspicuum est, quare Eclipsis Solaris initium capiat ab occidentali Solis Limbo, qui etiam primum visui restituitur; scilicet Luna pertransitura Solem ab occasu in ortum, suo limbo orientali limbum Solis occidentalem primum obtigit, & primum suo transitu iterum detegit.

In parialibus Solis Eclipsis, si apparet Lunæ latitudo fuerit borealis; Sol à boreâ seu superiore parte sui corporis observatur deficere; sin verò australis fuerit, occulitur à parte australi, seu inferiore. Nam Sol nunquam digreditur ab Eclipticâ, quare prout Luna vel ultra, vel citra eam consistit, aliam, aliamque Solis partem conspectui debet eripere.

Denique aliquid subjiendum de maximâ Eclipsis Solaris duratione, seu tempore, quod à principio obscurationis usque ad ejusdem finem effluit. Hoc autem non longè abit ultra bihorium. Nam quandoquidem Luna spatio horæ dimidium gradum plus minùs absolvit, & hujus circiter magnitudinis est apparet Solis diameter, horam requirit, antequam integrum Solem possit obtegere, & alteram, ut cum penitus derelinquat.

Notandum tamen, quòd tempus incidentiæ, seu spatium temporis, quod ab initio obscurationis elabatur ad mediam, sive maximam, non semper æquetur tempori emerfionis, seu repletionis, quod à maximâ obscuratione ad finem extenditur; quia apparet Lunæ motus valdè inæqualis est, atque in horas varius. Quòd enim Horizonti orientali existit vicinior, cò velocior apparet; uti tardior, quòd propior est occasui.

XIII.
Et ad occidentalem
Solis limbum.

XIV.
Deficit ab
Austro, vel
Boreâ.

XV.
Maxima
Duratio.

XVI.
Tempus incidentiæ &
emerfionis
variat.

C A P U T XXIX.

Maculæ Solis.

Hactenus satis fusè de nulli non sæpius observatâ Solis Eclipsi disseruimus. Sed neque silentio prætermittendæ sunt Ejusdem Maculæ, quas prisca Sæcula juxta cum aliis Cœli Phenomenis ignoraverunt, & sub initium Sæculi labentis beneficio Dioptræ, seu Telescopii Galilæus, & post eum complures Astronomi, detexerunt.

I.
Maculæ
Solis nuper
notæ.

II. Diversimodè verò possunt hæ Maculæ observari. Et quidem sine Dioptrâ, quando Solis discus per exiguum foramen in Cameram studiosissimè conclusam trajectus, candido objecto excipitur; aut si radii Solis in tersum Speculum immissi, hinc in locum tenebricosum reverberantur. Quin non desunt, qui non semel visas sibi testantur Solis Maculas citra Cameræ obscuræ subsidium, nudis oculis in Sole defixis, non præcul ab Horizonte collocato. Qui tamen modi non sufficiunt, ad omnes Maculas distinctè & evidentè delineandum.

III. Per Dioptram observatio interdum sic instituitur, ut Oculum directè Solem aspiat; ne autem hoc Sensibile adeò vehementè lædat Organum, Cælum nebulosum expectant; vel Solem orientem aut occidentem; vel Dioptram muniant uno alterove vitro viridiore, aut subobscuri coloris, qui nimium Solis fulgorem possit retundere, atque sic prius radunt ipsius limbum, donec oculus tantum lumen ferre consuescat, quàm medium Solem intuentur. Sed neque hanc visionem posse esse omnibus numeris absolutam, res ipsa loquitur.

IV. Quare præstat, præparatâ Camerâ obscurâ, grandiorẽ Dioptram factò foramini, quod crassitiei ejus exactissimè respondeat, ut omne aliunde lumen abarceatur, curatè inscrere, & per eam admittre Solis imaginem in immobile corpus albicans in debitâ distantia constitutum, unde in oculum remitti possit, & conspici juxta singulas sui partes quàm clarissimè, & distinctissimè. Porro inspicere oportet Solis imaginem, quando à refractione vaporum immunis est, & quotidie (si Cælum permittat) eadem horâ, ac sub eadem disci magnitudine, seu Sol apogæus sit, ut æstare, seu perigæus, ut hyeme, quò omnia Macularum Phænomena distinctius possint notari. Interim cogitandum, imaginem Solis per Dioptram aut augustum foramen transmissam, inversam apparere.

V. Traditâ ratione Maculas Solares observandi, subjiciendum, quo modo se offerant, & quæ præcipua sint earum Phænomena. Offerunt se in Disco Solari ad modum partium opacarum, & nigricantium, quare quibusdam atramenti guttis comparantur; aliis atræ fuligini, quæ conspicitur in superficie æris in fornacibus fusorius liquefacti; aliis spumæ in ollâ bullien-

buſſiente, quin nubeculis. Neque obſervantur extra corpus Solare aut prope ejuſdem Polos, niſi rariſſimè, ſed in medio diſco, ac fermè circa Eclipticam.

Variant magnitudine; quarum multas tantæ vaſtitatis Ga-
lileus notavit, ut juxta ſuam Arithmeticam non modò ſinum
Mediterraneum, ſed totam Africam, ipſamque Aſiam lon-
giſſimè ſuperare judicaverit. Interim ejuſdem Maculæ magni-
tudo conſtans non eſt, ſaltem non diu, verum diverſimodè
creſcit, decreſcitque. Ordinariò major apparet in centro So-
lari aut circa, & longior, contractiorque prope limbos.

VI.
Variant
magnitu-
dine;

VII.
Numeri.

Similiter comparatum eſt cum numero Macularum. Quan-
doque plurimæ ſe obtulerunt, uſque adeò ut rutilantiſſimus
Solis fulgor ex iis (ſic quidam, aliis cauſam aliunde derivan-
tibus) non parùm infringeret. Ita Scheinerus, qui Macu-
lis hiſce plurimùm ſtudit, aliquando ſimul in Sole notavit
quingenta; aliquando longè pauciores deprehendit, &
deprehenduntur. Quin ab anno quinquageſimo hujus Sæcu-
li uſque ad ſeptuageſimum, vix una alterave comparuit; dein-
ceps verò vix tranſiit annus, quin ſemel pluriſve conſpectæ
ſint: adeò ut certæ temporum Periodo ſe non adſtringant,
aut illa nobis nondum innotefcat.

VIII.
Duratione.

Non rarò in mediò Sole Macula evaneſcit, uti etiam in-
terdum enaſcitur; quin ſæpiuſculè in Faculam abit, & vice
verſà: quod tamen antequam perficitur, margines primùm il-
luſtrantur. Utrum verò eadẽ Maculæ recurrant, emenſo
circa Solem Circulo, diſputatur. Sunt qui negant, quia
ràm variis & miris modis inter ſeſe miſcentur; ſunt qui af-
firmant, nixi eadem figurâ, mole, colorè, ſimilibuſque ad-
junctis. Memorat Caſſinus, viſam ſibi fuiſſe atram Maculam,
quæ per tres integras revolutiones perduravit.

IX.
Sunt in
Cælo athe-
reo.

Maculas hæſce in Cælo Æthereo eſſe, & quidem longè
ſupra Lunam, fidẽm facit, quòd nullam in Sole Parallaxin
pariant, uti teſtantur conſonæ Obſervationes (niſi quòd ſub-
inde, quia Teſcopia non ejuſdem ſunt dignitatis, minima
annotantur in uno loco, quæ negliguntur in alio) eodem
tempore in variis Europæ partibus inſtitutæ, ac ejuſdem lo-
ci Phænomena.

X.
An in Sole?

Quin quod quibuſdam partes Solis habeantur, qui ipſum
ideò

ideò circa suum axem revolvi volunt; aliis verò Sidera, quæ circa Solem feruntur, uti Satellites circa suos Planetas. Hinc Malapertius, S. I., qui Tractatum de Maculis vulgavit, eum vocat *Sidera Helio-cyclia*. Denique sunt, qui & in Sole, & circa eum Maculas admittendas esse existimant.

XI. *Motus e-*
tum. Superest, ut de Macularum Motu quidpiam adjiciamus. Statuunt, eum perfici intra spatium viginti quinque, sex, septem, aut octo dierum, -facto initio ab ortu disci Solaris ad nos conversi occasum versus, & dispari, quod ad apparentiam, velocitate. Celerior enim vulgò videtur prope centrum. Nequæ moventur Maculæ ut plurimum in parallelismo cum Eclipticâ, sed ab eâ modò magis, modò minus recedunt.

XII. *Geminio*
Schemate
illustran-
tur. Ut verò quæ de Maculis hisce diximus, curatiùs intelligantur, juvat ex xxvi Macularum Solarium Periodis, quas intra biennium, indefessus, & accuratissimus Hevelius observavit, ix & xx, reliquis illustriores, Oculis subijcere; in quibus præter motum, & situm Macularum, imprimis conspicua est admiranda ipsarum Metamorphosis.

XIII. *De natura*
Physici
proximi. Quid tandem sint hæ Maculæ, & quo pacto tradita Phænomena oporteat explicare, in iis Physiologi se fatigant, & prout quisque hanc, aut illam amplexatur Hypothesin, ita variat in Phænomenorum dilucidatione.

CAPUT XXX.

Luna Maculosa.

I.
Luna.

POst Luminare maximum contemplationi nostræ se offert Luminare minus. Minus inquam ratione luminis, si ad Solem referatur; sed (de lumine loquimur) majus, & revera magnum, si ad residuas Stellas nobis visibiles. Atque hoc Luna est, inter Planetas infimus, Maculosi vultus, variatis Phasibus tenens in noctem prædominium.

II.
Infima est.

Infimum esse ex maximâ Parallaxi, de quâ postmodum, innotescit, atque quod interventu suo tam Solem, quam cæteras omnes Stellas, quæ circa ejus viam existunt, obtegat.

III.
Maculosa
nunc, &
olim.

Maculæ Lunares vel sine Tubi adminiculo satis manifestè in visum se ingerunt, nec tantum Plenâ Lunâ, sed & Corniculatâ,



culatâ, & deliquium patiente. Neque hodie, aut Patrum memoriâ demùm conspectæ sunt, verum à prisca Sæculis, Epicuro juxtâ cum aliis de Vultu Maculoso Lunæ disputante.

Cæteris paribus hæ Maculæ ejusdem obscuritatis perpetuò deprehenduntur, & qui Telescopio studiosius eas inspiciunt, sibi persuadent, ipsas existere humilioris superficiei, quàm sunt splendidiore partes, quæ Maculas ambiunt; quia illæ in has sensibiles umbras projiciunt. Censent insuper, politas esse, minimè asperas, quia terminus umbræ, qui per eas pertransit, continuus cernitur, non interruptus, qualis est in partibus splendidioribus.

Utrùm verò propter hæc similiaque Phænomena Maculæ Lunares rectè statuantur esse Aqua, & quidem pro diversâ amplitudine, atque figurâ, Lacus, Freta, Maria, Oceani, ut multi volunt ex hodiernis Autoribus, nobis non liquet. Nam fundamentum hujus assensus magis subtile est, quàm validum, & nunquam, quod aliàs fieri oporteret, præstantissima quæque Telescopica nubes in cælo Lunari exhibent, sed serenitatem perpetuam.

Cæterùm quia Astronomi per plures continuas Lunationes Lunæ intenti has ejus Maculas in eadem fermè constitutione observant, hinc inferunt Lunam Terricolis eandem faciem obvertere, saltem quoad maximam sui partem. Nam qui toti fuerunt in harum Macularum observationibus, testantur, Lunam in perpetuo quodam quasi libramento versari, quod per mensem circiter conficiat, & quo eadem Maculæ particula per digitum circiter deprehenditur suam posituram immutare. Proinde, si exquisitè loqui velimus, plusquàm dimidium ex Lunæ globo Spectator potest adspicere, non simul, sed successivè.

Quæ verò de Libratione Disci Lunaris, & Maculis ejusdem memoravimus, ex hoc Iconismo Hevelii distinctius intelliguntur.

Præter grandiores hæc Maculas, de quibus hæctenus, Telescopium detexit Minutiores innumeras in parte Lunæ aliàs splendidâ, seu in ipsis ejus confiniis, quæ tamen constantes non sunt, sed alternas patiuntur cùm generationes, tum corruptiones. Præ cæteris numerosæ, & obscuræ com-

T

parent

IV.
Majorum
Macula-
rum Pha-
nomena.

V.
Non sunt
aque.

VI.
Fermè ean-
dem Luna
facies Ter-
ra obverti-
tur.

VII.
Libratio-
nis, & Ma-
cularum
Schema.

VIII.
Macula
minutiores
cum Pha-
nomenis:

parent in termino Lunæ incrementis, & decrementis, quæ, Lunâ pleno orbe fulgente, evanescent non tantùm cum reliquis, sed plerumque evadunt candidissimæ, quôque Lunâ vicinior est Plenilunio, sunt albicantiores, quò ab eo remotior, ætiores. His adde, quod pro vario Lunæ positu & suum videantur immutare. Luna à Novilunio digrediat in ortum, & Solem habeat ab occasu, etiam Macula ortiva erit; contrâ quando Luna decrescens vicina fit alteri Novilunio, & Sole est occidentalis, Macula pariter erit occidua.

IX.

*Nata ex
inaquali
Luna su-
perficie.*

Ex iis, quæ de minoribus Maculis attigimus, atque superius de termino umbræ Lunaræ per partes lucidas interrupto, & inæquabili, judicant Astronomi, neque injuriâ, esse partes in Lunâ reliquis depressiores, quæ in umbrâ plus minùs consistunt, quo usque Sol perpendiculariter imminens eas plenè irradiare possit, illarumque latera acclivia; unde mirum non est, quòd isto tempore potentius lumen reverberent. Qui conceptus etiam ex eo roborari videtur, quòd in parte Lunæ seu incrementis, seu decrementis hætenus umbrosâ compareant varia lucida puncta, quæ commodè sumi possunt pro eminentioribus Lunæ partibus, quas idcirco radii Solares ferire queunt, dum humiliores ipsis nondum licet attingere.

X.

*Luna non
est verè al-
tera Terra.*

Ex dictis convenientiam quandam videmus inter Globum Lunarem, ac Terrestrem, quæ etiam in Phasis, de quibus postmodum, quadatenus se aperiet. Hisce nominibus, aut similibus si cui lubeat, Lunam Terram Cœlestem, seu Ætheream nuncupare, de voce non multùm litigabimus; sed illi, oportet, crubescant, qui nonnisi traditæ convenientiæ, aut quæ paris notæ est, innixi, Lunam alterum faciunt Globum Terra-aqueum, Meteororum parentem, Plantarum seminarium, & ne Terræ ullatenus cedat, Animantium habitaculum: quum non tantùm sine ratione, sed contra eam loquantur, sicut ex doctrinâ Phasium Lunarium clariùs ostenditur.

XI.

*Typus He-
velii de
Lunâ Glo-
bo Terra-
Aqueo.*

Cæterùm quæ Lunam in alterum Globum Terra-aqueum ingeniosissimus Hevelius commutavit, hic Typus docere potest, imprimis si cum ejusdem Maculosâ Lunâ, de quâ §. VII. hujus Capituli, studiosè conferatur.

Hæc

Hæc cum potuit Hevelii imaginatio, non mirabimur, alios ad partes occidentales Lunæ circa sextum diem à Novilunio Theritæ vultum conspiceret; alios circa diem decimum, aut undecimum in Lunæ sectione Puellam diffuso crine; alios alia.

XII.
*Aliorum
imaginatio*

C A P U T XXXI.

Phases Lunares.

MAculas Lunares, quæ sunt apparentiæ sui generis, non incommodè Phases Lunæ, nulli non sæpius observatæ excipiunt. Quæ ut ritè intelligantur, prænotandum, Lunam esse corpus opacum, omni ex se destitutum lumine, rotundæ figuræ, sub Sole locatum, eo minus, & proprio motu celerius concitatum. Hinc extra casum Eclipsæos med à parte, vel paulò plus (etsi aliquid discriminis hîc parere potest varia utriusque Luminaris distantia à Terrâ, & ab invicem) irradiatur à Sole; cæ nempe, quam ipsi obvertit. Aded ut Lumen Lunæ accuratè loquendo nec incrementum capiat, nec decrementum, sed tantum sit tempore Novilunii, quantum est temporibus intermediis, aut Plenilunii, & Globum Lunarem solum obambulet; quod Oculus ipse deprehenderet, si per integram Lunationis Periodum debito loco locaretur.

I.
*Phases Lu-
na non con-
veniunt;*

Itaque Luna ratione sui eodem modo se habet, sed propter oculum in eadem sede morantem accidit, ut ex parte illuminatâ quandoque nihil conspiciatur, quandoque plus, quandoque minus dimidio, quandoque quicquid ferè illuminatum est. Hinc Astronomi varias Lunæ Apparitiones, seu Phases enumerant, quæ quemadmodum appellentur, & quando eveniant, operæ pretium est exponere.

II.
Sed Ordo.

Apparitiones seu Phases Lunæ per plurimæ possent statui, nam quovis momento respectu oculi crescit, decrescitque, saltem quovis die sensibilis est Phaseos immutatio; usu tamen numerus quinaris Phasium tantum receptus est, qui hoc ordine procedit. Prima Phasis est Luna Nova, atque accidit in Synodo, seu Conjunctione Luminarium, quâ Luna, quod accipit à Sole lumen, in universum fursum remittit, nonnisi mediâ

III.
*Statuuntur
v. & sunt
Luna No-
va;*

parte umbrosâ Terricolas respiciente. Quare contra vim vocis hæc Lunæ constitutio ejusdem Phasibus accensetur; aliis idcirco quatuor tantum Lunæ Phases computantibus. Tempus, quo accidit hæc Conjunctio, quin integra dies dicitur Novilunium & Luminarium Conjunctio; & Luna *trix ætæ*, Vetus, & Nova, atque abhinc usque dum Soli opponitur, Crescens.

IV.
Falcata,

Secunda Phasis appellatur Luna Falcata, Corniculata, Novacularis, ob apparentem Figuram, quâ se nobis exhibet post Conjunctionem, quando egreditur ex radiis Solaribus, quod modò ocyus, modò seriùs accidit, propter rationes in Doctrinâ de Ortu Heliaco explicatas. Extenditur hæc Phasis à Conjunctione, vel primâ apparitione per Aspectum Sextilem (sub quem propriè Corniculata vocatur) in Quadraturam, & Luna primo apparitionis suæ die Luna Prima nuncupatur.

V.
*Cui adest
Lux Secun-
daria.*

Mirabile, neque prætereundum Phænomenon est, quod in Lunâ Corniculatâ increfcente, & decrefcente se pandit; Lux nempe secundaria Lunæ, quâ præter lucida ejus Cornua integer Discus satis clarè conspicitur, eoque clarius, quò tenuiora sunt, & ab oculo studiosius arcentur, & obscurius, quò ampliora evadunt, donec tandem sub Quadraturam Lux ante conspecta evanescit.

VI.
*Ejus causa
potior; qua
non faves
Lunicolis.*

Multi crediderunt hanc Lucem Lunæ nativam, propriamque existere. Alii à Sole, Stellis, atque Planetâ Venere derivârunt. Hodie communior opinio est, & nostrâ sententiâ verior, Globum Terra-aqueum hanc Lunæ Lucem concedere, reflectendo eam in Lunam plus minùs pro superficiei suæ diversitate, unde secundariò redeat in Terram & oculum; disparere verò sub Quadraturam ob potentius Lumen primarium in Lunâ, & situm ejus tum minimè commodum. Silco hanc cogitationem imprimis placere iis, quibus Luna altera Terra est, ex hac reflexione colligentes, Terram tam Lunæ suas Phases exhibere, quàm suas Luna Terræ exhibet, atque adeò quidni in reliquis consentire; sed illatione parùm firmâ, sicut attendenti non potest non esse evidentissimum.

VII.
*Luna Semi-
plena.*

Tertia Lunæ Phasis est Luna Semiplena, Dimidiata, Bisecta, Medilunia; tunc enim Luna dimidiato Orbe sine pristinâ cavitare conspicitur, Quadrante circuli à Sole distans; quare tempus hujus Phasos dicitur in Lunâ crescente Quadra, vel Quadratura prior.

Quarta est Luna Gibbosa, seu Tumida, major orbe dimidio. Talis apparet à Quadraturâ per trigonum usque in ipsam Oppositionem. VIII.
Gibbosa.

Quinta demùm Phasis, seu ultima est Luna Plena, splendens integro Orbe, diciturque Opposita, quippe toto Cælo à Sole distans, item Pernox. Hoc tempus appellatur Plenilunium, & Luminarium Oppositio. IX.
Plena.

Ab hoc tempore usque ad proximum Novilunium Luna decrefcere, & senescere, seu deficere incipit, & dicitur Deficiens, Senescens, Vetus. Et quod probè notandum contra eos, qui Lunam in alteram Terram transmutant, incipit Luna immediatè post Oppositionem deficere ab eâ sui parte, quæ primùm (uti omnes Observaciones unanimiter ostendunt) cœpit illustrari, & illustrata fuit indefinenter (nam Luna circa axem non revolvitur, sicut paulò superius edocuimus) à Conjunctione ad Oppositionem, & quæ nunc prorsus Solarî illustratione destituetur, donec proxima effluxit Conjunctio, quando iterùm ad novam Oppositionem sine interruptione illustrabitur: atque ita deinceps. X.
Luna decrefcit in parte primùm illustratâ:

Luna dum sic pergit sensim, sensimque deficere, expositas modò Phases quidem repetit, sed retrogrado ordine; ut primùm fiat Gibbosa, dein Semiplena, Corniculata, & tandem Nova. Die autem apparitionis ultimo, qui à Plenilunio plus minùs distat, dicitur Luna Novissima. Interim Phases cognomines ejusdem Lunationis tam in Luna decrefcente, quam increfcente æqualiter absunt à Plenilunio, & Novilunio. XI.
Et retrogrado ordine.


Tempus, quod inter Lunam Novissimam, & Primam interjicitur, ac per quod latitat sub radiis Solaribus, dici consuevit Interlunium, Nox Illunis, Luna Silens, & Sitiens, Solent enim Planetæ, quando à Solis fulgore absconduntur, Astronomis vocari Hypaugi, sive Combusti. XII.
Luna Interlunium.

Tempus verò, quod inter Lunam Primam, & Novissimamque intercedit, dicitur Mensis Illuminationis, unde evidens est, quare Interlunium aliàs vocetur Astronomis Intermentstruum. Hic Mensis disparis est magnitudinis, quia Luna renascens, & deficiens suas emersiones ex radiis Solaribus, & immersiones in eosdem, uti dictum, aliàs accelerat, aliàs retardat: quare Verus Mensis Illuminationis ita definiri non potest; sed Medius defini- XIII.
Mensis Illuminationis.

nitur diebus præter propter viginti septem, usurpatus Orientalibus & Hebræis, qui propter Festum Neomeniæ non tantum tempus Conjunctionis, sed & primæ Apparitionis, quam diligentissimè observabant.

XIV. Quò autem, quæ de Lunæ Phasibus proposuimus, felicius intelligantur, subjunctum Schematismum subjecimus, qui quantum permittit planities, rem omnem declarat :

PHASES LUNÆ INCRESCENTIS.



C A-

C A P U T XXXII.

*Ratio noscendi Lunæ Phases juxta cum
Proprietatibus.*

Sed neque injucundum fuerit, aut inutile novisse, utrum
Luna Nova sit, an quàm proximè. Quod enim attinet
Lunam Corniculatam, Semi-plenam, Gibbosam, Plenam,
cas levis intuitus facilè observat. Est verò Luna Nova, vel
proximè fuisse, aut erit, si fileat, neque interdiu aut noctu
toto Cœlo videatur.

Si Luna Corniculata compareat, aut in aliâ quâ Phasi extra
Conjunctionem, vel Oppositionem, & dubitetur, utrum
crescat, an decrescat, quò eximatur hoc dubium, notandum,
si Luna conspiciatur ante Solis occasum; aut si pars Lunæ,
quâ deficit, orientem respiciat; aut cavitas Cornuum sinistra
apprehendi possit, crescere. Sin verò Luna conspiciatur sub
Solis ortum; aut quâ parte deficit, occasum respiciat; aut
cavitas Cornuum dextrâ apprehendi possit, decrescere pronun-
tandum est. Ultimum criterium comprehenditur sequente
Vericulo:

Dextra cavum Veteris complebit, Lava Recentis.

Neque laboriosius fuerit ortum occasumve Lunæ crescentis
cognovisse, si ad sequentia attenderimus. 1. Luna Nova cum
Sole oritur, & cum eo quàm proximè occidit. II. Cornicu-
lata crescens oritur non longè à Solis ortu, neque diu post oc-
cidit. III. Semiplena crescens in Horizonte recto ipso me-
ridie (quod extra eum non nisi præterpropter accipiendum)
oritur, & mediâ nocte occidit. IV. Gibbosa crescens ibidem
paulò ante Solis occasum oritur, & ante ejus ortum occidit. V.
Plena oritur Sole occidente, & occidit oriente.

Pari modo Lunæ decrescens ortus & occasus habebitur;
nam quando decrescere incipit, paulò post Solis occasum ori-
tur, & circa ejus ortum occidit. Quin ne longus sim, reli-
qua ortus atque occasus tempora citra negotium innotescant,
si cogitemus Lunam indies per XLVIII minuta Horæ se-
riùs oriri.

Ex

I.
Quando
Luna sit
Cornicu-
lata?

II.
Et in reli-
quis Pha-
sibus?

III.
Quando
Luna cres-
cens oria-
tur?

IV.
Quando
decrescens?

V.
*Quam no-
 ctis partem
 Luna cre-
 & decr.
 illuminet?*

Ex allatis etiam plus satis evidens videtur, quam noctis par-tem Luna debeat illuminare. Crescens ante priorem Qua-draturam anteriorem noctis partem illuminat, & posterior manet illunis. A Quadraturâ etiam posterior pars noctis illu-minatur. In Oppositione Luna est pernox. Dein Luna de-crescens ante posteriorem Quadraturam anteriorem noctis par-tem ex parte illuminat, & post hanc Quadraturam nox an-terior manet illunis, posterior illuminatur.

C A P U T XXXIII.

Motus Lunæ in Longitudinem, ac Latitudinem.

I.
*Motus Lu-
 næ in longi-
 tudinem.*

LUnæ Phases, de quibus hætenus, ex proprio ejus Mo-tu oriuntur; nam si paris velocitatis gradu cum Sole con-tenderet, non nisi eadem Phasis observaretur. Itaque ad distinctiorem Phasium intelligentiam necessum fuerit hunc Lunæ motum pressius explicare. Est autem inter proprios cæterarum Stellarum motus hic Motus Lunæ in longitudi-nem velocissimus; quippe quem Luna sub Zodiaco in con-sequencia, seu juxta Signorum seriem absolvit spatio Dierum xxvii, Horarum 7, & Min. 43, quemadmodum ex expe-rientiâ videre est.

II.
*Est Eccen-
 tricus.*

Circulus verò, quem Luna hoc suo Motu describit, Ec-centricus est. Nam inæqualiter à Terrâ recedit, plus in Apogæo, minùs in Perigæo; quippe apparens Disci Lunaris diameter, & Eclipsium quantitas, atque duratio non observan-tur uniusmodi, uti neque Motus. Dum enim circa Perigæum ex suâ Orbitâ spatio diurno ultra gradus quatuordecim per-currit, percurrit circa Apogæum ne quidem duodecim, atque intermedio loco, seu medio & æquali motu, tredecim cum decem minutis.

III.
*Apogæum
 & Peri-
 gæum sunt
 immutabilia.*

Porro hæc puncta Apogæum & Perigæum in Viâ Lunari fixa non sunt, verum progrediuntur in consequentia motu æquabili, suamque absolvunt periodum spatio Annorum viii, Dierum 309, Horarum 7, & Min. 36. Itaque plus temporis requirit Luna, ut ab Apogæo in Apogæum (quem Motum vocant Anomaliam Orbis Lunaris) moveatur, quam ut Or-
 bem

bem suum simpliciter conficiat. Is enim Motus non absolvitur, nisi expletis ultra Dies xxvii, Horis 13, & Min. 18.

Misso Motu Longitudinis, ad Motum seu Anomaliam Latitudinis Lunaris procedimus. Nempe Luna, quando in Consequentia promovetur, non permanet sub Eclipticâ, sed ab eâ digreditur versus Septentrionem, atque Meridiem; adeo ut duo tantum puncta Eccentrici Lunaris Eclipticæ supponantur, & eam quasi interfecent. Hæc intersectionum Puncta Ptolemæo Nodi vocantur, quâ voce exprimit quævis puncta Eccentricorum, quæ secant planum Eclipticæ. Nodus, quem quando Luna pertransit, deflectit ab Eclipticâ versus boream, & fit Zenith nostro propinquior, dicitur eidem Ascendens; uti Descendens, ex quo in austrum secedit. Conferatur Schema primum Capitis xxviii.

Præter has appellationes posteriores Astronomi hæc Puncta Eccentrici Lunaris appellarunt Caput, & Caudam Draconis; quorum illud est Ptolemæi Nodus Ascendens, hæc Descendens. Ratio nominis erit talis qualis similitudo; sicut enim Caput, seu Lingua bifida & Cauda Draconis acuntur, atque medium corpus est tumidius, ita latitudo Eccentrici lunaris existit juxta Puncta intersectionum minor, & major locis intermediis. Vulgò Caput Draconis propter compendium hoc Characterẽ α exprimitur, & Cauda hoc ψ . Non igitur hoc Caput, & Cauda Draconis confundi debet cum capite & caudâ Constellationis, sic appellatæ.

Uti verò Apogæum & Perigæum in circulo Lunari locum mutant, ita etiam Caput & Cauda Draconis; sed contra successione Signorum & motu multò lentiore, ut in orbem non remeant, nisi post curriculum Annorum xviii, Dierum 224, Horarum 3, ac Min. 50. Hinc facile intelligitur, quare Luna segniùs Orbitam suam absolvat, quàm ab alterutro Puncto intersectionis ad idem revertitur; hoc enim accidit post periodum Dierum xxvii, Horarum, & Min. 5.

Ex eorundem Punctorum motu etiam contingit quovis circiter anno nono, ut Sol eodem anno alterum Punctorum bis pertranscat, quumque tantum in his Punctis, seu circa, Eclipses Luminarium accidunt, ut de Sole ostendimus, & ostendemus brevi de Lunâ, mirum non est, posse isto anno Eclipses

IV.
Vñ Luna
Eclipticam
secat in
Nodis.

V.
Seu Capite
& Caudâ
Draconis;

VI.
Etiam multabilibus.

VII.
Unde nono
anno fieri
possunt plu-
res Eclipses.

pses solito plures evenire, primas sub initium, secundas sub medium, tertias sub finem anni.

VIII.
Ejus exemplum.

Exemplum hujus augmenti præbuit Annus decimus nonus, atque vigesimus hujus Sæculi. Anno vigesimo sex Eclipses evenerunt; sed si hic incepisset à die vigesimo Decembris juxta Stylum Gregorii anni proximè præcedentis, intra completum hunc annum, seu à dicto initio ad nonum Decembris anni vigesimi, tres in Lunâ & quatuor in Sole, adeoque septem Eclipses evenissent, nempe quatuor in priore intersectionis puncto, quod Sol bis pertransit, & tres in posteriore. Qui tamen casus admodum rarus est.

IX.
Maxima Luna digressio.

Subjiciendum denique, quousque Luna, postquam hæc Intersectionis Puncta pertransiit, sensim digrediat ab Eclipticâ, nam Lunæ, uti Soli sui termini sunt, quemadmodum in Horizonte, sic Meridiano, quos non excedit. Terminus verò tam boreus, quam austrinus in Lunâ novâ & plenâ est graduum quinque; quibus in Quadraturis varii sedecim minuta adjiciunt, quæ aliis in dubium revocantur.

X.
Latitudo Luna obest Lunaticis.

Cæterum silentio præterire non licet difficultatem, quæ ex motu latitudinis deprompta unâ cum superius allatis, extirpat Lunaticos; imprimis qui in parte Lunæ, à Polis ejus æquidistante, seu mediâ Zonâ Torridâ commorarentur. Nempe dum Eorum vertex à Sole nonnisi quinque gradus huc illuc deflectit, necessum est, æstum experiantur, qui penes eum, quem deserta Africæ, aut Æthiopia experitur, nullus est. Quin quod hic ad loca extra ejus Zonam Torridam constituta etiam se diffundat, quum ibidem maxima, & minima Solis Meridiani altitudo tantum per graduum decadem immutetur.

C A P U T XXXIV.

Eclipsis Lunæ, cum usu in Geographiâ.

I.
Necessitas Eclipsis in Lunâ.

EX proprio Lunæ Motu nunc delineato, atque defectu Luminis nativi in eadem (quem traditæ ante Phases juxta cum Eclipsi Solis ostenderunt, & Eclipsi Lunæ ostendet) item telluris opacitate & amplitudine sequitur, necessum esse, ut Luna nonnunquam Eclipsin, quam & Defectum, Deliquium, item Laborem nuncupant, perpetiatur.

Est

Est autem Eclipsis Lunæ privatio luminis Solaris in Lunâ
propter ipsius ingressum in noctem Telluris, seu umbram ejus
Conicam, sicut ex adjectâ Figurâ clarius potest intelligi.

II.
Illustratio
ipsius per
Figuram.

REGIO ÆTHEREA.



OCCIDENS.

Luna Umbram
Subitura.



Vox seu Conica Umbra Telluris.

Luna Perigæa. Ipygia.



Hæmiph Illustrat.

Luna Liberata.



ORIENS.



Sol Illustrans.

III.
*Accidit
tantum
Lunæ Pla-
næ;*

Accidere igitur non potest, nisi quando Luminaria sunt in Oppositione, seu tempore Plenilunii; nam corpora opaca tantum ex adverso corporis lucidi umbras projiciunt. Neque in omni Oppositione (uti experientia edocet) Eclipsis Lunæ potest accidere, quia umbra telluris tantum spargitur in & circa Eclipticam, à quâ, sicut notatum, Luna plerumque sive in austrum, sive boream, latius divagatur.

IV.
*Et quidem
certâ.*

Istæ ergo Oppositiones, seu Plenilunia solummodo erunt Ecliptica, quæ incidunt in Caput, aut Caudam Draconis, seu Puncta intersectionum Orbitæ Lunaris, vel citra, aut ultra ea ad certos fines; gradus nempe undecim, atque minuta 54, extra quos quotiescunque accidat, & absolvatur Luminarium Oppositio, Luna pleno orbe perget lucere. Videatur Schema *Pag.* 137.

V.
*Hinc va-
riat nume-
rus Eclip-
sum.*

Atque ita interdum contingit, ut vel integer annus elabatur sine Eclipsi Lunari, qualiter elapsi sunt anni hujus Sæculi (ut alios sileam) LXXXVII ac LXXX, & elabentur XCI ac XCVIII. Interdum inquam, nam communiter bis in anno, sive semel circa Caput, & semel circa Caudam Draconis Luna Eclipsin patitur, ut extra ordinem sit, si (propter motum Capitis, & Caudæ Draconis, de quo ante) ter contingat, aut semel; hujus exemplum dedit annus labentis Sæculi LXXVI, neque aliud intra hoc Sæculum comparebit.

VI.
*Ampli-
tudo.*

Quando Luna Eclipsin patitur, patitur diversimodè; majorem, quò minor est Lunæ latitudo, & ipsa Terræ vicinior, ac Sol magis Apogæus; minorem verò, quando hæ rationes ex opposito sese habent. Conferatur tradita statim Figura. Hinc quando Lunæ Eclipsis incidit in Caput, aut Caudam Draconis, & Luna perigæa est, nascitur Eclipsis Lunæ Centralis, & cum maximâ morâ, quæ tamen variat, prout Luna tunc temporis tardior est, aut velocior.


VII.
*Maxima
Eclipsium
Duratio;*

Interim maxima mora Eclipses maximæ interdum extendit se ultra quadrihorium per pauca Minuta, nempe 7, 9, aut 11; sæpius quadrihorium non adimplet, deficientibus quibusdam Minutis. Quòd autem Eclipsis adeò diu durare possit, colligi potest ex crassitie umbræ terrestris, quâ eam Luna pertransit, cujus diameter, Lunâ Perigæâ, statuitur esse unius Gradus cum semissè; Apogæâ verò octuaginta quatuor Minuto-

nutorum. Quam longitudinem ut margo Lunæ, qui umbram primùm ingreditur, percurrat, requirit circiter trihorium, cui, ut Luna ab umbrâ penitus liberetur, hora insuper addenda est, nam ad semissem gradus absolvendum Luna horam ferè desiderat.


Ut quæ de Centrali Eclipsi Lunæ dicta sunt, plenius intelligantur, conferri potest hæc Figura, in quâ Circulus major non est concipiendus, tanquam Circulus, sed segmentum Coni, istius crassitiei, ut Lunam Circulo minore representatam possit multùm, & diu abdere. Reliqua ex apposis vocibus aperta sunt.

VIII.
Schemata
illustrata.



Porro sæpiùs integra Luna deficit, ut tamen centrum ejus per centrum, seu umbræ axem non feratur, sed ab eo plus minùs distet pro diversâ latitudine; unde & mora Lunæ tunc minor est & varia pro variâ ejus in umbram immersione. Interim neque difficilis est imaginatu hæc Eclipsis, si quod adscriptum est Schema, perpendatur.

IX.
Eclipsis
Totalis
cum mi-
nore mora
etiam illu-
strata.



X.
Varia Luna
constitutio
in Totali
Eclipsi.

Quando Luna totalem Eclipsin patitur, non raro in mediâ umbrâ conspicitur rubicundo colore, qui quando Luna apogæa est, existit intensior, & nonnunquam prunæ incensæ non absimilis. Aliàs etiam Luna in totali Eclipsi usque adeò deficere observata est, ut disparet; sic eam Tycho observavit anno LXXXVIII superioris Sæculi, & hoc Sæculum non semel.

XI.
Eclipses
Partialis
aria est.

Sed non semper Lunæ Eclipses Totales sunt, nam sæpiùs tantùm pars ipsius patitur, reliquâ parte illibatâ. Ut verò Eclipses Totales diversę sunt, sic etiam Partiales; nam interdum dimidiata Luna; interdum plus, interdum minus laborat, prout axi umbrę terrestris propinquior est, aut ab eodem remotior. Clariora hæc erunt, si quę proximè sequuntur duo Schemata, inspiciantur.

XII.
Eclipses
Luna nu-
merantur
per Digitos.

Quò autem distinctius concipiatur, quota pars Lunę deficiat, eam resolvunt Astronomi consuetudine jampridem receptâ, inque Sole superiùs etiam adhibitâ, in Digitos Eclipticos, quorum

quorum XII Diametro Lunę congruunt, & qui etiam Puncta, licet satis improprie, nuncupantur, atque in Minuta solent subdividi. Quin non tantum Partiales Lunę Eclipses hi Digi-
mensurant, sed etiam qualvis Totales hac ratione, ut umbrę supra supremum Lunę marginem extanti iidem Digi-
communis mensura etiam applicentur. Conferatur expressum proximę Schēma. Atque ita notant Astronomi, Lunam circiter tres Digitos supra viginti posse deficere, neque jam Oedipo conjectore opus fuerit ad solutionem sequentis Enigmatis:

Phœbus en bis sex Digitis quandoque laboro,

Cui bis sex Digitis sunt modo. Dic quis Ego?

Observandum insuper, Lunam in Partialibus Eclipsibus modò à boreâ, modò ab austro deficere. Ab austro deficit, quando boreali potitur latitudine, & à boreâ, quando australi potitur; quia residuę partes in Lunâ ab Eclipticâ adeo deviant, ut sint extra umbram terrestrem, atque à Sole irradiari possint, dum alię hærent in umbrâ. Clarius hæc capi poterunt, si Schema utrumque consulatur.

XIII.

Luna deficit ab austro & boreâ, teste gemino Schēmate.




IA Sectio Umbrae ad Axem.

SOLIS.

Cete-

VIA Sectio Umbrae ad Axem. SOLIS.



XIV.
Eclipses
Luna inci-
piunt ab
eius ortu.

Ceterum in eo conveniunt Lunę Eclipses, quodd primũ observentur, & desinant in orientali ejus margine, atque ab eo ad occidentalem properent, cujus problematis ratio obscura non est. Nam Sol tempore Eclipsidis Lunaris est in Hemisphęrio inconspicuo, & ad Cœli imum, seu ortum contendit, hinc umbra Terrę, quę est in Hemisphęrio conspicuo, movetur (sic vulgò, licet minus exquisitè loquimur) ex ortu in occasum pari velocitate, quã Sol in suo Hemisphęrio, idẽque umbra suo margine occidentali marginem Lunę orientalem primũ assequitur, & deserit; quia Luna occidentalior est, & in motu versus occasum seğnior, quã est umbra terrestris. Inspiciatur Schematismus ad §. 11. hujus Capituli.

XV.
Sunt uni-
versales.

Etiam hoc commune habent Eclipses Lunares, quodd ubique possumus conspici, conspiciantur sub eadem prorsus magnitudine, & simul ratione principii, medii, & finis. Nequod hoc mirum est, quũ Luna non apparenter, sed verẽ suo privetur lumine, dum eandem umbram eodem motu, & eadem ratione trajicit.

XVI.
Invenire
per Globum
qua loca

Si verò quis novissè expectat, quinam Terricolę observare possint eandem Lunę Eclipsin, sciri hoc potest beneficio Globi Terrestris sequenti ratione. Locus Solis juxtã cum ejus decli-

declinatione investigetur ad diem conspiciendæ Eclipsæ; dein Polus borealis, si Declinatio Solis fuerit austrina, aut si fuerit borealis, Polus austrinus eleuetur ad altitudinem Declinationis inventæ: tunc locus habitationis applicetur Meridiano, & videatur, quâ horâ juxta hunc Meridianum media Eclipsis Lunæ futura sit. Si futura est Horâ antemeridianâ, Globus in ortum volvatur per tot horas, quot illâ Hora antemeridiana abest à suâ mediâ nocte; aut si futura est Horâ pomeridianâ, volvatur per tot horas in occasum, quot Hora pomeridiana abest à mediâ nocte imminente, atque in hac positurâ si firmetur Globus, Luna erit in puncto Zenith, & Sol in Nadir, ac loca, quæ extant supra Horizontem Globi conspicuum, possunt Lunam in suâ Eclipsi conspiciere, cujus observatio locis infra Horizontem delitescentibus denegatur.

Ex hoc situ Globi clarum est, omnes Terricolas Horizontis conspicui eandem Eclipsin Lunæ, & quidem eodem temporis momento conspiciere. Sed & perinde clarum, quodd hoc tempus Eclipsæ ab omnibus hisce Terricolis non eadem ratione nuncupetur. Qui habitant sub Meridiano superioris Hemisphærii, dicent (si à meridie numerant) mediam Lunæ Eclipsin sibi videri horâ duodecimâ nocturnâ; qui habitant in Horizonte ortivo, eandem fieri asserent cum Solis ortu; qui in Horizonte occiduo, affirmabunt eam sibi cum Solis occasu observari; qui denique inter Meridianum, & Horizontem ortivum collocantur, eam notant horis ortum Solarem plus minùs antecedentibus; uti qui interjacent inter Meridianum, & Horizontem occiduum, eam vident horis Solis occasum plus minùs consequentibus. Quemadmodum ex iis, quæ de Meridianorum varietate superius inculcavimus, hæc non possunt non esse evidentissima.

Ex hisce diversis Horis, quibus Incolæ orientales & occidentales eandem Eclipsin Lunæ conspiciunt, eruitur citra negotium, quanta differentia longitudinis, seu quot gradus ex Æquatore inter eorum loca intercedant, si tantum discrimen horarum in gradus, ratione jam ante assignatâ, commutetur. Exempli loco sit Eclipsis, de quâ (teste Ptolemæo Lib. i. Geogr. Cap. iv.) literis mandatam est, visam fuisse Arbæ Assyriorum horâ quintâ post Solis occasum, & Carthagine

*Eclipsin
Luna pos-
sunt videre.*

XVII.
*Eclipses
Luna à
Terricolis
diversâ ho-
râ viden-
tur.*

XVIII.
*Hinc scitur
differentia
longitudi-
nis.*

gine secundâ: unde liquet Carthaginem per gradus XLV Arabelâ occidentaliorẽ existere.

XIX. *Difficultas ex Penumbra.* Estque hoc Medium indagandi differentiam Longitudinis, quando ad manum est, accuratissimum, dummodo diversi Incolæ principium, ac finem Eclipsæ, puncta item immersionis, & emersionis sine vitio observent, & tempus hujus observationis ex Stellarum dimensione, uti oportet, hauriant. Prius istud (ne de posteriore quid moneam) imprimis difficile est propter Inumbrationem, sive Penumbra, quæ partem Lunæ defecturam primò invadit, quia umbræ Terræ Cono vicina non jam ampliùs ab integro Sole, sed tantùm parte ejus, primùm majore, dein minore illustratur, atque hinc videtur Eclipsis ocyùs inchoari, seriùsque desinere. Conferatur prima Figura Eclipsæ Lunaris.

XX. *Quæ solvitur.* Cui difficultati ut occurratur, adhibent Astronomi in accuratâ observatione hujus Eclipsæ Telescopium, & diligenter inspiciunt, quando Maculæ Lunares umbram subeant. Sed neque Telescopia ejusdem sunt dignitatis, neque eadem peritiâ ab omnibus adhibentur, neque omnibus suppetunt; quumque sint recentioris usus, liquet adẽ mirum non esse, si Eclipses ante observatæ minùs certæ, fidæque sint.

C A P U T XXXV.

Mensis Lunaris varius.

I. *Mensis Lunaris geminus est.* Sic videmus, quàm utilis sit Luna Geographiæ, & Arti Nauticæ, dum quæstionem de Longitudine tam impeditam, neque minoris usus expedit. Restat denique, ut observemus, quo pacto hoc Luminare minus etiam Chronologiæ subserviat suis Annis, & Mensibus. Mensis autem Lunaris (qui aliàs, voce tamen minùs receptâ, etiam Annus Lunaris simplex nuncupatur) geminus est, Periodicus & Synodicus.

II. *Mensis Periodicus.* Mensis Periodicus (qui & Peregrinationis, & Peragrationis quibusdam dicitur) est spatium temporis, quod Luna requirit, ut suam absolvat Periodum, sive revertatur per successionem Signorum ad idem punctum Zodiaci, à quo ante fuerat.


fuerat digressa. Quot verò effluent Dies & Horæ ad terminandum hunc circuitum, diximus, quando superius loquebamur de Motu Lunæ in longitudinem. Interim falsò quidam suspicati sunt, Annos Patriarcharum Menses Periodicos extitisse.

Mensis Synodicus (qui & Mensis Conjunctionis vocatur) est spatium temporis, quod Luna postulat, ut à Sole digrediens, post exhibitas omnium suarum Phasium diversitates, ad eundem redeat; seu est tempus inter duo Novilunia proxima. Hic autem Mensis præcedente prolixior est; nam componitur ex Diebus $xxix$, Horis xii , & Min. $xliv$. Hæc major prolixitas ex eo nascitur, quòd Sol, quando Luna recurrit ad gradum Eclipticæ, sub quo prius fiebat Novilunium, in hoc gradu non persistet, sed ab eo abierit per integrum penè Signum, quod ut Luna pertranscat, & Solem præeuntem assequatur, desiderat istos dies, & horas, per quos Mensis Synodicus Periodicum superat.

III.
Quo Syn-
dicus pro-
lixior est:

Ad clariorem utriusque Mensis intelligentiam, utile fuerit, subjectum Schema inspicere; in quo Luna & Sol juncti videntur, à quâ Conjunctione Luna in ortum abit, & ubi sedem, quam nunc tenet, emensa suam Viam, repetiit, mensem peperit Periodicum, uti Synodicum pariet, quando Soli nunc in suâ Viâ orientiori iterum conjungetur.

IV.
Teste Scho-
mate:



V.
*Menses ve-
ri sunt in-
æquales.*

Quæ de magnitudine Mensis, cum Synodici, tum Periodici dicta sunt, accipi debent de Mense Medio, sive Æquali, quem Luna medio, sive æquali motu conficit. Alii Menses Veri valde inæquales sunt. Et Periodicus quidem, propter inæqualitatem motus Lunaris, quam & ante monuimus; Synodicus verò propter inæqualitatem & motus Lunaris, & Solaris.

VI.
*Imprimis
Synodici.*

Hinc est, quòd æstate, quando Sol circa Apogæum versatur, Synodicus Mensis sit brevior; quia Luna post completam periodum, Solem à se minùs remotum celerius assequitur. Idem hyeme, quando Sol circa Perigæum est, propter oppositam rationem existit prolixior. Adde, Lunam, prout Apogæa est, vel Perigæa, segniùs, aut velociùs arcum percurrere, qui, absolutà motus sui periodo, inter se & Solem relinquitur.

VII.
*Eorum
quantitas.*

Itaque quando Sol in Apogæo, & Luna in Perigæo commorantur, Mensis Synodicus Verus brevior est Mense Synodico Medio; nam complectitur Dies $xxix$, Horas vi , & Min. $xlii$. Ast quando Luminaria opposito modo se habent, & Sol est in Perigæo, ac Luna in Apogæo, Mensis Verus longior est Medio, possidetque Dies $xxix$, Horas xix , & Min. $xxxvii$. Atque hæc inæqualitas in causâ est, quare Astronomis Veri Menses negligantur, & Medios Æquales præferant.

VIII.
*Mensis Syn-
odicus est
Astronomi-
cus;*

Porro Mensis Synodicus (qui Periodico est commodior, ideòque à Nationibus assumptus in mensuram illius temporis, quod Mensem appellamus) subdividitur in Astronomicum, & Politicum. Ille Mensis Synodicus Medius est, ante descriptus, quo utuntur Astronomi in investigandis Noviluniis, Pleniluniis, & Eclipsibus.

IX.
Vel Civilis.

Mensis Synodicus Civilis, sive Politicus, aliàs Usualis ad usum Civilis vitæ, & vulgi captum constituitur, componiturque ex Diebus integris, Minutis & Horis neglectis, ne perturbent. Atque adeò hic Mensis Politicus continet alternatim Dies xxx , & $xxix$; nam, quia rejectis Minutis, suprà Dies $xxix$ duodecim horas complectitur, liquet duas Lunationes Dies lix , complecti, qui similiter habentur, quando prior mensis est xxx , posterior $xxix$ Dierum.

Mensis

Menſis Synodicus xxx dierum nuncupatus eſt Plenus, & dierum xxix Cavus. His Menſibus Hebræi inde ab exitu ex Ægypto uſi ſunt; item Græci, & Romani ante tempora Julii Cæſaris, hodieque Turcæ. Unde non tantum in Sacris, ſed & penes profanas Nationes, Novilunium, Menſis renovatio, ſive Kalendæ pro Synonymis uſurpantur.

X.
*Quæ eſt
Plenus, vel
Cavus, variis uſur-
pati.*

Cæterum Menſis Synodicus Civilis non poteſt non ab Aſtronomico temporis progreſſu multum diſferre, quia ſerè per tres horæ quadrantes minor eſt, qui per xxxii Lunationes collecti diem penè conſtituunt, qui Menſi Cavo apponi poſſet, ut ita inter utrumque Menſem convenientia obſervaretur. Hunc in finem hodierni Turcæ hos quadrantes, ſeu minuta omninò colligunt, de cujus collectionis ratione verbum dicemus illic; quando de Annis Lunaribus.

XI.
*Minor eſt
Menſe
Aſtronomico.*

CAPUT XXXVI.

Annus Lunar. Varia Intercalatio. Epactæ.

EX Menſibus Synodicis Civilibus exurgit Annus Lunar, quem alii & Annum Lunarem compoſitum nuncupant, eſtque communiter ſpatium temporis, quo Luna duodecim cum Sole Synodos inſtituit, & complectitur hic Annus Medius (Verus enim plus minùs exorbitat) Dies cccliv, Horas viii, & Min. xlviii.

I.
*Annus Lu-
naris Com-
munis.*

Hanc anni formam uſurpârunt Chaldæi, Judæi, Græci, Romani à Numâ Pompilio uſque ad Cæſaris ætatem; hodieque Turcæ, Arabes, ac Saraceni. Diverſimodè autem hæc Horæ, & Minuta ſuperflua intercalantur. Turcæ & Arabes, ut alios ſileam, dictas Horas & Minuta convertunt ſpatio xxx Annorum in Dies undecim, & ne hæc intercalatio ſimul, & ſemel accidat, eam per annos xxx ſic diſtribuant, ut ex iis novendecim ſint Communes, Dierum cccliv, & undecim Embolimæi continentes Dies ccclv. Hinc una Periodus componitur ex diebus 10631, qui faciunt Lunationes 360, quarum quæque Medio Menſi Synodico æqualis eſt, ut dicta Periodus Aſtronomicæ veritati ſic ſatis congruat.

II.
*Varia uſur-
patum.
Turcarum
intercalatio.*

III.
*Hinc us-
que Annus
caput.*

Interim clarum est, quòd illis, qui hanc Anni speciem, quæ omnino Lunaribus est, sectantur, caput Anni vagum sit, atque excurrens à Vere in Hyemem, ab Hyeme in Autumnum, hinc in Æstatem, redeatque ad prius initium, transacto xxxiii circiter Annorum curriculo, quando iidem numerant unum annum supra eos, quibus forma Anni Juliani in usu est.

IV.
*Quod alii
præve-
niant;*

Alii, quamvis Anno Lunari delectarentur, maluerunt ejus initium magis fixum esse, & minùs ab anno Solari discrepare. Hunc in finem undecim dies, per quos quisque Annus Lunaribus Solari fermè minor est, reservârunt, donec ex iis integer Mensis (quod quoque anno tertio, aut secundo nonnunquam potest accidere) posset componi, atque tunc ille Annus complectebatur tredecim Lunationes Synodicas, sive Dies ccclxxxiii, Horas 21, Min. 32, pro quibus ordinariè completus numerus Dierum ccclxxxiv adhibetur.

V.
*Intercala-
tione unius
Mensis;*

Hunc Mensẽ decimum tertium diversi diversimodè intercalârunt. Judæi quidem cum soliti sunt intercalare post ultimum mensem Sacrum, qui Mensẽ Paschalem antecede-
bat quàm proximè, nempe Adar, respondentem fermè nostro Februario, cum iterantes, atque idè hic Mensis intercalaris nuncupabatur Veadar, seu iteratus Adar, idemque plenus, dierum xxx; uti Annus, cui hæc accidebat intercalatio, propter eam dictus est Intercalaris, Insititius, Græcis Embolimæus, & Embolimus, quæ nomina Mensi intercalato etiam adscribuntur.

VI.
*Perpetuè
repetitâ.*

Dies unus, aut plures, qui, post intercalatum Mensẽ, ex collectis istis per triennium, aut biennium diebus, per quos annus Lunaribus Solari minor est, supersunt, undecim diebus anni proximè subsequẽtis adjiciuntur, & hi iterum proximis undecim, donec ex iis novus Mensis intercalaris possit exurgere, intercalandus ut ante; & hic operandi modus in hisce Annis perpetuè observatur, itaque tertium, aut secundum annum Lunarem Communem semper excipit Embolimæus.

VII.
*Epaçtæ
cum usu.*

Ex dictis evidens est, quare hi dies, quibus annus Solaris Lunarem excedit, & quos æquationis ergò in fine anni adjici diximus, vocentur Epaçtæ, seu Epaçtales simpliciter, etiam annuæ Epaçtæ, id est dies adjuncti, adscititii, appendices anni Lunaribus, item ætas Lunæ initio Januarii, sive transacti dies à proxi-

à proximè præcedenti Novilunio ; ex cujus cognitione reliqua totius anni Novilunia hauriri possunt, si cogitetur à Novilunio, quod Kalendas Januarii proximè antecedit, ad proximum Novilunium numerandos esse dies triginta, ab hoc ad proximum dies viginti novem, adeoque Lunationes plenas & cava alternis variare.

C A P U T . XXXVII.

Cyclus Lunæ. Ratio Eum & Veteres Epactas investigandi.

CÆterum Græci, quò Annum Lunarem Solari magis accommodarent, maximè laborarunt in inveniendò quodam communi orbe, quem Cyclum, ac Periodum nuncupant, quo vertente accidat utriusque Luminaris ad idem punctum conversio, & Lunationes ad pristinam sedem, quam in Calendario tenuerunt, revertantur. Inter varios Cyclos, quos excogitavere, exactissimus creditus fuit ille, quem Metro Atticus suis Græcis proposuit, & cæteræ postea Nationes adscivere, nempe Decemnovennalis, seu Enneadecaëteris, constans, sicut ex voce liquet, ex novendecim annis Julianis. Communissimè dicitur Cyclus Lunaris, item Cyclus Decemnovalis, & Numerus Aureus; sive propter præclarum usum in cognoscendis cujuscvis anni Neomeniis; sive quia singuli anni Cycli Lunaris auro in margine Calendarii ad dies Noviluniorum expressi fuerunt circa annum Christi, ut multi censent, ducentessimum octogesimum quintum.

I.
Cyclus
Lunæ.

Expleto hoc Cyclo Lunari Novilunia eodem quidem die, sed non eadem horâ revertuntur, nam pristinam antevertunt, per horam 1, min. 27, sec. fermè 32. Quæ anticipatio spatii annorum cccxii & semi collecta, integrum penè diem constituit. Atque hinc mirum non est, quòd Gregorius, Fastos superiore Sæculo correcturus, deprehenderit hanc anticipationem Lunarem à tempore Synodi Nicænæ ad suam ætatem (quod intervallum Enneadecaëterides paulò plus lxxvi complectitur) per quatrimum circiter increvisse, hodièque hæc Lunationes Cyclicæ à Cælestibus longius abièrunt.

II.
Exquisitus
non est.

Ut

III.
*Modus cum
investigan-
di.*

Ut verò sciatur præsentis anni Cyclus Lunaris, aut alius quiscunque propositus ex vulgari Ærâ Christianâ, ei tantum superaddere oportet unitatem; quia retrocedendo observatum est, initium hujus Cycli incidere in annum, quo Christus natus est, ut primus annus Æræ Christianæ habuerit Cyclum Lunarem 11. Summa ex anno dato, & unitate composita dividatur per XIX, residuum ostendet Cyclum anni propositi. Quod si integra prodeat divisio, neque numerus super sit minor novendecim, tunc hic ipse Numerus Cyclus Lunæ petitus erit.

IV.
*Ex Cyclo
Lunæ Epac-
tæ Veteris
immotescunt.*

Ex cognito Cyclo Lunari ad annum propositum etiam facile investigantur ejusdem anni Epactæ juxta Calendarium Cæsaris; nam repertus Cyclus Lunæ tantum multiplicetur per undecim, & productum per triginta dividatur, residuum à divisione demonstrat Epactas anni propositi. Quod si Cyclus Lunæ per undecim multiplicatus minor sit, quam ut dividi possit per triginta, hic ipse Epactas, quæ desiderantur, exhibebit.

V.
*Ex ratio
Tabulæ per-
petua pro
bit.*

Ex dictis apertum est, quo modo perpetua Tabula possit extrui, quæ ostendat ordinem omnes annos Cycli Lunaris, cum Epactis Julianis, cuique anno hujus Cycli respondentibus. Conferatur Tabula pro reperiendo Paschate secundum Vetus Calendarium, quæ sequente Capite exhibetur. Ex hac Tabulâ patebit, Cyclos III, VI, IX, XI, XIV, XVII, XIX Embolismos esse; in quibus Epactæ, quæ aliâs in anno communi crescunt per XI, per XIX minuuntur. Observandum verò circa ultimum seu decimum nonum annum Cycli Lunaris, quod ejus Epactis, quæ viginti & novem sunt, non aliæ XI, ut aliâs moris est, adjiciantur, sed per fictionem duodecim, ut abjecto numero tricenario pro mense intercalari (quamvis intercalentur tantum dies XXIX) XI Epactæ pro primo anno novi Cycli Lunaris remaneant, atque ita juxta cum Cyclo Lunari hic Cyclus Epactalis remeet ad suum initium.

C A P U T XXXVIII.

Via ad Vetus Pascha investigandum.

QUæ de Cyclo Lunari, & Epactis Julianis disseruimus, fundamentum suppeditant, ad inveniendum Festum Paschale, cæteraque, quæ ex eo dependent, juxta antiquum Calendarium. Quamvis enim, ut ante monuimus, hic Cyclus cum suis Epactis nequeat Lunationes exquisitè ostendere, illi tamen, penes quos Calendarium Julianum in usu est, iisdem utuntur, convenienter istis Canonibus, quos de iis Patres Synodi Nicænæ consecrerunt.

Nempe Vicissimum primum diem mensis Martii habendum esse pro tempore Æquinoctii; & Plenilunium, quod incidit in Æquinoctii tempus, vel proximè istud consequitur, non quod anticipat, pro Paschali Plenilunio; item Dominicam, quæ huic Plenilunio primum succedet, pro die Paschatis. Quin si forte Luna decima quarta, seu Plenilunium incidat in ipsam Dominicam, voluerunt dicti Patres, quò evitaretur concursus inter Pascha Christianum, atque Judaicum, non hanc Dominicam, sed quæ aderit elapsa hebdomade, Paschalem existere.

Atque ita liquet, Plenilunium Paschale omnium citimum debere incidere in diem Æquinoctii, uti omnium remotissimum in xviii Aprilis, cæteraque omnia intra hos limites coarctari, qui ideo Termini Paschales nuncupantur. Insuper nullum Pascha posse antevertere xxi diem Martii, licet interdum Pascha possit contingere xxv demum Aprilis, Lunâ xiv Paschali in Feriâ i incidente. Ex vero igitur dicit carmen Technicum:

*Pascha bis undenam Marti non prevenit unquam,
Vicenam & quintam post nec Aprilis abii.*

Ut itaque Pascha juxta vetus Calendarium in quibuscunque annis Æræ vulgaris tam præteritis, quam futuris ilico inveniatur, subjicere lubet Tabulam, quæ omnia in hunc finem requisita contineat, integrum Cyclum Lunarem cum suis Epactis, Neomenias Paschales Nicænas, Terminos Paschales

I.
Ratio repetendi Vetus Pascha.

II.
Canones circa illud observandi.

III.
Termini Paschales.

IV.
Tabula pro inveniendis Paschatis juxta Vetus Calendarium.

*Tabula Perennis pro reperiendo Paschate
 secundum Vetus Calendarium.*

<i>Cyclus Luna.</i>	<i>Epacta Veteres.</i>	<i>Neomenia Paschales.</i>	<i>Luna XIV Pasch. cum suis Lúeris.</i>
I.	XI.	Mart. xxiii.	April. v. d.
II.	XXII.	Mart. xii.	Mart. xxv. g.
III.	III.	Mart. xxx.	April. xiii. c.
IV.	XIV.	Mart. xx.	April. ii. a.
V.	XXV.	Mart. ix.	Mart. xxi. d.
VI.	VI.	Mart. xxvii.	April. x. b.
VII.	XVII.	Mart. xvi.	Mart. xxx. c.
VIII.	XXVIII.	April. v.	April. xviii. c.
IX.	IX.	Mart. xxv.	April. vii. f.
X.	XX.	Mart. xiv.	Mart. xxvii. b.
XI.	I.	April. ii.	April. xv. g.
XII.	XII.	Mart. xxi.	April. iv. c.
XIII.	XXIII.	Mart. xi.	Mart. xxiv. f.
XIV.	IV.	Mart. xxx.	April. xii. d.
XV.	XV.	Mart. xix.	April. i. g.
XVI.	XXVI.	Mart. viii.	Mart. xxi. c.
XVII.	VII.	Mart. xxvii.	April. ix. a.
XVIII.	XVIII.	Mart. xvi.	Mart. xxx. d.
XIX.	XXIX.	April. iv.	April. xvi. b.

v. *Epist.* Usus delineatæ hujus Tabulæ ita se habet. Primum oportet inquirere in Cyclum Lunarem anni propositi, dein in Lunam XIV Paschalem, quæ reperto Cyclo respondet, & aliàs ex Epactis cognosci posset, sed studemus compendio. Ultimùm à literâ adscriptâ Lunæ Paschali (nempe superiùs Capite XIII. §. 1. inculcatum est, dies cujuscunque mensis per septem priores literas Alphabeti perpetuò in orbem redeuntes denotari) numeretur, donec occurrit dati anni Litera Dominicalis ex anteceditis (confer Capitis XIV. §. 1. II. III.) faciliè investiganda, & quot literæ interjacent inter literam Domi-
 nica-

nicalem & literam Lunæ Paschalis, tot dies Lunæ Paschali superaddantur, atque habebitur dies Paschatis.

Si autem litera, quæ Lunæ Paschali adscripta est, coincidit (ut interdum contingit, teste Tabulâ) cum literâ Dominicali istius Anni, septem dies ex Canone ante tradito adiciendi sunt Lunæ Paschali, & dies inde resultans est pro Festo Paschatis. Sed & hoc monendum; si Annus inveniendi Paschatis sit intercalaris, adeoque binis gaudens literis Dominicalibus, seligenda est ea, quæ alteram in ordine Alphabeticario proximè antecedit.

VI.
Duplex
monitum.

Quod autem clarius, distinctiusque explicitus hujus Tabulæ usus intelligatur, cum exemplo sequente illustrabimus. Desideret quis cognoscere, quo mense & die futurum sit Festum Paschatis juxta vetus Calendarium anno intercalari M. DC. XCII. Hunc in finem deprehenditur, viâ ante delineatâ, Cyclus Lunæ esse 11. Huic in Tabulâ respondet Luna XIV, quæ cadit in xxv Martii; quumque ex Cyclo Solarî (quomodo & ante explicatum est) dictus Annus intercalaris observetur habere geminam literam Dominicalem C. B., & Luna Paschalis in Tabulâ literam g, ab hac literâ numeretur in Dominicalem B, quæ prior est literâ C in ordine Alphabetico, quumque litera G sit ex septem prioribus literis Alphabeti ultima, proxima, quæ eam excipit, est A, & huic proxima B. Quare cum litera Dominicalis B secunda sit à literâ Lunæ Paschalis g, nonnisi duo dies Lunæ Paschali addendi veniunt, adeoque Festum Paschatis dicto Anno celebrari debet die xxvii mensis Martii. Similiter expedire licet casus infidos.

VII.
Declaratio
Tabulæ per
Exemplum.

CAPUT XXXIX.

Via ad Novum Pascha investigandum, quod cum Vetere rarò concordat.

Juxta Calendarium Gregorii dies Festi Paschalis non reperitur per Cyclum Lunarem propter anticipationem ipsius, de quâ supra; sed per xxx Epactas, quæ à Kalendis Januarii retrò, seu descendendo numerantur, & ad omnes

I.
Pascha non
vi Kal. re-
peritur per
Epactas.

Y 2

dies

dies mensium adscribuntur, ut singulis mensibus Julianis habeatur anticipatio Lunarum, & locus Noviluniorum. Ne verò Epactæ duodecies repetitæ annum Lunarem excedant, singulis mensibus cavis uni diei duæ Epactæ inscribuntur.

II. *Modus eas rependi.* Necesse igitur est ante omnia, ut sciantur Epactæ istius anni, in cujus Pascha inquiritur, juxta novum Calendarium. Hæ autem sic colliguntur. Ab Epactis Calendarii Juliani subducantur x dies, usque ad Annum 1700, & ab Anno 1700 ad 1800 dies xi, &c., numerus, qui relinquitur, quæsitus Epactalis est. Quod si numerus veterum Epactarum minor sit, quàm ut denarius ipsi possit decedere, tricenario augeatur, & tunc fiat subtractio, residuum est nova Epacta.

III. *Tabella pro Novo Paschate.* Porro subjicimus Tabellam, quæ Epactas, & his respondentia Plenilunia, seu Terminos Paschales cum adscriptis literis Alphabeti complectatur.

Tabella novarum Epactarum, & Terminorum Paschalium cum suis Literis.

<i>Nove Epactæ.</i>	<i>Termini Pasch. cum suis Literis.</i>	<i>Nove Epactæ.</i>	<i>Termini Pasch. cum suis Literis.</i>
XXIII.	xxi. Mart. c.	VIII.	v. April. d.
XXII.	xxii. Mart. d.	VII.	vi. April. e.
XXI.	xxiii. Mart. e.	VI.	vii. April. f.
XX.	xxvi. Mart. f.	V.	viii. April. g.
XIX.	xxv. Mart. g.	IV.	ix. April. a.
XVIII.	xxvi. Mart. a.	III.	x. April. b.
XVII.	xxvii. Mart. b.	II.	xi. April. c.
XVI.	xxviii. Mart. c.	I.	xii. April. d.
XV.	xxix. Mart. d.	XXX.	xiii. April. e.
XIV.	xxx. Mart. e.	XXIX.	xiv. April. f.
XIII.	xxxi. Mart. f.	XXVIII.	xv. April. g.
XII.	i. April. g.	XXVII.	xvi. April. a.
XI.	ii. April. a.	XXVI. XXV.	xvii. April. b.
X.	iii. April. b.	XXIV. XXV.	xviii. April. c.
IX.	iv. April. c.		

Ex

Ex hoc apparatu faciliè ad datum annum dies Festi Paschalis juxta Srylum Gregorii invenitur; nam cognitâ ejus anni novâ Epactâ, quærat in delineatâ Tabellâ Plenilunium, seu Terminus Paschalis, qui huic Epactæ responderet, atque à literâ ad terminum Paschalem adscriptâ, numeretur ad proximè sequentem literam Dominicalem, (quæ quo pacto inveniri debeat, Par. II, & IV. Cap. xv. explicuimus) & juxta numerum literarum dies Termini Paschalis augeantur, & quæsitum Pascha habebitur.

Quæ diximus, exemplo declaremus. Si quærat, quo mense & die juxta Calendarium Gregorii futurum sit Pascha Anno Intercalari M. DC. XCII., cujus Pascha secundum Vetus Calendarium superius investigavimus, quæstioni sic satisfiet. Propositi anni Epacta juxta traditam methodum deprehenditur esse XII., cujus Terminus Paschalis est 1 Aprilis, cui adscribitur litera g, & quum litera Dominicalis observetur esse F. E., liquet si numeratio instituatur à g ad E, v literas pertransiri, adeoque Pascha istius Anni sexto die Aprilis adfuturum.

Rarum est, quòd hoc Pascha, & Pascha ejusdem Anni juxta vetus Calendarium in eundem diem incidat, ut ex collatione videri potest. Aliàs plerumque differunt, & potest quandoque ea differentia se ad integram Lunationem, & amplius extendere; quia in utroque Calendario regula Terminorum Paschalium statuitur, XXI dies mensis Martii, quare Plenilunium alteri Calendario potest esse Paschale, quod tamen alteri tale non est propter differentiam x dierum, quæ inter XXI Martii Juliani, & Gregoriani intercedit. Sileo Anticipationem Lunarem, de quâ ante, quam correxit Gregorius.

IV.
Ejus usus.

V.
Illustratur exemplo.

VI.
Pascha utriusque Calendarii ut plurimum differet.

C A P U T X L.

Indictio, & Periodus Juliana.

DUm sumus in materiâ Chronologicâ, verbum adjicere oportet de Indictione, & Periodo Julianâ, quarum frequens penes Autores mentio injicitur, neque Periodus Juliana intelligi potest sine Cyclo-Solis, & Lunæ, de quibus antea. Est igitur Indictio, aliàs Cyclos Indictionum, Periodus,

I.
Indictio.

us, seu revolutio trium Lustrorum Romanorum, sive annorum Julianorum xv, quâ expletâ denuò reditur ad unitatem. Sic dicta fuit à tributis, ac vectigalibus, quæ Romani Principes populis publicè indicebant, persolvenda intra hoc annorum curriculum. Romana, sive Pontificia initium ducit à Kalendis Januarii, ut cum initio anni Juliani concordet, sed Græca ab antecedente Septembri inchoatur.

II.
*Ratio ejus
invenienda.*

Si autem quis quærat, quotus annus ex Indictione hodie labatur, vel fuerit, aut futurus sit ad quemque annum *Æræ Christianæ*, is annis propositis tres adjiciat, & quod ex integrâ summâ per xv divisâ relinquitur, annum Indictionis ostendit. Quod si nihil post institutam divisionem ex quotiente relinquitur, indicium est Indictionem istius anni esse xv. Tres verò anni adduntur, quia juxta *Æram vulgarem Christianæ* natus est, tertio Indictionis anno labente.

III.
*Periodus
Juliana.*

Indictionem excipit Periodus Juliana, quæ est Systema annorum Julianorum 7980, natum ex multiplicatione Cycli Solis, qui est xxviii, per Cyclum Lunæ, qui est annorum xix, unde resultat Periodus Dionysiana, constans ex annis 532, qui per Cyclum Indictionum, seu annos xv multiplicati Julianam largiuntur Periodum. Hæc Proleptica est, fingiturque ultrâ mundi Epocham se extendere per annos 764, teste Scaligero, ut Mundus juxta eum cœperit, ineunte anno 765 hujus Periodi.

IV.
*Ejus pro-
prietas.*

Hanc proprietatem habet, ut quilibet ipsius annus suis Cyclis gaudeat, tujusmodi omnes nullus alius annus dabit in universâ Periodo. Ita primus annus dictæ Periodi possidet Cyclum Solis 1, Lunæ 1, atque Indictionum 1; verum in annis 7980 non reperietur annus alter, cujus Cycli eadem ratione sese habeant.

V.
Ufus.

Excogitata est hæc artificialis Epochæ, ut sit mensura quædam communis, perpetua, certissimaque; ad quam residuæ omnes adeò variæ reduci possunt, & inter sese conferri. Silco ex dato quocunque anno hujus Epochæ statim patere Cyclos Solis, Lunæ, & Indictionum istius anni; nam datus annus dividatur per xxviii, xix, xv, & numerus residuus monstrabit, Cyclum Solis, Lunæ ac Indictionum; aut si nihil super sit, integer, seu ultimus Cyclus pro Cyclo anni habendus est.

Anti-

Anticipat Periodus Juliana primum annum Æræ Christianæ per annos 4713, unde perfacile est intelligere, quis annus Periodi labatur, dato quovis anno Æræ Christianæ. Nam hic adjiciatur ad annos 4713, & summa petitem annuum Periodi exhibebit. Quemadmodum ex opposito si ab annis Periodi Julianæ subducantur anni 4713, qui restant, annum Æræ Christianæ largientur.

VI.
Collatio
cum Æræ
Christi.

C A P U T X L I.

Mercurius, & Venus.

HActenus de duobus Luminaribus Sole, ac Lunâ, & iis, quæ ex Motu ipsorum profluunt, disseruimus. Progre-
grediendum nunc porrò ad residuos Planetas primarios, & primo duos inferiores, Venerem & Mercurium, qui propter formam motus communem conjunctim ab Astronomis spectari solent. Hic inter eos, qui in oculos incurrunt, minimus est, sed mirificè micat, ipsa Venere splendidior. Sæpius sub radiis Solaribus delitescit, nam in Perihelio non ultra gradus xviij à Sole digreditur, & in Aphelio, seu maximâ sui corporis elongatione, quantum ferè Luna altero à Novilunio die, sive per gradus circiter xxviii.

I.
Mercurius.

Quando in hoc situ (nam aliàs sub obtutum non cadit) & majore distantia ab Horizonte inspicitur, detracto per artem splendide capillitio, ac vivacibus radiis, vix unquam rotundus observatur; sed vel bisectus, veluti Luna in Quadraturis, vel paulò gibbosior, vel curvatus in cornua. Visus est hoc Sæculo non semel in Sole, ut exigua Macula sub figurâ ovali, sed longè minor, quàm extra hunc casum solitus est apparere.

II.
Ejus Phas-
es.

Abolvit hic Planeta motum longitudinis ab occasu in ortum juxta seriem Signorum Periodum suam intra dies lxxxviii, sed gressu dispari. Nam observatur tardior, seu cursu diminutus; velocior, seu cursu auctus; item stationarius, retrogradus, directus. Quæ affectiones, quum & residuis Planetis conveniant, quid sibi velint, tribus verbis exponendum est. Directus Planeta dicitur, qui secundum successionem Signorum progreditur; uti retrogradus, qui contra eam contendit. Stationa-

III.
Motus in
Longitudi-
nem, qui
varius.

tionarius ille est, qui in eodem loco Zodiaci aliquamdiu videtur subsistere.

IV.
Motus in
Latitudi-
nem.


Mercurius dum dictum Motum absolvit, non remanet sub Eclipticâ, sed ab eâ digreditur, efficitque motum Latitudinis, & majorem in austrum, quippe qui ad v gradus potest increfcere. Transeo Nodos Mercurii, atque ipsius Absides in consequentia, sed segniter promoveri.

V.
Venus.

Mercurium Venus meritò excipit, Soli post Mercurium proxima, & eidem ratione motus multum consentiens. Omnium Stellarum (excipe duo Luminaria) ratione magnitudinis, quæ in visum se ingerit, maxima est, maximèque illustris, ut non aliter, atque Fixæ, scintillet, solâ umbram projiciat, & de die non rarò observetur, quin nonnunquam sub ipsum meridiem, quando versus Perigæum est.

VI.
Ejus con-
stitutio.

Eam in Sole vidit Hevelius figurâ rotundâ, & obscurâ, illiusque, tunc Perigææ diameter adæquabat vicissimam sextam partem diametri Solaris. Superficiem natâ est asperam, & varias maculas, quarum terminos propter obscuritatem vix liceat discernere. Phases, teste Telescopio, velut altera Luna patitur. Ubi autem oportet sita sit, ut hanc illamve Phasin induat, ex apposita Figurâ licet resciscere.



Periodum absolvit ab occasu in ortum juxta ductum Zodiaci VII.
 intra Dies proximè cccxv, sed motu inæquabili, sicut de Mer-
 curio dictum est. Præter motum Longitudinis etiam motus in
 Latitudinem ipsi competit, imprimis in boream, quippe qui
 ad gradus fermè novem potest excurrere. Nodi, & Absides
 Veneris fixi non sunt, verum feruntur in consequentia, licet
 tardiùs, quàm in Mercurio.

Motus.

Hos Motus sic obit, ut tamen Solem non deserat; interdum VIII.
 XLVII gradibus cum semisse, quantum ferè Luna quatrduana, *Sicut ad*
 ab eo abit, interdum nonnisi XLV, adeoque sic currit, ut *Solem;*
 Solem certis spatiis nunc antecedit, nunc sequatur, nunc re- *hinc no-*
 ditus ad eundem instituat. Hinc pro diversitate temporis, *minis va-*
 quâ apparet, diversa sibi nomina vendicat. Quando manè *riatio.*
 Solem præcedit, diemque, ut alter Sol, maturat, dicitur Pho-
 sphorus, atque Lucifer; contrà quando ab occasu refulgens
 lucem prorogat, & Lunæ vice perfungitur, Hesperus, item
 Vesper, ac Vesperugo nuncupatur.

C A P U T XLII.

Mars. Jupiter, & Saturnus cum suis Satellitibus.

SUCCEDUNT tandem tres superiores Planetæ, Mars, Jupi- I.
 ter atque Saturnus, qui in motuum suorum qualitate mul-
 tum concordant, & solâ quantitate Periodicâ distinguun-
 tur, ideoque communiter ab Astronomis eodem traduntur
 Capite. Mars, qui ex tribus Soli proximis est, nudo ocu-
 lo inspectus apparet rubicundi quidem coloris, sed subobscu-
 ri, & in nigredinem vergentis, nec non quodammodo scin-
 tillans. Gaudet eminentiis suis, & depressionibus, faciem-
 que tenet maculis aspersam, quas, cum sit Perigæus, faciliè
 licet distinguere.

Mars.

Quando Soli conjungitur, integro Orbe resplendet; hinc II.
 in priorem Quadraturam (fermè ut Luna tribus à Plenilunio
 diebus) lumine imminuitur; hinc ad Oppositionem iterum
 increscit, quando integer denuò conspicitur; ab Oppositione
 ad alteram Quadraturam rursus diminuitur, faciemque, qua
 lem

Ejus Pha-
 ses.

lem in priore habuit Quadraturâ, recuperat; hinc tandem in proximam Conjunctionem Plenus evadit.

III.
*Motus in
longitudi-
nem.*

Cursum absolvit, Zodiacum, Signorumque seriem obser- vando, Anno 1, Diebus proximè 322, sed procedendo in- æquabiliter, tam in iisdem Zodiaci partibus, quàm diversis, ut aliquando sit velox, post tardus, mox stationarius, quin retrogradus. Quæ inæquabilitas etiam in Saturno, & Jove, quamvis non sit eadem per omnia,prehenditur.

IV.
*Varia in-
signiter
Magnitu-
dinem:*

Mirabile hoc est in Marte, quòd, qui aliàs Stellam secundæ magnitudinis vix exæquat, dum Acronychus est, & in Solis oppositione commoratur, cum Jove, nedum Venere de ma- gnitudine contendat, quia tunc nobis multò propinquior est, quàm quando Soli conjungitur. Quin si in istâ Terræ vicinîâ per Tubum Visorium observetur, superat multifariâ nudi visus magnitudinem, propter adscitium illud radorum ca- pillitium, quo circumdatur.

V.
*Motus in
latitudi-
nem.*

Præter motum Longitudinis Marti etiam competit motus in Latitudinem, adèd ut nonnunquam per plures gradus ab orbitâ Solis divagetur. Nodi seu Puncta Intersectionum viæ Martis non subsistunt immobiliter, verum in Consequentia se promovent motu tardissimo; uti etiam faciunt ejus Absides. Neque in Marte solùm hæc observantur, sed pariter in Jove & Saturno.

VI.
Jupiter.

Viso Marte, ad Jovem ascendimus. Ascendimus inquam; quum inspicienti Mæstlino Jupiter visus sit à Marte subtercur- rente tegi. Post Venerem inter Planetas maximè luminosus est, & insigniter albicans, externâque magnitudine Fixas primi Honoris, quin ipsum Canem majorem, exuperat.

VII.
*Ejus Pha-
nomena.*

Prælongis Tubis inspectus non apparet rotundus, sed ob- longior; nam diameter, quæ ab ortu in occasum ducitur, pau- lò prolixior est eâ, quæ à septentrione in meridiem. Suas pro- tuberantias, & convalles etiam obtinet; item maculas variè perseverantes. Quin fasciis obscuris cingitur, quarum nume- rus constans non est, uti neque figura, aut magnitudo.

VIII.
*Motus. Va-
ria magni-
tudo.*

Paulatim ab occasu in ortum obliquo incessu progreditur, circuitumque percurrit Annis x1, & Diebus ferè 314. Quan- do cum Sole conjungitur, dimidiâ propemodum sui parte minor apparet, quàm quum ipsi opponitur; nam in Opposi- tione

tione Terræ longè est propior. Latitudinem per gradum, & aliquot minuta patitur.

Jovem stipant quatuor Stellulæ, seu Planetæ secundarii, sub initio hujus Sæculi reperti per Telescopium. Vulgò vocantur Jovis Satellites, Comites, Joviales, Circumjoviales, atque (sic Galilæo placuit eas exprimere) Sidem Medicæ; & feruntur circa Jovem, ut Luna circa Terram, juxta successionem Signorum, sed in inæquali à Jove, & invicem distantia, atque velocitate.

Nam Primus Satelles, & Jovi proximus, qui Mercurius Jovialis quibusdam dicitur, à Jove distat per tria minuta prima, & omnium celerrimè Circulum suum percurrit, intra unum videlicet Diem, $xviii$ horas, & $xxviii$ min. Secundus, Venus nempe Jovialis, quinque minutis primis à centro suo, Jove digrediens, suam Orbitam conficit tribus Diebus, $xiii$ horis, & min. $xviii$.

Tertius Satelles, Jupiter Jovialis, à Jove octo minutis primis remotus, Periodum suam instituit septem Diebus, iii horis, & min. $lvii$. Ultimus denique, sive Saturnus Jovialis, tredecim aut quatuordecim plus minus minutis à Jove se separatur, & viam suam obit Diebus sedecim, horis $xviii$, & min. ix .

Cursus horum Satellitum circa Jovem, quamvis quoad integras Periodos satis sibi constet, per omnes tamen partes sui ambitus uniformis non est, atque æquabilis; nam modò longius, modò brevius ab eo abeunt. Quando elongationibus suis propiores sunt, tardiùs moventur, & apparent propèmodum Stationarii; contra quando minùs à Jove divagantur, rapidior illorum motus est. Non ergò mirandum, distantiam, & situm inter hosce Satellites admodum variare.

Idem Satelles in eadem à Jove distantia modò major & splendidior, modò minor observatur, & obscurior. Variant etiam Satellitum maculæ, & creduntur ipsi circa proprium quisque centrum contendere. Illustrantur à Sole non secus ac Jupiter, qui facit eos Eclipsin subire, quando se inter Solem & ipsos interponit, uti & nobis disparent, quando Jupiter inter eos & visum nostrum intercurrit; aut quando sub Jove hærent, nam juxta canonem Opticorum, Lux major minorem

IX.
*Satellites
Joviales.*

X.
*Mercurius.
Venus.*

XI.
*Jupiter.
Saturnus.*

XII.
*Motus eorum
diffor-
mis est.*

XIII.
*Varia Pha-
nomena.*

occultat; aut quando se occultunt ex toto aut parte. Hinc est, quòd liceat interdum omnes adspicere, interdum tres, duos, unum solummodò, prout variant circumstantiæ.

XIV.
*Ufus in
Longitudi-
ne corrigendi.*

Per hos Satellites quidam tentarunt genuinam locorum Longitudinem investigare sequenti ratione. Primùm volebant, eorum circuitus exquisitissimè observari; item quando deprehenderentur in rectà lineà, aut subirent corpus Jovis, aut inciperent istud deserere: atque ex his, similibusque observationibus confici posse judicabant Ephemerides ad cognitum quandam Meridianum, cum quibus alii, in dissitis locis existentes, si suas Observationes conferrent, exinde scire possent differentiam temporis inter duos istos Meridianos, proindèque differentiam Longitudinis, & ex eà ipsam locorum Longitudinem. Verum adedò promptum non est, has observationes sine vitio instituere.

XV.
Saturnus.

Sequitur tandem Saturnus, inter Planetas remotissimus; omnium quoad apparentiam minimus, coloris albicantis, sed subobscuri, & plumbei. Nudo oculo inspectus faciem exhibet absolutæ rotunditatis, & ejusdem propemodùm magnitudinis, leviculâ tamen variatione, prout vel Perihelium existit, vel Aphelium.

XVI.
Annulo donatus est.

Tubo visus sub variâ formâ comparuit, & comparet etiamnum vario tempore, rotundâ, ellipticâ, globulis, hinc inde uno, corpori ejus fermè contiguis, donatâ, aut ansulis, nunc à Saturni Globo revulsis, nunc connexis. Et hinc multos suspendit, nescios, quid de Saturno sentirent, donec Hugenius, & post eum alii distinctiùs Systema Saturnium interpretati sunt. Nèmpè Saturnus Globosæ figuræ erit, sed circulo latiore, veluti Annulo lucente circumdatus, equali intervallo ab ipso distante, ut non absimilis sit Materiali Sphæræ, quam ligneus Horizon ambit. Tenuis est hic Annulus, interim latus, cujus superficies si extenderetur in Saturnum, centrum ejus transiret. Radius ipsius ad radium Saturni statuitur circiter se habere, ut 11 ad 5. Quòd autem hic Annulus non semper conspiciatur uniformis, sed Saturnum induat modò hâc, modò illâ facie, derivatur ex vario ejus situ, & Tubo longiore aut breviorè, politisque magis, aut minus affabrè lentibus.

Revo-

Revolutionem suam per Zodiacum conficit Annis xxix cum propemodum semisse, ut sit omnium Planetarum longè tardissimus, ideoque inter ultimos observatus. Etiam digreditur ab Eclipticâ per duos gradus, & dimidium.

XVII.
Motus ejus.

De Comitibus Saturni omnes non idem sentiunt. Duos varii Saturno adscripserunt, qui tamen videntur tantum fuisse traditus modò Annulus diversimodè apparens. Hugenius præter Annulum meminit unius Comitis, seu novi Planetæ, præter quem Recentiores duos alios memorant; quæ autem de hisce referunt, operæ pretium est, summatim exponere.

XVIII.
Comites.

Primus Comes à centro Saturni dicitur abesse per integram Annuli diametrum, additis insuper duabus tertiis, & Periodum circa eum finire Diebus iv , horis 12 , min. 27 , servato cum Annulo parallelismo. Conspici non potest Saturno vicinus, aut conjunctus, vel in maximâ latitudine, sed tantum in maximis ab eo elongationibus positus, per Tubum, cujus longitudo pedes 35 exæquat.

XIX.
Primus.

Secundus Primo est illustrior, & ab Hugenio observatus, Tuboque mediocri observabilis. Distat à centro Saturni quatuor diametris Annuli, & circa eum in orbem deferitur Diebus xvi cum horis 23 , in parallelismo cum circumferentiâ Annuli. Plerumque conspiciendum se præbet Saturno conjunctus propter majorem tunc latitudinem.

XX.
Secundus.

Tertius denique, seu ultimus à centro Saturni removetur per decem Annuli diametros, & semissem, suumque Circulum (qui tamen, uti priores, Annulo parallelus non est) circa eum percurrit Diebus circiter octuaginta. Conspicitur solum in maximâ elongatione occidentali, & in elongatione orientali latitat; quia omnes partes ipsius corporis non videntur peræquè idoneæ ad reverberandum lumen.

XXI.
Tertius.

CAPUT XLIII.

Zodiacus. Adspectus Planetarum, & varia ipsorum juxta Astrologos efficacia.

HAftenus de Planetis Secundariis, atque Primariis. Quia autem nullus Planetarum, si Solem excipias, sub Eclipticâ manet, sed ab eâ plus minùs divagantur, &

I.
Zodiacus cum suo usu.

in meridiem, & septentrionem, sicut jam vidimus; hinc, ut hæc divagationes complecterentur Astronomi, Circulum quendam latum, seu potius Zonam conceperunt, quæ hinc inde ab Eclipticâ ad æquale intervallum se extenderet. Juxta Veteres quidem per sex gradus, ut universa ejus latitudo esset trigesima pars longitudinis Eclipticæ; juxta Recentiores per gradus septem, octo, quin & decem, ut secundum hosce integra latitudo viginti gradus adimpleat, quò quasvis Planetarum, etiam maximè digredientium, digressiones contineret. Circulus hic communiter dicitur Zodiacus, Signifer, Circulus Obliquus, & Via Solis ac Planetarum, atque à Veteribus depictus fuit tribus Circulis Parallelis, quod nunc abiit in desuetudinem.

II.
*Aspectus
Planeta-
rum.*

Cæterùm dum Planetæ sub Zodiaco motus suos instituunt, & dispari velocitate, ut ostendimus, aliter esse non potest, quin continuò diversos ad se mutuò Aspectus seu Configurationes acquirant. Est autem Aspectus Planetarum mutua quædam habitudo, quâ se invicem respiciunt, dùm in diversis Zodiaci partibus collocantur.

III.
*Vulgò
Quinquen-
plex:*

Et quamvis hæc Habitudo variet in infinitum; solent tamen Astrologi ex innumeris Speciebus potissimùm quinque expendere, arbitrati Planetas, quando his modis se mutuò adspiciunt, diversas imprimis in rebus naturalibus operationes ciere. Sunt autem Conjunctio, Aspectus Sextilis, Quadratus, Trigonus, & Oppositio.

IV.
*Conjunctio-
nis;*

Conjunctio, quæ alias Congressus, Coitus, & Synodus appellatur, accidit, quando duo, vel plures Planetæ consistunt sub eodem gradu Zodiaci. Sunt, qui Conjunctionem ex Aspectuum numero expungunt, quia Planetæ in hac positurâ se invicem illustrando non respiciunt. Alii, quamvis improprie, eam inter Aspectus computandam esse existimant; quia Planetæ in hoc Aspectu constituti, omnium potentissimè, vi nempe unitâ, in Inferioribus operantur.

V.
Sextilis;

Aspectus Sextilis, sive Sexangularis est, quando Planetæ se respiciunt ad intervallum sextæ partis Zodiaci, seu duorum Signorum.

VI.
*Quadrato-
nis;*

Quadratus, aliàs Quadrangularis, Quadrangulus, & Quadratura, accidit, quùm Planetæ per quadrantem Zodiaci, seu tria Signa à se mutuò dissident.

Tri-

X.
*Planetis
varie con-
veniunt.*

Cæterum Luna, ac tres superiores Planetæ hos quinque Aspectus recensitos patiuntur, & erga se invicem, & Planetas residuos. Venus & Mercurius nonnunquam Sextili intervallo à se mutuo soliti sunt secedere, neque alios inter sese Aspectus, præter jam dictum, instituunt. Ad Solem verò relati nequidem Sextilem complere possunt; quemadmodum evidentissimum est ex iis, quæ de utriusque motu superius inculcavimus.

XI.
*Aspectus
Pariles,
Platici:*

Vulgare est Aspectus dividere in Platicos, & Partiles. Partiles, alias Stricti, seu Perfecti, accidunt, quando Planetæ exquisitè à se mutuo absunt per tot Gradus, quot desiderantur ad hunc, aut illum Aspectum componendum. Platici, vel Laxiores, seu Imperfecti fiunt, quando aut Minuta, vel Gradus quidam seu redundant, seu deficiunt.

XII.
*Veri,
Medii.*

Dividuntur etiam Aspectus in Veros, & Medios. Hi sunt, quum lineæ Mediorum motuum; Illi, cum ipsa Planetarum corpora aliquem Aspectum efficiunt. Aspectus Medii, sicut & Medii motus semper inter sese conveniunt; sed Veri, non aliter ac motus Veri, longè variant. Aspectus Veri observantur in Lunæ Conjunctionibus, & Oppositionibus, seu Syzygiis; sic illas Ptolemæus peculiariter nuncupat. In reliquis Aspectibus computandis Astronomi ad Medios motus solum attendunt; quia calculus verorum in hoc negotio laboriosior est, quàm utilis.

XIII.
*Maxima,
& magna
Conjunctio.*

Multum etiam loquuntur Astrologi de Maximis, & Magnis Conjunctionibus, quas, dum sumus in Aspectibus, integrum non est præterire. Maxima Conjunction, alias Totalis, & Climacterica, dicitur, quando Saturnus, & Jupiter conjunguntur circa principium Zodiaci, postquam omnia ejus Signa Conjunctionibus suis percurrerunt. Post hanc Conjunctionem singulis viginti fere annis Conjunctiones Magnæ succedunt, Saturni nempe, & Jovis, quin plerumque trium superiorum Planetarum, sed triente Zodiaci à priori Conjunctione abeunt, adeo ut successivè singulas Zodiaci tripliciter pertranseant.

XIV.
*Qui illa
in orbem
redeant?*

Et primum quidem Triplicitatem Igneam, ut vocant; Arietem, Sagittarium, & Leonem. Etenim quando Conjunction maxima accidit in Ariete, post xx pendentes annos Magna acci-

accidit in Sagittario, post alteros xx in Leone, tunc denuò post novos xx in Ariete; complectiturque unius Triplicitatis revolutio annos propemodùm cc, quibus transactis transiit ad novam Triplicitatem, Terream, quam constituunt Taurus, Capricornus, Virgo, in quâ per idem temporis spatium iterum commorantur. Hinc progrediuntur ad tertiam Triplicitatem, Aëream; Geminos, Aquarium, Libram, quos quando intra dictum jam tempus trajecerunt, ad ultimam Triplicitatem, Aqueam, seu Cancrum, Pisces, Scorpium sese conferunt, & his confectis novam denuò Conjunctionem maximam in principio Zodiaci instituunt, elapso inter hanc, & proximè præcedentem Conjunctionem maximam, annorum fermè octingentorum curriculo.

Talium Conjunctionum Maximarum, ab orbe condito usque ad finem anni tertii hujus Sæculi, Octo solum numerantur, atque cum iis insigniores res gestas copulatas fuisse, Historiæ annotant. Hinc Astrologi hos Aspectus prædicant inter reliquos omnes efficacissimos, maximasque immutationes portendere; quamvis neque ceteros velint viribus suis destitui. Sic Conjunctio, Sextilis, & Trigonus habentur boni Adspectus, mali Quadratus, & Oppositio. Conjunctio ut plurimum validior dicitur Oppositione; Oppositio Quadrato; Quadratus Trigono; & Aspectus Partiles Platicis.

XV.
Vires earum, & reliquorum Aspectuum.

CAPUT XLIV.

Domus Cælestes. Earum Erectio. Finis vauus.

PORRò volunt Astrologi, Planetas, pro ut in hac aut istâ Cæli parte versantur, effici fortes, aut debiles. Hinc est, quod Cælum distribuunt ad analogiam xii Signorum Zodiaci in xii aequalia spatia, quæ Domos, seu Domicilia nuncupant, & à se invicem dirimuntur per sex Positionum Circulos, qui dividunt in partes æquales, juxta antiquos quidem Zodiacum, juxta alios Verticalem Primarium, aut Æquatorum.

Hunc modum inter alios usitatissimum, imprimis secutus est Joannes Regiomontanus, qui assumptis præter Horizontem,

A a & Me-

I.
Domus Cælestes;

II.
Delineata

juxta Re-
giomonta-
nium.

& Meridianum aliis quatuor Circulis positionum, interfecantibus se mutuò in communibus intersectionibus Horizontis ac Meridiani ad austrum & boream, Æquatorem in XII æquales partes dispartit, Zodiacumque in XII inæquales; hinc nascuntur duodecim Cœli Domicilia, atque ejusdem quidem magnitudinis, quorum sex supra Horizontem conspicuum perpetuò commorantur, & totidem sub Horizonte inconspicuo indefinenter delitescunt.

III.
Harum ini-
tium, ordo;

Initium cujusque Domus Cælestis ducitur ab illo Eclipticæ puncto, quod Circulus Positionum transitu suo assignat; & qui huic proximus est, finem ejus ostendit in Eclipticâ. Ordo Domorum, qui apud omnes Auctores unus & idem est, incipit ab Horizonte ortivo, progrediturque juxta successiōnem Signorum per inferius Hemisphærium, atque ex eo per superius, donec ad principium suum revertatur.

IV.
Dignitas,
& Efficacia.


Nobilissimæ harum Domorum habentur quatuor Cardinales, I, IV, VII, X; proximum ab hisce locum tenent, quæ iis immediatè succedunt, uti sunt II, V, VIII, XI, reliqua III, VI, IX, XII, quæ Cadentes vocantur, minimam dignitatem obtinent. Summam virium cujusque Domus sequentes Verficuli ex ordine exprimunt:

I.	II.	III.	IV.	V.	VI.
Vita,	Lucrum,	Fratrēs,	Genitor,	Nati,	Valetudo,
VII.	VIII.	IX.	X.	XI.	XII.
Uxor,	Mors,	Pietas,	Laus,	Fidus amicus,	& Hostis.

V.
Represen-
tatio per
Schemata.

Vulgare est duodecim hæc Domicilia depingere in plano per Figuram XII Triangulorum, quibus loca Planetarum inscribuntur. Typum ejus sequente Paginâ exprimimus.

Ut



Ut verò sciatur, quomodo Domicilia sese habeant, ad datum locum, & tempus, & ubinam Planetę commorentur, Globus in antecessum ad situm Cæli disponatur, & in eo firmetur; dein Circulus positionum (qui est semicirculus ex ære paratus, & ad Globi gibbositatem inflexus, ac circa suas extremitates super binos Polos, aut Pinnulas mobilis, & vice Circulorum positionis defungitur) affigatur in communibus sectionibus Meridiani & Horizontis ad austrum ac boream, & quidem ab occidentali Globi latere. Tunc observetur, quis gradus ex Æquatore Horizontem occidentalem perstringat, atque ab hoc, qui vocatur descensio obliqua Domus septi-

VI.
Investigare
Domum
Septimam;

mx, numerentur in Æquatore sursum gradus xxx, & termino numerationis Circulum positionis appone, is monstrabit in Æquatore descensionem obliquam Domus Octavæ, & in Eclipticâ cuspidem, seu initium ejusdem Domus, quod signetur.

VII. *Et reliquas supra Horizonem:* Abhinc alteros gradus xxx Circulum positionis promove in Æquatore, & habebis in Æquatore descensionem obliquam Domus Nonæ, atque in Eclipticâ ejusdem initium; sive cuspidem. Cuspidem Domus Decimæ Meridianus, qui hoc in casu Circulus positionis est, ostendit. Cuspidem Undecimæ & ascensionem obliquam obtinebis, si Circulum positionis ab orientali Globi latere, ut oportet, affixum, applices xxx gradui Æquatoris, à meridiano in ortum numerando. Similiter reperitur initium, & ascensio obliqua Domus Duodecimæ. Initium Domus primæ Horizon demonstrat.

VIII. *Item quæ infra eum sunt.* Cognitis ita sex Cœli Domibus, quæ sunt supra Horizonem, cæteræ, quæ infra eum existunt, ex gradibus oppositorum Signorum cognoscuntur; nam Circulus positionis; quia maximus est, Eclipticam non nisi in oppositis punctis interfecat. Tantum igitur noscendum, quænam Signa, & Domus sint oppositæ, quod ex appositis Tabellis illico intelligitur.

DOMUS	OPPOSITÆ.	SIGNA	OPPOSITA.
I	VII	♈.	♏.
II	VIII	♉.	♐.
III	IX	♊.	♑.
IV	X	♋.	♒.
V	XI	♌.	♓.
VI	XII	♍.	♔.

IX. *Loca Planetarum tradunt Ephemerides;* Post delineatas hac ratione Cœli Domos, superest, ut sua cunque Planetæ assignentur. Verum quoniam nullus Planeta in Globo depingatur, neque ullius orbita, si Solem excipias, inspicientiæ sunt Annuæ Ephemerides Planetarum, ut ex iis hauriatur ipsorum locus, quem ad datum diem & horam possident, & Globo, seu Figuræ planæ XII Triangulorum, de quâ suprâ, uti inventus est, inscribatur.

Circa.

Circa Ephemerides verò observandum, quòd exhibeant tantum Planetarum longitudinem ad certum Meridianum, & Horam diurnam duodecimam, ac latitudinem plerumque, si Lunam excipias, non ad singulos dies, sed decades dierum. Nempe notant latitudinem Planetæ ad primum meridiem mensis, item undecimum, ac vigesimum primum.

X.
*Extructa
ad certum
locum, &
tempus.*

Ut igitur sine vitio Ephemerides adhibeantur sub alio Meridiano, quàm ad quem extructæ sunt, oportet examinare horum Meridianorum intervallum, & id in tempus convertere. Ponamus exempli loco Ephemerides compositas esse ad Meridianum Romanorum, & aliquem, qui iis uti intendit, vivresub Meridiano, hinc in occasum per gradus xv abeunte; dum hic Sol creat meridiem, Romæ Prima pomeridiana est, ut liquet ex iis, quæ de Meridianorum differentiâ SECTIONE PRIORE inculcavimus; adeoque Planeta, qui dato die horâ Duodecimâ Romæ habet istam longitudinem, quam annotant Ephemerides, eandem non obtinebit, quando sub Meridiano isto occidentaliore erit Duodecima, sed istam, quæ Romæ Primâ promeridianâ ejusdem diei deprehenditur.

XI.
*Ufus earum
in locis occi-
dentalibus
docetur:*

Quum verò longitudo Planetæ ad hanc horam in Ephemeridibus non exprimatur, observetur ex iis, quantum Planeta inter diem datum, & qui proximus aderit, longitudinem sit variaturus, atque hoc cognito scitur statim per Regulam proportionis variatio longitudinis ejusdem Planetæ per horam, quæ si adjiciatur in proposito casu (nisi Planeta sit retrogradus) longitudini, quam Romæ obtinuit Duodecimâ, habeatur longitudo Planetæ ad Duodecimam sub Meridiano per xv gradus occidentaliore.

XII.
*Per Regu-
lam pro-
portionis;*

Similiter inquirere oportet longitudinem Planetarum ad omnes alias Horas sub eodem isto Meridiano. Sic si ibidem inquirenda sit longitudo ad horam quartam, quintam, sextam pomeridianam, inquiretur ad horam quintam, sextam, septimam, & longitudo ad hæc horas juxta Meridianum Romanorum quadrabit in dictas horas Meridiani alterius.

XIII.
*Et Exem-
pla.*

Si verò usurpandæ sint Ephemerides in Meridianis orientioribus, inquiretur, quæ hora sit in Meridiano, ad quem supputatæ sunt Ephemerides, quando est hæc, aut ista hora in Meridiano orientiori, & juxta illam horam longitudinem

XIV.
*Ufus in lo-
cis orienta-
libus.*

investiga, atque habebitur Meridiani orientioris longitudo. Pari ratione ex Ephemeridibus cruenda est Planetarum latitudo ad quosvis alios Meridianos.

• XV.

*Notus locus
Planeta-
rum erigi
possunt Do-
mus Cœli,
& Geneser.*

Inventis ac notatis hoc modo Planetarum longitudine ac latitudine, atque collatis cum Domiciliis Cœli ante repertis, comparet in quo Domicilio quisque Planeta ad datum locum & tempus commoretur; atque aded beneficio Globi Cœlestis hujus loci ad horam propositam erectæ sunt, ut loquuntur Astrologi, Figuræ Cœlestes, seu duodecim Cœli Domus. Si verò data hora erigendæ Figuræ Cœlestis incidat in punctum Nativitatis alicujus hominis, erectam Cœli Figuram vocant Figuram Nativitatis, Thema Natalitium, item Genesin, & Genituram.

• XVI.

*Quæ basis
sunt Astro-
logie, sed
infrima.*

Est verò Erectio talis Thematis præcipuum Astrologiæ fundamentum, sed perquam debile; quum (ne dicam Astrologos in modo erigendi Thematis minimè consentire, ut nec in eo, quando sit verum istud Nativitatis instans, quo infans vitali hac aurâ frui incipit, in quo tamen juxta eos omnis negotii cardo penè vertitur) neque potentiam Domorum, neque virtutem Planetarum, ratione ex reinaturâ petirà, docere possint, neque experientiâ comprobare. Quandoquidem idem Thema Cœleste, & Planetarum Aspectus non revertitur, nisi post multa Sæcula.

XVII.

*Vani con-
atus Astro-
logici.*

Vanissimum igitur est, quod velint Astrologi ex Astrorum motibus, congressibus, aspectibus, similibusque aliis qualitatibus certò prædici posse non tantum universales effectus in Mundo hoc Sublunari, sed & singulares Aëris mutationes, quin omnia hominum fata, & fortunas, adeoque extare Fatum Astrologicum. Rectiùs dixit Cicero, hanc Astrologiam Judiciariam esse delirationem incredibilem.

XVIII.

*Vera Cœli
influentia,
& aliquo-
rum firma
prædictio.*

Quam dùm proscribimus, non ided proscribimus omnes influentias corporum Cœlestium in Sublunaria, aut quasvis ex iis prædictiones. Planetæ enim pro ratione sui luminis in Terram influunt, atque imprimis Luminaria; uti ex Physiologiâ clarum est. Quin certò & infallibiliter prædici potest dierum, & noctium quantitas in toto terrarum orbe, variisque ipsius latitudinibus; Crepusculorum duratio, in quantum à variis aëris accidentibus non dependent; Siderum ortus & occasus;

casus; Lunæ Phases; Eclipses utriusque Luminaris; & quæ plura id genus, quorum prædictio solido fundamento innititur, ac de quibus pro maiore parte superius nobis actum est.

C A P U T X L V.

Parallaxis Varia.

Viso Stellarum cum inerrantium, tum errantium motu, & quæ ex eo proveniunt, proximum est, ut dicamus de earum distantia, ac magnitudine, ad quas Parallaxis viam sternit, quam igitur oportet præmittere. Parallaxis aliàs dicitur evariatio, permutatio, commutatio, aberratio Visus, item aspectus diversitas, ac aspectus diversitatis, estque arcus Circuli Verticalis interceptus inter verum locum alicujus Astri, & visum, seu apparentem.

Est autem locus Verus Astri punctum; quod assignat recta, ducta è centro Terræ, sive Mundi per Astri centrum, in Circulo verticali; & locus Visus, seu Apparens punctum, quod recta ex oculo Spectatoris per ejusdem Astri centrum traducta, in eodem Circulo ostendit. Binæ hæ rectæ in centrum Astri concurrentes angulum componunt, qui dicitur Parallaëticus, seu quantitas Diversitatis Aspectus, & mensura Parallaëcos.

Magnitudo Parallaëcos non est eadem. Ceteris paribus Parallaxis, quam patitur Astrum, dum in Horizonte est, est omnium maxima, & quò longius ab eo abit, eò fit minor, sed sensim; nam Parallaxis prope Horizontem diu similis ferè permanet. Astro autem ad Verticem magis appropinquante, notabilius imminuitur; quin Astrum, quod Zenith pertransit, tempore transitus omnem amittit Parallaxin, lineis, quæ Verum & Visum locum in Circulo Verticali demonstrarent, omnino congruentibus, atque in eodem Circuli puncto terminatis. Quando Astrum derelinquit Zenith, & in occasum delabitur, denuò increscit Parallaxis, & maximum rursus incrementum in Horizonte acquirit; adeò ut idem Astrum in eadem Altitudine citra, & ultra Meridianum eadem gaudeat Parallaxi, quemadmodum & duo Astra, quando paris sunt distantia à terræ centro, & altitudinis.

Porro


 I.
Parallaxis.

 II.
Locus Verus, & Visus. Angulus Parallaëcos.

 III.
Parallaxis ejusdem Astri variat.

IV.
Es vario-
rum: quod
Schemate
illustratur.

Porro inter Astra, quæ eundem seu Verum, seu Visum locum nacta sunt, illud, quod centro terræ propinquius est, Parallaxin maiorem habet; uti minorem, quod ab eo longius removetur. Quod, sicut & alia, quæ de Parallaxi jam proposuimus, ex subjectæ Figuræ theoriâ distinctius intelliguntur.



V.
Diversitas
Parallaxis
à Refractione.

Interim præterire non licet, quòd aliter cum Parallaxi, quàm Refractione, de quâ suprà, comparatum sit. Hæc enim Astrum attollit, & quòd Horizonti propinquius est, ed amplius; illa Astrum deprimit, maximè circa Horizontem, minùs circa Verticem.

VI.
Parallaxis
Longitudinis;

Præter traditam Parallaxin etiam altera ab Astronomis consideratur in Zodiaco, quæ gemina est, Longitudinis & Latitudinis. Parallaxis Longitudinis est arcus Eclipticæ interceptus inter duos Circulos per Polos ipsius transeuntes, quorum alter per Verum, alter per Apparentem Stellæ locum traducitur.

Paral.

Parallaxis Latitudinis est arcus Circuli maximi ad Eclipticam recti, interceptus inter binos Eclipticæ parallelos, quorum alter per Verum, alter per Apparentem Stellæ locum traducitur. Duplicem hanc Parallaxin Astronomi in Lunâ considerant.

VII.
Et Latitudinis.

Interim prior Parallaxeos species est, quæ inservire potest reperiendæ Distantiæ, dummodo satis magna existit. Inter Stellæ Luna est, cujus Parallaxis Horizontalis gradum circiter exæquat. Nempe quando Horizontalis maxima est, juxta Tychonem complectitur 65 min. & 35 secunda; quando minima, 56 min. & 44. secunda. Unde per Trigonometriam facile est Distantiam Lunæ in utrâque hac Parallaxi reperire.

VIII.
Parallaxi Lunæ;

Aliter comparatum est cum Sole, cujus Parallaxis tanta non existit, ut ex peculiaribus Observationibus innotescat, sed haberi debet aliunde. Nam juxta multos Parallaxis ejus Horizontalis non excedit duo minuta cum parte tertiâ; juxta alios interdum adimplet tria minuta, interdum ab integritate parum deficit, interdum eam parum transcendit, pro variâ Solis distantia à Tellure. In Venere, atque Mercurio etiam non occurrit Parallaxis, quæ alicujus momenti sit; in Planetis autem superioribus, & omnibus omnino Fixis tota perit.

IX.
Et cæterarum Stellarum.

In causâ est maxima Stellarum Distantia à Tellure, & quoddam hujus Semidiameter, quæ perticæ mensuriæ vice defungi plerumque solet in mensurandâ illarum Distantiâ, insensibilis sit ad distantiam omnium Stellarum, si Solem, & inferiores Planetas excipimus. Vide sis, quod de discrimine Horizontis Sensibilis & Mathematici superius annotatum est. Quare Lansbergius, & qui ejus Dogmatis delectantur, Distantiam Fixarum imprimis, dimensi sunt, per radium, ut vocant, Magni Orbis, seu Sphæræ terrestris. Conferatur Typus Systematis Copernicani, quem infra exprimimus.

X.
Quare in multis nulla?

CAPUT XLVI.

Distantia Stellarum incertior. Variorum de eâ Sententiæ. Motus Primi Celeritas.

I.
*Parallaxem
non docet
Distan-
tiam; nec
varius
motus:*

EX dictis liquet, viam Parallaxeos non sufficere ad inquirendam Stellarum Distantiam à Tellure. Alii alias insunt, confugiuntque ad Cœlorum velocitatem, & tarditatem, autumantes, quò Cœlum velocius ab occidente in orientem abripitur, eò debere esse remotius à primo Mobili; & contrà, quò tardius circumagitur, eò vicinius ei necessariò existere, adeoque Lunam infimam esse ex Stellis; hanc excipere Mercurium; hunc Venerem; & sic deinceps; ac Fixas tandem, quia pari velocitate in ortum contendunt, & omnium seignissimè, æqualiter à terrâ, sed longissimè separari.

II.
*Quod do-
ceatur. Nec
Eclipses.*

Verum, præterquàm quod supponat hoc argumentum soliditatem Cœlorum, minimè solidum est; quum Stella, quæ omnium altissima est, posset omnium celerrimè ab occasu in ortum promoveri. Nec valet sequela; Stellæ moventur æquabili velocitate, ergò ejusdem existunt Distantiæ. Sic neque sufficiens est argumentum, quod ex Eclipsibus, seu occultationibus Planetarum, Stellarumque deducitur, neque determinatam earum Distantiam edocebit. Nec alia adsunt argumenta, quæ gravioris sunt ponderis.

III.
*Fiunt ergò
Hypotheses.*

Ut aliquid tamen Astronomi de Distantiâ Stellarum determinent, supponunt aliquam Parallaxin, seu ad semidiametrum Telluris, seu ad totam Diametrum magni Orbis, vel quasdam Hypotheses, ex quibus suam quisque sententiam derivat. Unde nec mirum, quòd pro diversitate Hypothesium Sententiæ de Distantiâ pariter varient, & quidem longissimè; quum parva in Hypothesi discrepantia maximam in calculo possit parere.

IV.
*Quantitas
Semidia-
metri Ter-
restri.*

Quid verò celeberrimi Syderum Metatores de eorum Distantiâ censeant, referre lubet, quando in antecessum significavero, mensuram, quæ in exploratione hujus Distantiæ adhibetur, nempe semidiametrum Telluris, æquare octingenta quinquaginta novem milliaria Germanica communia cum

unâ

unâ undecimâ. Quod patet ex ambitu Circuli maximi Terrestris, resoluto in dicta Milliaria, & demonstratione Archimedis, docentis circumferentiam Circuli ad suam diametrum habere rationem, quanta est 22 ad 7; unde juxta Regulam proportionum invenietur diameter Terræ esse mille septingentorum & octodecim milliarium cum duabus undecimis, cujus dimidium tradito statim numero respondet. Ne verò hæc fractura molestiam creet calculo, complere eam solent Astronomi, præsertim cum exigui momenti sit, statuuntque dimidiam Terræ diametrum integra Milliaria sexaginta supra octingenta continere.

Explicitâ quantitate hujus mensuræ, progredimur ad Distantiam Stellarum, cùm Errantium, quando sunt Apogææ, Perigææ, Mediæ; tùm Fixarum maximè remotarum, ex sententiâ sequentium Astronomorum.

V.
Distantia
Stellarum
à Terrâ
juxta Va-
rios.

L U N A

à centro Terræ abesse censetur Semidiametris ejus

		<i>In Plen. & Nov.</i>		<i>In Quadraturis.</i>	
		<i>Apogæa.</i>	<i>Perigæa.</i>	<i>Apogæa.</i>	<i>Perigæa.</i>
Juxta	Ptolemæum	64-10.	53-50.	43-53.	33-33.
	Copernicum	65-30.	55-8.	68-21.	52-17.
	Tychonem	58-8.	54-52.	60-36.	52-24.
	Lansbergium	64-10.	54-0.	66-58.	51-12.

M E R C U R I U S.

		<i>Apogæus.</i>	<i>Perigæus.</i>	<i>Medius.</i>
Juxta	Albategnium	165.	65.	115.
	Alphraganum	167.	64.	115.
	Copernicum	1655.	629.	1142.
	Tychonem	1660.	630.	1150.
	Lansbergium	2176.	821.	1498.

V E N U S.

		<i>Apogæa.</i>	<i>Perigæa.</i>	<i>Media.</i>
Juxta	Albategnium	1121.	167.	618.
	Alphraganum	1115.	167.	641.
	Copernicum	1987.	297.	1142.
	Tychonem	2000.	300.	1150.
	Lansbergium	2598.	399.	1489.

B b 2

Pto.

S O L.

	<i>Apogaus.</i>	<i>Perigaus.</i>	<i>Medius.</i>
<i>Juxta</i> Ptolemaum	{ 1210. }	{ 1126. }	{ 1168. }
Albategnium	{ 1146. }	{ 1068. }	{ 1107. }
Alphraganum	{ 1220. }	{ 1210. }	{ 1215. }
Copernicum	{ 1179. }	{ 1105. }	{ 1142. }
Tychonem	{ 1182. }	{ 1117. }	{ 1149. }
Lansbergium	{ 1550. }	{ 1446. }	{ 1498. }

M A R S.

	<i>Apogaus.</i>	<i>Perigaus.</i>	<i>Medius.</i>
<i>Juxta</i> Albategnium	{ 8853. }	{ 1216. }	{ 4584. }
Alphraganum	{ 8848. }	{ 1216. }	{ 5032. }
Copernicum	{ }	{ }	{ 2275. }
Tychonem	{ 3080. }	{ 410. }	{ 1745. }
Lansbergium	{ 3994. }	{ 556. }	{ 2275. }

J U P I T E R.

	<i>Apogaus.</i>	<i>Perigaus.</i>	<i>Medius.</i>
<i>Juxta</i> Albategnium	{ 13171. }	{ 8237. }	{ 10704. }
Alphraganum	{ 14378. }	{ 8852. }	{ 10423. }
Copernicum	{ 10798. }	{ 4538. }	{ 8091. }
Tychonem	{ 5416. }	{ 2564. }	{ 3990. }
Lansbergium	{ 9960. }	{ 6222. }	{ 8091. }

S A T U R N U S.

	<i>Apogaus.</i>	<i>Perigaus.</i>	<i>Medius.</i>
<i>Juxta</i> Albategnium	{ 18500. }	{ 13100. }	{ 15800. }
Alphraganum	{ 20612. }	{ 14378. }	{ 16800. }
Copernicum	{ 12600. }	{ 8678. }	{ 10580. }
Tychonem	{ 12340. }	{ 8760. }	{ 10550. }
Lansbergium	{ 17227. }	{ 12534. }	{ 14880. }

F I X Æ

in maximâ Distantiâ.

<i>Juxta</i>	Albategnium, Alphraganum, & sic communiter Ptolemaici,	{ 45225. }	Terræ Semidiametris.
	Tychonem	{ 14000. }	
	Copernicum	{ indefinitis }	
	Galilæum	{ 13046400. }	
	Lansbergium.	{ 41958000. }	

Lans-

Lansbergius, qui ex allatis Autoribus longè maximam Fixis Distantiam attribuit, & nullam sensibilem earum Paralaxin, vel ad vastissimum Terræ orbem potuit reperire, Distantiam Fixarum collegit ex ipsarum, & Terræ temporibus periodicis hunc in modum. Ut tempus periodicum Terræ anni unius se habet ad Orbis sui radium 10000 particularum, ita se habet tempus Periodicum Fixarum (quod juxta ipsum spatio annorum 28000 absolvitur) ad Sphæræ suæ radium 28000000 particularum. Ergo Fixæ (si statuuntur omnes eadem Sphærâ contineri) absunt à Terrâ 28000 Semidiametris magni Orbis.

VI.

*Qui suam
Distantiam
collegerit
Lansbergius.*

Ut autem hæ Semidiametri vertantur in Terræ Semidiametros, sciendum mediam distantiam Terræ à Sole juxta Lansbergium continere 1498 Semidiametros Terrestres, per quas quando Semidiametri magni Orbis multiplicantur, memoratam modò concedent Distantiam Fixarum in Semidiametris Terrestribus. Et licet hæc Distantiâ verè stupenda sit, eam tamen Kepplerus supergreditur, & pronuntiat Fixas à Terrâ abesse 60000000 ejus Semidiametris, admodum à seipso dissidens, quippe qui ante judicarat, eas non nisi 34077067 Semidiametris Terræ à Terrâ elongari.

VII.

*Magnitudo
Semidiametri magni
Orbis.
Distantia
Keppleri.*

Sic videmus, quàm enormiter Sententiæ de Distantiâ Stellarum à Tellure à se mutuò abeant. Admissâ tamen seu hac, seu istâ Hypothesi, & motu Stellarum diurno, citra negotium intelligitur, quantam viam hic aut iste Planeta vel Affixæ per Diem, Horam, Minutum primum, secundum &c. emetiri debeant. Nam ex duplicatâ Stellarum Distantiâ exurgit cujusque Orbis diameter, & ex diametro Peripheria juxta regulam Archimedis, de quâ etiam superiùs. Nunc proximum est, ut proximo Capite Magnitudinem Stellarum contemplemur, ad quam præcognita earum Distantiam viam munit.

VIII.

*Investigare
celeritatem
Stellarum
ex variâ
Hypothesi.*

CAPUT XLVII.

Apparens, & Vera Stellarum juxta Varios Magnitudo. Utraque incertior.

I.
*Apparens
diameter
Lumina-
rium jux-
ta varios.*

Quemadmodum in Distantiâ Stellarum dissenserunt Astronomi, ita nec in apparente Diametro prorsus consentiunt; uti patebit, quando opiniones Astronomorum maximi Nominis inter se contulerimus. Neque hoc mirum, quia admodum impeditum est, cujusque Stellæ diametrum definire. Statuitur itaque Diameter Apparens

I N L U N A.				
	<i>In Plen.</i>	<i>& Novil.</i>	<i>Quadraturis.</i>	
	<i>Apogeo.</i>	<i>Perigeo.</i>	<i>Apogeo.</i>	<i>Perigeo.</i>
Ptolemaeum	31 - 20.	35 - 20.	42 - 8.	55 - 0.
Copernicum	30 - 0.	35 - 38.	28 - 45.	36 - 44.
	<i>Conjunctione.</i>			
Tychonem	25 - 36.	28 - 48.		
	<i>Oppositione.</i>			
	32 - 0.	36 - 0.	32 - 32.	36 - 0.
Lansbergium	30 - 0.	35 - 38.		

I N ° S O L E.		
	<i>In Perigæo.</i>	<i>In Apogæo</i>
Ptolemæum	33-20.	31-20.
Copernicum	33-54.	31-40.
Tychonem	32- 0.	30- 0.
Lansbergium	35-58.	33-34.

Juxta

II.
*Vera eorum
juxta eos-
dem Mag-
nitude.*

Ita quidem se habent juxta citatos Astronomos Luminarium Diametri apparentes, ex quibus veram eorum Magnitudinem sequenti ratione collegerunt.

Pto-

L U N A

$$\text{Juxta } \left\{ \begin{array}{l} \text{Ptolemæum} \\ \text{Copernicum} \\ \text{Tychonem} \\ \text{Lansbergium} \end{array} \right\} \text{ minor est Terrâ } \left\{ \begin{array}{l} 40. \\ 43. \\ 42. \\ 45. \end{array} \right\} \text{ vicibus.}$$

S O L

$$\text{Juxta } \left\{ \begin{array}{l} \text{Ptolemæum} \\ \text{Copernicum} \\ \text{Tychonem} \\ \text{Lansbergium} \end{array} \right\} \text{ major est Terrâ } \left\{ \begin{array}{l} 166. \\ 162. \\ 140. \\ 434. \end{array} \right\} \text{ vicibus.}$$

In determinandâ reliquorum Planetarum apparente Diametro Ptolemaici communiter Alphraganum sequuntur, quemadmodum & Lansbergius. Hi autem ipsorum diametros, quando in mediis suis a Terrâ elongationibus observantur, sic definiunt.

III.
Apparens
diameter
Planeta-
rum juxta
Ptolemai-
cos.

$$\begin{array}{l} \text{Diameter} \\ \text{apparens} \end{array} \left\{ \begin{array}{l} \text{Mercurii} \\ \text{Veneris} \\ \text{Martis} \\ \text{Jovis} \\ \text{Saturni} \end{array} \right\} \text{ complectitur } \left\{ \begin{array}{l} 2. \\ 3. \\ 1 \frac{1}{2} \\ 2 \frac{1}{2} \\ 1 \frac{1}{2} \end{array} \right\} \text{ Minuta.}$$

Magnitudinem veram, positis his Diametris apparentibus, Alphraganus effert, ut sequitur:

IV.
Vera eorum
juxta eor-
dem mag-
nitude.

$$\begin{array}{l} \text{Mercurius} \\ \text{Venus} \end{array} \left\{ \begin{array}{l} \text{minores sunt Terrâ} \end{array} \right\} \left\{ \begin{array}{l} 1900. \\ 28. \end{array} \right\} \text{ vicibus.}$$

$$\begin{array}{l} \text{Mars} \\ \text{Jupiter} \\ \text{Saturnus} \end{array} \left\{ \begin{array}{l} \text{majores sunt Terrâ} \end{array} \right\} \left\{ \begin{array}{l} 1 \frac{1}{2} \\ 81. \\ 79 \end{array} \right\} \text{ vicibus.}$$

Ab Alphragano longissimè abijt Lansbergius, juxta quem veræ Magnitudines ita determinantur:

V.
Magnitu-
do juxta

Mer.

Lansbergium.

Mercurius {
 Venus { minores sunt Terrâ } $\left. \begin{matrix} 12. \\ 3\frac{1}{2}. \\ 8. \end{matrix} \right\}$ vicibus.
 Mars {

Jupiter {
 Saturnus { majores sunt Terrâ } $\left. \begin{matrix} 25\frac{1}{2}. \\ 46\frac{1}{2}. \end{matrix} \right\}$ vicibus.

VI.
*Apparens
 diameter
 Planetarum
 juxta
 Tychonem.*

De magnitudine Planetarum præter Solem & Lunam, uti & Affixarum Copernicus nihil determinat. Contrâ Tycho, juxta quem apparentes quinque Planetarum Diametri in mediâ à Tellure distantia tales ponuntur :

Diameter {
 apprens { Mercurii }
 { Veneris }
 { Martis } est minorum {
 { Jovis }
 { Saturni } } $\left. \begin{matrix} 2\frac{1}{2}. \\ 3\frac{1}{2}. \\ 1\frac{1}{2}. \\ 2\frac{1}{2}. \\ 1\frac{1}{2}. \end{matrix} \right\}$

VII.
*Vera juxta
 eundem
 Magnitudo.*

Et vera Magnitudo sequenti ratione :

Mercurius {
 Venus { minores sunt Terrâ } $\left. \begin{matrix} 19 \\ 3\frac{1}{2} \\ 13 \end{matrix} \right\}$ vicibus.
 Mars {
 Jupiter { Terram superant } $\left. \begin{matrix} 14 \\ 22 \end{matrix} \right\}$ vicibus.
 Saturnus {

VIII.
*Apparens
 diameter
 Fixarum
 juxta va-
 rios.*

Apparens Fixarum diameter se habet in Fixis Magnitudinis

Prima, Secunda, Tertia, Quarta, Quinta, Sexta.

Juxta { Albategnium 1-30", cui de Diametro cæterarum Fixarum Silentium.
 { Tychonem 2-0. | 1-30. | 1-5. | 0-45. | 0-30. | 0-20.
 { Lansbergium 1-0. | 0-40. | 0-30. | 0-20. | 0-10. | 0-5.

IX.
*Vera earum
 Magnitudo.*

Hinc resultat Vera earum Magnitudo, quæ juxta Ptolemaicos est hujusmodi :

Fixæ

Fixæ Magnitudinis	I.	superant Terram	107 ¹ .	vicibus.	<i>nitendo juxta Ptolemaicum</i>
	II.		90 ¹ .		
	III.		72 ¹ .		
	IV.		54 ¹ .		
	V.		36 ¹ .		
	VI.		18 ¹ .		

Juxta Tychonem Vera Fixarum Magnitudo talis est.

X.
Juxta Tychonem.

Fixæ Magnitudinis	I.	majores sunt Terrâ	68.	vicibus.
	II.		28 ¹ .	
	III.		11.	
	IV.		3 ¹ .	
	V.		1 ¹ .	
	VI.	minores	3.	

Quando autem Tycho Fixis Primæ magnitudinis dictam magnitudinem attribuit, respicit Fixas mediæ magnitudinis; aliâs existimavit, non repugnare; si quæ in isto ordine sunt omnium maximæ, statuatur Terram excedere certis; & contra quæ minimæ sunt ex eodem ordine, non nisi quadrages quinques.

XI.
Cui Fixæ primæ Honoris paros non sunt.

Hæc Fixarum Magnitudine minimè contentus est Lansbergius; sed eam ad magnum Telluris Orbem sic comparat.

XII.
Juxta Lansbergium.

Fixæ Magnitudinis	I.	vincunt Sphæram, seu magnum Orbem Telluris	67.	vicibus.
	II.		20.	
	III.		8.	
	IV.		2 ¹ .	
	V.	ipso minores sunt	3.	
	VI.		25.	

Complectitur autem ad minimum Sphæra Terræ 1771561000 Terræ Globos, adeoque juxta hujus Astronomi calculum Stella primæ magnitudinis Terram superabit 118694587000 vicibus, quamvis apparentes earum Diametros minores reputaverit, quàm communiter reputantur, uti ex ante dictis evidens est.

XIII.
Magnitudo Sphære Terrestris.

Multum tamen hanc Fixarum, sicut & Planetarum Lansbergii, Præceptoris sui Magnitudinem imminuit Martinus Hortensius, postquam Gassendus non unâ ipsum observatione ad.

XIV.
A Lansbergii magnitudine abit Hortensius.

ne admonuit Stellas errantes & inerrantes interveniente Tubo Optico longè minores deprehendi, quàm quando videntur nudis oculis, propter adscititium & spurium radorum capillitium, quod absque Tubo à genuinâ rei splendidæ & minutæ diametro non licet distinguere. Sed quum jam nimis multa de Stellarum Magnitudine cùm apparente, tùm verâ retulerim, Hypothefin ipsius de utrâque referre superfedeo.

XV.
*Magnitudo
Stellarum
demonstrativa non est.*

Hoc unum addam; quum Tycho, & qui ipsum præcesserunt Astronomi, quæ de Magnitudine apparente Stellarum pronunciârunt, pronunciârint citra subsidium Telescopii, minus fida esse; quæ docent de verâ ipsarum Magnitudine. Quin quæcunque de quantitate Stellarum à quocunque Astronomo inculcantur, minimè habenda sunt pro Mathematicâ certitudine, ut vel ex solâ sententiarum diversitate apertissimum est.

C A P U T XLVIII.

*Systema Mundi Ptolemaicum. Naturæ non
satisfacit.*

I.
*Systema
Mundi
Ptolemaicum.*

VIsis Stellarum Distantiâ, & Magnitudine, progrediamur ad Mundi Hypotheses, seu Systemata, quæ excogitârunt Astronomi, ut earum Apparentiis satisfacerent. Hoc autem dupliciter tentatum est, vel per Terram quiescentem & motum Cœlestium, vel per horum quietem, & Terræ motum. Pro Terræ quiete, & motu Cœlestium steterunt imprimis Aristoteles, Claudius Ptolemæus, & innumeri Astronomi istius non tantum ætatis, sed & succedentium Sæculorum, ut inveteratissima sit hæc opinio. Quin Ptolemæus super eam fundavit suum Mundi Systema, quod, quia evasit celeberrimum, à plurimis receptum est, ipsiusque mentio sæpe injicitur, opere pretium est paucis exponere.

II.
Locat Terram in centro Universi.

Et statuit quidem hoc Systema Globum Terra-aqueum in centro hujus Universi; quod Ptolemaicis vel ex oculorum judicio videtur patere, invariabiliter edocentium partem Cœli nobis conspicuam integrum existere Hemispharium, in quo
& sex

& sex Signa Zodiaci indefinenter sese offerunt. Nedum Eclipses Lunę nonnisi in Oppositione cum Sole evenire, quę aliās extra eam contingerent.

Neque tantum ordinat Globum Terra-aqueum in centro, verum etiam ibidem figit. Quia ponderosissima ipsius moles ascensum videtur præpedire, & motus circa proprium axem à nullo mortalium observatur; quin quę Terrę connexa non sunt, tantum abest, ut dissipentur, ut ne minimus in iis tremor appareat. His adde, quod Ventus, & Meteora, & Aves ex omnibus Plagis ferantur sine discrimine; gravia ad perpendiculum descendant; scopi quicunque in terrā erecti indifferenter feriri possint; animalia incedant pari gressus facilitate, seu cursum versus ortum, seu contrā instituant. Tandem nec probabile autumant, Terram circa alienum centrum moveri; tum propter ea, quę & hoc & proximè præcedente Paragrapho adducta sunt; tum quia in altitudine Poli nulla observatur varietas; & Fixę, quę semel eodem in loco sunt verticales, semper sunt verticales; neque apparentem suam magnitudinem ullatenus immutant.

III.

*Cum omni-
modā quie-
te.*

Proximum locum à centro tenet Aër, in tres Regiones distinctus, quarum infima Terram ambit, uti suprema attingit Sphæram Ignis, quę idcirco ex Regionibus calidissima reputatur. Proximè supra Aërem occurrit Orbis Igneus, ad concavum, ut vocant, Lunę se extendens, purus, nec lucens, cujus crassities ponitur leucarum plusquam septuaginta milium. Atque ita tota Machina elementaris absolvitur.

IV.

*Supra Ter-
ram est Aër
& Ignis;*

Hanc excipiunt Orbes seu Sphærę Coelestes ex materiā durā, densā, & impenetrabili compositæ, quarum infima est Sphæra, seu Orbis Lunę; dictus aliās primum Cælum. Hujus concava, & perlævigata superficies à contiguo Ignē Elementari lambitur, sed impunè. Cælum Primum immediatè complectitur Cælum Secundum, sive Orbis Mercurii, hic Veneris, supra quem occurrit Cælum IV, seu Orbis Solis, inter Cælos Planetarum inferiorum, superiorumque medium, omniumque Director. Sequuntur tandem ex ordine Orbis Martis, Jovis, Saturni, supra quem unicum est pro Stellis Inerrantibus, qui idcirco Aplanes & Firmamentum, seu Cælum VIII appellatur.

V.

*Item VIII
Orbes soli-
di pro Stel-
lis.*

VI.
Nec non
Orbis IX.

His Octo Orbibus tota Mundi moles constitit non tantum tempore Aristotelis, sed etiam sequentium Seculorum usque ad Hipparchum, & Ptolemæum; quia in Fixis præter motum diurnum alius notatus non fuerat, atque idem Cælum Octavum habitum fuit pro ultimo, seu primo Mobili. Postquam verò lentissimus ille motus Fixarum in consequentia observatus est, tunc additum est prioribus Cælum Nonum, quod vice primi Mobilis defungeretur, & Firmamento proprius motus Fixarum attributus est.

VII.
Tandem
Orbis X,
XI, & XII.


Porro simul atque Motus Imperfecti, seu Trepidationis, de quibus supra, in Fixis deprehensi sunt, natum est Cælum Decimum, pro primo Mobili, & Nono assignatus est motus Fixarum in longitudinem, ac Octavo Motus Trepidationis. Quin postmodum ex Cælo Nono alii duos fabricati sunt, ac constituerunt Cælum Undecimum pro primo Mobili, & Cælo Octavo adscriptus est motus in longitudinem, ac Nono motus imperfectus ab occasu in ortum, & contrà, denique Decimo alter motus imperfectus à boreâ in austrum, & ab austro in boream. Sed & hæc supra attigimus. Cæterum Cælum Nonum & Decimum, quia Stellis carent, & peculiari ratione sunt pellucidi, Cæli Crystallini nuncupantur, & quod supremum est ex Cælis mobilibus, Cælum ultimum, extremum, Primum Mobile. Tandem supra hos Cælos Theologi locant Cælum Duodecimum, immobile, expers Sideribus, Mentium beatarum Domicilium, & venit vulgò nomine Cæli Empyreï. Verum cum Natura hoc ignoret, silentio illud præterimus.

VIII.
Typus Sy-
stemæ
Ptolemæici.

Quò autem hic Cælorum ordo clariùs, distinctiùsque intelligatur, sequentem Typum subjungimus, juxta cum memoriali hoc Disticho:

*Cynthia, Mercurius, Venus, & Sol, Mars, Jove, Saturnus,
Firmamen, duo Crystalli, Primum, Empyreumque.*

Quem-



Quemadmodum verò Motus communis & proprius Stellarum per Orbes hosce peragatur, supra tradidimus, Ipsum
 Cc 3

IX.
 Apparen-
 tium non so-
 ordi-
 tus facit.

ordinem, & soliditatem orbium quod attinet, refutantur à Mercurio, Venere, Marte, modò infra, modò supra Solem existentibus. Ne dicam de Phasibus Veneris, quæ stante hoc Systemate exponi non possunt; de vagis Cometarum supralunarium motibus; de multiplici refractione, quam radii Stellarum ante appulsus suum in Terram deberent perpeti; de summâ orbium multiplicatione, & distributione inconcinna, quibus Doctrina Theorica impeditissima redditur, & inextricabilis propemodum Labyrinthus. Sileo Stellarum phænomena absque hoc apparatu, & longè simplicius salvari posse. Propter hæc, similiæque incommoda Systema hoc hodiè vulgò rejicitur.

CAPUT XLIX.

Systema Mundi Copernicanum.

I.
Systema Copernicanum.

Viso Systemate Ptolemaico, expendendum occurrit Systema Nicolai Copernici, Toruno Borussi, & Canonici Varmienfis, qui Sæculo proximè elapso floruit. Occasio concinnandi novi Systematis ipsi nata est ex farragine hypotheseôn, quâ delineatum modò Systema obserbavat scaterere, nec videbat, Quo pacto concinnius adornaret, nisi cum quibusdam Pythagoreis Terram è centro Universi ablegaret, hoc modo Soli corporum nobilissimo lotum ibidem paraturus.

II.
Habet Solem in centro;

Itaque juxta Copernicum Sol centrum est Mundi Adspectabilis, neque ex hoc loco unquam egreditur; quamvis tamen Copernici contendant, detectis subsidio Telescopii Maculis Solaribus, ipsum circa proprium axem intra mensis curriculum circumrotari. Quin addunt, hanc Solis circumrotationem per radios ab ipso emissos proprios Planetarum motus moderari.

III.
Supra & circa quem volutantur Planetae.

Supra Solem Planetae occurrunt, quorum Periodi circa centrum ipsius peraguntur, non per solidos Orbes, sed fluidissima Cœli spatia, & quidem hoc ordine. Proximè Solem locatur Mercurius, hunc excipit Venus, Venerem Terra, circa quam Luna, individuus ipsius comes, se revolvit. Hinc tan-

tantum spatii inter Venerem & Martem, qui ex Planetis superioribus Terræ proximus est, constituitur, ut & motus Terræ, & Comitis, citra impedimentum possit institui. Supra Martem volvitur Jovis, supra Jovem tandem Saturnus, isto intervallo à se mutuo remoti, quod sufficiat, ut utriusque Satellites, tanquam totidem Lunulæ liberè circa ipsorum corpora suos motus conficiant.


Supra Planetas Fixæ ponuntur, remotæ non tantum à Sole, sed supremo Planetâ per spatium penè immensum. Nam Cælum, seu Magnus Orbis, quem Terra circa Solem motu suo delincat, & cujus semidiameter distantiam inter Solem & Terram complectitur, non nisi punctum reputatur, cum spatiosissimâ Fixarum regione comparatus. Hæc ad sensum rotunda est, qualiter verò à parte sui se habeat, difficile est determinatu, quia varietas in apparente magnitudine Fixarum tam derivari potest ex majore, aut minore ipsarum à nostro visu distantia, quàm inæquali magnitudine. Cæterum Fixæ juxta Copernicum prorsus quiescunt.

IV.
Fixæ à Saturno longissimè absunt, immota.

Sic quidem se habet ordo Cælorum ex mente celeberrimi hujus Astronomi; quem ut distinctius nobis imaginemur, proximâ Paginâ ejus Typum exprimimus, in quo videre licet, Solem, juxta traditam modò delineationem, in centro omnium Circulorum quiescere, & proximè eum occurrere ex ordine Circulos Mercurii, Veneris, Terræ, seu Magnum Orbem cum Epicyclo Lunari, Martis, Jovis, Saturni cum Epicyclis, quos circa hos ipsorum Satellites perficiunt, tandem Firmamentum quiescens uno Circulo representatum. Interim ob chartæ angustiam est, quod amplius interstitium relictum non sit inter Epicyclum Lunæ, & Circulos Martis ac Veneris, nec non inter extimos Epicyclos Satellitum Jovis & Saturni, imprimis inter Circulum Saturni ac Firmamentum, seu Reginem Fixarum; quare uti illa spatia, sic hoc præsertim imaginatione amplianda sunt, quippe in quo hujus Syttematis Autori, & Fautoribus propemodum prora & puppis constituitur.

V.
Typus Syttematis Copernici cum notatione.

Quem



VL. Quem autem motum Copernicus Planetis, & inter eos
 Motus Ter- Terræ attribuat, distinctius imprimis exponendum est. Et
 ra diurnus primò

primò quidem statuit, Terram circa proprium axem spatio xxiv Horarum circumverti, peragendo suam Periodum ex occasu in ortum; atque hinc Stellæ errantes, & inerrantes, ac si quæ Novæ appareant, videbuntur Terricolis ex ortu in occasum diutim contendere. Adcò ut juxta hanc Hypothesin necessum non sit cogitare de primo Mobili, quod Stellas quotidie circumagat, aut admittere in iis tantam rapiditatem motus, quæ non tantum distinctam imaginationem, sed & omnem planè captum exsuperat.

Præter hunc Motum, etiam Annuum ipsi largitur, quò se circa Solem circumfert, progrediendo per Eclipticam juxta successionem Signorum intra hoc temporis interstitium, quod Solem, si moveretur, ad proprium motum absolvendum desiderare superiùs annotavimus. Nempe dum Terra indies circa suum axem se volvit, interea centrum ipsius per gradum circiter in consequentia provehetur: non aliter ac centrum turbinis supra planum in orbem acti juxta longitudinem ipsius tardè procedit, dum interim ipse turbo non cessat gyros suos multiplicare.

Hinc fiet, ut, quando Arietem Terra ingreditur, Sol in principio Libræ Terricolis appareat; & quando, confecto Ariete, Taurum subit, Sol videatur ex opposito Scorpium intrare, & sic deinceps: adcò ut proprius motus Solis verè nullus sit, sed solùm apparens, & contrà motus Terræ per Eclipticam apparenter nullus, quum tamen eam verè pertranscat.

Ex supposito hoc Terræ Motu omnis Epicyclorum apparatus aboletur, item quicquid Stationis, Retrogradationis, Directionis in Systemate Ptolemæi fingitur. Nam quisque Planeta constanter in suo motu procedit eodem tenore, & in eandem Plagam; apparet verò Terricolis modò stare, dein retrogredi, aut directus esse, quia Terra annuo hoc motu alium, aliumque situm nanciscitur in ordine ad eundem Planetam.

Tandem & tertium Terræ Motum invexit Copernicus, qui tamen non tam novus motus est, quàm motus annui certa modificatio. Dicitur Motus Inclinationis, estque nihil aliud, quàm deflexio axis Terrestris à parallelismo cum

D d

axe

solis diurnum Stellarum.

VII.
Motus Terræ Annuus.

VIII.
Qui Soli apparenter convenit.

IX.
Tollit Epicyclos.

X.
Tertius Terra Motus;

axe Eclipticæ, & perennis ejus perseverantia in tali situ; propter quem indefinenter parallelus manet axi Mundano, in quocunque gradu Eclipticæ Terra commoretur, atque hinc etiam Æquator Terrestris cum Æquatore Cœlesti parallelissimum observat.

XI.
*Is variat
anni Tem-
pestates;*

Inservit hic Motus, seu invariata axis Terrestris positura vicissitudini dierum, & noctium, item æstatis ac hyemis. Si enim Terra sic transiret Eclipticam, ut axis ipsius fieret axi Eclipticæ parallelus, atque Æquator terrestris exquisitissimè coincideret in planum Eclipticæ, perpetuum ubique contingeret Æquinoctium; & Sol rectè invariabiliter immineret inhabitantibus Æquatorem Terrestrum, in eorum Meridiano constitutus, & qui ab Æquatore versus alterutrum Polorum declinarent, experirentur suam Meridianam Solis altitudinem nullum incrementum aut decrementum subire. Tandem si qui habitarent in Polis, & si fieri posset, absque omni Atmosphærâ, nec plus, nec minus, quàm dimidium Solem observarent, in Horizonte ipsorum obambularent. Verum nunc secus accidit, quia, ut dictum, axis Terrestris non cum axe Eclipticæ, sed mundano parallelissimum observat.

XII.
*Et salvat
multa Pha-
nomena.*

Etiâ ex hoc Motu derivant, quòd altitudo Poli in quocunque Terræ loco semper eadem deprehendatur; quòd eadem Stellæ semper verticales sint; quòd sub eâdem magnitudine sese offerant; & quòd Fixæ progredi videantur in consequentia, seu fiat Æquinoctiorum Anticipatio.

XIII.
*Motus alio-
rum Plane-
tarum.*

Sic quidem sentit Copernicus de Terræ Motu. Quod atinet ad Mercurium, Venerem, Martem, Jovem, Saturnum, illi tantùm ab occasu in ortum simplice motu promoventur, & Circulos suos circa Solem intra tempus superius expressum perambulant. Luna (sic etiam res se habet in Satellitibus Jovis & Saturni) spatio menstruo circa Terram movetur, & unâ cum ipsâ spatio annuo circa Solem.

C A P U T L.

Systema Copernicanum Natura nec destruit efficaciter, nec adstruit. Contra Illud determinat S. Pagina.

ATque ita habemus delineationem Copernicani & pariter Cartesiani (nam hoc à priori vix quicquam differt) Systematis; quod quidem Copernicus putavit propter simplicitatem, claritatem, sufficientiam, & facilitatem in solvendis quibuscumque Apparentiis, rationi convenientissimum, nec sensibus ullâ parte, quicquid inveteratum præjudicium obloquatur, adversum existere. Nam si oculus feratur in ortum, & Coelum quiescat, si oculus feratur in occasum, & oculus quiescat, idem erit Phænomenum. Nec mirum, quòd semper integrum Hemisphaerium observetur, quum Orbis Terrestris ad Orbem Fixarum ad instar puncti evanescat. Similiter ad alias difficultates ejusdem naturæ respondet Copernicus.

I.
*Judicium
Copernici
de suo Sy-
stema.*

Porro si objiciant Ptolemaici, Terram propter maximam gravitatem ineptam esse ad motum, regetur, quòd gravitas non Terræ, sed partibus ejus competat; neque magis implicet, Terram moveri, quàm Saturnum, aut Jovem, aut alium quem ex Planetis. Si inquam, partes, quæ Terræ fortiter connexæ non sunt, in hac circumrotatione abituræ à centro sui motus, reponunt Copernicani, motum Terræ æquabilem esse & placidum, partes ipsius graves, & Terram cum aëre, cui innatat, circumagi.

II.
*Gravitas
Terræ, aut
conspicitur
partium
juxta ip-
sum non
obest ipsius
motui:*

Si Ptolemaici urgeant, cum motu Terræ stare non possit descensum perpendicularem gravium, diversissimos Meteororum motus, & quæ plura id genus; respondent non plus difficultatis hic occurrere, quàm si navi æquabiliter in hanc aut illam plagam tendente, aliquis, qui ei inclusus est, pilam perpendiculariter demittat, aut in hanc, aut istam partem determinet. Nam motus, qui navi, homini, pilæ, aëri communis est, proprio nil præjudicat.

III.
*Nec gra-
vium de-
scensus, aut
varius Me-
teorum
motus:*

Si requirant Ptolemaici, quòd conceptibile sit, fluidissimum aërem

IV.
Nec aëri

*quies, quin
motus ejus
sub Æqua-
tore motum
Terra ad-
feruit:*

aërem, & qui nullis asseribus, aut repagulis coercetur, assequi posse rapidissimum motum, quo Æquator, & loca ei propinqua revolvuntur, replicant, se concedere, necessum esse, ut ibidem locorum Terra velociore motu feratur, & aer, quia segnior est, in oppositum, & hoc ipsum perpetuâ Navtarum experientiâ comprobari, adeoque non parum roboris suæ Hypothesi de Terræ motu vel hinc accedere. Quod autem ille Ventus ad majorem ab Æquatore distantiam non observetur, mirum non esse, quum Terram segniùs convolutam aer proximus facile assequatur.

V.
*Nec Sol
Apogæus,
aut variis
ejus Aspe-
ctus cum
Planeta:*

Si dicunt, nullus non Astronomorum statuit Solem Apogæum esse, & Perigæum, ac Lunam, nec non superiores Planetas diversimodè aspicere. Respondent hæc nomina ex vulgari Hypothesi retineri ob apparentiam, nec ultrà admitti, aliàs accuratiùs Terram dici Apheliam, & Periheliam, pro ut in variis partibus suæ Ellipseos, quam circa Solem describit, commoratur. Neque aliter comparatum esse cum Aspectibus, five enim Planetæ ad Solem accedant, aut ab eo secedant, five ipse Sol hanc varietatem motu suo inducat, apparentia debet esse uniusmodi.

VI.
*Nec Sys-
tematis am-
plitudo.*

Tandem si objiciant Copernicanis magnitudinem sui Systematis tantum non immensam, dum magnum Terræ Orbem pro puncto reputant, quando cum amplitudine Orbis Fixarum comparatur, subjiciant hanc magnitudinem desiderare Phænomena, neque in eâ contradictionem occurrere, quin gloriam summi Opificis in tanti operis cum productione, tum manutentioniâ uberius illustrari.

VII.
*Difficulta-
tes Ptole-
maica, apo-
dixes non
sunt:*

Sic quidem videmus, quomodo Copernicus, & qui ejus Systema amplexantur, quorum numerus exiguus non est, se contra Ptolemaicorum objectiones defendant. Et fateor magnam partem harum objectionum, licet alia aliis majorem speciem veri præ se ferant, apodixes non esse, ex quibus certò & infallibiliter colligere liceat, Terra quiescit, Sol movetur.

VIII.
*Nec ratio-
nes Coperni-
cana.
Velocitas*

Sed neque Copernicus, nec ejus Asseræ demonstrativè docere possunt sui Systematis necessitatem, sed ad summum concludere ejusdem sufficientiam in explicandis Stellarum affectionibus. Quod enim attinet ad argumentum de velocitate Stellarum.

larum Errantium, & Inerrantium, positâ terræ quiete, perquam debile est, cum celeritas alicujus corporis juxtâ cum magnitudine indefinenter possit increfcere; ut parum in hoc capite Mathematicum se ostendat Lansbergius, qui illud pro infallibili & demonstrativo venditat, etsi suum Systema immane constituit. Prudentiùs multi ex Copernicanis illud desinunt urgere, quin palam ejus imbecillitatem profitentur.

Stellarum non repugnat.

Neque felicius putem eos argumentari, qui Terram, quia nullis columnis suffulta est, nullisque funibus appensa, sed circumquaque fluidissimo tantum Cœlo cincta, necessariò cum fluido deferri debere colligunt. Sed undeliquet, fluidum, cui Terra innatat, in orbem determinatum esse istâ rapiditate motus, quæ ad hunc effectum sufficiat. Nedum hos Autores contendere, motum & quietem juxtâ positivum existere, & inter se rationem habere; unde evidentissimum est, Terram in ambiente fluido, licet in circulum revolvatur, posse quiescere, neque torrente ejus abripi. Cætera, quæ pro Terræ motu adferuntur, rhetoricationem magis, quam solidam demonstrationem sapiunt.

IX.

Nec Terra, quia locatur in fluido, moveri debet.

Itaque si meram Naturam spectamus, adèò promptum non est determinatu, utrum Sol moveatur, an Terra. Verum qui reverentiâ ducitur erga Sacrorum Oraculorum axiopiſtiam, is videt Systema Copernicanum ab iis prorsus confodi; quum de motu Cœlorum, atque imprimis Solis tam apertè, emphaticè, constanter loquantur, ut magis non possint. Hinc factum, ut congregatio Cardinalium inquisitioni præfectorum sententiam Galilæi de Motu Terræ, in Dialogo de Mundi Systemate propugnatam, damnavcrit, & ipsum ejus Autorem, vellet, nollet, in palinodiam.

X.

Motus Solis in Scripturâ constanter docetur.

Interim Copernicani nullum non movent lapidem, ut hunc Sacræ Scripturæ ictum declinent. Inquiunt Scopum ejus esse crudire hominem ad salutem, non instruere in Phisicis, aut Mathematicis, ideoque de hisce rebus differere, non Philosophico acumine, sed vulgariter, & ad plebis imperitæ captum, quin erronea ejus præjudicia; proindeque Sanctam Paginam parum curare, utrum Sol verè moveatur, an quiescat, sed ipsi sufficere, si rem enarret, pro ut in sensus sese ingerit.

XI.

Copernicanorum effugia.

XII.
Vana, no-
xia.

Verum minimè firma est hæc exceptio; nam media fini non repugnant, sed subserviunt. Et licet intimam rerum naturam sæpè non pandat, quæ tamen de iis effert, imprimis in controversâ materiâ, intelligi non possunt de nudâ apparentiâ; contradicente huic Interpretationi vi vocum, contextu, locorum parallelismo, nec ullâ ratione eam imperante, quin nec suadente, præter amorem Hypothescos. Et quod iniquant Copernicani, S. Scripturam loqui in Naturalibus secundum erronea plebis præjudicia, probabunt, quando probabunt, Divinam non esse. Adde, si locum teneat hæc exceptio, concidere universam ipsius Autoritatem, verti in regulam Lesbiam, & Philosophiam de facto statui summum, & infallibilem ejus Interpretem.

C A P U T L I.

*Systema Mundi Tychonicum Revelationi, &
Naturæ satisfacit.*

I.
Ocasio Sys-
tematis
Tychonici.

Quemadmodum igitur Systema Ptolemaicum rectè rejicitur, quia Phænomenis non satisfacit, sic non minori jure rejicendum est Copernicanum, & habendum pro merâ Hypothesi, quum in Revelationem arictet. Atque hæc imprimis (ut fileam distantiam prope immensam, quam requirit Copernicus inter Saturnum, & regionem Fixarum) magnum Astronomum Tychonem Braheum movit ad novum excogitandum Systema, quod & Sacris consentiat, & salvet Naturam. Id autem quo modo se habeat, operæ pretium est exponere.

II.
Ejus Dis-
positio.


Statuit igitur Tycho, Terram in centro Universi quiescere, ac circa ipsam, tanquam centrum commune Stellaras errantes, & incerrantes motu quotidiano circumagi; tanquam verò proprium revolvi Lunam motu menstruo, in maximâ viciniâ, Solem motu annuo in remotiore, & Firmamentum seu Regionem Fixarum, quæ pars Mundi Aspectabilis extrema est, post expletam amplissimam annorum periodum, de quâ antea. Porro circa Solem, ut suum centrum volvuntur quinque Planetæ. Mercurius quidem, qui Soli proximus est, & quem

Venus

Venus excipit, hoc modo, ut Circuli, quos circa Solem describunt, & non incommode ejus Epicyclos dixeris, nunquam terram intercipient. Secus accidit in Marte, Jove, Saturno, inter quos & Solem Terra quandoque intercipitur, quod quando Marti contingit, Terræ ipso Sole vicinior deprehenditur.

Quod autem hic Situs clarius, distinctiusque apprehendatur, operæ pretium est sequentem Typum subjicere.

III.
Schemate
illustratur.



IV.
In Coperni-
canum sa-
gile veri
potest.

Qui hunc Typum cum Typo Systematis Copernicani paulò ante expresso diligenter contulerit, facillè sibi persuadebit, Copernicum Tychoni ansam dedisse concinnandi sui Systematis. Nam si vice Circuli, qui in hoc Typo per Solem ducitur, ducatur alter ex centro Solis per Terræ centrum, uti hic factum est in punctis, atque regio Fixarum concipiatur in tantum ascendere, donec à centro Solis undique æquisinteritiis removeretur, Systema Tychonicum sic alteratum cum situ Systematis Copernicani prorsus coincidet.

V.
Causa Mo-
tus Primi,
& modus
Secundi.

Quod ad Motum attinet Sellarum juxta mentem Tychonis, Luna, Sol & Affixæ quotidie moventur in occasum inditâ sibi virtute; quinque autem Errantes influxu Solari, qui ipsis sit vice Primi Mobilis. Quod attinet ad Motum secundum tùm Fixarum, tùm Errantium, cenfet, eum non nisi defectum esse, pro ut superiùs explicuimus, & simplicem tantùm motum iis competere, qui per liberrima, fluidissimaque Cœli spatia instituitur.

VI.
Sufficit
Phænomena,
vel
esse Cartesio.

Cæterùm Phænomena Stellarum ex hoc Systemate facile intelliguntur; nempe quo pacto Mercurius & Venus perpetui esse possint Solis Satellites; Mars, Jupiter, Saturnus ipsi interdum opponantur, & tunc solito grandiores compareant; item salvari possint Stationes, & Retrogradationes Planetarum absque Epicyclorum apparatu, & quæ plura id genus. Hanc Systematis Tychonici iussicientiam prædicat ipse Cartesius, etsi fautor non solum, sed & strenuus Athleta pro Hypothesi de motu Telluris. Sic loquitur parte tertiâ Princip. §. XVII. *Hypotheses Copernici & Tychonis, quatenus sunt tantum Hypotheses, eodem modo Phænomenis satisfaciunt, & non magna inter ipsas differentia est, nisi quod illa Copernici aliquantò simplicior sit, & clarior.*

VII.
Objecla
hunc Syste-
matis diffi-
cultates.

Difficultates, quas Copernicani contra novum hoc Systema objiciunt, nullius sunt ponderis. Ut transcam, quæ huic cum Ptolemaico Systemate communes sunt, & quarum solutio ex superioribus haurienda est, ajunt nihil esse hoc Systemate perturbatius; Orbes Planetarum, ut solent arancarum relæ, sibi invicem implicari, rapi Planetas quotidie per Solis virtutem circa centrum alienum, Sphæram Martis à Sphærà Veneris adedò elongari per spatium omninò expers Sideribus,

bus, & nihilominus Sphæram Solis intercidere, quinque Errantes, dum suos motus conficiunt, tam inæqualiter abesse a regione Fixarum, & tandem hoc Systema angustum nimis existere.

Verum quid si intricatius videatur Systema, & captui aliquantò sit difficilior, ideòne verum esse desineret? Pro argumento divinæ omnipotentiae Copernicani reputant vastam inter Saturnum & Fixas intercapedinem, quid ni pariter iniquiant Tyconici, Systema si videatur confusus, eò magis sapientiam, & potentiam Conditoris extollere? Sed neque hic ulla confusio, dum contractis Tychoni solidis Orbibus, & exturbatis ex Æthere, Planetæ suas Periodos instituunt per fluidissima Cœli spatia, neque, dum centrum sui motus observant, quantumvis orbitam Solis interfecerint, in se invicem possunt irruere. Quin si hæc intersectio tollat Systema Tyconicum, suum salvent Copernicani, quando statuunt Lunam circa Terram indefinenter rotari, & Satellites Jovis, ac Saturni circa suos Planetas.

Et quæ difficultas in eo, quod Planetæ indies circa alienum centrum circumagantur, utique hoc non implicare puerorum turbo docere potest. Adde quòd eadem difficultate premantur Copernicani, ut ex Luna & Satellitibus, de quibus statim, apertissimum est. Spatium inter Martem & Venerem finitum existit, neque ubique in Æthere locantur Stellæ, & intersectionem, quam patitur Circulus Solis à Circulo Martis, impertant hujus Phænomena. Nihil etiam est, quod jubeat inter sphæras Planetarum & Firmamenti parallelismum, quem nec Copernicani possunt requirere.

Neque vitio vertendum Tychoni, quòd suum Systema adeò constringat. Nam amplius non exposcunt Apparentiæ, & determinata Fixarum distantia ignoratur, nec sui Systematis amplitudinem adstruere possunt Copernicani. Quin quòd non satis tutum existat proponere Systema indefinitum; quum ex indefinito ad infinitum facilem dari transitum vel hodierna experientia plus satis evincat; ut reverà non sit de nihilo, quòd etiam hoc nomine Systema Copernicanum Tycho abjecerit. Quum igitur Systemati Tyconico Natura non contradicat, & illud confirmet Revelatio, æquissimum est, ut ceteris praeferatur, quum Christianum dedecet Revelationem, ubi ratio fileat, contemnere.

E c

C O

VIII.

Non firmitas
argu-
mentum à
confusione;

IX.

Aut motu
Planeta-
rum circa
alienum
centrum
&c.

X.

Aut Syste-
matis an-
gustia.

C O R O N I S

D E

S O L A R I I S.

C A P U T I.

Solarium Horizontale.

I.
*Coronis de
quibusdam
Solaris.*



Brumpendum jam esset hujus Astronomiæ filium, sed quandoquidem in eâ de usu Globi Cœlestis permulta diximus, neque hic usus ejus omninò prætermittendus videtur, quem præstare potest in parandis Sciathericis, seu Solaribus Horologiis, quia simplex & apertus est, & mixtus multâ dulcedine. Ac licet Mathematicæ accuracionis confecta per Globum Horologia non existant, usui tamen, si uti oportet, fabricantur, sufficiunt. Itaque Coronidis loco, & dum superius non licuit, attingere lubet ex Solaris, quæ in superficiebus fixis, & planis describuntur, Horizontale, & Verticalia Directa, quæ ex cæteris communissima, facillimæque sunt, & quorum notitiam reliqua ferè desiderant; quibus tandem Meridiana subjungemus, alia, quæ Instituti ratio non patitur, omitti.

II.
*Solarium
Horizon-
tale.*

Solarium Horizontale plano inscribi debet, quod nullum angulum cum Horizonte efformat, sed ipsi prorsus parallelum est, & Zenith directè aspicit. Utque istiusmodi Solarium paratur, in plano, in quo delineandum est, ducere oportet Circulum majorem, minoremve pro lubitu, & per eum traducatur diameter, & supra hanc è centro excutetur radius perpendicularis. Hic in Septentrionem directus referet Horam duodecimam, uti extremitas diametri, quæ ad sinistram, sive occasum est, Horam sextam matutinam, & quæ ad dextram, sive ortum, sextam vespertinam.

Ut

Ut cæteræ Horæ inveniantur, necessum est, ut quatuor quadrantes Circuli secentur in gradus nonaginta, & quilibet in semissem; vel quia hoc laboriosius est, uti licet sequente compendio. Ex ære paratur Semicirculus, qui in gradus centum & octuaginta, ac quisque ex iis bifariam, exquisitè dividatur, & quando Solarium adornandum est, in plano describatur Circulus ad intervallum, quod inter centrum Semicirculi ænei, & ejusdem peripheriam intercedit; tunc si ope Globi liqueat, per quot gradus linea Horæ undecimæ, decimæ &c. à lineâ Horæ duodecimæ debeat separari, tantum ope Circini sumatur in Semicirculo inventa intercapedo graduum, dein alter ipse pes applicetur ad punctum peripheriæ, quod linea Horæ duodecimæ in eâ assignat, & alter, quousque licet, extendatur, ac arcus inter utrumque pedem interceptus desideratam dabit intercapedinem pro Horis propositis in Circulo, qui plano inscriptus est.

III.
Ufus Semicirculi ænei in divisione Circuli, æqualis eum eo radii;

Nec solum ope ænei Semicirculi Circulus, qui ad æquale cum ipso intervallum descriptus est, in gradus facile subdividitur, sed & quivis alius. Nam si ex centro Semicirculi ænei in chartâ collocati, ducatur alter Semicirculus in eadem chartâ, cujus radius congruat radio Circuli, qui in plano Solarii descriptus est, tunc immoto Semicirculo æneo, & præcognito arcu graduum inter horam, & horam, linea materialis centro Semicirculi ænei applicetur, & traducta per observatum gradum peripheriæ, etiam Semicirculum in chartâ delineatum interfecet, & arcus, quem punctum intersectionis ex Semicirculo in chartâ delineato abscindit, tot gradus graduumque fragmenta continebit, quot arcus Semicirculi ænei. Quæ de hoc Semicirculo æneo hoc & præcedente Paragrapho dicta sunt, distinctius intelligentur, collatâ Figurâ, quam ad Par. 11 Capitis sequentis adjecimus.

IV.
Et in aqua.

Cognito hujus Semicirculi usu, Globus Cælestis adhibendus est, ex quo cæteræ Horæ sequenti ratione hauriuntur. Polus Globi elevetur pro ratione loci, in quo erigendum est Horologium, tum alter Colurorum adjungendus est Meridiano, & Index Cycli Horarii duodecimæ; hinc Globus volvatur in occasum, donec Index primam pomeridianam assignet, seu quindecim Æquatoris gradus Meridianum per-

V.
Modus inveniendi per Globum Horam x1 &c. 15

transierint, & Globo in hoc situ servato, arcus Horizontis inter Meridianum & Colurum conclusus complectitur gradus, quos numerare oportet in circulo Horologii à lineâ Horæ duodecimæ seu plagâ Septentrionali versus occasum pro notâ Horæ undecimæ antemeridianæ, & versus ortum pro notâ primæ pomeridianæ.

VI.
Nec non
reliquas.

Post hæc Globus denuò provolvatur per gradus xv, aut Index ad lineam Horæ secundæ, & gradus, quos deprehendetur Colurus de novo ex Horizonte abscindere, iterum à Septentrione versus utramque plagam numerentur pro notis Horæ decimæ antemeridianæ & secundæ pomeridianæ. Similiter inveniuntur notæ pro Horis nonâ, & tertiâ, octavâ & quartâ, septimâ & quintâ ante & pomeridianis. Notæ pro Horâ sextâ matutinâ, & vespertinâ jam superius signatæ sunt, neque aliter inveniuntur, quæ sextam matutinam antecedunt, aut sextam vespertinam consequuntur.

VII.
Quadam
Hora sine
Globo inno-
tescunt.

Quin si in Circulo Horologii notæ pro Horis, quæ inter sextam matutinam & vespertinam intercedunt, repertæ sint, pro cæteris vel sine Globi adjumento notæ faciliè cognoscuntur; nam quantum à notâ horæ sextæ matutinæ abest nota septimæ, & octavæ antemeridianæ, tantum à notâ sextæ vespertinæ abest nota septimæ & octavæ pomeridianæ. Item quantum à notâ sextæ matutinæ abest nota quintæ, & quartæ matutinæ, tantum abest à notâ sextæ vespertinæ nota horæ quintæ, & quartæ pomeridianæ, atque ita in cæteris. Postquam verò in Circulo Horologii notæ pro omnibus Horis expressæ sunt, ex ejus centro ad hæc notata Peripheriæ puncta rectæ ducantur, quæ lineæ erunt Horariæ.

C A P U T II.

Ratio Indicis, & Plani debite disponendi.


I.
Ratio pa-
randi In-
dici;

Confecto huc usque Horologio, de Indice ejus cogitandum, qui sic centro insigi debet, ut cum lineâ Meridianâ angulum componat, qui ad amussim elevationi Poli adæquatur. Utrum verò hic angulus justæ sit magnitudinis, ex applicito Semicirculo Æneo, de quo statim, illicò licet resciscere.

sciscere. Aliàs à peripheriæ puncto, quod attingit linea Horæ duodecimæ, numerentur versus ortum, aut occasum gradus, & fragmenta elevationis Poli, terminoque numerationis notato, hinc in centrum ducatur recta, & ex eodem puncto altera perpendiculariter in lineam Horæ duodecimæ, hujusmodi Trigonus ex ære, aut aliâ materiâ paratus, & supra lineam duodecimæ rectâ erectus, genuinum dabit hujus Horologii Indicem, cujus inclinata superficies, Horologio ritè disposito, cum axe Mundi coincidat.

Ut autem Horologium ritè disponatur, primò examinandum, utrum superficies, cui imponitur, Horizonti verè parallela sit. Hunc in finem conficienda est ex ære, aut ligno Figura alterâ parte longior, cui Semicirculus sic inscribatur, ut linea longitudinis in hoc instrumento sit diameter semicirculi; dein radius hunc in duos quadrantes distribuat, & quilibet quadrans distribuatur in gradus nonaginta. Ultimùm ex centro filum demittatur, cujus extremitati aliquid plumbi annexum sit, quò rectâ possit descendere. Typum hujus Figure exhibet Tabella Quadrangularis, quam subijcimus.

II.
Et Figura,
per quam
sciatur, num
superficies
sit Hori-
zontalis.



III. *Ejus usus.* Confecto sic Instrumento, & inferiore ejus latere imposito superficiei corporis, cui Horologium Horizontale inscribendum est, si tunc perpendiculum quadret ad radium Semi-circulum bisecantem, rectè se habet superficies.

IV. *Plaga habetur ex Compasso;* Tandem reliquum est, ut Horologium legitimæ inscriptionis superficiei sic disponatur, ut ejus Plagæ Cardinales cum Cardinalibus Cœli probè consentiant. Quod ut fiat, Horologium viatorium, seu Compassum quidam adhibent, cujus plaga Septentrionalis, & Meridionalis quando respondent lineæ Horæ duodecimæ in Horologio, aut ei parallelæ sunt, propositum suum obtinent. Verum hic modus investigandæ lineæ Meridianæ exactissimus non est.

V. *Meridianâ umbrâ Gnomonis, aut Fili;* Alii Gnomonem supra superficiem Horizontalem rectâ erigunt, vel supra eam suspendunt filum, cujus extremitati portio plumbi adnexa est, & umbram notant, quam hæc corpora de se spargunt, Sole in Meridiano existente, seu sub ipsum momentum duodecimæ, quod ex reperiâ maximâ Solis altitudine intelligitur. Atque hæc umbra lineam Meridianam exhibet, cum quâ quando linea Horæ duodecimæ in Horologio congruit, legitimum situm obtinebit.

VI. *Umbrâ antemeridianâ, & pomeridianâ Gnomonis;* Neque necessum fuerit ad inveniendam lineam Meridianam Meridiem expectare, etiam extra eum licet eandem reperire. Gnomon in plano Horizontali ad angulos rectos erigatur, & antemeridiano tempore, quando lubet, & Sol vividum lumen mittit, notetur extremum punctum umbræ, quam spargit Gnomon. Tunc Gnomone exempto, ex hoc puncto stationis circulus ducatur per notatam modò umbræ extremitatem. Hoc facto, Gnomon in pristinum locum & situm restituatur, & expectetur, usque dum extremitas umbræ à Gnomone projecta aliud ejusdem circuli punctum iterum attingat, quo denuò notato, arcus inter hoc & prius punctum bisariam dividatur, recta ex puncto intersectionis per centrum traducta, quæsitâ Meridiana erit.

VII. *Globo;* Etiam ope Globi verus Meridies, & Septentrio facile reperitur. In Plano Horizonti parallelo primùm Circulus describatur, secundus in iv Quadrantes per binas diametros, & quilibet Quadrans in gradus xc. Tum Quadrantes signentur vocabulis Orientis, Occidentis, Septentrionis, & Meridiei, ac centro Gno-

Gnomon iuste proceritatis ad angulos rectos infigatur. His ita præmissis, linea Meridiana ex ortu, occasu, aut altitudine Solis, nec non Fixarum Azimutho haberi potest.

Ex ortu (eadem est ratio in occasu) sic habetur. Addatum locum & diem quæratum ope Globi, in quâ Cœli Plagâ Sol exurgat. Dein ipso exurgente, planum, cui Circulus inscriptus est, cum perpendiculari Gnomone à centro excitato sic vertatur, ut hujus umbra in Plagam Circuli Plage Solari diametraliter oppositam illabatur, & Septentrio Circuli cum reliquis ejus Plagis Cœlo prorsus consentiet.

Sed non raro accidit, ut Sol oriens aut occidens ob interpositos vapores penitus delitescat, vel obscurè videatur, adeo ut umbra Gnomonis non satis clara distinctaque sit. In hujusmodi casu inquisitio Lineæ Meridianæ differatur, donec Sol supra Horizontem plus minus elevatus est, seu ante, seu post Meridiem; tunc cognita ejus altitudine quâcunque viâ, ex eâ statim quæratum ope Globi ejusdem Azimuth ad hoc punctum temporis in loco observationis hujus institutæ. Porro sine morâ planum cum inscripto Circulo & perpendiculari Gnomone sic versa, ut umbra hujus in oppositum Azimuth dirigatur, & diameter Circuli, cujus extremitatibus adscripti sunt Septentrio atque Meridies, in acquisito situ retenta, Linea quæsitâ erit.

Quin quod serenâ nocte etiam liceat per Fixas Globi subsidio eandem investigare. Seligatur Fixa lucidior, & ejus Azimuth, seu ex observatâ altitudine, seu Horâ diei, eruatur; tum ex eodem Azimutho Circuli in plano descripti alter Gnomon perpendicularis excitetur, & planum vertatur, donec oculus trans extremitates utriusque Gnomonis, & in centro, & peripheriâ directus, in centrum Fixæ illabatur, Plagæque Cardinales Circuli & Cœli respondebunt.

Varias hæc vias inveniendæ Lineæ Meridianæ tradidimus, quia in Solariographiâ hæc notitia prorsus fundamentalis est, & quis certus esse potest, si diversis viis eandem Lineam offendat, ipsissimam esse, quam expetiit.

Cognito ita vero Austro & Boreâ, nec non Plagis residuis, reliquum est, ut Solarium Horizontale mox descriptum in suo plano ad situm Cœli dirigatur, atque in eo roboretur, Horas exactè indicabit.

VIII.
*Azimutho
Solis orientis;*

IX.
*Vel supra
Horizontem elevatus;*

X.
Nec non Fixarum.


XI.
*Ufus varia
hujus Viæ.*

XII.
*Solaris re-
ctificatio.*

Quæ

XIII
Typus So-
laris Ho-
rizontalis.

Quæ de Solaris Horizontalis præparatione, & directione hætenus diximus, ex inspecto hoc Typo dilucidius licebit concipere.



C A.

C A P U T I I I.

*Solarium Verticale Directum ad Austrum,
& Boream.*

Post traditum Solarium Horizontale, & quæ ad complementum ejus desiderantur, progredimur ad Verticale Directum, quod inscribitur superfici, quæ cum Horizonte angulum rectum constituit, & parallela est primario Circulo verticali, transeunti per punctum Zenith ac verum Ortum & Occasum, aspiciatque directè Septentrionem, aut Meridiem.

I.
*Solarium
Verticale
Directum.*

Ut fiat Horologium Verticale Directum Meridiei obversum, describatur in plano Semicirculus, cujus diametri altera extremitas, quæ versùs occasum est, ostendet sextam matutinam, & quæ versùs ortum est, sextam vespertinam; & hunc Semicirculum radius in duos Quadrantes distribuatur, qui referet lineam Horæ duodecimæ. Dein Globo, Coluro, Indiceque, ut antè, dispositis, Quadrans Altitudinis puncto Zenith ab occidentali Meridiani latere affigatur, & extremitas ejus eà parte, quæ gradus notati sunt, verò Occasui applicetur, & reservetur in hoc situ immota. Dein Globus in occasum volvatur, usque dum Index Horam primam ostendat, aut xv gradus Equatoris Meridianum pertranscant; tum gradus notetur, quem Colurus in hac Globi positurâ ex Quadrante interfecat, & arcus inter Zenith & Colurum interceptus ope Semicirculi Anei, de quo antè, & mediante circino mensuretur à puncto peripheriæ, quod linea Horæ duodecimæ in eà assignat, versùs utramque extremitatem, & ubi terminatur versùs occasum, notam facit Horæ undecimæ antemeridianæ; ubi terminatur versùs ortum, primæ pomeridianæ.

II.
*Qui fiat ad
austrum?
Invenitur
utraq;
Horæ VI,
XII, XI,
&c.*

Ut Hora decima & secunda investigentur, Globus per Horam promovendus est, & denud notandus arcus, quem Colurus ex Quadrante altitudinis in hoc situ abscindit, qui, quando iterum ab eodem puncto in Semicirculo Horologii ex utraq; parte mensuratur, extremitate suâ punctum decimæ

III.
*Et reliqua
ad XII
usque.*

Ff

& se-

cus numeretur , qui æqualis sit elevationi *Æquatoris* , & ex hoc termino recta in centrum educatur , & perpendicularis in lineam duodecimæ , atque istiusmodi Trigonus ex ære paratus & supra lineam duodecimæ perpendiculariter erectus , expectationi satisfaciæ.


Restat tandem , ut hoc Solarium supra planum Horizontale ad angulos rectos disponatur , & plagæ ejus Cardinales cum Cardinalibus Cœli respondeant. Hoc quidem quod fieri debeat , ex ante dictis apertissimum est. Illud verò opus Tabellæ Quadrangularis , de quâ Paragr. 11. Capitis proximè præcedentis , facile expeditur. Nempe sic disponatur Solarium , ut linea Horæ duodecimæ in eo acquirat parallelismum cum Filo Tabellæ Quadrangularis ex centro liberè & cum quiete dependente , atque hoc situ observato , Horologium uti oportet erectum est , & suprema Styli superficies cum axe congruet , & ejus extremitates Polos assignabunt , ad eoque officio suo ritè defungetur.

Viso hoc Solario , idem ad Septentrionem subjicimus.

VI.
*Legitima
hujus Solar-
ii dispo-
sicio.*

VII.
*Solarium
ad Sept.*

SEPT.



VIII.
Facile in
Verticale
ad Boream
convertitur.

In concinnando Solario Verticali Directo, quod Boream respicit, laborandum non est; nam descriptio linearum Horariarum in hoc, & delineatio statim Verticali una existit eademque, tantum necessum est, convertatur in Septentrionem, & latus inferius fiat superius, & contra, ac numeri Horarum permittentur. Nempe pro nona matutina ponatur tertia matutina, si hujus delineatio requiritur, pro octava quarta, pro septima quinta. In sexta matutina & vespertina nulla accedit in numeris permutatio. Dein pro quinta pomeridianâ ponatur septima vespertina, pro quarta octava, pro tertia nona, si huc usque Sol resurgat. Reliquis Horis in hoc Horologio huc in oris non indigemus, nam ibidem post tertiam ipsa ætate Sol exoritur, & ante nonam jam occidit.

IX.
Teste præcedente
Schemate.

Inferim quò & hujus Solarii natura perspicitur expeditus, ideam ejus proximè precedente Paginâ apposuimus. Incipit à quartâ matutinâ, & in octavâ vespertinâ desinit.

C A P U T IV.

Solarium Meridianum cum Orientale, tum Occidentale.

I.
Solarium
Meridia-
num.

Superest, ut de Solario Meridiano quidpiam subjungamus. Describitur in plano, quod Horizonti, sicut Verticale directum, perpendiculariter inexistit, & Meridiano sic conforme est, ut eum nullâ parte interfecet, atque aut vero Ortui, aut Occasui obvertitur. Modus verò parandi Solarium Meridianum orientale, & occidentale prorsus idem est; tantum in Orientali Horæ antemeridianæ describuntur ordine descendente, quemadmodum in Occidentali Horæ pomeridianæ ordine inverso, seu ascendente.

II.
Typus Ori-
entalis.


Quando autem Solarium Meridianum Orientale, uti decet, parabitur, sequentem hunc Typum referet, qui quo modo inchoandus, consummandusque sit, subjiciamus.

nea Horaria!

ali Solario. Insuper quisque Quadrans in sex æquales portiones dirimatur, & ex centro Semicirculi per notata in peripheriâ puncta tot cæcæ rectæ lineæ in *Æquinoctialem* producantur, quot desiderantur lineæ Horariæ. Tunc per hæc puncta incidentiæ rectæ ducantur, radio, qui Semicirculum bifecat, parallelæ, & hæc Horas monstrabunt antemeridianas in Solario Meridiano orientali.

V.
Typus Occidentalis Solarii.

Cæterum quodd Solarium Meridianum Orientale à Solario Meridiano Occidentali revera non differat, nisi in situ Horarum, clarissimè observari potest, si Solarium Meridianum Occidentale, quod hic exprimimus, cum proximè tradito conferatur.



VI.
Gnomon utriusque.

Confecto huc usque gemino Solario, cura sequitur parandi utriusque Gnomonis. Hic autem erigendus est ad angulos

gulos rectos ex puncto *Æquatoris*, quod radius Semicirculum bifecans in eo ostendit ad parem cum radio longitudinem, & apicis sui umbrâ, quando Horologium debite erectum, directumque est, Horas indicabit. Aut loco delineati Gnomonis uti licet Laminâ ex solidiore materiâ, figuræ alterâ parte longioris, cujus latitudo exactè longitudinem radii ex Semicirculo horario exæquat, & longitudo sit pro lubitu. Confectâ sic Laminâ secundum longitudinem infigatur ad rectos angulos lineæ Horæ sextæ ad parem utrimque distantiam ab *Æquatore*, servatâ post firmatam Laminam altitudine supraplanum Solarii, quæ cum memorati radii longitudine omninò congruat, tum supremâ suâ superficie, quæ cum axe Mundi coincidit, & lineis Horariis Parallela est, Horas ex voto demonstrabit.

Atque hæc de SOLARIORUM CORONIDE, nec non universa INSTITUTIONE ASTRONOMICA dicta sunt.



S E R I E S C A P I T U M
E T
L E M M A T U M
I N S T I T U T I O N I S
A S T R O N O M I C Æ.
S E C T I O P R I O R,
S I V E
D O C T R I N A S P H Æ R I C A.

C A P U T I.

Astronomiæ Præliminaria.

- | | |
|------------------------------------|--------|
| I. <i>Varium Astronomia nomen.</i> | Pag. 1 |
| II. <i>Definitio.</i> | ibid. |
| III. <i>Genus.</i> | ibid. |
| IV. <i>Objectum.</i> | 2 |
| V. <i>Distinctio à Physicâ.</i> | ibid. |
| VI. <i>Motus Stellarum.</i> | ibid. |
| VII. <i>Ejusdem Divisio.</i> | ibid. |
| VIII. <i>Uti & Astronomia.</i> | ibid. |

C A P U T II.

Motus Primus, Axis, Poli
Mundi.

- | | |
|--|-------|
| I. <i>Motus Primus.</i> | 2 |
| II. <i>Quem imprimis Sphæra declarat.</i> | ibid. |
| III. <i>Unde Sphærica nomen.</i> | 3 |
| IV. <i>Necessitas Axis Cælestis.</i> | ibid. |
| V. <i>Definitio ipsius, & Polorum.</i> | ibid. |

VI. *Ratio Primi Motus.* ibid.

C A P U T III.

Æquator.

- | | |
|---|-------|
| I. <i>Æquator.</i> | 3 |
| II. <i>Illius Divisio.</i> | 4 |
| III. <i>Nota Graduum &c. ac eorum utilitas.</i> | ibid. |
| IV. <i>Appareus inæqualitas motus Primi;</i> | ibid. |
| V. <i>Et æqualitas.</i> | ibid. |
| VI. <i>Vera ratio penè incerta.</i> | ibid. |

C A P U T IV.

Æquator mensura Motus
Primi.

- | | |
|--|-------|
| I. <i>Æquator mensurat Motum Primum, & Tempus.</i> | 5 |
| II. <i>Conversio Gr., & M. in Horas, & Min. Hor.</i> | ibid. |
| III. <i>Et contra.</i> | ibid. |
| IV. <i>Compendium per geminam Tabulam.</i> | ibid. |
| V. <i>De-</i> | |

V. Delineatio Prioris.	6
VI. Resolutio Graduum;	7
VII. Exemplo declarata.	ibid.
VIII. Resolutio Minutorum;	ibid.
IX. Exemplis etiam declarata.	ibid.
X. Delineatio Tabulae Posterioris, qua est Horarum & Min.	ibid.
XI. Usus ipsius evidentissimus est.	8

CAPUT V.

Horizon Rationalis, Sensibilis,
Apparens.

I. Horizon.	9
II. Horizon Rationalis.	ibid.
III. Horizon Sensibilis.	ibid.
IV. Aequalis videtur Rationali ad sensum.	10
V. Declaratio hujus rei per Sche- ma.	ibid.
VI. Horizon Apparens.	11

CAPUT VI.

Horizon Rectus.

I. Alia Horizontis Divisio.	11
II. Horizon Rectus. Schemate illu- stratur.	ibid.
III. Competit solis Equatorem in- habitantibus.	12
IV. Primum horum incolarum Pha- nomenon.	ibid.
V. Secundum.	ibid.
VI. Tertium.	13
VII. Quartum.	ibid.

CAPUT VII.

Horizon Parallelus.

I. Horizon Parallelus Schemate illustratur.	ibid.
II. Mirabile ejus Phenomenon, so- lis Suppolaribus observabile.	14
III. Alterum priori non ab simile.	ibid.

CAPUT VIII.

Horizon Obliquus.

I. Horizon Obliquus. Schemate illustratur.	15
II. Admodum variat.	ibid.
III. Gaudet uno Polo, vario pro sui Incolarum:	16
IV. Et elevato juxta Latitudinem Loc.	ibid.
V. Quod perspicue probatur ex rei natura.	ibid.
VI. Item Mechanice.	ibid.
VII. Ac Mathematicè:	17
VIII. Et observandum in Globo.	ibid.
IX. Ob Phenomena.	18

CAPUT IX.

Prima Horizontis Obliqui Ap-
parentia, & quæ ex eâ
consequuntur.

I. Prima Horizontis Obliqui Ap- parentia.	ibid.
II. Ascensio, & Descensio obliqua explicatur;	ibid.
III. Multum varia, & nota per Gg	Glo.

- | | | | | |
|-----|--|-------|---|-------|
| | <i>Globum.</i> | ibid. | VII. <i>Ecliptica Horizontis.</i> | ibid. |
| IV. | <i>Utilis est ad solutionem Problematis unius;</i> | ibid. | VIII. <i>Calendarium ejusdem.</i> | ibid. |
| V. | <i>Et Alterius.</i> | 19 | IX. <i>Ufus in noscendo gradus Solis.</i> | ibid. |
| VI. | <i>In hoc notanda exceptio.</i> | ibid. | | |

C A P U T X.

Secunda, & Tertia Horizontis Obliqui Apparentia.

- | | | |
|------|--|-------|
| I. | <i>Secunda Horizontis Obliqui Apparentia.</i> | 20 |
| II. | <i>Hinc mora Stellarum supra ipsum variè se habet:</i> | ibid. |
| III. | <i>Quam Globus exhibet per Aequatorem;</i> | ibid. |
| IV. | <i>Et Cyclum Horarium.</i> | ibid. |
| V. | <i>Tertia ejusdem Apparentia.</i> | 21 |
| VI. | <i>Quibus Stellis ad datum locum competat?</i> | ibid. |
| VII. | <i>Scientia Horizontis Obliqui valde necessaria est.</i> | ibid. |

C A P U T XI.

Horizontis Lignei, & quæ ipsi inscribuntur, Utilitas.

- | | | |
|------|--|-------|
| I. | <i>Horizon Globi est imago Cælestis.</i> | ibid. |
| II. | <i>Cui hic in variis Locis varius deprehendatur?</i> | 22 |
| III. | <i>Quod etiam patescit ex Schemate.</i> | ibid. |
| IV. | <i>Et Stella variens in ortu?</i> | ibid. |
| V. | <i>Plaga Horizontis Lignei.</i> | 23 |
| VI. | <i>Conducunt in solutione Problematum.</i> | ibid. |

C A P U T XII.

Via noscendi Gradus Solaris ad Diem propositum per Distichon, ac Ufus hujus notitiæ.

- | | | |
|-------|--|-------|
| I. | <i>Gradus Solis sciuntur per Distichon.</i> | ibid. |
| II. | <i>Cujus XII verba notant totidem Menses, & Signa.</i> | 24 |
| III. | <i>Et Litera initialis ingressum in Signum.</i> | ibid. |
| IV. | <i>Quando sit in prioribus Gradibus sui Signi?</i> | ibid. |
| V. | <i>Quod exemplo illustratur.</i> | ibid. |
| VI. | <i>Quando in posterioribus?</i> | ibid. |
| VII. | <i>Cujus exemplum adjicitur.</i> | 25 |
| VIII. | <i>NB. annus Bissextilis.</i> | ibid. |
| IX. | <i>Ex gradu Solis sciuntur Dies.</i> | ibid. |
| X. | <i>Ufus notitiæ gradus Solaris in uno Problemate;</i> | ibid. |
| XI. | <i>Ac altero.</i> | ibid. |

C A P U T XIII.

Refractio Stellarum.

- | | | |
|------|--|-------|
| I. | <i>Refractio Horizontalis;</i> | 26 |
| II. | <i>In Sole, Luna, Stellis.</i> | ibid. |
| III. | <i>Causa ipsius.</i> | ibid. |
| IV. | <i>Conseclarium.</i> | ibid. |
| V. | <i>Refractio variat. Phenomenon Arcticum admirabile.</i> | ibid. |
| | | VI. |

- VI. *Aliud circa Lunam & Solem,
Schemate illustratum:* 27
VII. *Item Stellas & Solem.* ibid.
VIII. *Refractio decrefcens, & incref-
cens;* ibid.
IX. *Nofcenda ex hac Tabellâ.* 28

C A P U T X I V .

Altitudo Stellarum.

- I. *Altitudo Stellarum.* 29
II. *Circulus Verticalis.* ibid.
III. *Quadrans aneus.* ibid.
IV. *Altitudo quovifque crefcat? Li-
cet varie.* ibid.
V. *Item decrefcant? Quod fit pari-
ter, teſte Globo, & Umbra
aqualitate.* ibid.
VI. *Meridianam altitudinem ſu-
pra polum invenire:* 30
VII. *Et infra.* ibid.
VIII. *Altitudo ſub Polis.* ibid.

C A P U T X V .

Viae inveniendæ Altitudinis
Stellarum per Globum,
& Quadrantem.

- I. *Via noſcenda Altitudinis.* ibid.
II. *Per Globum.* ibid.
III. *Per Quadrantem Aſtronomi-
cum.* 31
IV. *Ratio huius Operationis Sche-
mate illustratur.* ibid.
V. *Incommodum Quadrantis.* 32

C A P U T X V I .

Via noſcendi Altitudinem Stel-
larum per Radium
Aſtronomicum.

- I. *Radius Aſtronicus.* 33
II. *Deſcriptio Baculi;* ibid.
III. *Et Tranſverſariorum.* ibid.
IV. *Uſus Radius in Stellis;* ibid.
V. *Item in Sole.* 34
VI. *Monitum, cui appoſita Colum-
na inferjunt.* ibid.
VII. *Ex Altitudine Stellarum ſcitur
Hora.* 35

C A P U T X V I I .

Via noſcendæ Stellarum Diſtan-
tiæ à Zenith, & à ſe mutuo.

- I. *Ex altitudine ſcitur Diſtantia
à Zenith.* ibid.
II. *Et contra.* ibid.
III. *Diſtantia Stellarum.* ibid.
IV. *Noſcitur in Globo per circi-
num; in Cælo rariuſ per Qua-
drantem;* ibid.
V. *Et ſæpiuſ per Radium.* 36
VI. *Stellas Globo non inſcriptas ei-
dem inſcribere;* ibid.
VII. *Item motum Ipſarum.* ibid.
VIII. *Radius probat Globum, &
contra.* ibid.

C A P U T X V I I I .

Stellarum Azimuth.

- I. *Azimuth Stellarum.* 37
Gg 2 II. Di-

- II. *Diviso in Generale;* ibid.
 III. *Quod duplex est.* ibid.
 IV. *Ac Speciale.* ibid.
 V. *Idem duplex.* ibid.
 VI. *Variat in Stellis :* ibid.
 VII. *Ac Sole, nec non convenit.* ibid.
 VIII. *Investigatio Azimuth Specialis per Globum :* 38
 IX. *Et Generalis ex notis Die, & Hora;* ibid.
 X. *Ac Altitudine.* ibid.
 XI. *Ex Azimutho noscitur Altitudo;* ibid.
 XII. *Item Hora.* 39
 XIII. *Azimuth, Zenith, Altitudo attributa sunt certi loci.* ibid.

C A P U T X I X .

Meridianus cum vario Officio.

- I. *Meridianus Cæli.* ibid.
 II. *Meridianus Globi.* ibid.
 III. *Meridiani Officium.* ibid.
 IV. *Invenire quando Fixa sit sub Meridiano superiore, & inferiore.* 40
 V. *Item quando ipsi subsistat cum Sole.* ibid.
 VI. *Meridianus Terminus est Diei juxta Astronomos.* ibid.
 VII. *Et Index Rectæ Ascensionis in obliquo Horizonte.* ibid.

C A P U T X X .

Meridianus idem, & varius, ac Paradoxum non unum hinc enascens.

- I. *Varia Loca eidem Meridiano subsunt.* 41
 II. *Plura Variis.* ibid.
 III. *Primum discrimen visibile in Meridianis.* ibid.
 IV. *Stellæ ad Meridianos orientales citius appellantur.* ibid.
 V. *Unde Varietas Horarum, & ratio eam investigandi :* ibid.
 VI. *Qua exemplo declaratur.* 42
 VII. *Hinc liquet ratio jucunda Problematis;* ibid.
 VIII. *Et Veritas primi Paradoxi mirabilis :* ibid.
 IX. *Item Secundi :* ibid.
 X. *Ac Tertiæ.* ibid.
 XI. *Meridianus Globi est pro omnibus Locis.* 43

C A P U T X X I .

Elevatio Poli, & Æquatoris se manifestant. Varia ratio noscendæ Elevationis Poli.

- I. *Meridianus superior tenet duas Quæstiones;* ibid.
 II. *Teste Globo.* ibid.
 III. *Ex elevatione Poli scitur elevatio Æquatoris.* ibid.
 IV. *Polus, & Æquator proprie non elevantur.* 44
 V. Po-

- V. *Polis Elevatio variè scûnt per Globum;* ibid.
 VI. *Ex Fixâ Equatori vicinâ;* ibid.
 VII. *Ex Sole dupliciter;* ibid.
 VIII. *Ex Stellis circumpolaribus Mechanicè;* 45
 IX. *Ex eisdem Arithmeticè, adjuvante Schemate;* ibid.
 X. *Quod exponitur;* 46

C A P U T XXII.

Declinatio Stellarum varia; ac
 modus, per quem cognoscitur.

- I. *Declinatio Stellarum; quæ borealis est vel australis;* ibid.
 II. *Lentè variat in Fixis;* ibid.
 III. *Cûtiùs in Planetis, ac Sole; cuius omnem Declinationem Tabella exhibet;* 47
 IV. *Tabella illustratio;* 48
 V. *Quæ Declinatio Stellarum noscatur per Globum?* ibid.
 VI. *Et Stellarum Circumaquinoctialium per Arithmeticam?* ibid.
 VII. *Item Circumpolarium;* ibid.
 VIII. *Declaratio huius rei per Schema;* ibid.
 IX. *Schematis explanatio;* 49
 X. *Fructus Ultimi Modi;* ibid.

C A P U T XXIII.

Ecliptica, ejus Declinatio conclusa Tropicis, Axis, Poli.
 Circuli Polares varii.

- I. *Ecliptica necessitas;* 50

- II. *Nomen & Definitio;* ibid.
 III. *Maxima Declinatio variè observata est, teste Tabellâ;* ibid.
 IV. *Sententia Copernici;* 51
 V. *Aliis improbata. Sententia communis;* ibid.
 VI. *Ecliptica terminatur geminò Tropico;* ibid.
 VII. *Ejus Axis & Poli;* ibid.
 VIII. *Circuli Polares in Globo expressi sunt immutabiles;* ibid.
 IX. *Alii mutabiles;* 52
 X. *Praxis alia nunc, ac olim;* ibid.

C A P U T XXIV.

Divisio Eclipticæ in Signa.

- I. *Divisio Ecliptica in Signa;* ibid.
 II. *Signi in Gradus;* ibid.
 III. *Primum est Aries;* 53
 IV. *Reliquorum Signorum ordo, nomen, nota;* ibid.
 V. *Varia Signorum Divisio;* ibid.
 VI. *Omnes Stelle ad XII Signa revocantur;* ibid.
 VII. *Per XII Semicirculos Longitudinis;* ibid.
 VIII. *Signum Stella reperire;* 54
 IX. *Quod ocys serius variat;* ibid.

C A P U T XXV.

Stellarum Longitudo, & Latitudo.

- I. *Longitudo Stellarum quid?* ibid.
 II. *Aliter definita;* ibid.
 III. *Omnibus Stellis convenit;* ibid.

- IV. *Latitudo Stellarum quid?* 55
 V. *Duplex est.* ibid.
 VI. *Item varia, & eadem.* ibid.
 VII. *Reperire per Globum Longitudinem, ac Latitudinem Fixe in eo expressa;* ibid.
 VIII. *Et reliquarum utriusque Hemisphaerii.* ibid.
 IX. *Defectus Globi.* 56
 X. *Reperire Longitudinem, & Latitudinem Stella in Globo non expressa.* ibid.
 XI. *Et eam Globo inferere.* ibid.

CAPUT XXVI.

Generalis Fixarum Doctrina.

- I. *Stellarum divisio.* ibid.
 II. *Fixa quid? So'a in Globo exprimentur.* ibid.
 III. *Numerata sunt Veteribus;* 57
 IV. *Et in VII Classes digesta* ibid.
 V. *Ratio hujus divisionis. Definitio Classium.* ibid.
 VII. *In Globo extant. Numerus Fixarum unusque Classis.* ibid.
 VII. *Quid sint Signa, & Sporades?* 58
 VIII. *Signorum numerus. Ratio varietatis.* ibid.
 IX. *Signorum divisio.* ibid.

CAPUT XXVII.

Signa Zodiaci. Numerus Stellarum ea componentium. Ordo carmine expressus.

- I. *Signa Feliptice.* ibid

- Aries.* ibid.
Taurus. 59
Gemini. ibid.
Cancer. ibid.
Leo. ibid.
Virgo. 60
Libra. ibid.
Scorpius. ibid.
Sagittarius. ibid.
Capricornus. ibid.
Aquarius. ibid.
Pisces. 61

- II. *Signa hac vulgo Notis exprimentur.* ibid.
 III. *Numerus Fixarum in Signis Ecliptice.* ibid.
 IV. *Signa hac expressa Carmine:* ibid.
 V. *Et Altero pulchriore.* ibid.

CAPUT XXVIII.

Signa Hemisphaerii Borealis. Numerus Stellarum ea componentium. Carmen memoriale.

- I. *Signa Hemisphaerii Borealis.* 62
Draco. ibid.
Ursa minor. ibid.
Cepheus. ibid.
** Cassiopea.* 63
Cygnus. ibid.
Lyra. ibid.
Hercules. ibid.
Corona borealis. ibid.
Bootes. ibid.
Ursa major. 64
Antiga. ibid.
Perseus. ibid.

Trian-

<i>Triangulum.</i>	ibid.
<i>Andromeda.</i>	65
<i>Pegasus.</i>	ibid.
<i>Eamculus.</i>	ibid.
<i>Delphinus.</i>	ibid.
<i>Telam.</i>	ibid.
<i>Aquila.</i>	ibid.
<i>Serpentarium.</i>	ibid.
<i>Serpens.</i>	66

- II. *Stella hujus integri Hemisphærii, earundemque magnitudo.* ibid.
 III. *Ordo Carmine expressus.* ibid.

CAPUT XXIX.

Signa Hemisphærii Australis.
 Numerus Stellarum in eo.
 Carmen Technicum.

- I. *Signa Hemisphærii Australis hæc sunt :* ibid.
Cetus. 67
Orion. ibid.
Canis minor. ibid.
Hydra. ibid.
Crater. ibid.
Corvus. ibid.
Centaurus. 68
Lupus. ibid.
Corona notia. ibid.
Piscis Austrinus. ibid.
Eridanus. ibid.
Lepus. ibid.
Canis maior. 69
Argo Navis. ibid.
 II. *Fixæ hujus Hemisphærii, cum differentia magnitudinis.* ibid.
 III. *Ordo horum Signorum in Carmine.* ibid.

CAPUT XXX.

Galaxia.

- I. *Galaxia.* ibid.
 II. *Per qua Signa transeat ?* 70
 III. *Hæc etiam exprimit carmen Manili.* ibid.
 IV. *Varia de Galaxiæ opinio.* 71

CAPUT XXXI.

Recentiorum Labores in augendo Fixarum Signorumque numero.

- I. *Recentiores auxerunt numerum Fixarum :* ibid.
 II. *Imprimis detectis Signis circa Austrum.* 72
 III. *Eorum numerus Carmine notatus.* ibid.
 IV. *Ordo.* ibid.
Crux. ibid.
Indus. ibid.
Grus. ibid.
Phoenix. ibid.
Columba. ibid.
Musca. ibid.
Triangulum Austrinum. 73
Parvo. ibid.
Pica Indica. ibid.
Hydrus. ibid.
Dorado. ibid.
Piscis volucris. ibid.
Chameleon. ibid.
Apous. ibid.
Minor : ibid.
Major Nubecula. ibid.
 V. *Versus memoriales.* 74
 VI. *Nu-*

S E R I E S C A P I T U M .

VI. <i>Numerus Signorum varius;</i>	ibid.	<i>Et Poli in Globo;</i>	ibid.
VII. <i>Et Stellarum.</i>	ibid.	II. <i>Item Stellarum priora modo;</i>	75
VIII. <i>Trua Signorum nomenclatura</i>	ibid.	III. <i>Ac posteriore.</i>	ibid.
<i>melior.</i>	ibid.	IV. <i>Quomodo utilis sit ad notitiam</i>	ibid.
		<i>Stellarum?</i>	ibid.
		V. <i>Ad quam Figura earum multum</i>	ibid.
		<i>juvant.</i>	ibid.
CAPUT XXXII.			
Via ad notitiam Fixarum.			
I. <i>Rectificatio Horizontis, Meridiani</i>			

S E R I E S C A P I T U M

E T

L E M M A T U M

SECTIONIS POSTERIORIS,

S I V E .

DOCTRINÆ THEORICÆ.

C A P U T I.

Motus Secundus Stellarum, &
spuria ejusdem Explicatio.

I. <i>Part Astronomia Theorica. Ra-</i>	
<i>tio nominis.</i>	77
II. <i>Motus secundi Definitio.</i>	ibid.
III. <i>Convenit Planetis, & exemplo</i>	
<i>Luna illustratur.</i>	ibid.
IV. <i>Item Fixis; sed serius observa-</i>	
<i>tus est.</i>	78
V. <i>Explicatur juxta sententiam Co-</i>	
<i>pervici;</i>	ibid.

VI. <i>Et Ptolemei.</i>	ibid.
VII. <i>Qua non satisfaci.</i>	79

C A P U T II.

Legitima Explicatio Motus
Secundi in genere, &
Fixarum in specie.

I. <i>Stellis nonnisi motus in occasum</i>	
<i>convenit, qui statuendus est</i>	
<i>varia celeritatis:</i>	ibid.
II. <i>Quod docetur exemplo Solis;</i>	80
III. <i>Tantum in occasum moti.</i>	ibid.
IV. <i>Pres-</i>	

- IV. *Pressor explicatio Secundi motus Fixarum.* ibid.
 V. *Is aequalis est;* 81
 VI. *Et lentissimus.* ibid.
 VII. *Magnus Annus.* ibid.

C A P U T III.

Utilitas ex tradito Secundo Motu Fixarum in solvendis variis Problematis.

- I. *Motus Secundus varietatem declinationis in Fixis multum dilucidat.* ibid.
 II. *Item Latitudinem & Longitudinem.* 82
 III. *Nec non mutationem loci in Signis Zodiaci.* ibid.
 IV. *In Stellis Cynosura.* ibid.
 V. *In Stellis circumpolaribus aliisque.* 83
 VI. *Et cur Fixa seriùs cum Sole surgant; & Annus Siderens sit prolixior Tropico.* ibid.

C A P U T IV.

Motus Trepidationis in Fixis.

- I. *Motus prior Fixarum Imperfectus.* ibid.
 II. *Motus Posterior.* 84
 III. *Motus imperfecti Expositio juxta Alphonsum.* ibid.
 IV. *Juxta Alios.* ibid.
 V. *Juxta Copernicum.* ibid.

C A P U T V.

Generalis Planetarum Natura.

- I. *Planetarum Natura.* 85
 II. *Affectiones.* ibid.
 III. *Prior Divisio.* ibid.
 IV. *Et Posterior.* ibid.
 V. *Ordo & numerus, Carmine significati.* 86

C A P U T VI.

Sol causa Diei. Dies Astronomicus. Varium Diei initium.

- I. *Sol.* ibid.
 II. *Vulgaris Diei naturalis descriptio.* ibid.
 III. *Nec non Astronomici:* ibid.
 IV. *Cujus additamenta variant.* 87
 V. *Hinc Dies sunt inaequales.* ibid.
 VI. *Et aequales.* ibid.
 VII. *Horizon non est accuratum & universale Diei initium.* ibid.
 VIII. *Omnino Meridianus, usurpatus Astronomis:* 88
 IX. *Et variis Gentibus.* ibid.
 X. *Sunt tamen, quibus placet Horizon seu occidentis, seu orientis.* ibid.

C A P U T VII.

Dies & Nox Artificialis. Varium Crepusculum & ejus per Globum investigandi ratio.

- I. *Divisio Diei in diem, & noctem Artificialem:* 89
 Hh . II. *Qua*

- II. *Quæ Stellæ etiam tribuuntur.* ibid.
 III. *Quam variant Longitudi-*
ne. ibid.
 IV. *Crepusculi natura.* ibid.
 V. *Causa.* ibid.
 VI. *Initium, & Finis.* 90
 VII. *Duratio ejusdem in Horizonte*
Reſto. ibid.
 VIII. *In Obliquâ.* ibid.
 IX. *Varia Crepusculorum continua-*
tio. Causa ejus. 91
 X. *Finem Crepusculi per Globum*
investigare. ibid.
 XI. *Item initium; & alternitrum*
Arithmeticè. ibid.
 XII. *Ac integram ejus Duratio-*
nem. 92
 XIII. *Quin ad datum locum noctes,*
per quas Crepusculum vesperti-
num, & matutinum conti-
nuantur. ibid.

C A P U T V I I I .

Dies in varias partes distribu-
 tus, item Horas. Horæ Æ-
 quales, variis variè nume-
 ratæ. Ratio eas investi-
 gandi. Earum di-
 visio.

- I. *Secunda Diei distributio.* ibid.
 II. *Et Tertia in Horas XXIV.* 93
 III. *Horæ Equales.* ibid.
 IV. *Multitudo usitata. Varia earum*
numeratio, & finitudo. ibid.
 V. *Horas ab occasu, aut ortu in*
orbem numerandas invenire

- diversimodè per Solem,* ibid.
 VI. *Et Fixas.* 94
 VII. *Divisio Hora equalis in Ma-*
nuta. ibid.

C A P U T I X .

Horæ Inæquales. Cur vocatæ
 Planetariæ? Modus eas re-
 perendi. Æqualibus
 quando convenient? Alia Diei Divisio.

- I. *Hora Inæquales, olim recepta.*
Earum Synonyma. ibid.
 II. *Domitus Planetarum in eas.* 95
 III. *Hinc Dierum Nomenclatu-*
ra. ibid.
 IV. *Declarata in Schemate.* ibid.
 V. *Quantitatem Hora Planetaria*
Diurna investigare. 96
 VI. *Item Nocturna. Amba pares*
sunt 2 horis equalibus. ibid.
 VII. *Quota sit Hora inæqualis, in-*
vestigare. 97
 VIII. *Hora inæquales à nostris nomi-*
ne, non re differunt circa Æ-
quinotia. ibid.
 IX. *Omnino extra hoc tempus.* ibid.
 X. *Diei & Noctis subdivisio.* 98

C A P U T X .

Secundus Motus Solis.

- I. *Secundus Motus Solis.* ibid.
 II. *Ipsi asseruntur ex ortu & declina-*
tione. ibid.
 III. *Inæqualis est, testibus Æqui-*
noctiis: ibid.
 IV. *Nec*

ET L E M M A T U M.

- IV. *Nec non Anni Quadrantibus,*
&c. 99
 V. *Eccentricitas Solis.* ibid.
 VI. *Apogaeum & Perigaeum.* ibid.
 VII. *Locus eorum, & variatio.* ibid.

C A P U T X I.

Varii Anni.

- I. *Annus Tropicus.* 100
 II. *Aegyptius.* ibid.
 III. *Ejus mutabilitas.* ibid.
 IV. *Annus Julianus.* ibid.
 V. *Dividitur in Communem.* 101
 VI. *Et Intercalarem.* ibid.
 VII. *Notus ex Indice.* ibid.
 VIII. *Hodieque usitatos.* ibid.

C A P U T X I I.

Anticipatio Aequinoctii in Anno Juliano fuit occasio mutati Calendarii.

- I. *Sol anticipat Aequinoctia.* 102
 II. *Reductio Aequinoctii ad tempus Synodi Nicana:* ibid.
 III. *Et ejusdem in eo permansio.* ibid.
 IV. *Hinc praesens, & futura Styli variatio.* 103

C A P U T X I I I.

Litera Dominicalis varia.
 Cyclos Solis.

- I. *Idem Dies, ac Litera Annum communem aperit, & clau-*

- dit.* ibid.
 II. *Alius Dies proximum.* ibid.
 III. *Hinc Litera Dominicalis varia.* 104
 IV. *Imprimis post Bissextilem:* ibid.
 V. *Quo gemma est.* ibid.
 VI. *Quantitas Cycli Solaris.* ibid.

C A P U T X I V.

Methodus inveniendi numerum Cycli Solaris juxta Vetus Calendarium; Literam Dominicalem; Feriam, à qua Mensis incipit, & Ferias reliquorum dierum.

- I. *Investigare numerum Cycli Solaris dati Anni juxta Vetus Calendarium.* 105
 II. *Idem Brevius.* ibid.
 III. *Hinc scitur Litera Dominicalis, inspectâ hac Tabellâ.* ibid.
 IV. *Et an annus sit Bissextilis.* 106
 V. *Scire Feriam, à qua Mensis incipiat per Distichon.* ibid.
 VI. *Explicatio ejus.* ibid.
 VII. *Exemplo declaratur.* 107
 VIII. *Scire quota sit FERIA quovis die Mensis.* ibid.
 IX. *Ejus exemplum.* ibid.

C A P U T X V.

Methodus reperiendi Literam
Dominicalem juxta Novum
Calendarium, & quæ ex
eâ proveniunt.

- I. *Litera Dominicalis Anni Jul.*
 & Gregor. variat. *ibid.*
- II. *Dominicalem Anni Gregoriani*
 hoc Sæculo invenire: 108
- III. *Et Futuris.* *ibid.*
- IV. *Quod facilius fit ex Tabellis.* *ib.*
- V. *Reperire Ferias per omnes dies*
 Mensium. 109
- VI. *Ufus Cycli Solaris.* 110

C A P U T X V I.

Tempestates Anni conclusæ
Coluris.

- I. *Divisio Anni in Tempestates*
 sen Trimestria. *ibid.*
- II. *Borealiū Ver.* *ibid.*
- III. *Æstas.* *ibid.*
- IV. *Autumnus.* 111
- V. *Hyems.* *ibid.*
- VI. *Tempestates Australium.* *ibid.*
- VII. *Ratio vicissitudinis in eis.* *ibid.*
- VIII. *Hinc Problema insolubile.* *ibid.*
- IX. *Tempestatum subdivisio.* *ibid.*
- X. *Concluduntur Coluris.* *ibid.*

C A P U T X V I I.

Varium Anni Initium.

- I. *Initium Anni apud Astrono-*
 mos. 112

- II. *Geminum fuit Judais.* *ibid.*
- III. *Cæsar incepit a Brumâ.* *ibid.*
- IV. *Ratio hujus initii.* *ibid.*
- V. *Atticis, Ægyptiis quale fue-*
 rit? 113
- VI. *Incommodum anni Politici.* *ibid.*

C A P U T X V I I I.

Æquinoctia, & Solstitia.

- I. *Duo sunt universalis Æquino-*
 ctia. *ibid.*
- II. *Eorum Causa, & tempus.* *ibid.*
- III. *Item duo Solstitia. Ratio no-*
 minis. 114
- IV. *Duratio eorum.* *ibid.*
- V. *Solstitium Æstivum.* *ibid.*
- VI. *Hyemale.* *ibid.*

C A P U T X I X.

Phænomena, quæ ex Motu
Solis per Eclipticam acci-
dunt Habitantibus
intra Tropicos.

- I. *Habitantibus sub Æquatore*
 Solis in anno in Zenith est. 115
- II. *Parit 14 Ecl. Solstitia.* *ibid.*
- III. *VIII Tempestates.* *ibid.*
- IV. *Varias umbras Meridianas.* *ib.*
- V. *Qui sunt inter Equat. & Tropic.*
 habent dies inæq. & Solem bis
 in Zenith. 116
- VI. *14 Solstitia.* *ibid.*
- VII. *11 Æstates & Hyemes impa-*
 res. *ibid.*
- VIII. *Varias umbras Meridianas.* *ib.*

C A

CAPUT XX.

Phænomena Habitantium sub Tropico Cancrī. Ascii. Ratio eos investigandi. Problemata ex hoc Problemate resultantia.

- I. *In Tropico Cancrī quando Dies sit longissimus?* 117
- II. *Ibi Sol dies aliquot continuos est verticalis, & primi sunt Heteroscii.* ibid.
- III. *Duo sit sunt Solstitia, una Aestas.* ibid.
- IV. *Quo die Incola Zona Torride sint Ascii?* ibid.
- V. *Sol in eā tantum & semper est verticalis.* 118
- VI. *Investigare, cui loco incumbat ad datum tempus.* ibid.
- VII. *Et quæ loca simul habeant eandem Solis altitudinem.* ibid.
- VIII. *Item ubi Sol simul occidat, oriatur, sit altissimus, humillimus, continuo apparens, delutescens.* 119

CAPUT XXI.

Phænomena Habitantium intra Tropicum Cancrī, & Circulum Arcticum.

- I. *Incolis Zona Temperata major est dierum inequalitas.* ibid.
- II. *In primis Sole Equatori vicino.* ibid.
- III. *Dies dici interdum par est.* 120

- IV. *Et dies nocti.* ibid.
- V. *Semper sunt Heteroscii.* ibid.
- VI. *Gaudent 11 Solst. & 1 Aestate ac Hyeme.* ibid.

CAPUT XXII.

Phænomena Habitantium sub Circulo Arctico.

- I. *Sol dum est in Signis ascendentibus, Incipit sub Circ. Polari ubique exoritur.* ibid.
- II. *Nec non in Descendentibus, sed retrogrado ordine.* 121
- III. *Dies & Nox 24 horarum.* ibid.
- IV. *Tria Solstitia.* 122
- V. *Una Aestas, Primi Periscii.* ibid.

CAPUT XXIII.

Phænomena inter Circulum Arcticum, & Polum Arcticum.

- I. *Investigare quantitatem Dies inter Polarem & Polum.* ibid.
- II. *Idem aliter.* ibid.
- III. *Nec non ex opposita Tabula.* 123
- IV. *Dies nocti inequalis.* 124
- V. *Ibidem duo dies & noctes sunt 24 horarum.* ibid.
- VI. *Sex Solstitia.* ibid.
- VII. *Una hyems & aestas, umbra Meridiana varia.* ibid.

CAPUT XXIV.

Phænomena sub Polo Arctico.

- I. *Sub Polo Annus ex die & nocte*

- Et constat, inaequalibus.* 125
 II. *Anni huius variatio.* ibid.
 III. *An tempus diurnum nocturno
 aquale sit ubique intra an-
 num?* ibid.
 IV. *Quod negatur.* ibid.
 V. *Sol bis describitur Horizontem, &
 diu oritur ac occidit.* 126
 VI. *Triâ hic sunt Solstitia, Hyems
 sera, vix Aestas.* ibid.
 VII. *In opposito Hemisphario eadem
 sunt Apparentiae.* ibid.

CAPUT XXV.

Ortus & Occasus Cosmicus,
 & Acronychus. Methodus
 eos cum in Signis, tum
 Fixis investigandi.

- I. *Cur Antiqui anni Tempora de-
 signaverint per Stellâ?* 127
 II. *Ortus & occasus Poëticus tri-
 plex est.* ibid.
 III. *Quid sit Ortus & Occasus Cos-
 micus?* 128
 IV. *Quid Acronychus?* ibid.
 V. *Quâ bi se habeant in Signis, &
 Fixis Ecliptica?* ibid.
 VI. *Et Stellis extra eam?* ibid.
 VII. *Invenire diem varii ortus & oc-
 casus in Signis.* 129
 VIII. *Nec non Fixis extra Eclipti-
 cam.* ibid.
 IX. *Quibus Stellis conveniant?* ibid.

CAPUT XXVI.

Ortus & Occasus Heliacus.
 Termini utriusque. Quando
 accidat, ac olim acciderit?

- I. *Ortus Heliacus.* 130
 II. *Occasus Heliacus.* ibid.
 III. *Qua Stella manet Heliacè orian-
 tur, & vesperi occidant?* ibid.
 IV. *Qua contra, & utraque ratio-
 ne?* 131
 V. *Termini ortus & occasus Heli-
 aci variant.* ibid.
 VI. *Illorum quantitas;* ibid.
 VII. *Spelandâ in Circulo Vertica-
 li.* 132
 VIII. *Ad datum locum reperire ortum
 Heliacum Fixa.* ibid.
 XI. *Ac occasum.* ibid.
 X. *Item tempus ortus & occasus Poë-
 tici, penes Veteres occurren-
 tium.* ibid.

CAPUT XXVII.

Ex celeriori ortu Fixarum, at-
 que appulsu ad Meridiem
 variat Cœli facies, & Hora
 noctis commodè haberi
 potest, præcognito
 Meridiani situ.

- I. *Fixa semper ocyus oriuntur.* 133
 II. *Ratio.* ibid.
 III. *Hinc varia Cœli facies:* ibid.
 IV. *Astronomis commoda.* 134
 V. *Nosse horam noctis per XII Si-
 dera.* ibid.

VI. *Qua*

- VI. *Qua initio sui Mensis Nonā ad Meridianum appellant.* *ibid.*
 VII. *Uti docet expressus Ordo.* *ibid.*
 VIII. *Hinc sciuntur Hora per primas noctes mensium;* 135
 IX. *Et reliquas.* *ibid.*
 X. *Meridianum de nocte ex solo visu cognoscere.* *ibid.*
 XI. *Et medius Baculus.* *ibid.*
 XII. *Imperfectio hujus Horologii.* *ibid.*
 XIII. *Qui plurimis locis inserviat?* 136
 XIV. *Horam noctis scire ex ascensione rectā.* *ibid.*

C A P U T XXVIII.

Eclipsis Solis.

- I. *Eclipsis Solis.* *ibid.*
 II. *Accidit certo Novilunio, teste Schemate.* *ibid.*
 III. *Non alius.* 137
 IV. *Numerus varias.* *ibid.*
 V. *Universē Solares plures sunt.* 138
 VI. *Eclipsis Solis Totalis variat.* *ibid.*
 VII. *Nec non Partialis.* *ibid.*
 VIII. *Eclipsis Annularis Schemate illustratur.* *ibid.*
 IX. *Ratio hujus disparitatis.* 139
 X. *Nulla Eclipsis Solis est universalis.* *ibid.*
 XI. *Hinc eadem alibi est Totalis, Partialis, Nulla; ut liquet ex hac Figurā.* *ibid.*
 XII. *Prims videtur ab Occidentalibus.* 140
 XIII. *Et ad occidentalem Solis limbum.* 141
 XIV. *Deficit ab Austro, vel Boreā.* *ibid.*

- XV. *Maxima Duratio.* *ibid.*
 XVI. *Tempus incidentiæ & emerſionis variat.* *ibid.*

C A P U T XXIX.

Maculæ Solis.

- I. *Macula Solis nuper nota.* *ibid.*
 II. *Modus primus eas observandi.* 142
 III. *Secundus.* *ibid.*
 IV. *Tertius, qui optimus est.* *ibid.*
 V. *Qui se offerant?* *ibid.*
 VI. *Variæ magnitudinis.* *ibid.*
 VII. *Número.* *ibid.*
 VIII. *Duratione.* *ibid.*
 IX. *Sunt in Cælo Æthereo.* *ibid.*
 X. *An in Sole?* *ibid.*
 XI. *Mors earum.* *ibid.*
 XII. *Gemino Schemate illustrantur.* *ibid.*
 XIII. *De naturā Physiçi prolixius.* *ibid.*

C A P U T XXX.

Luna Maculosa.

- I. *Luna.* *ibid.*
 II. *Infima est.* *ibid.*
 III. *Maculosa nunc, & olim.* *ibid.*
 IV. *Majorum Macularum Phænomena.* 145
 V. *Non sunt Aqua.* *ibid.*
 VI. *Fermē eadem Luna facies Terra obvertitur.* *ibid.*
 VII. *Librationis, & Macularum Schema.* *ibid.*
 VIII. *Macula minores cum Phænomenis:* *ibid.*
 IX. *Na-*

- IX. *Nata ex inaequali Luna superfi-*
cie. 146
X. *Luna non est verè altera Ter-*
ra. ibid.
XI. *Typus Hevelii de Lunâ Globo*
Terra-Aqueo. ibid.
XII. *Aliorum imaginatio.* 147

C A P U T XXXI.

Phases Lunares.

- I. *Phases Luna propriè non conve-*
niant. ibid.
II. *Sed Oculo.* ibid.
III. *Statuntur v, & sunt Luna*
Nova. ibid.
IV. *Falcata:* ibid.
V. *Cui adest Lux Secundaria.* ibid.
VI. *Ejus causa potior, quæ non faves*
Lunicolis. ibid.
VII. *Luna Semiplena.* ibid.
VIII. *Gibbosa.* 149
IX. *Plena.* ibid.
X. *Luna decrevit in parte primum*
illustratâ: ibid.
XI. *Et retrogrado ordine.* ibid.
XII. *Luna Interlunium.* ibid.
XIII. *Mensis Illuminationis.* ibid.
XIV. *Phases Luna Schemate decla-*
ratur. 150

C A P U T XXXII.

Ratio noscendi Lunæ Phases
juxtâ cum Proprietatibus.

- I. *Quando Luna sit Corniculata?* 151
II. *Et in reliquis Phasibus?* ibid.

- III. *Quando Luna crescens oria-*
tur? ibid.
IV. *Quando decrescens?* ibid.
V. *Quam noctis partem Luna cresc.*
& decr. illuminet? 152

C A P U T XXIII.

Motus Lunæ in Longitudi-
nem, ac Latitudinem.

- I. *Motus Luna in longitudi-*
tudinem. ibid.
II. *Est Eccentricus.* ibid.
III. *Apogæum & Perigæum sunt mu-*
tabilia. ibid.
IV. *Via Luna Eclipticam secat in*
Nodis; 153
V. *Sen Capite & Candâ Draco-*
nis; ibid.
VI. *Etiâ mutabilibus.* ibid.
VII. *Unde nono anno fieri possunt plu-*
res Eclipses. ibid.
VIII. *Ejus exemplum.* 154
IX. *Maxima Luna digressio.* ibid.
X. *Quæ, quia nimis exigua, obest*
Lunaticis. ibid.

C A P U T XXXIV.

Eclipsis Lunæ, cum usu in
Geographiâ.

- I. *Necessitas Eclipsis in Lunâ.* ibid.
II. *Illustratio ipsius per Figuram.* 155
III. *Accidit solummodo Lunâ Ple-*
nâ; 156
IV. *Et quidem certâ.* ibid.
V. *Hinc variat numerus Eclip-*
sum. ibid.
VI. *Ac*

- VI. *Ac magnitudo.* ibid.
 VII. *Maxima Eclipsium duratio.* ibid.
 VIII. *Schemate illustratur.* 157
 IX. *Eclipsis Totalis cum minore morâ etiam illustratur.* ibid.
 X. *Varia Luna constitutio in Totali Eclipsi.* 158
 XI. *Eclipsis Partialis varia est.* ibid.
 XII. *Eclipses Luna numerantur per digitos.* ibid.
 XIII. *Luna deficit ab austro & boreâ, teste gemino Schemate.* 159
 XIV. *Eclipses Luna incipiunt ab ejus orin.* 160
 XV. *Sunt unversales.* ibid.
 XVI. *Invenire per Globum, qua loca Eclipsin Luna possint videre.* ib.
 XVII. *Eclipses Luna à Terriculis diversâ horâ videntur.* 161
 XVIII. *Hinc sciuntur differentia longitudo.* ibid.
 XIX. *Difficultas ex penumbra.* 162
 XX. *Quæ solvuntur.* ibid.

CAPUT XXXV.

Mensis Lunaribus varius.

- I. *Mensis Lunaribus geminus est.* ib.
 II. *Mensis Periodicus.* ibid.
 III. *Hoc Synodicus prolixior est.* 163
 IV. *Teste Schemate.* ibid.
 V. *Menses veri sunt inæquales.* 164
 VI. *Imprimis Synodici.* ibid.
 VII. *Eorum quantitas.* ibid.
 VIII. *Mensis Synodicus Astronomicus.* ibid.
 IX. *Item Civilis.* ibid.

- X. *Qui est Plenus, vel Cavus, varius usurpat.* 165
 XI. *Minor est Mense Astronomico.* ibid.

CAPUT XXXVI.

Annus Lunaribus. Varia Intercalatio. Epactæ.

- I. *Annus Lunaribus Communis.* ib.
 II. *Variis usurpatur. Turcarum intercalatio.* ibid.
 III. *Hinc vagum Annicaput.* 166
 IV. *Quod alii pravenerunt:* ibid.
 V. *Intercalatione unius Mensis;* ib.
 VI. *Perpetuo repetita.* ibid.
 VII. *Epactæ cum usu.* ibid.

CAPUT XXXVII.

Cyclus Lunæ. Ratio Eum & Veteres Epactas investigandi.

- I. *Cyclus Lunæ.* 167
 II. *Exquisitus non est.* ibid.
 III. *Modus cum investigandi.* 168
 IV. *Ex Cyclo Luna Epactæ Veteres innotescunt.* ibid.
 V. *Et ratio Tabula perpetua pro iis.* ibid.

CAPUT XXXVIII.

Via ad Vetus Pascha investigandum.

- I. *Ratio reperiendi Vetus Pascha.* 169
 II. *Ca-*

- II. *Canones circa illud observan-*
di. *ibid.*
III. *Termini Paschales.* *ibid.*
IV. *Tabula pro inveniendō Paschate*
juxta Vetus Calendarium. *ib.*
V. *Ejus usus.* *170*
VI. *Duplex monitum.* *171*
VII. *Declaratio Tabula per Exem-*
plum. *ibid.*

C A P U T XXXIX.

Via ad Novum Pascha inve-
stigandum, quod cum Ve-
tere rarò concordat.

- I. *Pascha novi Kal. reperiunt per*
Epaistas. *ibid.*
II. *Modus eas reperiendi.* *172*
III. *Tabella pro Novo Paschate.* *ib.*
IV. *Ejus usus.* *173*
V. *Illustratur exemplo.* *ibid.*
VI. *Pascha utriusque Calendarii ut-*
plurimum differt. *ibid.*

C A P U T XL.

Indictio, & Periodus Juliana.

- I. *Indictio.* *ibid.*
II. *Ratio ejus inveniende.* *174*
III. *Periodus Juliana.* *ibid.*
IV. *Ejus proprietates.* *ibid.*
V. *Usus.* *ibid.*
VI. *Collatio cum Ærâ Christi.* *175*

C A P U T XLI.

Mercurius, & Venus.

- I. *Mercurius.* *ibid.*

- II. *Ejus Phases.* *ibid.*
III. *Motus in Longitudinem, qui*
variat. *ibid.*
IV. *Motus in Latitudinem.* *176*
V. *Venus.* *ibid.*
VI. *Ejus constitutio.* *ibid.*
VII. *Motus.* *177*
VIII. *Situs ad Solem; hinc nominis*
variatio. *ibid.*

C A P U T XLII.

Mars, Jupiter, & Saturnus
cum suis Satellitibus.

- I. *Mars.* *ibid.*
II. *Ejus Phases.* *ibid.*
III. *Motus in longitudinem.* *178*
IV. *Varia insigniter magnitudi-*
nem. *ibid.*
V. *Motus in latitudinem.* *ibid.*
VI. *Jupiter.* *ibid.*
VII. *Ejus Phenomena.* *ibid.*
VIII. *Motus. Varia magnitudo.* *ib.*
IX. *Satellites Joviales.* *179*
X. *Mercurius, Venus.* *ibid.*
XI. *Jupiter, Saturnus.* *ibid.*
XII. *Motus eorum difformis est.* *ib.*
XIII. *Varia Phenomena.* *ibid.*
XIV. *Usus in Longitudine terre-*
stri. *180*
XV. *Saturnus.* *ibid.*
XVI. *Annulo donatus est.* *ibid.*
XVII. *Motus ejus.* *181*
XVIII. *Comites.* *ibid.*
XIX. *Primus.* *ibid.*
XX. *Secundus.* *ibid.*
XXI. *Tertius.* *ibid.*

CA-

CAPUT XLIII.

Zodiacus. Adſpectus Planetarum, & varia ipſorum juxta Aſtologos efficacia.

- | | | |
|-------|--------------------------------------|-------|
| I. | Zodiacus cum ſuo uſu. | ibid. |
| II. | Aſpectus Planetarum. | 182 |
| III. | Vulgo Quintuplex. | ibid. |
| IV. | Conjunctionis. | ibid. |
| V. | Sextilis. | ibid. |
| VI. | Quadratus. | ibid. |
| VII. | Trinus. | 183 |
| VIII. | Oppoſitionis. | ibid. |
| IX. | Omnes Figuræ declarantur. | ib. |
| X. | Planetis variè conveniunt. | 184 |
| XI. | Aſpectus Partiles, Platici. | ibid. |
| XII. | Veri, Medii. | ibid. |
| XIII. | Maxima, & magna Conjunctionis. | ibid. |
| XIV. | Qui illa in orbem redeant? | ibid. |
| XV. | Vires earum, & reliquorum Aſpectuum. | 185 |

CAPUT XLIV.

Domus Cæleſtes. Earum Erectio. Finis vanus.

- | | | |
|------|-------------------------------|-------|
| I. | Domus Cæleſtes. | ibid. |
| II. | Delineantur juxta Regionum. | 186 |
| III. | Earum initium, ordo. | ibid. |
| IV. | Dignitas, & Efficacia. | ibid. |
| V. | Repreſentatio per Schema. | ibid. |
| VI. | Investigare Domum Septimam. | 187 |
| VII. | Et reliquis ſupra Horizontem. | 188 |

- | | | |
|--------|---|-------|
| VIII. | Item quæ infra eunt ſunt. | ibid. |
| IX. | Loca Planetarum tradunt Ephemerides. | ibid. |
| X. | Extrahuntur ad certum locum, & tempus. | 189 |
| XI. | Uſus earum in locis occidentatibus docetur. | ibid. |
| XII. | Per Regulam proportionis; | ib. |
| XIII. | Et Exempla. | ibid. |
| XIV. | Uſus in locis orientatibus. | ibid. |
| XV. | Notis locis Planetarum erigi poſſunt Domus Cæli, & Geneſes. | 190 |
| XVI. | Quæ baſis ſunt Aſtologia, ſed infirma. | ibid. |
| XVII. | Vani conatus Aſtologici. | ibid. |
| XVIII. | Vera Cæli influentia, & aliorum firma prædictionis. | ibid. |

CAPUT XLV.

Parallaxis Varia.

- | | | |
|-------|---|-------|
| I. | Parallaxis. | 191 |
| II. | Locus Vernus, & Viſus. Angulus Parallaxeos. | ibid. |
| III. | Parallaxis ejuſdem Aſtri variat. | ibid. |
| IV. | Et variorum: quod Schemate illuſtratur. | 192 |
| V. | Diverſitas Parallaxis à Refractione. | ibid. |
| VI. | Parallaxis Longitudinis. | ibid. |
| VII. | Et Latitudinis. | 193 |
| VIII. | Parallaxis Luna. | ibid. |
| IX. | Et cæterarum Stellarum. | ibid. |
| X. | Quare in multis nulla ſit? | ibid. |

CAPUT XLVI.

Distantia Stellarum incertior.
 Variorum de eâ Sententia.
 Motus Primi
 Celeritas.

- I. *Parallaxis non docet Distantiam, nec varius motus.* 194
- II. *Quod docetur. Nec Eclipses, ib.*
- III. *Fiunt ergo Hypotheses.* ibid.
- IV. *Quantitas Semidiametri Terræstris.* ibid.
- V. *Distantia Stellarum à Terrâ juxta Varios.* 195
- VI. *Quâ suam Distantiam, collegere Lansbergius.* 197
- VII. *Magnitudo Semidiametri magni Orbis. Distantia Kepleri.* ibid.
- VIII. *Investigare celeritatem Stellarum ex variâ Hypothesi.* ibid.

CAPUT XLVII.

Apparens, & Vera Stellarum
 juxta Varios Magnitudo.
 Utraque incertior.

- I. *Apparens diameter Luminarium juxta varios.* 198
- II. *Vera eorum juxta eosdem Magnitudo.* ibid.
- III. *Apparens diameter Planetarum juxta Ptolemaicos.* 199
- IV. *Vera eorum juxta eosdem Magnitudo.* ibid.
- V. *Magnitudo juxta Lansbergium.* ibid.

- VI. *Apparens diameter Planetarum juxta Tychonem.* 200
- VII. *Vera juxta eundem Magnitudo.* ibid.
- VIII. *Apparens diameter Fixarum juxta varios.* ibid.
- IX. *Vera earum Magnitudo juxta Ptolemaicos.* ibid.
- X. *juxta Tychonem.* 201
- XI. *Cui Fixæ primi Honoris pares non sunt.* ibid.
- XII. *juxta Lansbergium.* ibid.
- XIII. *Magnitudo Sphæræ Terræstris.* ibid.
- XIV. *À Lansbergii magnitudine abis Hortensius.* ibid.
- XV. *Magnitudo Stellarum demonstrativa non est.* 202

CAPUT XLVIII.

Systema Mundi Ptolemaicum.
 Naturæ non satisfacit.

- I. *Systema Mundi Ptolemaicum.* ibid.
- II. *Locat Terram in centro Universi;* ibid.
- III. *Cum omnimodâ quiete.* 203
- IV. *Supra Terram est Aer & Ignis.* ibid.
- V. *Item VIII Orbes solidi pro Stellis.* ibid.
- VI. *Nec non Orbis IX.* 204
- VII. *Tandem Orbis X, XI, & XII.* ibid.
- VIII. *Typus Systematis Ptolemaici.* ibid.
- IX. *Apparentius non satisfacit.* 205

CA-

CAPUT XLIX.

Systema Mundi Copernicanum.

- I. *Systema Copernicanum.* 206
- II. *Habet Solem in centro:* ibid.
- III. *Supra & circa quem voluntur Planetæ.* ibid.
- IV. *Fixæ à Saturno longissimè ab-
sunt, immotæ.* 207
- V. *Typus Systematis Copernici.* ibid.
- VI. *Motus Terræ diurnus tollit diurnum Stellarum.* 208
- VII. *Motus Terræ annuus.* 209
- VIII. *Qui Soli apparenter conveniunt.* ibid.
- IX. *Tollit Epicyclos.* ibid.
- X. *Tertius Terræ Motus.* ibid.
- XI. *Is variat anni Tempestates.* 210
- XII. *Et salvat multa Phenomena.* ibid.
- XIII. *Motus aliorum Planetarum.* ibid.

CAPUT L.

Systema Copernicanum Natura nec destruit efficaciter, nec adstruit. Contra Illud determinat S. Pagina.

- I. *Judicium Copernici de suo Systemate.* 211
- II. *Gravitas Terræ, aut contiguitas partium juxta ipsum non obest ipsius motui.* ibid.
- III. *Nec gravium descensus, aut varius Meteororum motus.* ibid.

- IV. *Nec æris quies, quin motus ejus sub Equatore motum Terræ adstruit.* ibid.
- V. *Nec Sol Apogæus, aut varius ejus Aspektus cum Planetis.* 212
- VI. *Nec Systematis amplitudo.* ibid.
- VII. *Difficultates Ptolemæica apodixes non sunt.* ibid.
- VIII. *Nec rationes Copernicana. Velocitas Stellarum non repugnat.* ibid.
- IX. *Nec Terræ, quia locatur in fluendo moveri debet.* 213
- X. *Motus Solis in Scripturâ constantiter docetur.* ibid.
- XI. *Copernicanorum effugia.* ibid.
- XII. *Vana, noxia.* 214

CAPUT LI.

Systema Mundi Tychonicum Revelationi, & Naturæ satisfacit.

- I. *Occasio Systematis Tychonici.* ib.
- II. *Ejus Dispositio.* ibid.
- III. *Schemate illustratur.* 215
- IV. *In Copernicanum facile verti potest.* 216
- V. *Causa Motus Primi, & modus Secundi.* ibid.
- VI. *Sufficit Phenomenis, vel teste Curtesio.* ibid.
- VII. *Objecta hnic Systemati difficultates.* ibid.
- VIII. *Non stringit argumentum à confusione.* 217
- IX. *Aut motus Planetarum circa alienum centrum &c.* ibid.
- X. *Aut Systematis angustia.* ibid.

CORONIS DE SOLARIIS.

CAPUT I.

Solarium Horizontale.

- I. *Coronis de quibusdam Solaris.* 218
- II. *Solarium Horizontale.* ibid.
- III. *Usus Semicirculi aenei in divisione Circuli, aequalis cum eo radii;* 219
- IV. *Et inaequalis.* ibid.
- V. *Modus inveniendi per Globum Horam XI & I.* ibid.
- VI. *Nec non reliquas.* 220
- VII. *Quedam Hora sine Globo innotescunt.* ibid.

CAPUT II.

Ratio Indicis, & Plani debite disponendi.

- I. *Ratio parandi Indicis.* ibid.
- II. *Et Figura, per quam scitur, num superficies sit Horizontalis.* 221
- III. *Ejus usus.* 222
- IV. *Plaga habetur ex Compasso.* ibid.
- V. *Meridianâ umbrâ Gnomonis, aut Fili.* ibid.
- VI. *Umbrâ antemeridianâ, & pomeridianâ Gnomonis.* ibid.
- VII. *Globo.* ibid.
- VIII. *Azimutho Solis orientis.* 223
- IX. *Vel supra Horizontem elevati.* ib.

- X. *Nec non Fixarum.* ibid.
- XI. *Usus varia hujus Via.* ibid.
- XII. *Solaris rectificatio.* ibid.
- XIII. *Typus Solaris Horizontalis.* 224

CAPUT III.

Solarium Verticale Directum ad Austrum, & Boream.

- I. *Solarium Verticale Directum.* 225
- II. *Qui fiat ad austrum? Invenitur utraq; Hora VI, XII, XI, & I. ib.*
- III. *Et reliqua ad XI usque.* ibid.
- IV. *Ejus Schema.* 226
- V. *Confessio Gnomonis.* ibid.
- VI. *Legitima hujus Solaris dispositio.* 227
- VII. *Solarium ad Septentrionem.* ibid.
- VIII. *Facile in Verticale ad Boream convertitur.* 228
- IX. *Teste precedente Schemate.* ibid.

CAPUT IV.

Solarium Meridianum cum Orientale, tum Occidentale.

- I. *Solarium Meridianum.* ibid.
- II. *Typus Orientalis.* ibid.
- III. *Qui paretur:* 229
- IV. *Et inveniuntur linea Horaria?* ib.
- V. *Typus Occidentalis Solaris.* 230
- VI. *Gnomon utriusque.* ibid.

Graviores menda sic emendentur.

Fig. 27. lin. 21. *lege*, immineat. p. 59. l. 23. *adde*, Inferius VII. Quare magnitudinis 31 Quinti
 4. Est 35. l. Quare 8. p. 62. l. 33. *adde*, Unam Inferius Quare magnitudinis. p. 86. l. 23. *lege*,
 accidit. p. 104. l. 21. l. Anno inferius. p. 111. l. 7. l. Hyemali. p. 124. l. 25. l. deficiat. p. 125. l. 24. l. domi-
 netur. p. 128. l. 17. l. improprie, quando. p. 139. l. 26. l. ac Vespertinum. p. 132. l. 13. l. Ortum aut Oc-
 casum non. p. 142. l. 31. l. angustum. p. 161. l. 8. l. 2 proxime elapsa. p. 228. l. 6. l. permutentur.

F I N I S.

INSTITUTIONIS
ASTRONOMICÆ
SYNOPSIS.

P R O L O Q U I U M.

QUandoquidem INSTITUTIO ASTRONOMICA prolixior evasit, quàm ut intra Spatium Semestre, quo Domesticus Labor terminandus est, curatius exponi possit, è re Astrophilorum, atque Collegii fore arbitratus sum, Ipsam compendifacere; servato, quantum pote, eodem Ordine. Quò INSTITUTIO ASTRONOMICA hujus SYNOPSEOS commodior sit Commentarius.



INSTITUTIONIS
ASTRONOMICÆ
SYNOPSIS
SECTIO PRIOR,
SIVE
DOCTRINA SPHÆRICA.

I. *Astronomia Definitio. Motus Stellarum.
Scientiæ hujus Divisio.*



Astronomia (hodie minus benè Astrologia)
scientia est Mathematica Mixta, quæ
Stellarum affectiones tradit.

II. Stellæ verò sunt corpora vasta, ad
sensum sphaerica, in fluido Æthere lo-
cata, ad fundendum lumen super Ter-
ram, & dimetiendum tempus.

III. Harum naturam explicare Physici est;
Affectiones verò accuratius, Astronomi.

IV. Inter hæc *Motus* eminet, quo ex vi à Creatore indita
& asservata, per amplissima Cœlorum spatia voluntur. Sup-
pono hic & in sequentibus Systema Tychonicum; quo jure
infra dicetur.

v. Motus autem duplex vulgò statuitur; *Primus* seu *Diurnus*, omnium Stellarum communis, & *Secundus*, aliquarum aut singularum *Proprius*.

vi. Hinc gemina nascitur Astronomia; *Sphærica*, quæ *Primum*, & *Theorica*, quæ *Secundum* motum explanat. De hoc postmodum.

II. *Motus primus, Axis & Poli Mundi, Equator.*

vii. *Motus Primus* Stellarum est, quo quotidie supra Terram in orbem feruntur, progredientes, ubi oriuntur, & occidunt, ex Ortum in Occasum. Huic Motui explicando, ut & aliis attributis plurimum subservit Globus, sive Sphæra; & idcirco quæ de Primo Syderum motu agit, Astronomiæ Pars, ab eâ cognomentum adipiscitur.

viii. Ad hunc Motum clariùs distinctiùsque concipiendum, concipiendus est in Cœlo *Axii*, ad similitudinem ænei in Globo.

ix. Id est Recta Linea, quæ ex Septentrionali Cœli Plagâ per plagam Septentrionalem Terræ, centrum & plagam Meridionalem ejusdem, hinc ad plagam Meridionalem Cœli rectâ producitur. Ejus termini vocantur *Poli Mundi*, alter *Arcticus*; alter *Antarcticus*.

x. Moventur verò Stellæ circa hunc Axem ad sensum parallelæ *Equatori*, qui Circulus major est, mobilis, medius inter Polos Mundi, Cœlumque in duo Hemisphæria distribuens.

xi. Dispescitur, uti omnes, in CCCLX æquales sectiones, sive Gradus. Quilibet ex his in 60 fragmenta subdividitur, & quodlibet Minutum simpliciter, vel Primum dicitur; hoc denuò in 60 vocata Secunda; quodque iterum ex hisce in 60 Tertia &c. quousque istâ subtilitate opus fuerit.

xii. Cujus verò ordinis sint Minuta, sciri potest vel ex vocum abbreviaturis, vel unâ pluribusve lineolis, quibus ea signant Astronomi.

xiii. Stellæ dum sic feruntur, dispari velocitate ferri videntur, celerius circa *Æquatorem*, segniùs, quò propius ad utrumque Ipsius Polum accedunt. Quæ verò Stellæ æqualiter ab *Æquatore* abijunt, apparent pari velocitatis gradu contendere.

xiv. Quia

xiv. Quia verò parallelæ *Æquatori* gradiuntur *Stellæ*, is in omnibus mensura *Diurni Motus* haberi solet, ut si *Stella* xv ipsius gradus, qui *χρῆμα* vocantur, confecerit, confecerit suicircuitus quartam partem & vicesimam.

III. *Horizon Mathematicus, Sensibilis, Rectus.*

xv. Quando ita quotidiano motu volvuntur *Stellæ*, omnes simul, licet *Sole* sublato, ob interjectam *Terræ* molem à *Terri-colâ* videri non possunt; quare *Astronomi* *Circulum* majorem ex *Zenith* aut *Nadir*, vel *Terræ* centro, mente ducunt, qui *Hemisphærium* *Cœli* *Conspicuum* ab *Inconspicuo* distinguat, atque hic *Horizon* est.

xvi. Non rarò *Horizon* dispecitur in *Mathematicum*, & *Sensibilem*. *Illum* jam descripsimus. *Hic* est, qui ab oculo, seu *Terræ* superficie in parallelismo cum *Mathematico*, ad *Cœlum* usque in *Orbem* excurrit; ast verò hic *Cœlum* bifariam non secat, quippe interest dimidia *Terræ* *Diameter*. Quum verò hæc ad magnitudinem *Cœli* vix quicquam sit, hinc *Astronomi* *Horizonte* *Sensibili* utuntur pro *Mathematico*.

xvii. Neque inutilior *Horizontis* divisio est in *Rectum*, *Parallelum*, & *Obliquum*, pro diversitate motus *Stellarum* in ordine ad varium *Horizontem*.

xviii. *Horizon Rectus* utrumque *Mundi Polum* sibi incumbentem sustinet, supra quem & *Stellæ*, & *Circuli* omnes *Æquatori* paralleli, rectâ scandunt, descenduntque. Hujus faciem clarissimè exhibet *Sphæra*, quæ juxta hanc *Descriptionem* disposita est, vulgò *Recta* seu *Jacens*.

xix. Hoc vero *Horizonte* ii solum gaudent, qui in *Æquatore* *Terrestri*, *Cœlesti* subjecto, vitam agunt; quibus ob hanc *Cœli* dispositionem, teste *Globo*, sequentia observantur *Phænomena*:

1. Omnes omninò *Stellæ* ubicunque sitæ illis quotidie oriuntur & occidunt, ex quibus tamen quædam nunquam videntur.
2. Semper æqualiter morantur in *Hemisphærio* superiore & inferiore.
3. Hinc *Fixæ* quæ semel simul oriuntur, semper simul oriuntur, & ad reliquas *Cœli* *Plagas* simul appellantur.

4. Gradus *Æquatoris*, qui cum Fixâ semel rectâ oritur, & occidit, ac vulgò *Recta* ejus *Ascensio ac Descensio* nominatur, diutissimè hoc continuat.

IV. *Horizon Parallelus, & Obliquus.*

xx. *Horizon Parallelus* est, ubi unus Mundi Polus elevatus est in Zenith, & alter depressus in Nadir, atque *Æquator* ac *Horizon* coincidunt. *Sphæra* si hoc modo disposita sit, *Stans* aut *Parallelus* nominatur.

xxi. Hunc Quis observaret, si sub vero Septentrione vel Meridie collocaretur, pariterque notaret omnes Circulos ab *Æquatore* æquidistantes, atque *Stellas* Primo motu *Horizonti* semè parallelas deferri, adeoque nullas quondam oriri, vel occidere, & proinde omnes ibidem *Cœli* Plagas interire.

xxii. Ultimus *Horizon* est *Obliquus*, in quo alter Polus Mundi est inter Zenith ac Horizontem conspicuum; alter inter Nadir & inconspicuum, pari hinc inde intervallo. Hac ratione si constituta sit *Sphæra*, *Obliqua* sive *Sedens* appellatur.

xxiii. Notabilis verò hujus Obliquitatis est discrepantia, cum *Horizon* conspicuus, & Zenith, uti inconspicuum, ac Nadir, per quartam Circuli Majoris partem à sese distent; variatque Poli Septentrionalis aut Australis elevatio, pro variâ Locorum ab *Æquatore* Terrestri in Boream, Austrumve declinatione, quam Latitudinem vocant Geographi.

xxiv. Quin exactissimè Latitudo Loci, & Poli, ad quem Locus accedit, Elevatio, inter sese consentiunt. Ratio autem satis manifesta est, si Telluris nostræ rotunditatem ac situm sub Cœlo pensitemus, & quòd *Horizon* Sensibilis ad oculum Mathematico congruat.

xxv. Rationi consentit experientia, teste Globo; nam pro distantia *Æquatoris* à Zenith Polus attollitur. Quin idem sine negotio Mathematicè est demonstrabile.

xxvi. Qui ergò Syderum affectiones feliciter nosse cupit, præmissis necessum est, attendat ad Loci, in quo versatur, elevationem Poli, quæ vel ex Mappâ Geographicâ curatiore haberi potest, vel ex Observationibus Astronomicis, de quibus post pauca.

XXVII.

xxvii. Attendat inquam, cum Phænomena pro variâ Poli exaltatione valdè variant, præsertim in iis Stellis, quæ longius ab Æquatore secedunt.

V. *Horizontis Obliqui Affectiones.*

xxviii. *Affectiones*, quæ ex hoc Horizonte fluunt, mediæ naturæ sunt inter eas, quas Rectus & Parallelus Horizon exhibet, uti Globus justè positus docere potest.

xxix. Itaque qui in eo oriuntur Circuli Æquatori paralleli, ac Stellæ, nec non occidunt, obliquè oriuntur atque occidunt; magis minúsve, prout variat elevatio.

xxx. Quare mirum non est, gradum Æquatoris, qui cum Stellâ in hoc Horizonte oritur, ipsius Ascensionem, & qui cum eâ occidit, Descensionem obliquam appellari. Quæ non possunt non in variis Stellis, quin iisdem variare; cujus variationis observatio ad Problematum solutionem expedit.

xxxi. Porro Circulos omnes Æquatori parallelos, quos hic Horizon interfecat, interfecat inæqualiter; puta qui versus Polum elevatum concedunt, eorum major portio est in Hemisphærio conspicuo, minor in inconspicuo. Qui versus depressum, contrarium illis accidit. Discrepat etiam hæc intersectionis inæqualitas pro variâ Poli altitudine & declinatione Circularum.

xxxii. Necessum igitur est, Stellas hos Parallelos describentes, diutius in uno, quàm altero Hemisphærio commorari. Quàm diu autem hic illic ad datum locum atque diem commorentur, Globus facile docere potest.

xxxiii. Nam Polo justè elevato, Stella ad Horizontem ortivum vel occiduum applicetur, & Indice imposito Horæ xii, in occasum aut ortum volvatur, ac Horam Index indicabit.

xxxiv. Stellæ, quæ Circulos diurno motu describunt, quorum semidiameter vel æqualis est, vel minor elevatione Poli, nunquam, aut rarò isto manente situ oriuntur vel occidunt. Hinc quò major Poli elevatio, eò plures sunt Stellæ, quibus illud ipsum evenit. Ut autem ad datum locum Stellæ sciantur inoccidæ, ex Polo elevato ad elevationis intervallum Circulus duca- tur, hic Stellas includet, neque orientes, neque occidentes.

xxxv. Hoc Horizonte gaudet pars longè maxima Terricola- rum;

rum; quippe qui vivunt sub Æquatore, & si qui essent sub Polaris, nulli essent ad cæteros.

VI. *Horizon Globi.*

xxxvi. Unicus *Globi Horizon*, qui triplicem modò dictum nobis exhibuit, immobilis est, atque adèd Horizontem ejusdem loci, qui non mutatur, optimè exprimit; quin per motum Globi quoscunque potest exprimere. Variat enim cum vario loco Horizon, uti ex vario Stellarum ortu, & occasu clarum est.

xxxvii. Porrò Horizon Globi in exteriore suo margine *Plagæ* Cardinales, per quartam ambitus partem à se invicem abeuntes, complectitur, quæ unà cum Intermediis numerum xxxii consiciunt.

xxxviii. Magna verò harum Plagarum est utilitas; hinc enim dato quovis loco & tempore, quo in tractu Stellæ ascendant descendantve, statim patescit.

xxxix. In interiore Horizontis margine consocius est Circulus maximus, *annua Solis Orbita*; primùm vulgari modo divisus, post in xii æqualia Segmenta, quorum quodlibet continet xxx gradus cum suo Signo & Nomine.

xl. Medio loco inter utrumque marginem delineatum est *Calendarium*, cujus dies ità sunt dispositi, ut quisque fermè gradui ex viâ Solis, in interiore margine locatâ, respondeat; quò statim constet, in quo Signo, & gradu Sol ad datum diem commoretur.

xli. Unde multiplex usus resultat in Problematibus per Globum solvendis. Exempli loco sit; *Horam ortus occasusque Stellarum, & quando ad Meridianum se applicent, quolibet loco & tempore indagare.* Item *Horam noctis indagare per Stellarum ortum, aut occasum, aut appulsam ad Meridianum, tam in boreâ, quam in austro.*

xl. Quæ ut expédiantur, post Poli curam inquirere oportet in gradum Solis ad diem propositum, quo sub Meridiano constituto, & Indice in xii, vertendus Globus est, donec Stella oritur, aut occidit, aut est sub Meridiano superiore, aut inferiore, & Hora ex Indice innotescet.

xl. Quùm igitur ex cognito gradu Solis tanta profluat utilitas, mirum non est, Astronomos suis Versiculis etiam in gradum Solis inquirere.

VII. *Stel-*

VII. Stellarum circa Horizontem Refractio.

XLIV. Stellæ, dum circa Horizontem consistunt, *Refractionem* imprimis subeunt, quâ plus justo elewantur, quàm Calculus Astronomicus admittit; Ita quidem, ut citius oriri videantur, tardiùsque occidere, quàm reipsâ oriuntur & occidunt.

XLV. In Magnis autem Luminaribus Refractio ea ad 34 min. assurgere dicitur, in reliquis vero ad 30. Quod 4 min. discrimen Tycho statuit; licet non desint, qui æqualem omnibus refractionem competere existiment.

XLVI. Causa ex regione Vaporum, quâ Tellus quasi circumvestitur, & obliquiore Radium in illam incidentiâ, haurienda est; quæ pro ut variant, variat etiam Refractio.

XLVII. Hinc liquet, quare Batavi in Expeditione ad Arcton Solem, qui ultrâ gradus v juxta Ephemerides infra Horizontem latitabat, supra eum conspexerint.

XLVIII. Liquet etiam, qui interdum, Lunâ subeunte laborem, utrumque Luminare supra Horizontem elevatum adspiciatur; item qui Stellæ justo majores propiorèsque, Horizonti vicinæ, observentur; atque Sol non rarò præcisè orbicularis, sed sub ovatâ specie circa ipsum appareat.

XLIX. Quò verò Stellæ altius assurgunt, eò magis Refractio imminuitur, ob attenuationem Vaporum, & directiorem radiorum incidentiam.

VIII. Stellarum supra Horizontem Altitudo & à Vertice Distantia.

L. *Altitudo* Stellarum, Arabicè Almucantarath, cujus mentionem jam injecimus, est arcus Circuli Verticalis inter Horizontem conspicuum, & centrum Stellæ interceptus.

LI. *Circulus* autem *Verticalis* seu *Almucantarath* est Circulus Maximus, mutabilis, qui ex mundi centro ductus, & per Zenith atque Nadir transiens Horizontem rectâ secat. Vicem hujus *Quadrans Altitudinis* puncto Zenith annexus, & quocunque volubilis, in Globo ostendit.

LII. Accrescit verò in Horizonte Recto & Obliquo Altitudo

B

do

do Stellarum, quò propius ab Ortù ad Meridiem accedunt, in ipso Meridie sunt altissimæ; hinc in Occasum euntibus decrefcit pariter sensim sensimque, usque dum Horizontem stringunt.

LIII. Altitudo Stellarum dum in conspicuo morantur Hemisphærio, semper & ubique notari potest. Per *Quadrantem*, quum perpendiculo ejus liberè pendente, Stella radios per crenas pinnacidiorum directè transmittit.

LIV. Per *Baculum Jacobi*, quando oculus trans superiorem extremitatem Transversarii centrum Stellæ, & trans inferiorem Horizontem intuetur.

LV. Per *Globum* denique, cùm Polo, Solis gradu, Indice exactè dispositis, & Globo ad exigentiam Horæ moto, Quadrans zenith affixus per Stellæ centrum trajicitur.

LVI. Ex cognita Stellæ Altitudine, si in Globo signetur, Hora per eum expeditissimè invenitur. Constitutis, ut statim, Polo, Quadrante, Gradu, Indice, moveatur Globus, usque dum Stella est in observatâ Altitudine, & Horam index ostendet.

LVII. Porro ex Altitudine Stellarum *Intercapedo à Vertice* innotescit, quippe discrimen inter Horizontem & Zenith est quadrans Circuli verticalis, ex quo si observatam Alitudinem subduxeris, restabit petitum à Zenith divortium; uti in Instrumentis modò dictis videre est.

IX. *Mutua Stellarum Distantia, & varium earum Azimuth.*

LVIII. Stellæ à Vertice non tantùm distant, sed & à se mutuo; quæ *Distantia est* arcus Circuli Maximi inter Stellas interceptus; quam sicuti Alitudinem, memoratus Jacobi Baculus metitur.

LIX. Quin hóc instructo difficile non est, Stellas clariùs visibiles unâ cum cursu, Cælo Archetypo deducere, inque Eclypto convenientissimè exprimere, & examinare, num Globus Stellas rectè contineat.

LX. Post distantiam Stellarum proximum est Azimuth, sive Plaga; quæ dum supra Horizontem feruntur, uti Altitudo, & Distantia à Zenith, perpetuò variare deprehenditur.

LXI. Divitur in Generale & speciale. Azimuth *Generale* est

ar-

arcus Horizontis comprehensus inter Meridianum ac Circulum Verticalem per Stellam in Horizontem traductum.

LXII. Estque duplex, *Orientale* ac *Occidentale*; quorum illud à Meridiano in Austro per Ortum ad Meridianum in Boreâ extenditur, hoc è contrario.

LXIII. Utrumque autem Stellarum Azimuth Globi subsidio ad datum locum & tempus scitur, sive ex præcognitâ Altitudine, seu ante, seu pomeridianâ, sive ex notitiâ Diei & Horæ.

LXIV. Priore modo, habitâ ratione Poli, Stella Globi in repertâ Altitudine collocetur, & extremitas Quadrantis per eam trajecti, Azimuth in Horizonte demonstrabit. Posteriore modo sic locandus est Globus, ut hora Globi, & hora Cœli conveniant, & quod modò, Quadrans docebit.

LXV. Uti verò Altitudo Stellæ, & Hora diei detegunt Stellæ Azimuth, sic contrâ Azimuth detegit Altitudinem, & Horam. Nam Stella Globi in eodem Azimutho cum Stellâ Cœli collocetur, & Quadrans ostendet Altitudinem, ac Index Horam, si legitimè sit dispositus.

LXVI. *Speciale Stellarum Azimuth* dicitur *Latitudo*, seu *Amplitudo Ortiva*, vel *Occidua*, estque earum Horizontem attingentium distantia à vero Ortum, vel Occasu.

LXVII. Duplex est hoc *Azimuth*, *Boreale* vel *Austrinum*. Variat in variis Stellis, & iisdem plus minùs. Utrumque Primario Circulo Verticali, ac altero per Stellam transeunte in Horizontem; Astronomi determinant, & facillime ex Globo cognoscitur, Stellâ tantùm ad Horizontem advolutâ, & notato ejus discrimine à vero Ortum, vel Occasu.

LXVIII. Quæ modò de Stellarum *Azimutho* inculcavimus, atque superius de *Altitudine* earum atque *Distantiâ à vertice*, in ordine ad certum Horizontem intelligenda esse, liquet ex mutabilitate Horizontis, de quâ suprâ.

X. Meridianus, & varia ab eo pendentia Problemata.

LXIX. *Meridianus*, cujus jam aliquoties in Azimutho, & aliàs meminimus, est Circulus Maximus, ductus ex vero Ortum vel Occasu per Septentrionem, Meridiem, polos Mundi, & puncta Zenith ac Nadir.

LXX. Unde liquet, omnes Incolas, qui huic Circulo subiecti sunt, eodem Meridiano potiri; diverso autem, qui deviant.

LXXI. Quin Mathematicè loquendo, qui vel tantillū deviant; sed quoniam obrusior est Oculi acies, quàm ut minutam quamque observet differentiam, hinc Loca per milliaria non ita multa diffita, eodem gaudere Meridiano perhibentur.

LXXII. Constat autem, Stellas ad Meridianum, qui in Cælo per xv gradus Æquatoris in Ortum abit, horam ocys pervenire, quàm qui per totidem in Occasum; cum verò Cælesti Terrenus subjaceat, quod in Cælo accidit, in Tellure expernuntur diversi Meridiani Terricolæ.

LXXIII. Quod qui benè pensitaverit, perspiciet, qui Portugalli ac Hispani ex oppositis plagis in Indiam velificantes, experti fuerint Diariorum differentiam.

LXXIV. Quin qui ope Globi Terrestris, sive mappæ Geographicæ inquirei debeat, quænam aliis in Locis diei hora sit; Nam observato arcu Æquatoris inter duos Meridianos, & converso in tempus, hoc Horæ nostri Loci addatur, & patebit Hora Meridiani Orientalioris; aut ab eâ subtrahatur, & Occidentalioris patebit Hora.

XI. Modi cognoscendi Elevationem Poli & Æquatoris, nec non Declinationem. Usus Meridiani in Globo.

LXXV. Porro quum Meridianum Horizon biseceat, & Polus ac Æquator in Semicirculo superiore per integrum Quadrantem dividantur, oportet, in Horizonte obliquo Altitudo Poli & Æquatoris Meridiani quartam conficiat.

LXXVI. Unde evidentissimum. si cognita habeatur seu Æquatoris, seu Poli solius elevatio, etiam alterius confestim nosci.

LXXVII. Poli verò Altitudo atque ex hac Æquatoris ex Stellis hoc modo sciri potest. Stellæ circumpolaris altitudo exploretur, dum in Meridiano supra & infra Polum est; hæc ab illâ subtrahatur, residuum bisariam dividatur, quod divisum si addatur minori altitudini, vel à majore subtrahatur, petitam dabit Elevationem Poli, & hæc Æquatoris.

LXXVIII. Mechanicè autem per Globum suffecerit, si cognita Stellæ circumpolaris, seu supra, seu infra Polum fuerit, Me-

ri-

ridianâ Altitudine , eam Meridiano Globi debitè applices , & hinc deorsum numeres gradus in Cœlo observatos , terminumque numerationis facias cum Horizonte Globi coincidere.

LXXIX. Pariter operare cum Stellâ Æquinoctiali vicinâ , quando sub Meridiano versatur. Taceo per radios Solis idem patere ; aciculâ gradui ejus perpendiculariter infixâ , nullam ad Meridianum umbram ipso meridie projiciente.

LXXX. Ex dictis operandi viis (ne de Globo loquar) etiam Stellarum omnium , quæ oculos feriunt , *Declinatio* , seu distantia ab Æquatore , qualis , & quantacunque , hauriri potest , seu Æquatori , seu Polo viciniore existant.

LXXXI. Nam si Stella Æquatori vicinâ est , Meridiana ejus Altitudo observetur , & cum exploratâ Altitudine Æquatoris conferatur. Si vicina est Polo , Distantia ejus à Polo indagetur , atque ex integro Quadrante subducatur , residuum est Declinatio.

LXXXII. Non absimiliter intelligitur , quantum de die in diem Declinatio novorum Siderum , Planetarumque (in Fixis enim variatio Declinationis lentissima est) immutetur. Item quamdiu utrumque Solis duret Solstitium , ac quando incendant Æquinoctia.

LXXXIII. Etiam Meridianus omnium Stellarum , vias supra & infra Horizontem conspicuum bifariam dividit , quam ob rem obscurum non est , cur Meridianus appelletur , & Stellæ ad ipsum appellentes , dicantur se applicare ad Cœli medium , imumve , & si hoc accadat ipso Meridie , cum Sole Cœlum mediare.

LXXXIV. Quando autem Stella cum Sole Cœlum mediet , scitur ex observato gradu Solis , qui in loco proposito , Stellâ Meridianum subeunte , & ipsum subit.

LXXXV. Similiter Meridianus detegit in omni obliquo Horizonte Rectam Stellarum Ascensionem , ac Descensionem ; nam gradus Æquatoris , qui cum Stellâ Cœlum mediat , recta ejus Ascensio ; Descensioque est. Sileo esse Diei Cardinem Astro-
nomis.

LXXXVI. Quos hæcenus Meridianos concepimus , *Meridianus Sphæra* repræsentat , quia per Globi circumvolutionem fit instar plurium. Ex Ære componitur , & latus , quod Ortum adspicit , in Gradus distributum est ; quod tantum in solutione Problematum usurpatur.

XII. *Ecliptica. Circuli Tropici & Polares.*

LXXXVII. Præter Affectiones hæcenus de Stellis traditas, imprimis *Longitudo* atque *Latitudo* celebris est, quæ intelligi non possunt sine præviâ *Eclipticæ* intelligentiâ.

LXXXVIII. Hæc autem est Circulus Maximus, mobilis, qui principio Arietis & Libræ Æquatorem bifecat, atque factâ intersectione ab eo abit in Boream & Austrum; hodie ad usque gradus XXIII & semissem.

LXXXIX. Hanc *Eclipticæ* declinationem duo Circuli minores, Æquatori paralleli, puta *Tropicus Cancris* & *Capricorni* limitant.

XC. Porro *Eclipticæ* Axis convenit, & ejus Poli absunt à Polibus Mundi per gradus XXIII & dimidium. Qui dum Primo motu feruntur circa Polos mundi, binos describunt Circulos minores, Æquatori parallelos, quorum alter *Circulus Polaris Arcticus*, alter *Antarcticus* nominatur.

XCI. Sileo, aliis Circulorum Polarium nomine venire *maximum Parallelorum semper apparentium, maximumque semper delitescentium*, qui in eodem quidem loco iidem sunt, sed variatâ elevatione Poli juxtâ variant. Usus eorum est Stellâ perpetuò apparentes aut delitescentes suo ambitu includere.

XIII. *Eclipticæ Divisio. Longitudinis Semicirculi. Longitudo & Latitudo.*

XCII. *Ecliptica* præter morem consuetum etiam dispescitur in XII æquales sectiones, vulgò *duodenarium*, vel *Signa*, quorum Nomina ac Characteres Globus exprimit, & quæ variè dividuntur.

XCIII. Ac licet *Signa* propriè loquendo tantum sint duodenæ portiones *Eclipticæ*; ad ea tamen omnes omnino Stellæ revocantur.

XCIV. Quapropter in Cælo XII concipiuntur, inque Globo exprimuntur *Longitudinis Semicirculi*, ex Polis *Eclipticæ*educti, & in *Eclipticâ* per integrum Signum à se mutuo distantes, quibus Cælum ac Globus in XII æquales superficies dirimuntur, &
Stel-

Stellæ in qualibet superficie collocatæ denominantur à Characterè, qui binis Semicirculis includitur, quique ad Dodecatemorii principium locatus est.

xcv. In quo autem Signo seu Fixa, seu Constellatio comoretur, ex Globo videre est, si Polus Eclipticæ erigatur in Zenith. Notandum verò, Stellæ non semper eidem Signi loco adhærere.

xcvi. Tandem transeamus ad Stellarum Longitudinem, & Latitudinem, quarum jam ante meminimus. Est autem Longitudo arcus Eclipticæ comprehensus inter initium alicujus Signi (licet alii Longitudinem numerent ab Arietis initio per universum Eclipticæ ambitum) & ejusdem punctum, quod Semicirculus Longitudinis, ex Polo Eclipticæ per Stellæ centrum recta in eam tractus, contingit. Variat autem ejusdem Stellæ Longitudo ocyus, serius.

xcvii. *Latitudo* Stellarum est brevissima earum distantia ab Eclipticâ; quare hæc toto Cælo à Declinatione discrepat.

xcviii. Utraque hæc affectio Stellarum Globo inexistendum hujus subsidio ex tempore notari potest. Polus Eclipticæ pro variâ latitudine indagandâ erigatur in Zenith, post Quadrans altitudinis Zenith affixus, perque Stellæ centrum directus, monstrabit gradu Stellæ centro congruente, desideratam Latitudinem, atque extremitate suâ, seu in Horizontis, seu Globi Eclipticâ, Longitudinem.

xcix. Si & Planetarum Cometarumve Latitudinem ac Longitudinem nosse expetas, distantia à duabus Fixis observetur, atque in Globo aliquâ notâ exprimatur, cujus inventa Longitudo, & Latitudo petita est. Quæ Observatio si quotidie continuetur, observare licebit proprium harum Stellarum motum jucundo spectaculo.

XIV. *Stellarum Divisio. Fixæ. Numerus Antiquis notatus. Classes & Constellationes.*

c. Huc usque generaliores quasdam Stellarum Affectiones evolvimus, nunc scorsim primum *Fixas*, deinde Planetas expendamus.

ci. *Fi-*

cj. Fixæ proprio scintillant lumine, remotiores à Terrâ; quàm Planctæ, ac propter æquabilem sui motum eandem à sui ordinis Stellis observant distantiam.

cii. Ex harum innumerabili numero Veteres ~~xxxii~~ ^{numera-} runt, easque vel separatas vel conjunctas expendere.

ciii. Illæ reducuntur in vii Classes pro apparentis magnitudinis diversitate, diversoque ortu Heliaco, de quo infra.

civ. Ut autem veteres Astronomi memoriæ consulere, ex dictis Stellis variè disponendo *Constellationes* fecerunt XLVIII, suis appellatas Nominibus, quæ tamen expressum Stellarum numerum intra sese non continent.

cv. Ex hisce Constellationibus xii locantur in *Ecliptica*; xxi in residuo *Hemisphærio Boreali*; xv in residuo *Australi*, juxta memoriales Versiculos:

Ad *Boreæ* partes *ter septem* Sydera splendent.

Signifer inde subest, *bix sex* qui Sydera versat.

Denique converti *ter quinque* videntur ad *Austrum*.

XV. Constellationes Eclipticæ.


cvj. Medias primùm proferamus, quarum Ordo est hujusmodi:

1. *Aries*. Excellit clara in fronte, quæ cum duabus in cornu Clavæ figuram efformat.
2. *Taurus*. In eo *Hyades* & *Pleiades* eminent.
3. *Gemini*. In capite, utroque genu & pede claras ostendunt.
4. *Cancer*. Hic clara est Nebulosa, *Præsepe* dicta.
5. *Leo*. Corde, Caudâ pluribusque Stellis fulgentioribus superbit.
6. *Virgo*. *Spicâ* atque *Vindemiatrix* famosa est,
7. *Libra*. Claram exhibet in Hypomochlio & utraque Chele.
8. *Scorpius*. Cor habet cæteris præstantius.
9. *Sagittarius*. Principiôres habet in Arcu, atque Sagittâ.
10. *Capricornus*. Duas gestat in altero cornu, quæ primas tenent.
11. *Aquarius*. In humeris, brachio & pede eminentiores habet.

12. *Pisces*.

12. *Pisces* Minutioribus constant. Paulò majores sunt, quæ *Linum* componunt, imprimis, quæ in *Lini* nexu est.

CVII. Enarratas *Eclipticæ* Constellationes cum suis Characteribus vulgatum Carmen complectitur:



Sunt Aries, Taurus, Gemini, Cancer, Leo, Virgo,
Libraque, Scorpius, Arcueneus, Capri, Amphora, Pisces.

XVI. Constellationes Hemisphærii Borealis.

CVIII. Ab *Eclipticâ* in Boream adscendimus sequenti Ordine:

1. *Draco*, alias *Serpens*. Præcipuas tenet in Capite, ac circum Caudam.
2. *Ursa minor*, seu *Plaustrum minus*. Cæteris celebriores habet *Polarem*, & binas *Vigiles*.
3. *Cepheus*. In ipso nihil clarius est eâ, quæ est in altero latere, & humero.
4. *Cassiopea*. Habet celebratioris, sed celebratissima est ob admirabile superioris Sæculi Phænomenon.
4. *Cygnus*. In ore, pectore & alis varias possidet.
6. *Lyra*, alias *Vultur Cadens*, & *Cithara*. Clarissima est ob *Lucidam Lyra*.
7. *Hercules*. Incurvatus in genu, Clavaque & Exuviis Leonis instructus, multas habet fulgentiores, sed sparsas.
8. *Corona Borealis*. *Lucidam* habet cognominem.
9. *Boötes*, nec non *Arctophylax*. Hujus nulla clarior est *Arcturo*. Ad ipsum *Coma Berenices*, & duo *Canes* referuntur.
10. *Ursa major*, aliâs *Plaustrum majus*. In quo *Equi* & *Currius* excellunt.
11. *Auriga*, qui & *Custos Capellæ*. Celebrem humero sinistro *Capellam* sustinet; sunt & in altero humero & pede *lucidæ*.
12. *Perseus*. Splendidiore habet in dextro latere, sinistro pede, & capite *Medusæ*.
13. *Triangulum*, sive *Trigonum*. Hujus *Stellæ* minores sunt.
14. *Andromeda*, aliter *Persea*. Ejus *Caput* notissimum est, quod

quod cum tribus ex Pegaso magnum conficit *Quadrangulum*. Ut fileam, quæ occurrunt in sinistro humero, cingulo, ac pede.

15. *Pegasus*. Luculentiores habet in ore, collo, alâ, crure.

16. *Equiculus*, Equi Caput, & *Himms*. iv Monstrat minus claras:

17. *Delphinus*. Hic *Rhombus* est elegantior.

18. *Telum*. Minutis constat.

19. *Aquila*, aliis *Vultur*. Tres gerit in corpore, duasque in caudâ lucidiores. Huic subest *Aminom*, recentior Constellatio, sex Stellis fulgidioribus coruscans.

20. *Serpentarius*, aliâs *Ophiachus*, & *Anguifer*. Possidet præstantiores in capite, humero & inferiora versus.

21. *Serpens*, etiam *Anguis*. Variis fulgidioribus ornatus est.

cix. Signa hujus Hemisphærii, quo ordine recensita sunt, hoc Carmen commemorat:

*Serpens, Ursa minor, Cephæus, cum Cassiopeâ,
Cignus, cum Citharâ, tunc Hercules, atque Corona,
Arctophylax, majus Planstrum, Cusioque Capelle,
Perseus, & Triquetrum, dein Persea, Pegasus, Himms,
Delphinus, Telum, Vultur, post Anguifer, Anguis.*

XVII. Constellationes Hemisphærii Australis.

cx. Contendimus tandem in Austrum ab Eclipticâ, ubi sequentia Sydera sese pandunt:

1. *Cetus* sive *Balena*. Duas in caudâ possidet, quasdam medio corpore, & circa caput.

2. *Orion*, item *Gigas*. Si quæ, nobilis est Constellatio. Excellunt *Reges* & quæ in humero sunt, ac pede.

3. *Canis Minor*, aliter *Procyon*. In eo occurrit fulgidior.

4. *Hydra*, nec non *Coluber*. Hujus Cor cæteris præfertur.

5. *Crater* seu *Scyphus*.

6. *Corvus*, qui cum Cratere Hydræ imponitur, & luculentiores habet in alis, ac pede.

7. *Centaurus*. Hic magis coruscantes invenias.

8. *Lupus*. In quo una in pede clara est.

9. *Ara*. Ex minutis componitur.

10. Co-

10. *Corona Noia*. Non habet, quæ alicujus sunt Nominis.
11. *Piscis Australis*. Cujus longè clarissima est, quæ in ore videtur, dicta *Fomahant*.
12. *Eridanus*. Varias benè fulgentes habet.
13. *Lepus*. iv gerit in auribus, sed fulgidiores in corpore.
14. *Canis Major*, qui & *Canicula*. In ejus ore maxima Stella est, atque decantatissima, *Canicula*.
15. *Argo Navis*. Varias habet splendentes, inter quas eminet *Canopus*.

cx1. Sydera hujus Hemisphærii juxta cum ordine, sequenti Carmine exprimuntur;

*Sunt Balana, Gegas, Procyon, Colabergue, Scyphusque,
Corvus, Centaurus, Lupus, Ara, Coronaque, Piscis,
Eridanus, Lepus, atque Canicula, denique Navis.*

cx11. Sic ergò videmus Constellationes Veteribus cognitæ earundemque Nomina, quæ alii ex S. Paginâ maluerunt accersere.

XVII. *Stellæ atque Constellationes Novæ. Via Lactea. Via ad Syderum notitiam.*

cx111. Recentiores Astronomi Constellationes Veterum pluribus non tantum Stellis ditaverunt, sed & Novas effinxere, postquam *Stellas Polo Antartico* propinquiore ad extremos Indos navigantibus licuit intueri.

cx1v. In numero Constellationum omnes non consentiunt; Nos Globum secuturi, præter binas Nubeculas, xiv recensemus, hoc Ordine:

*Crux, Indus, Geranos, Phoenix, & Noë Columba,
Muscaque, cum Triquetra, Pavo, Brasiliæ Pica,
Hydrus, Dorado, Passer, Chamæleon, Apus.*

cxv. Post Constellationes in universum, verbum de Viâ Lactea. Veteres putarunt, eam esse innumerabilium Stellarum congeriem; quibus accedunt Recentiores, arundine Dioptrica confirmati. Aberravit ergò Philosophus, qui ipsam pro Meteorò habuit.

cxvi. Varia est variis in locis Galaxia, tenditque ab *Aurigâ* in Austrum per *Geminos, Orionem, Canem Majorem, Argo*, reditque

ex Austro in Boream per *Centaurum*, *Lupum*, *Scorpium*, *Sagittam*, *Antinuum*, *Aquilam*, *Cygnum*, *Cepheum*, *Cassiopeam*, *Perseum*, & tandem denuò ad *Aurigam*.

cxvii. In Syderum jam ante descriptorum notitiam Astrophilus faciliè deveniet, si Globum tempore Observationis ad situm Cœli disponat; qui ex præcognitâ Plagâ, aut Altitudine Fixæ in Globo expressæ haberi potest. Nam Polo ritè elevato, vertatur Globus, usque dum Stella teneat notam Plagam, aut Altitudinem.

cxviii. Vel si, hisignoratis, dies Mensis & hora dici cognoscatur, post curam Poli gradus Solis ad Meridianum applicetur, & Index ad xii; tum Globus volvatur, donec Index Horam, quam debet, indicat.

cxix. Firmatus sic Globus ope Compassi, aut aliâ quâ viâ, ad Plagas Cœli dirigatur, prorsus Cœlo consentiet; neque difficile erit ex Syderum figuris, Stellarum magnitudine, exploratâ altitudine, distantia, harumque omnium cum Globo collatione, comite Labore & Constantiâ, voto potiri.



I N.

INSTITUTIONIS ASTRONOMICÆ SYNOPSIS

SECTIO POSTERIOR,

S I V E

DOCTRINA THEORICA.

I. *Motus Secundus. Ejus Divisio. Secundus Motus Fixarum. Motus Trepidationis.*



Athenus de *Doctrinâ Sphericâ* pro Instituti ratione. Progredimur ad *Theoricam*, quæ de *Secundo Syderum motu* agit, longèque facilius est, si oculo intueri liceat quasdam, quas *Theorias* vulgò vocant, *Machinnas*.

11. Peragitur verò *Motus Secundus*, teste experientiâ, ex Occasu in Ortum in parallelismo *Eclipticæ*. Vulgò inquirunt

Stellas hoc Motu tendere in consequentia, seu S. S. S.

111. Ratio dicti Motus multorum vexavit ingenia. Nobis eorum Sententia videtur potior, qui simplicem in Occasum motum Stellis attribuunt, & qui in Ortum est, per multiplicatos defectus explicant.

1v. Concernit autem *Stellas Fixas & Erraticas*, sed diversâ ratione. *Fixis* quidem ex æquo convenit.

v. De spatio autem, quo Circuitus hic conficitur, quem

C 3

Magnum

Magnum Annum Astronomi nominant, diversum sentiunt diversi; aliquot verò annorum millia desiderari, omnes volunt.

VI. Qui dictum Fixarum Motum perspexerit, rationem sequentium observabit Problematum;

1. *Quare Stella in cornu Arietis à Signo Arietis S. S. S. ad gradum XXIX abierit.*
2. *Quare Canicula serius cum Sole surgat; & surrectura sit deinceps, quam ante.*
3. *Quare Annus Astricus Tropico sit prolixior.*
4. *Quare, Stella Polaris Polo longè sit vicinior, quam ante aliquot Sæcula, & quæ nunc à Polo remotæ sunt, ei propinquiores postmodum sint futura.*
5. *Quare Declinationes Fixarum varient magis, minusve, invariata tamen latitudine, tandemque ex Boreali Australem, & vice versâ &c. acquirant.*

VII. Sunt qui præter explicatum motum Fixis binos insuper, sed imperfectos adscribunt. *Motum Trepidationis* nuncupant, seu *Accessus & Recessus.*

VIII. Prior est, quo à Septentrione in Meridiem & contra, sed inæquabiliter commoventur per 24 minuta Gr. Posterior est quo per gradus duntaxat duos cum triente ab Ortu in Occasum, & contra, motu etiam inæquabili supra Polos Eclipticæ.

IX. Ex Motibus hisce derivant varietatem in maximâ Eclipticæ declinatione, in secundo Fixarum motu, in numero Cælorum.

II. Planetæ. Dies cum suo Initio.

X. Antequam ad Secundum Motum Planetarum progredimur, oportet, de iis in genere aliquid præmittamus.

XI. Sunt verò *Planeta*, excepto Sole, opaca corpora, superficiiei inæqualis, locata in Æthere infra Fixas, & se mutuo, quorum motus Secundus in ordine ad Fixas, & invicem difformis est.

XII. Dividuntur in *Primarios*, & *Secundarios*. Hi sunt illorum Satellites, de quibus infra. Illi sunt numero septem:

Cynthia, Mercurius; Venus, & Sol, Mars, Jove, Saturn.

XIII. Ex quibus Sol & Luna rectè dicuntur *Luminaria*, reliqui, *Plane-*

Planeta simpliciter. Et qui juxta Ptolemæum supra Solem ponuntur, ipsi veniunt nomine *Planetarum Superiorum*, & qui infra eum, *Inferiores* vocantur.

xiv. Sol, qui inter Planetas princeps est, motu Primo Diem efficit, de quo pressius. *Dies* autem *Naturalis* apud Astronomos est spatium temporis effluens inter Solis abitum à Meridiano, & reditum ejus ad eundem; quo tempore *Æquator* cum additamento, quod diurno Solis motui per *Eclipticam* respondet, Meridianum pertransit.

xv. Quum verò hæc Additamenta variant in magnitudine, & Astronomi statuunt inter ea Medium, seu *Æquale*; hinc nata est Dierum divisio in *Inæquales*, seu Apparentes, & *Æquales*, seu Medios. Interim Additamenta propter Calculi difficultatem ut plurimum negliguntur, & solus *Æquator* statuitur Diem mensurare.

xvi. *Initium Diei* Astronomi à *Meridiano* auspicantur, non ab *Horizonte*; quia hic initium universale esse non potest, & Sol in eodem loco, diverso tempore ad eum se applicet.

III. Divisio Diei in Diem & Noctem Artificialem. Crepuscula.

xvii. Dividitur Dies, ubi ex vicissitudine luminis & tenebrarum componitur, in *Diem* & *Noctem Artificialem*. Ille est pars Diei; quæ moram Solis supra Horizontem complectitur; hæc verò, quæ moram infra.

xviii. Variant Dies, & Noctes Artificiales suam longitudinem pro variâ Horizontis obliquitate, & Solis declinatione.

xix. Porro pars Noctis Artificialis est *matutinum*, & *vesperinum* *Crepusculum*. Hujus finis, atque illius initium vulgò statuitur, cum Sol in Circulo Verticali ab Horizonte abest per gradus xviii. Quem tamen terminum varia anni Tempora nonnihil immutant.

xx. Brevisimum Crepusculum obtinet in Horizonte Recto; longissimum in Parallelo; intermedium in Obliquo.

xxi. Quin quoddam in Horizonte magis Obliquo Crepusculum *vespertinum*; & *matutinum* per plures noctes sibi invicem compulcatur; atque in Horizonte Parallelo Crepusculum *vespertinum*.

num, & matutinum per plures Dies naturales se extendant.

xxii. Ut per Globum indagetur initium, ac finis Crepusculorum, habeatur ratio Poli, Quadrantis, gradus Solis, & Indicis. Tunc Globus in Ortum convertatur, donec gradus gradui Solis oppositus supra Horizontem occiduum attollitur per gradus xviii, & Hora, quæ facit initium Crepusculi matutini, patebit ex Indice. Contrà fac, si finem Vespertini desideras.

xxiii. Si verò Gradus gradui Solis oppositus in superiore Meridiani semicirculo ad Austrum altitudinem obtineat xviii gradibus minorem, tunc ne mediâ quidem nocte finitur Crepusculum.

IV. *Alia Diei divisio.*

xxiv. Dies Naturalis etiam in xxiv *Horas Æquales* distribuitur, quarum quæque, missâ variâ fracturâ, xv gradus Æquatoris includit, & in LX Minuta prima subdividitur, ac quodlibet Minutum primum in LX Secunda, & sic porro, si opus sit.

xxv. Quidam Populi has Horas xxiv numerant continuato ordine, & hanc numerationem ab ortu, aut occasu incipiunt. Quota autem juxta hunc modum Dici Hora sit, per Globum sciri potest; de nocte ex Fixarum; & de die ex Solis Plagâ aut Altitudine.

xxvi. Nam dato loco & die, ac disposito Polo, gradu Solis ad Horizontem, ac Indice in xii, Globus movendus est, usque dum Stella præcognitam Plagam, aut Altitudinem consequatur, & Hora ex Indice aperta est.

xxvii. Loco descriptarum, modo Horarum Veteres *Horis Inæqualibus* usi sunt, per omnia anni Tempora in Obliquo Horizonte diem & noctem Artificialem distribuentes in xii æquales partes, sive Horas.

xxviii. Astronomis hæ Horæ vocantur *Planetaria*; quia credunt, primâ Horâ ab ortu Solis Planetam, qui diem cognominat, dominari; secundâ Horâ, qui huic descendendo proximus est, ordine opposito ei, quem §. xii expressimus. Atque ita in orbem itur, ab infimo ad supremum regrediendo.

xxix. Hinc si primâ Horâ dici regnet Saturnus, Horâ xii noctis, seu ultimâ ejusdem dici regnabit Mars, & primâ Horâ proxi-

mi

mi dici Sol , ac dies, qui hunc excipit, habebit primâ horâ prædominantem sibi Lunam. Unde apertum est, quare nomina Dierum in septimanâ dictum Planetarum ordinem non sequantur.

xxx. Dato autem die & loco, Quantitas Horæ diurnæ inæqualis hauriri potest ex observato arcu Æquatoris, qui Meridianum pertransit, dùm gradus Solis ex ortu culminat in Meridiem. Nam hoc arcu per VI diviso, prodit horæ diurnæ Quantitas.

xxxI. Neque hac notâ, Quantitas horæ nocturnæ ejusdem dici ignorabitur; cum Hora diurna & nocturna junctæ semper duabus Horis æqualibus debeant congruere.

xxxII. Caterum in obliquo Horizonte extra tempus Æquinoctii hæ Horæ Æqualibus nunquam congruunt, & quò Sol remotior est ab Æquinoctio, & Horizon obliquior, eò major est discrepantia.

xxxIII. Transeo *Noctem Artificialem* etiam sectam fuisse in IV *Vigiliis*, quarum quæque erat trium Horarum inæqualium; nec non *Diem* in IV *Quadrantes*, quorum Primus dicebatur Hora Prima; Secundus Tertia; Tertius Sexta; & Quartus Nona. Quod in Sacris observasse profuerit.

V. *Secundus Solis Motus. Varii Anni.*

xxxIV. Haftenus de Die, quem Sol Primo motu efficit. *Secundum Motum* instituit per Eclipticam S. S. S., dispari velocitate.

xxxv. Nam plures nunc Sol dies infumit ad percurrenta Signa borealia, quàm australia; Apogæo ejus, quod tardissimè S. S. S. movetur, sub initio Cancri existente.

xxxvi. Totam verò Eclipticam Sol absolvit Diebus ccclxv, Horis 5, & Min. circiter 49; quod tempus *Annus Solaris Verrens*, sive *Tropicus* appellatur.

xxxvii. Hic longior est anno *Ægyptio*, qui erat Dierum 365; & brevior *Juliano*, qui ultra hosce dies sex horas complectitur.

xxxviii. Hinc Sol in anno Juliano Æquinoctium quorannis per XI ferè min. anticipat, adeoque liquet, cur Æquinoctium Vernum, quod tempore Synodi Nicænæ incidit in XXI Martii,

tii, ætate Gregorii XIII in diem XI incidit.

XXXIX. Quumque Papa voluerit, hoc Æquinoctium semper accidere XXI Martii, decem anticipatonis dies transiliit, & ne nova fieret anticipatio, iussit, ut ex singulis quatuor Annis Sæcularibus futuris, non nisi Primus, Intercalaris haberetur. Hinc præfens, & futura utriusque Styli immutatio.

XL. Cæterum in Anno Juliano VI Horæ supra dies CCCLXV non nisi quarto quolibet anno colliguntur, constante diebus CCCLXVI, qui *Bissextilis*, uti qui die minor est, *Communis* appellatur.

VI. *Litera Dominicalis variat. Cyclus Solis.*

XLI. Anno Communi, quod moris est, in Septimanas diviso, unus Dies relinquitur; quare primus & ultimus dies hujus Anni ejusdem semper sunt nominis, ac dies proximus, seu *Feria* ordine sequens, Annum sequentem inchoat.

XLII. Itaque cum in Calendario omnes dies Anni signari soleant VII primis Literis Alphabeti, primâ semper datâ primo diei, secundâ secundo, primâ iterum octavo diei, ac sic porro; necessum est, ut *Litera*, quæ in proximè præcedente Anno communi adscripta fuit *Dominicæ*, non adscribatur *Dominicæ* proximè succedentis Anni communis, sed *Litera*, quæ illam immediate antecedit.

XLIII. Imo si Annus proximè præcedens sit *Bissextilis*, primus annus Communis à *Bissextili* non habet *Dominicæ* appositam primam literam antecedentem, sed secundam; quia annus *Bissextilis* supra integras Septimanas binos dies completitur.

XLIV. Cæterum quum dies supernumerarius in anno *Bissextili* literam diei præcedentis obtineat, *Dominica* sequens diem supernumerarium Literâ notatur, quæ literam præcedentium *Dominicarum* ejusdem anni proximè antecedit.

XLV. Hinc *Litera Dominicales* non redeunt eodem ordine, nisi post annos XXVIII, quæ revolutio *Cyclus Solaris* appellatur.

XLVI. Ad inveniendum *Numerum Cycli Solaris* in dato Anno Juliano, abjectis ex annis Æræ Christianæ omnibus Centuriis, residuis adjice XIII, & per XXVIII partire, quod restat, aut

aut aliàs integer Cyclus , numerus erit , quem expetis.

XLVII. Cognito numero Cycli Solaris in Anno Juliano , promptum est ejus *Literas* , aut *Literam Dominicalem invenire* , & ex eà , in quam *Feriam* initia mensium , & singuli dies incident , collatis , quæ in INSTIT. ASTRON. pag. 105, 6, 7 annotavimus.

XLVIII. Numerus Cycli Solaris in anno Juliano & Gregoriano idem est , sed *varias Litera Dominicalis* propter varietatem à Gregorio , & variandum Kalendarium. Interim qui ea sciri possit , uti & *Feriæ Mensium* , docetur in INSTIT. ASTRON. pag. 109.

VII. *Anni Tempestates. Coluri. Initium Anni. Equinoctia & Solstitia.*

XLIX. Viso vario Anno , dicendum de *iv Anni Tempestatibus*. Ver ad boream locatis accedit , Sole Arietem , Taurum , & Geminos transeunte ; *Æstus* , transeunte *iii* Signa sequentia ; *Autumnus* , *iii* proxima ; *Hyems* denique *iii* ultima.

L. Cæterum Borealiū Ver est Australiū Autumnus , & Æstas Hyems , & Autumnus Ver , & Hyems Æstas. Variâ igitur tempestate Mundus natus est.

LI. In Globo Signa *iv* Tempestatum ab invicem distinguuntur per duos Circulos maximos , se in Polis Mundi decussantes. *Coluri* vocantur , & qui initium Arietis & Libræ transit , *Colurus Equinoctialis* , uti qui initium Cancris , & Capricorni , *Solstitiorum Colurus* .

LII. Exceptis *Ægyptiis* , plerique Annum ab aliqua Tempestate , aut non longè ab ejus initio inchoarunt. *Astronomis* placuit , & placet *Aries* .

LIII. Quando Sol Arietem ingreditur , parit Borealibus *Equinoctium Vernale* , & quando Libram , *Autumnale* . Quando Cancrum ingreditur , parit iisdem medium *Solstitium Æstrum* ; quando Capricornum , medium *Solstitium Hyemale* .

LIV. Solstitium hoc tempus dicitur ; quia Sol per illud nec Polo Mundi , nec Æquatori sit vicinior. Incipit ad oculum fermè per dies *vii* ante Cancris , & Capricorni initium , ac per totidem post Cancris , & Capricorni initium desinit.

VIII. *Phænomena Zone Torridæ.*

LV. Porro operæ pretium est exponere, quæ *Phænomena* ex motu Solis per universam Eclipticam variis Terræ Incolis eveniant.

LVI. Habitantibus *sub ÆQUATORE* (ne de *perpetuo* loquar *Æquinoctio*) Sol ipso Meridie *bis in Zenith* est, tunc *Afcus*, quando Arietem & Libram ingreditur, efficitque tunc Iplis *duo Alia Solstitia*, & *duas Æstates*; sicut cùm Cancrum, & Capricornum ingreditur, *duo Ima Solstitia*, & *duas Hyemes*.

LVII. Quando Sol medius est inter puncta *Æquinoctialia*, & *Solstitialia* creat iisdem *Ver*, & *Autumnus*. Cæterum Iplis *Umbra Meridiana* per unum *Semestre* in *austum*, & per alterum in *boream* spargitur.

LVIII. Habitantibus inter *ÆQUATOREM* & *TROPICUM CANCRI*, ne dicam de *Dierum incremento ac decremento*, Sol ipso Meridie *bis in Zenith* est, quando transit gradus Eclipticæ, quorum Declinatio par est locorum latitudini, & parit tunc *duo alia Solstitia* & *duas Æstates*. Solstitium Cancrî hic altius est Solstitio Capricornî. Vulgò etiam iis attribuitur *geminum Ver*, *Autumnus*, & *Hyems*. Sunt *Æcius*, & *Ἀμειΐcius*.

LIX. Habitantibus in *TROPICO CANCRI* Sol *per dies Solstitii* *Æstivi* ipso Meridie *Verticalis* est, & uti tunc sunt *Æcius*, sic reliquo Anni tempore sunt *Ἐπιΐcius*.

LX. Sol igitur, dum Signa Borealia perambulat, semper alicui loco intra *Æquatorem* & *Tropicum Cancrî* *Verticalis* est, cui verò sit ad datum diem, & horam, Globus hoc pacto edocet.

LXI. Notato gradu, & Declinatione Solis, Trajectum v. gr. Meridiano Terrestri supponatur, & voluto Globo, donec Meridianus æneus Meridiano Cœli, ad quem Sol ad datum tempus existit, congruat, tunc numeretur in Meridiano æneo observata Declinatio, & Locus quæsitus innotescet.

LXII. Hic si in Zenith erigatur, liquet, quæ loca hoc ipso tempore Solem habeant æquè altum, item occidentem, orientem, altissimum, humillimum, apparentem sine nocte, & disparantem sine die.

IX. *Phæ-*

IX. *Phænomena Zona borealis Temperata & Frigidæ:*

LXIII. *Habitantibus intra TROPICUM CANCRI, & CIRCULUM ARCTICUM major accidit Dierum inæqualitas, im-*
primis Sole Æquatori vicino. Quando autem versatur in gra-
duibus à punctis Solstitii æqualiter remotis, in eodem loco dies &
noctes pares facit. Sol ipsis nunquam est Verticalis, & proinde tan-
tum sunt Tropici.

LXIV. *Habitantibus sub CIRCULO ARCTICO Sol, dum*
per Signa ascendentia incedit, oritur in omni parte Horizontis or-
tivi, ab austro in boream abeundo; contra oritur in Signis de-
scendentibus. Similiter in Horizonte occiduo occidit.

LXV. *Quando Sol Cancrum ingreditur, ibidem Dies est sine*
Nocte; & quando Capricornum, Nox sine Die. Gaudent uno
Alto Solstitio, binis Imis, sexâ Hyeme, & primi sunt Tropici.

LXVI. *Habitantibus inter CIRCULUM ARCTICUM, &*
POLUM ARCTICUM, Dies longissimus per varios dies naturales longus
est. Quæ quantitas ut observetur per Globum, curato Polo,
notentur duo gradus Eclipticæ, qui Horizontem radunt ad
Meridianum infra Polum, & hoc arcu converso in dies, pate-
bit quæsitæ quantitas Diei longissimi in isto loco.

LXVII. *Huic Diei Nox longissima æqualis esset, si Sol pari*
velocitate per arcum oppositum moveretur, nunc vero aliquan-
to est brevior.

LXVIII. *Cæterum magnitudo Longissimorum Dierum &*
Noctium inter Circulum Arcticum & Polum ad distantiam semi-
gradus hauriri potest ex Tabulâ INSTIT. ASTRON. pag. 123.
Sex hic vulgò statuuntur Solstitia; duo Alta, quando Sol Tro-
picum Cancrî describit; duo Imâ, quando centrum ejus Hori-
zontem stringit ad boream; & alia duo Imâ, quando ad Au-
strum. Hyems aspera est, vix Æstas, diutius sunt Tropici.

LXIX. *Habitantibus tandem sub POLO ARCTICO Dies*
durat per tempus, quod Sol requirit, ut Signa borealia per-
transeat; & Nox per tempus, quod exigit ad australia eme-
tiendum.

LXX. *Est tamen nunc; uti dictum, Nox Die brevior, quæ*
manente cursu Naturæ, non tantum par fiet Diei, sed ipso ma-

jor. Itaque & hic loci, & in universo Orbe plus luminis per annum est, quam tenebrarum.

LXXI. Insuper Sol sub hoc Polo oriens & occidens *Horizontem* describit, duo pariens *ima* Solstitia, uti *altum*, Tropicum Cancri perambulando. Hyems hic omnium *saevissima* est & longissima, *Æstas minima*. Incolæ si essent, perfectissimi essent *hivernus*.

LXXII. Hisce ritè perceptis, expeditum est intelligere Phænomena eorundem locorum in altero Hemisphærio.

X. Ortus, & Occasus Cosmicus, & Acronychus.

LXXIII. Hactenus de Adjunctis Tempestatum in variis Terræ partibus. Quibus subjiendum, *Antiquos* Tempestates per triplicem Stellarum Ortum, & Occasum (qui Poëticus vulgò vocatur) designavisse; *Cosmicum*, *Acronychum*, & *Heliacum*.

LXXIV. *Ortus Cosmicus* propriè est, cum Signum, vel Stella cum Sole oritur; & *Occasus*, cum Sole oriente occidit.

LXXV. *Ortus Acronychus* propriè est, cum Signum, vel Stella oritur, Sole occidente; & *Occasus*, quando cum Sole occidit.

LXXVI. Quando Fixa, quæ hæret in Eclipticâ, nec non hujus Signum, & Gradus oriuntur Cosmicè, Acronychè occidunt, & vice versâ. Fixæ verò si ab Eclipticâ ad Polum elevatum devient, quando oriuntur Cosmicè, non occidunt Acronychè, sed seriùs; uti ocyùs occidunt, quibus ab Eclipticâ versus Polum depressum sedes est.

LXXVII. Quando autem gradus Signi Cosmicè oriatur, & Acronychè occidat, scitur ex quæsito die Kalendarii Horizontalis, gradui dato respondente.

LXXVIII. Ad inveniendum ejusdem gradus ortum Acronychum, & occasum Cosmicum, observandum, quando gradus oppositus Acronychè occidat, & Cosmicè oriatur.

LXXIX. Fixa extra Eclipticam Cosmicè oritur, quando Sol gradum occupat, qui simul cum Fixâ in dato loco Horizontem in oriente contingit. Uti Acronychè occidit, quando Sol in illo gradu versatur, qui simul cum Fixâ hæret in Horizonte occiduo.

LXXX. Porro eadem Fixa oritur Acronychè, Sole gradum occupante, qui in occasu est, dum Fixa hæret in ortu; sicut occidit

occidit Cosmicè, Sole in gradu existente, qui oritur, quando Stella jamjam occidit.

LXXXI. Cæterum soli Veneri atque Mercurio Occasus Cosmicus, & Ortus Acronychus non conveniunt.

X. Ortus & Occasus Heliacus.

LXXXII. Restat ex Ortus & Occasus Poëtico Heliacus. *Ortus Heliacus* est, cum Stella manè aut vesperi ex radiis Solis sese expedit. *Occasus*, quando radiis ejus obtegatur.

LXXXIII. Mars, Jupiter, Saturnus, nec non Fixæ manè Heliacè oriuntur, & vesperi occidunt; quia Secundus Ipsorum motus tardior est motu Secundo Solis.

LXXXIV. Contrà Luna se habet ob contrariam rationem; & quia Mercurius atque Venus nunc Sole celeriores sunt, nunc tardiores, interdum manè occidunt, & vesperi oriuntur, interdum cum illis secus est.

LXXXV. Variat verò Ortus, & Occasus Heliæus pro varietate Stellarum. Vide sis INSTIT. ASTRONOM. pag. 131, 2.

LXXXVI. Quando autem Heliacè ex gr. *Canicula*, quam ad hoc nomine celebrarunt Poëtæ, exoriatur, ex Globo sic collige. Polo curato, & Stellâ in ortu, per Quadrantem investigetur gradus Eclipticæ, qui, Globo immoto, supra Horizontem occiduum altitudinem habet graduum XII; cujus oppositum quando Sol occupat, *Canicula* Heliacè oritur.

LXXXVII. Heliacè occidit, quando Sol, ipsâ in occasu hærente, gradum Eclipticæ occupat, oppositum ei, qui supra Horizontem ortivum in Quadrante per XII gradus elevatus est.

LXXXVIII. Denique ut tempus Ortus, & Occasus Poëtici Fixarum penes antiquos Scriptores intelligatur, observandum, de quo loco & tempore loquantur, & quemadmodum Secundus ipsarum motus tunc se habuerit.

LXXXIX. Ex allatis de Fixarum ortu & occasu Poëtico liquet, Fixas quotidie per IV ferè minuta Horæ ortus suos eodem in loco anticipare. Hinc Cælum eadem horâ & loco per noctes multum remotas inspectum multum variat, nec idem nisi post annum redit.

xc. Quæ variatio si in quibusdam Fixis observetur, dum in Meridiano sunt, vel circa ipsum (quod ex cognita utraque Ur-

fi

ſa ſciri poteſt) hinc Hora noctis per integrum Annum innoteſcit. Vide INSTIT. ASTRON. pag. 134. 5.

XI. *Eclipſis Solis, nec non Ejusdem Macula.*

xc. Haſtenus de variis Conſequentiis Secundi motus in Sole; ex quo, ut & motu Secundo Lunæ etiam profluit *Eclipſis Solis*, Lunâ Novâ, cum eſt in hoc, vel iſto *Nodo*, aut *citra* & *ultra* cum ad certum lignitem, radios ejus à Terrâ avertente.

xc. Quia verò limites Ecliptici ſuâ gaudent longitudine, accidere poteſt, ut Sol intra ſuum *ſpatium menſtruum* bis patiatur Eclipſin, alteram *citra* eundem Nodum; alteram *ultra*. Saltem *nunquam* Nodum & Eclipticos limites pertranſire poteſt, ut ab omni Eclipſi immunis ſit.

xciii. Quando Sol Eclipſin patitur, vel *Totus* ad breve tempus cum inſigni nonnunquam caligine ex conſpectu ſubducitur; vel *Medius*, vel *plus*, vel *minus*. Rarum eſt, ſi ex Sole *tantum* integer *limbus* obſervetur. Quæ varietas ex variâ Lunæ latitudine, & diſtantiâ Luminarium à Terrâ ortum ducit.

xciv. Quibus Totus Sol diſparet, in illos *Conica* Lunæ *Umbra* incidit; quibus ex parte, illi in *Penumbrâ* ſolum verſantur; quos nec Umbra, nec Penumbra afficit, quales ſunt longè pluri in Hemiphærio Terræ illuſtrato, iis Eclipſis nulla eſt.

xcv. Eclipſis Solis ab occidentali ejus limbo *ſemper* incipit, & in orientali deſinit; quia Luna, Sole Eclipſin ſubituro, ſemper eſt occidentalior, & à Sole præterit. Hinc Occidentales Populi perpetuò Eclipſin Solis priùs conſpiciunt; quin ipsis deſuiſſe poteſt, dum Orientalibus futura eſt.

xcvi. Sol à *Boreâ* deſicit, quando latitudo Lunæ borealis eſt, ab *Anſtro*, quando australis; *variâ duratione*, quæ in Eclipſi Totali ad bihorium ferè extenditur.

xcvii. Solis Eclipſin excipiunt ejusdem *Macula*, hujus Sæculi inventum. Obſervantur commodiſſimè, quando Sol altiùs elevatus ſuam imaginem per grandiore *Dioptram* projicit in immotum corpus albicans, in Camerâ obſcurâ debite conſtitutum.

xcviii. *Nigriores* apparent, & in medio ut plurimum Solis diſco, nec non *diverſe figura* ac *magnitudinis*; quin plerumque eadem

eadem Macula suam figuram, & magnitudinem non diu asseruat.
xcix. *Numero* etiam & *duratione* variare experientia quàm
sepe edocuit. Nedom ad plures annos omnes omninò nonnun-
quam disparuisse.

c. Sæpiùs Maculam in *Faculam* mutari, & vice versà vi-
sum est.

ci. *Supra Lunam* locari patet ex carentià Parallaxeos. Num
verò in *Sole* sint, an *circa* ipsum disquiritur.

cii. *Motus* circa Solem obeunt intra mensem, ab ortu in oc-
casum contendendo, dispari celeritate, nec observant paral-
lclismum cum Eclipticâ. Inspice INSTIT. ASTRON. ad pag. 144.

XII. *Macula & Phases Lunares.*

ciii. Viso Sole, dicendum de altero Magno Luminari, nem-
pe *Lunâ*, quæ est Planeta infimus, maculosus, noctem suis
Phasibus illustrans.

civ. *Macula* Lunares nudis oculis conspicuæ *constantes* sunt,
& sibi similes. *Humiliores* creduntur, & superficiiei magis *poli-
ta*, quàm *Lunæ* partes illustriores; quare multi contendunt,
Aquas existere, nimis temerè meo quidem iudicio.

cv. Cæterum ex Macularum constantiâ, & similitudine per
omnes Phases plus quàm probabile videtur *eundem Lunæ discum*
Terræ obverti, *saltem potissimâ* sui parte; nam *parva*, & *tarda*
in eo *Libratio* observatur. Confer INSTIT. ad pag. 143.

cvi. Præter Majores Maculas Telescopium multas *Minores*
detegit in parte *Lunæ* illustratâ, ac imprimis in confinio umbre
& luminis. *Situm* variant pro situ *Lunæ* & *Plenilunio* non solum
pereunt, verum apparent *candidissime*.

cvi. Insuper ope Telescopii in parte Disci obscurâ *lucida*
quedam *Puncta* sese offerunt; unde, quemadmodum etiam ex
inæquali termino *Lunæ* illuminatæ, nec non exiguis Maculis,
inaequalitas superficiiei Lunaris, nec frustra, colligitur.

cvi. Frustra autem sunt, qui ex hac, aut simili conve-
nientiâ *Lunæ* cum *Terrâ*, in reliquis omnibus convenientiam
sibi imaginantur. Vide imaginationem Hevelii ad pag. 145.

cix. Maculis Lunaribus *Phases Luna* succedunt, quas Ter-
ricolis videtur inducere ex vario situ, quem propter motum

sibi proprium ad Solem acquirit.

cx. Vulgò hæ Phases statuuntur v, quarum Prima, per Antiphrasin sic dicta, est *Luna Nova*, quæ accidit in Conjunctione Luminarium.

cxI. Secunda est *Corniculata*, quando post Conjunctionem, finito Interlunio, observatur, & in primis cum à Sole per duo Signa secessit.

cxII. Lunâ Corniculatâ tam decrescenſe, quàm increſcenſe, integer ejus *Discus* conspicitur, quod Terræ, hos radios tunc commode in Lunam reflectenti, imputandum.

cxIII. Tertia est *Semiplena*, quando per tria Signa à Sole abiit; uti quando per quatuor, Phasim *Gibbosam* exhibet, & *Plenam* tandem, quando per sena. Confer INSTIT. ASTRON. pag. 150.

cxIV. Hactenus vidimus Crescentem Lunam; à quâ verò parte Lunæ primùm lumen coepit increſcere, ab eadem etiam semper incipit ejus decrementum: ut nunc à Plenilunio in Novilunium sit futura in tenebris, quæ à Novilunio in Plenilunium luci exponebatur. Quod in Quæſtione de Lunę Incolis observasse profuerit.

cxV. Porro Luna decreſcens easdem tantùm Phases resumit, & in pari à Sole intervallo, sed retrogrado ordine.

cxVI. Tempus inter Lunam Novissimam, atque Primam, vulgò *Interlunium*, inæquale est, & proinde etiam *Mensis Illu-minationis*, à Lunâ primâ in Novissimam se extendens.

cxVII. Quando Luna Nova est, vel Novilunio vicina, nec de die, nec nocte conspicitur, & cum Sole circiter oritur atque occidit.

cxVIII. Quando aliquantulum increvit, de die conspicitur usque in Plenilunium, quando oritur, Sole occidente.

cxIX. Quando autem Luna in aliis sui Phasibus, quin quotidie oriatur ac occidat, laboriosum non est subsidio Globi intelligere, si habitâ ratione Poli, digressio ejus à Sole de die in diem observetur; quæ ex Motu Lunari clariùs innotescet. Conferatur SYNOPSIS pag. 8. §. XLII.

XIII. *Motus & Eclipsis Lunar.*

cxX. Absolvit autem Luna *Motum* Proprium intra Dies

XXVII

xxvii ac semissem, celeriusque in Perigeo, & tardius in Apogeo progreditur.

cxxi. Imo hæc puncta etiam feruntur, sed æquabiliter, in consequentia, & viam Lunę intra novem annos perambulant.

cxxii. Hęc Eclipticę in binis tantum punctis supponitur, quorum alterum dicitur *Caput Draconis* seu *Nodus Ascendens*, quem quando Luna transivit, Polo septentrionali sit propinquior; & alterum *Cauda Draconis*, seu *Nodus Descendens*, à quo Luna in meridiem cursum instituit.

cxxiii. Hi Nodi in antecedentia moventur, & orbitam Lunę intra annos novendecim conficiunt; ex quo Nodorum motu cum Sol nono circiter anno tres Nodos pertranseat, tunc plures non raro Eclipses enascuntur.

cxxiv. Porro Via Lunę ab Eclipticā in boream, & austrum desceſcit per Gradus v; quibus alii, Lunā Semiplenā, Minuta quędam adjiciunt.

cxxv. Quare quum Meridiana Solis altitudo in Lunā tantum per decadem graduum immutetur, clarum est, quanto estui Ecliptica Lunę, & quę partes ipsi vicinę sunt, subjiciantur. Confer §. cxiv.

cxxvi. Luna, dum suam Viam perambulat, interdum per umbram Terrę debet incedere, & tunc patitur *Eclipsin*, ac lumine suo exuitur; uti clarum ex INST. ASTRON. pag. 155.

cxxvii. Id verò tantum fit, quando Plenilunium in *Nodum* incidit, aut *intra gradum xii* ab eodem; quod communiter bis in anno contingit.

cxxviii. Quando in Nodum incidit, nascitur *Eclipsis Totalis* centralis, & si Luna Perigea sit, interdum ultra quadrihorium se extendens. Vide ibidem pag. 157.

cxxix. Quando in confinio Nodi incidit Plenilunium, evenit quidem Eclipsis Totalis, sed quę nec Centralis est, nec tantā cum morā. Inspice pag. 158.

cxxx. In Totali Eclipsi Luna interdum *disparet*, sæpius *rubet* diversimodē.

cxxxi. Quando Plenilunium longius abit à Nodo, oritur *Eclipsis Partialis*, varię magnitudinis pro vario ejus abitu, quam, sicuti Eclipsin ejus Totalem Astronomi *Digitis* dimetiuntur.

cxxxii. In Partiali Eclipsi Luna ab *Austro* deficit, quando

Borealem habet latitudinem; si Australem, à *Boreâ*. Vid. p. 159, 160.

cxix. Porro Luna *semper* ab orientali margine incipit describere, umbrâ Terræ ipsam occidentaliorem transeunte.

cxli. Quinam verò ex Terræ Incolis Eclipsin Lunæ conspiciant, licet ex Globo Terrestris intelligere, quando ita disponitur, ut tempore mediæ Eclipsæ Luna in Zenith, & Sol in Nadir observetur.

cxlii. Dispositio sic Globo, qui in conspicuo ejus Hemisphærio commorantur, eandem Lunæ Eclipsin vident, & eodem tempore; quod tamen pro Meridianorum differentiâ, & modo numerandi Horas, aliter, aliterque expriment.

cxliii. Ex quo discrimine ritè notato liquet *differentia Longitudinis* inter loca hujus Hemisphærii, res aliâs tam ardua, impeditaque.

XIV. *Menses & Anni Lunares.*

cxliii. Tandem quum Mensium, & Annorum Lunarum frequens intentio incidat, atque ipsi à vario Lunæ circuitu, de quo quàm proximè, deriventur, operæ pretium fuerit, de iis quædam subjicere.

cxliiii. Mensis Lunaris dividitur in Periodicum & Synodicum. *Mensis Periodicus* est spatium temporis, quod Luna exigit, ut proprium Motum perficiat.

cxliiii. *Synodicus* verò est tempus effluens inter duo proxima Novilunia. Inspiciatur INST. ASTR. pag. 163.

cxli. Cum autem Luna dispari velocitate, uti dictum, moveatur, hinc variat Mensis Periodici magnitudo. Mediam s. cxx expressimus.

cxli. Quin quia Mensis Synodicus ab inæquali Motu utriusque Luminaris dependet, non minori inæqualitate exponitur. Cæterum Medius præter dies cxx & semissem ferè tres horæ quadrantes in se continet.

cxlii. Hic Mensis Synodicus *Astronomicus* dici solet, oppositè ad *Politicum*, qui alternatim ex diebus cxx, & cxxi componitur, quorum ille *Plenus*, hic *Cavus* audit, variis Nationibus usurpati.

cxliii. Ex Mensibus Synodicis *Annus Lunaris* constituitur, spa-

spatium temporis, quo Luna post varias Conjunctiones non longè à priori loco Soli iterum conjungitur.

CXLIV. Dispersitur hic Annus in Communem, & Intercalarem. *Communis* complectitur xii Lunationes Synodicas, estque, si Lunationes Medias sumamus, Dierum 354, Hor. 8, & Min. 48.

CXLV. His Horis, & Minutis integrum diem componentibus, cum Hebræi secundo Mense intercalant, qui tùm ex Cavo Plenus efficitur.

CXLVI. Turcæ & Arabes cum observârunt, dictas Horas & Minuta per xxx Annos in xi dies excrefcere, ex xxx Annis annis undecim dies 355 largiuntur, quos sic disponunt, ut inter duos quosque annos 355 dierum, sæpius tres, rarissimè duo anni 354 dierum interponantur.

CXLVII. Annus *Intercalaris* major est anno Comuni per unam Lunationem Synodicam. Hæc autem intercalatio instituta est, ne, quod Turcis accidit, initium anni Lunaris contra seriem mensium per omnes menses progressu temporis divagaretur, atque ut differitas inter annum Solarem, & Lunarem minor esset.

CXLVIII. Deficit enim quotannis Annus Lunaris communis à Solari communi per dies ferè xi; quare quovis triennio, & interdum biennio ex diebus hisce collectis nascitur Mensis Plenus, quem Hebræi duodecimo suo Mense adnectebant.

CXLIX. Hi verò dies, per quos annus Lunaris Solarem quotannis antevertit, *Epacta* vulgò nuncupantur; pro quarum numero Novilunia etiam singulis annis anticipant.

XV. *Cyclos Lune. Periodus Calippica. Modus utrumque Pascha investigandi.*

CL. Interim post magnum Annum Metonicum, seu Dies 6939, Horas 16 Minuta 32, sc. 28, id est undeviginti annos Solares demptâ Horâ & semis quàm proximè, Novilunia ad pristinas sedes revertuntur; & hic decemnovennalis recursus *Cyclos Luna*, & Aureus Numerus appellatur.

CLI. Cum igitur uno Anno Metonico Luna priorem locum per Horam & semissem ferè anticipet, post quatuor Annos Metonicos, seu 76 Solares, quæ *Periodus Calippica* nominatur,

Horis 5, & Minutis 50 eundem anticipabit, & integro formâ die, expletis supra dies 312 senis mensibus.

CLII. Porro ad inveniendum, quotus annus ex Cyclo Lunari anno dato Christi respondeat, hic, additâ primûm unitate, per integrum Cyclum dividatur, si nihil superest, ultimus annus Cycli petitus erit, aut aliâs iste, quem numerus superstes ex-
primit.*

CLIII. Qui Annus si per undecim multiplicatus infra triginta sit, ostendit dati Anni Epactas; sin supra, anni superflui eas exhibent.

CLIV. Ex observato Cyclo Lunari ad annum propositum li-
quet, collatâ *Tabellâ* INSTIT. ASTRON. pag. 170, quæ Lu-
na XIV Paschalis Cyclo illi respondeat; & si diei Mensis, in
quem hæc Luna incidit, tot dies adjiciuntur, quot inter lite-
ram Alphabeticam hujus diei, & Dominicalem anni propositi
(pro quâ anno Bisextili sumenda est prior in ordine Alphabetari-
o) intercedunt, aut integra Hebdomada, si litera huic Pleni-
lunio adscripta eadem sit, quæ dati anni Dominicalis, dies Men-
sis ex hac additione proveniens juxta *antiquum* Calendarium Pa-
schalis est.

CLV. Pascha juxta *novum* Calendarium non ex Cyclo Luna-
ri, propter anticipationem §. CL I. memoratam, sed *novis* Epactis
reperitur. Hæc verò sic possunt reperiri.

CLVI. Cognitis anni propositi Epactis veteribus (confer §. CL III.)
si decem excedant (sin deficient, triginta adauctis) ad finem
hujus Sæculi decem subtrahe, hinc ad finem Sæculi sequentis
undecim, &c. quod relinquitur, nova Epacta est.

CLVII. Hæc quaeratur in *Tabellâ* INSTIT. ASTRON. pag. 172,
& quis Terminus Paschalis ipsi respondeat. In cæteris, uti sta-
tim (inspice §. CL IV.) operandum, etiam quando Litera Ter-
mini Paschalis, & Dominicalis inter sese conveniunt.

CLVIII. Plerumque *Dies Paschalis alius est* secundum *novum*,
alius secundum *vetus* Calendarium, quin nonnunquam integrâ
Lunatione, & ampliùs ab invicem differunt.

CLIX. *Ratio differentia* est, quodd Terminus Paschales Nicæni
in vetere Calendario reserventur, quamvis in illos incidat non
Luna XIV, uti factum Nicænis temporibus, sed XVIIII, pro-
pter anticipationem Lunarem, & quâ §. CL I. Contrâ in no-

vo Calendario Terminis Paschales restituti sunt in Lunam xv. Nedum tam in Calendario Gregoriano, quam Juliano xxi Martii regulam esse Terminorum Paschalium.

XVI. Indictio. Periodus Dionysiana & Juliana.

CLX. Misso Paschate subjiciendum aliquid, propter usum & & affinitatem cum dictis, de Indictione, de Periodo Julianâ. *Indictio* est Cyclos xv annorum Julianorum.

CLXI. Imprimis triplex statuitur. *Constantiniana*, quæ initium ducit à xxiv Septembris, hodièque Imperatoribus Germanicis observatum; *Constantinopolitana*, sive Græca, incipiens à Kal. Sept.; & tandem *Romana* seu Pontificia, cujus principium ponitur in Kal. sequentis Januarii.

CLXII. Si anno Christi tria (nam tertiâ Indictione natus est) adjiciantur, summâ divisâ per xv, residuum edocet, quota propositi anni sit Indictio. Si nihil remanet, pro Indictione integer Cyclos sumendus est.

CLXIII. *Periodus Julianâ* nascitur, quando summa, quæ ex multiplicatione Cycli Solis per Cyclum Lunæ provenit, & *Periodus Dionysiana* ab inventore vocari solet, per Cyclum Indictionum multiplicatur.

CLXIV. Hoc intervallo, quod est annorum 7980, in orbem revertuntur Periz, Neomeniz, & olim tributorum rationes, & *mingram*, serius aut ocyds, sistilis trium Cyclorum connectio restituitur.

CLXV. Caput magnæ hujus Periodi est ab isto anno, quo Cyclorum Capita unâ pariter concurrerunt. Ejus autem anni initium Epocham Christi præcessit per integros annos 4713, aded ut primus annus Christi sit Periodi Julianæ annus 4714, sicut ex Cyclis ejus colligitur, Solis decimo, Lunæ secundo, & Indictione quartâ, quæ Cyclorum conjunctio nonnisi tradito anno Periodi potuit accidere, uti ex institutâ divisione clarum est.

CLXVI. Ex observatâ hac Anticipatione Periodi Julianæ facile scitur ad datum annum Christi annus Periodi, & ex anno Periodi annus Christi.

CLXVII. Uti hæc Periodus Epocham Christi, sic etiam Mundi

Mundi anticipat; ex calculo Scaligeri & Dionysii, à quo alii plus minus abeunt, integris annis 764. Unde nec mirum, hanc Periodum aliàs Tempus Postulativum & Prolepticum appellari.

CLXVIII. Est autem communis quædam, perpetua, certissimaque Epocha; ad quam reliquæ omnes, quantumvis variæ, reduci possunt; & tanquam ad amussim exigi.

XVII. *Planeta Mercurius, & Venus.*

CLXIX. Visis consequentiis ex motu Solis ac Lunæ, ad reliquos Planetas primarios contendimus, & primum ad inferiores, Venerem atque Mercurium. *Mercurius* externo aspectu minimus est ex Planetis, sed splendore eximius. Sæpius à Sole, quem nunquam per Signum derelinquit, occultatur; quare nec mirum, quòd inter ultimos Planetas observatus sit.

CLXX. Quando in maximis suis à Sole digressionibus per Tubum Visorium, detonso prius Capillitio, inspicitur, rariùs apparet integer, sæpiùs sub *Phasi* Corniculatâ, Semiplenâ, Gibbosâ. Inter Solem & oculum locatus, uti nonnunquam accedit, Maculam refert, sed exiguam & figuræ Ellipticæ.

CLXXI. *Motum* Proprium conficit intra Trimestre inæquabiliter, interdum tardus, velox, directus, stationarius, retrogradus, à quâ inæquabilitate neque reliqui Planetæ immunes sunt.

CLXXII. Digreditur Mercurius ab Eclipticâ, sed maximè in Meridiem; & Nodi ipsius nec non Apsides (sicut & Veneris) in consequentia abeunt, sed tam lentè, ut integra revolutio complura Sæcula desideret.

CLXXIII. *Venus* omnium Stellarum, exceptis Sole & Lunâ, maxima est, lucidissimaque quoad sensum; quare varii eam suo lumine Terram illuminare judicârunt.

CLXXIV. Verum postquam celebris Mathematicus Florentinus, Galilæus de Galilæo, & post ipsum longè plurimi, per Telescopium detexerunt, Venerem, ut alteram Lunam à Sole irradiari, & omnes ejus *Phases* induere, periit hoc judicium.

CLXXV. His adde, in Sole visam esse sub specie Maculæ rotundæ. Suis etiam Maculis gaudere, & inæquali superficie, loquitur Telescopium. Confer INSTIT. ASTRON. pag. 176.

CLXXVI.

CLXXVI. *Motum* proprium absolvit spatio septem mensium & semissis circa Solem, à quo per sesqui Signum ferè digreditur. Quando Orientalis est, seu mane ante Solem exoritur, *Phosphorus* appellatur; uti *Hesperus*, quando Occidentalis est, & vesperi post Solis occasum occidit. Latitudinem etiam patitur, sed ampliorem in boream.

XVIII. *Planeta Mars, nec non Jupiter & Saturnus cum suis quisque Satellitibus.*

CLXXVII. Quæ restant superiores Planetæ, in motuum suorum ratione multum conveniunt. *Mars*, qui Soli ex superioribus proximus est, colorem habet rufum, subobscurum, ac igneum.

CLXXVIII. Per Telescopium inspectus superficiem ostendit asperam & maculosam, ac orbem *interdum integrum*, sæpius ab integritate deficientem plus minùs.

CLXXIX. *Orbitam* suam percurrit intra curriculum viginti & trium mensium variâ velocitate, digrediens etiam ab Eclipticâ in septentrionem & meridiem nonnunquam ad plures gradus.

CLXXX. Adde Nodos & Absides ejusdem Planetæ sensim juxta successionem Signorum sedes suas immutare; quod & in Jove & Saturno *agnoscendum*.

CLXXXI. Quando autem Mars in suo motu acronychè Soli opponitur, corpore *pregrandis* est, & ipsam ferè Venerem æquat, ut minimè mirum sit, ipsum non semel istoc tempore habitum fuisse ab imperitiis pro Stellâ de novo affulgente.

CLXXXII. Supra Martem se offert *Jupiter*, planeta intensè lucidus, & albicans, post Venerem externâ specie maximus, imprimis in Solis oppositione, teres, asper, maculosus, & fasciis multum variis, testante tubo, circumdatus. *Circulum* complet intra annos duodecim, parùm secedens ab Eclipticâ.

CLXXXIII. Circa Jovem (uti Galilæus primùm, & post eum longè plurimi per Telescopium observaverunt) quatuor se volvunt Stellulæ, perpetui ejus *Satellites*, Galilæo, quia Mediceis Etruriæ Principibus eas dedicavit, Mediceæ dictæ.

CLXXXIV. *Primus*, seu Jovi proximus circuitum circa ipsum
F perfi-

perficit intra biduum; *Secundus* intra triduum & semis quàm proximè; *Tertius* diebus septem, ac horis quatuor; & *Quartus* denique diebus sedecim cum tribus quartis diei.

CLXXXV. *Motus* circa Jovem obeunt inæquabiliter, & variè ab ipso digrediuntur. Latitant post Jovem interdum omnes, interdum aliqui; etiam latitant, quando sub Jove hærent. Irradiantur à Sole, uti Jupiter.

CLXXXVI. Ex motu horum Satellitum probè notato quidam incognitam *Locorum longitudinem* voluerunt detegere, observando perfectissimo Astrolscopio mutuum quandam configurationem ipsorum, seu cum corpore Joviali, & mox horam ex Fixæ meridiano situ vel altitudine (cum quâ conferenda esset hora, quam Jovialium Ephemerides in suo Meridiano ad observatam configurationem annotarent) ac denique ex differentiâ temporis versâ in gradus & minuta differentiam longitudinis inter utrumque Meridianum, atque ex hac quæsitam Loci longitudinem.

CLXXXVII. Denique supra Planetas Joviales *Saturnus* est; omnium ex Erraticis aspectu minima, vultus subobscuri, & plumbei, neque absimilis Artificiali Sphæræ ratione *lucetis Annuli*, quo, teste Tubo, circumdatur, & qui pro vario situ variè in oculos sese ingerit.

CLXXXVIII. Transigit suum *Circulum* intra annos triginta, interdum per binos gradus & semissem ab Eclipticâ abiens.

CLXXXIX. Hodierni Astronomi tres Saturno *Comites* attribuunt, quorum qui ipsi *proximus* est, & interdum tantum per longissimum Tubum conspicitur, Epicyclum trajicit spatio dierum quatuor & semissis. *Medius* priore fulgidior requirit ad suum motum dies fermè septendecim. *Tertius* tandem à Saturno remotissimus in suo ambitu octuaginta penè dies infumit.

XIX. Zodiacus. Multiplex Aspectus Planetarum.

exc. Ex iis, quæ de motibus Planetarum attulimus, clarum est, varias esse ipsorum evagationes ab Eclipticâ, quas ut Astronomi *Veteres* comprehenderent, imaginati sunt Zodiacum, sive Zonam, cujus medium secabat Ecliptica, cum aliquot graduum latitudine; quam tamen *Recentiores* ampliârunt.

xcxi. Por-

cxci. Porro clarum, Planetas, dum Cœlum pererrant sub Zodiaco, perpetuò alium aliumque situm inter se invicem obtinere, seu, ut loqui amant Astronomi, diversimodè se adspicere. In primis *quintplex* situs seu *Aspectus* notari solet; nempe quando Planetæ commorantur vel sub eodem gradu Zodiaci, vel à se mutuò absunt per duo, tria, quatuor, aut sex tandem ejus Dodecatemoria.

cxcii. Vocantur autem ex ordine *Aspectus Conjunctionis* sive Conjunctio simpliciter, *Sextilis*, *Quadratus*, *Trigonus*, & *Oppositionis*, ~~Oppositio~~. Notas ipsorum nec non Schema in **INSTIT. ASTRON.** pag. 183. expressimus.

cxciii. Observandum verò, quòd non omnis Planeta ratione omnium & singulorum omnes hosce Aspectus subire possit, sicuti liquebit, si quæ de motu ipsorum diximus, conferantur.

cxciv. Quando Planetæ per integra Signa, de quibus statim, à se invicem abeunt, dicuntur subire Aspectum *Parilem*; uti *Platicum*, quando gradus quidam aut minuta supersunt, aut deficiunt.

cxcv. Quando lineæ mediorum motuum faciunt aliquem Aspectum, is dicitur *Aspectus Medius*; *Verus* verò vocatur, quando ipsi Planetæ Aspectum pariunt, qui inæqualitatem aliquam patitur.

cx cvi. Quando duo supremi Planetæ circa initium Arietis conjunguntur, *Conjunctio* illa *Maxima* appellatur, quam quolibet ferè anno vigesimo Conjunctiones *Magna* eorundem Planetarum, quin & Martis ut plurimum excipiunt, sed à priori Conjunctione per integra quatuor Signa abeuntes; neque Conjunctio Maxima ad Arietis initium remeat, nisi expletis Annis Julianis 794. diebus 133, ac Horis 16.

XX. *Domus Cælestes. Ratio eas erigendi. Usus earum, & Aspectuum omnino vanus.*

cxcvii. Explicitos Planetarum Aspectus religiosè notant Astrologi, quò vires & influentias ipsorum in inferiora distinguant feliciùs, Eidem fini etiam subserviunt *Domus Cælestes*.

cxviii. Nempe universum Cœlum in XII æqualia segmenta per sex Positionum Circulos distribuunt, se invicem frequentissime in concursu Horizontis & Meridiani decussantes, secto Æquatore in XII portiones æquales, atque Eclipticâ in totidem inæquales.

cxix. Prima Domus incipit à puncto Eclipticæ, quod Horizon, qui vice unius Circuli Positionum defungitur, in ipsâ ad Orientem assignat; residuæ juxta successionem Signorum subsequuntur.

cc. Ut verò *Beneficio Globi* Cœlestis XII Cœli Domus ad datum locum & tempus erigantur, Globus ad situm hujus Cœli disponatur, ac in eo quiescat. Dein ope Semicirculi Æpei, Meridiano ad Meridiem atque Septentrionem affixi, arcus Æquatoris, qui supra Horizontem extat, in sex æqualia segmenta dispecscatur, notatis pariter sex punctis Eclipticæ, quæ ab eodem Semicirculo, dum Æquatorem pertransit, assignantur.

cc. Atque ita delineatæ sunt pro hoc Cœlo sex Domus Cœlestes, reliquarum, quæ infra Horizontem sunt, termini ex oppositis Eclipticæ gradibus hauriantur.

cc. Ultimùm Planetæ juxta longitudinem & latitudinem, quam ad datum tempus in dato loco obtinent, suis Domibus inscribantur. Hauriri verò potest locus Planetarum ex Astrenomorum Diariis, quæ ad certum Meridianum extructa, exhibent Meridianam Planetarum longitudinem ad quemque meridiem, & latitudinem ad decades ferè dierum, si Lunam excipias; unde observato discrimine inter duos proximos dies, nec non inter Meridianum Diarii & locum tuæ observationis (si differat à Meridiano Diarii) per regulam proportionis quæsitus Planetarum locus perfacile innotescit.

cc. Sic videmus, quemadmodum dato loco & tempore Domus Cœlestes erigantur. Si verò præscriptum tempus cum alicujus Nativitate coincidat, repertus Domorum & Planetarum situs *Genesis*, ac *Thema Nativitatis* appellatur.

cc. Incassum verò laborant *Astrologi*, qui ex erectis hisce Figuris Cœli ac diversis Planetarum Aspectibus universales suas prædictiones nituntur eruere; nam nec ratio, nec experientia eas adstruit, quin hæc efficacissimè destruuntur.

ccv. Quæ

ccv. Quæ autem prædictiones & influentiæ Planetarum ex certis causis dependent, quemadmodum variæ sunt istius generis, eas in censum Astrologicarum referendas esse, minime arbitramur.

XXI. *Varia Parallaxis. Impar est ad omnium Stellarum Distantiam à Terrâ eruendum. Primi Motus celeritas.*

ccvi. Restant ex Affectionibus Stellarum Distantia, Magnitudo, & Situs. Ad eas viam munit Parallaxis, quam ideo præmittemus. Est autem *Parallaxis* arcus Circuli Verticalis seu Altitudinis inter Astri locum verum & visum.

ccvii. *Locum Verum* designat recta, quæ ex centro Telluris per Astri centrum traducitur; uti *Visum* linea visualis, seu quæ ex Terræ superficie rectâ centrum astri pertransit.

ccviii. Astrum in Horizonte & circa eum maximam patitur Parallaxin, quæ, quò proprius sit Zenith, eò sit minor, ac quando Astrum verticale evadit, tota tollitur. Quando Verticem aut Meridianum derelinquit, denuò increscit Parallaxis, estque in pari distantia à Meridiano eadem. Denique quò Astrum magis à Terrâ abest, eò minorem parit Parallaxin; quò minus, eò majorem. Confer. Figura ex INSTIT. ASTRONOM. ad pag. 192.

ccix. Transeo Astronomos *Parallaxin* etiam in *Zodiaco* expendere, cum longitudinis, tum latitudinis. Utraque in Lunâ inprimis attenditur.

ccx. Cæterum nulla Stella est, quæ tantam in verticali Parallaxin, quantam Luna, exhibeat. Hinc observato ejus angulo Parallaxico, semidiametro Terræ, & angulis, quos lineæ veri & visi loci in Lunâ cum Terræ semidiametro pariunt, distantia ejus à superficie vel centro Terræ, prout placuerit, ilicò intelligitur.

ccxi. Quùm verò Parallaxis in Venere, Mercurio; Sole longissimè minor sit, & in superioribus Planetis amplius acuat, & in Fixis propter radii terrestris brevitatem penitus evanescat, *Distantiam* harum Stellarum in incerto relinquit.

ccxii. Neque ea satis asseritur ex collato motu ipsarum Secundo cum motu Secundo Lunę, & distantia ejusdem à Tellure; uti nec ex mutuis Stellarum occultationibus.

ccxiii. Interim certum est, nullam Stellam, si extra Zenith constituitur, in Cœlo existere, quæ non aliquam Paralaxin in ordine ad Terram, etsi omni observatione minorem, à parte sui perpetiatur. Hinc Astronomi pro suo quisque captu aliquam supponunt, atque ex eà Distantiam Stellarum dimetiuntur per Semidiametrum Terrestrum, quæ familiarissima in Cœlo mensura est, vulgóque 860 Millia Germanica statuitur comprehendere.

ccxiv. Quantum verò juxta celebriores Astronomos Planetæ in variis suis elongationibus, & Fixæ in maximis à Terrâ abesse judicentur, significavimus in INSTIT. ASTRONOM. pag. 195, 6, 7.

ccxv. Ex hoc sententiarum divortio clarum est, motum diurnum Stellarum variis varię celeritatis existere. Quante autem sit juxta hujus, aut illius Hypothesin, liquet ex collatâ ratione, quæ inter diametrum, & peripheriam Circuli intercedit.

XXII. *Apparens & Vera Stellarum Magnitudo. Ratio utramque intelligendi.*

ccxvi. Distantiam Stellarum excipit *Magnitudo*, quæ vel apparens est, vel vera. *Apparens* inquisitu difficilis est ob capillitium radiorum, quod eam nimis amplificat.

ccxvii. Huic malo recentiores Astronomi, quantum licet, medentur per Tubum Opticum, qui licet aliorum objectorum magnitudinem adaugeat, Stellarum tamen imminuit, adscititium ipsis splendorem detergendo.

ccxviii. Quò autem id fiat felicius, lens convexa seu objectiva Tubi nimium ampliari non debet, idcirco quibusdam tegitur lamellâ chartaceâ, cujus foramen quartam uncię pedalis partem non excedit.

ccxix. *Modus inquirendi* per Tubum in Apparentem Stellarum Magnitudinem omnibus idem non est. Quidam imaginem Stellarum

larum lucidiorum per Tubum transmissam, in chartâ albâ in obscuro loco debite constitutâ, accuratè delineant; unde per comparationem obscuriorum magnitudo æstimatur.

ccxx. Alii in Tubo prope lentem ocularem septum transversum foramine aliquo pertusum sic constituunt, ut discus Stellæ, cujus apparens magnitudo inter maximas est, foramen exquisitè adimpleat, atque hinc facile erit colligere, quantum minorum Stellarum disci ab ejusdem foraminis amplitudine deficiant.

ccxxi. Sunt etiam, qui intra Tubum circa lentem ocularem varia fila disponunt, quò distinctius secernere possint, quousque apparentes Stellarum diametri per latitudinem Tubi se diffundant.

ccxxii. Alii aliter operantur. Ut verò pateat, quot minuta Tubus simul videre possit, id experiuntur ad Lunam, aut ad Stellas parum distantes, & quarum distantia ipsis cognita est; quales sunt Hocdi sive Pleiades.

ccxxiii. Quantam verò Magnitudinem Apparentem duobus Luminaribus, reliquis Planetis primariis, & Fixis diversarum Classium varii Autores attribuerint, cernere est ex INSTIT. ASTRON. pag. 198, 199, 200.

ccxxiv. Ex cognita Stellarum *Apparente Magnitudine*, & *Distantiâ à Terrâ* citra difficultatem *Vera Magnitudo* eruitur, quæ *diversis Astronomis non potest non esse longe diversa*, cum in Apparente Magnitudine atque Distantiâ adeò diversum sentiant.

ccxxv. Quam interim sententiam hi illi foveant, in citatis proximè paginis, nec non 201 significatur; unde etiam plus satis evidens est, doctrinam de Vera Stellarum Magnitudine Metaphysicæ certitudinis non existere.

XXIII. *Situs Stellarum ex Ptolemæi Sententiâ.*

ccxxvi. Superest tandem ultima Stellarum Affectio, nempe *Situs*, quem varii variè sibi imaginati sunt. *Triplex* verò in primis increbuit. *Primus Ptolemæi* est, qui ita se habet.

ccxxvii. In centro Mundi Adspèctabilis fretus visus iudicio, Terrarum

Terram disposuit, & quidem omnimodè quiescentem; quia gravissima est, nec corpora ipsi contigua, nec perpendiculariter aut horizontaliter mota, nec aër, nec aves, nec meteora, nec Stellæ in Æthere ullum præbent motus indicium; quod tamen, admissio Terræ motu, ex Ptolemæi sententiâ non possent non præbere.

ccxxviii. Terram cingit Aër, hunc Sphæra seu Elementum Igneum, quam excipiunt Sphærae, seu Orbes Cœlestes, solidi, se invicem, ut solent tunicæ Cæparum, ambientes cum infixâ sibi Stellâ, aut Stellis ex ordine; nempe Lunæ, Mercurii, Veneris, Solis, Martis, Jovis, Saturni, & Firmamentum.

ccxxix. Hoc antiquitus habitum est pro Primo Mobili. Detecto autem successivè vario motu Fixarum, natum est primò prius Cœlum Crystallinum; dein etiam posterius, utrumque Stellis destitutum: supra quod tandem constitutum est Cœlum xi, Primum Mobile. Confer. Typus pag. 205. in INST. ASTRON.

ccxxx. Verum quùm hæc Hypothesis multis Phænomenis adversetur, & per ambages præstet, quod fieri potest per compendium, Cultores hodie vix inveniunt.

XXIV. *Situs Stellarum ex judicio Copernici. Motus Terræ Diurnus & Annuus.*

ccxxx1. *Secundum Stellarum Sinum* excogitavit Copernicus, juxta quem Sol in centro Universi Visibilis constituitur, tantùm circa axem lento motu se circumagens.

ccxxxii. Supra Solem per fluidissima Cœli spatia proprio motu hæc ferie volvuntur Planetæ; Mercurius, Venus, Terra cum comite Lunâ, Mars, Jupiter, Saturnus cum suis quisque Satellitibus.

ccxxxiii. Supra Saturnum ad spatium tantùm non infinitum occurrit Firmamentum, seu regio Fixarum omninò quiescens, quæ num à Sole æqualiter absit, dubium relinquitur. Typum hujus Hypotheses vide pag. 208. in citatâ ASTRON.

ccxxxiv. Cæterum ad solutionem Apparentiarum per hanc Hypothesin ante omnia oportet, *Terræ motus*, qui *triplex* est juxta Copernic.

Copernicum, debite explicetur. *Motu Diurno* vertit se semel circa suum axem, ex occasu in ortum progrediendo.

ccxxxv. Ex hoc motu nascitur in Terrâ vicissitudo luminis ac tenebrarum, & Stellæ, licet ab omni motu diurno verè immunes sint, videntur tamen quotidie Cœlum ab ortu in occasum conficere; quia oculo in ortum propecto partes Cœli orientiæ magis magisque deteguntur, & contrâ occidentiæ sensim sensimque occultantur.

ccxxxvi. *Motu Annuo* Terra magnum Orbem, sive Eclipticam juxta successionem Signorum perambulat, & hinc Sol, etsi omni motu Secundo vacuus, videbitur tamen Terricolis per opposita Signa & gradus promoveri.

ccxxxvii. Ex hoc Motu, quem à motu secundo reliquorum Planetarum diversum esse, superius dictum est, videbuntur Planetæ, seu Soli propinquiore sint, quàm Terra, seu ab eodem remotiores, modò directi, stationarii, retrogradi, iterum stationarii, directi, & sic porro.

XXV. *Motus Inclinationis in Terrâ; unde variæ Anni Tempestates. Et Motus Fixarum in Consequentia.*

ccxxxviii. Benè autem notandum, quòd Terra in singulis gradibus suæ Orbitæ circa Solem suum Axem invariabiliter servet in parallelismo cum axe Mundi; unde Axis Terræ à perpendiculari plani Eclipticæ seu hujus axe indefinenter declinat per gradus circiter $xxiii$ & semissem. Atque hæc continentia Axis Terrestris in dicto situ Tertius Motus est, qui à Copernicanis Terræ adscribitur, & communiter *Motus Inclinationis Declinationis* appellatur.

ccxxxix. Ex hoc Motu Inclinationis est, quòd Terra in diversis suæ Orbitæ partibus Polos sui Axis, sic inclinatos, Soli nunc magis, nunc minus, nunc nullo modo exponat; atque hinc diversæ Terrarum partes, dum Terra semel quotidie circa suum Axem se revolvit, à Sole diversis horarum spatiis (excepe tempus Æquinoctii) illustrantur, & diversis gaudent anni Temporibus.

ccxl. Sic quando Terra Libram ingreditur, Boreali bus Ver incipit, quia Polus Terræ Arcticus inter maximam ad Solem inclina-

dinationem, & maximam à Sole declinationem medius, facit, ut radii in boreali Terræ Hemisphærio mediocritatem in annuâ, suâ obliquitate obtineant, & quia tum uterque Terræ Polus versatur in Hemisphærii illustrati extremo, idè hoc tempore Terricolæ æquali temporis spatio in tenebris & lumine commorantur.

CCXLI. Quòd autem Terra ampliùs ad Capricornum progreditur, eò magis Polus Terræ Arcticus Hemisphærium illustratum, & Antarcticus obscurum ingreditur; unde Borealibus radii minùs inclinantur, & dies increfcit, cujus contrarium in Austro est.

CCXLII. Quando verò Terra initium Capricorni attingit, Borealibus Æstas creatur; quia Polus Terræ Arcticus tum gaudens maximâ ad Solem inclinatione, & longissimè in lumen progressus, facit, ut radii ejus omnium proximè in Hemisphærio boreali ad perpendicularum appropinquent, & dies omnium prolixissimi progignantur. Oppositum propter oppositum situm Poli Antàrctici in opposito Terræ Hemisphærio observatur.

CCXLIII. Ex allatis, si ritè intelligantur, facile est intelligere, quo pacto Borealibus Autumnus & Hyems, atque Australibus Ver & Æstas, nec non harum Tempestarum Phænomena ex eodem hoc Terræ motu enascantur.

CCXLIV. Porro statuit Copernicus, Polos Terrę in antecedentia lentissimè promoveri, unde loca Æquinoctiorum & Solstitiorum etiam pariter in antecedentia promoventur, & Fixæ, quamvis motu Secundo verè careant, apparenter tantundem in Consequentia.

CCXLV. Hic verò Motus Polorum Terræ non tam novus motus Copernico dicitur, quàm Motus inclinationis seu continentię Axis Terrestris certa modificatio.

XXVI. *Varium de Copernicano Stellarum Situ judicium.*

CCXLVI. Commendat hanc suam Hypothesin Copernicus, quia quævis Cœli Phænomena clarissimè & simplicissimè resolvit, nec ratio, nec sensus ipsi obloquitur.

CCXLVII.

CCXLVII. Nam Terra inquit, licet sit vastæ molis, corpus finitum est, & proinde mobile. Quæ verò corpora ejus superficiei incumbunt, ab eâ separari non possunt, nisi ascendant, quod gravitas & circumfluus aër impediunt.

CCXLVIII. Imo quia aër pari velocitate cum Terrâ (si excipiat tractus *Æquatori* confinis) revolvitur, quicumque per aërem & terram motus accidunt, non aliter se habent, ac si uterque quiesceret.

CCXLIX. Neque difficultatem parit Solis Apogæum, Perigæum, & varii Aspectus cum Planetis, quum hæc ex Terræ & Planetarum diverso motu non possint non evenire.

CCL. Tandem amplitudo hujus Hypotheseos frustra quem offendat, cum corpus finitum sine fine augeri possit, & Hemisphærium Cœli, quod videmus, invariata Poli altitudo, eadem Stellæ verticales, eadem Stellarum magnitudo, in quacunque Orbitæ suæ parte Terra commoretur, similiaque Phænomena suppositam requirant amplitudinem.

CCLI. Sic quidem Copernicus, nec sine omni fundamento, ad has & similes naturæ difficultates excipit; sed non pari successu suæ Hypotheseos necessitatem potest adstruere. Nam motus Primus Stellarum, quantumvis celer, non implicat, nec liquet motus *Ætheris*, nec absolutè repugnat, Terram in moto *Æthere* eandem sedem servare.

CCLII. *Clarior longe de Solis motu loquitur S. Pagina*, neque vim hujus testimonii infringit, quod dicatur loqui in Naturalibus secundum erroneam vulgi opinionem. Nam neque ratio, neque ullus Scripturæ locus id ostendit, quin ex utroque contrarium patet apertissimè.

XXVII. Situs Stellarum Tychonicus.

CCLIII. Ultimò dicendum de *Situ* Stellarum, quem *Tychus* excogitavit, quod & rationi, & fidei satisfaceret. Is autem Terram requirit in centro Mundi Adspectabilis cum omnimodâ quiete, & circa eam omnes Stellæ per fluidissima Cœli spatia quotidiano motu feruntur; motu verò proprio, qui juxta ipsum non nisi defectus est, Luna, Sol & Affixæ.

CCLIV. Reliqui Planetæ Mercurius, Venus, Mars, Jupiter

& Saturnus cum suis Satellitibus hâc serie proprios Motus circa Solem conficiunt. Conferatur Typus hujus Systematis in IN-STIT. ASTRON. pag. 215, qui non adeò procul abit à Typo Copernici, de quo ante.

cclv. Quod autem hoc Systema sufficiat ad salvanda Phænomena, vix quisquam Copernicanorum diffitebitur, & licet minùs simplex distinctumque videatur, non idèò damnandum est, aut ceteroquin universa Natura quid ni damnetur?

cclvi. Porro nihil repugnat, ut distincti Planetę distincto tempore per eandem subtilissimi Cœli partem transferantur, neque proficuum est amplius Cœlum ampliare, quàm ut satisfiat Phænomenis. Tutissimum igitur hoc Systema arbitramur, & omninò binis prioribus præponendum.

SYNOPSIS CORONIDIS

D E

S O L A R I I S.

I. *Solarium Horizontale.*

cclvii. Sequitur nunc *Coronis* de quibusdam *Solaris*, fructus Globi Cœlestis, de quo superius permulta. Solariorum, quæ superficiebus planis inscribuntur, differentiæ quidem occurrunt viginti quinque; nobis impræsentiarum suffecerit *Horizontale*, *Verticalis directâ*, juxtâ cum *Meridianis* attigisse.

cclviii. Ut *Solarium*, quod *Horizonti Paralellum* est, præparetur, ducatur Circulus magnitudinis, ut lubet, & per eum diameter, ac supra hanc ex centro radius perpendicularis, qui Septentrioni obversus lineam Meridianam seu Horam duodecimam assignabit, & extremitas diametri ad ortum sextam pomeridianam, atque opposita sextam antemeridianam.

cclix. Dein Globus sic disponatur, ut Polus Globi & loci, in quo *Solarium* collocandum est, inter sese conveniant, dein alteru-

alterutrum Colurorum Meridiano, subjunge, & Globo per Horam, quæ ex motu Indicis, aut gradibus Æquatoris sciri potest, provoluto, nota gradus Horizontis, qui inter Meridianum & Colurum interjacent, & hi à puncto lineæ Meridianæ in circulo, qui in plano Solarii Horizontalis ductus est, ab utrâque parte numerati, extremitate suâ versùs ortum punctum assignabunt pro horâ primâ pomeridianâ, & aliud versùs occasum pro undecimâ antemeridianâ.

CCLX. Ut autem hi gradus in Circulo Solarii commodè observentur, is primùm in gradus dividendus est, aut Semicirculo æneo utendum, cujus in INSTIT. ASTRON. pag. 219 meminimus.

CCLXI. Reliqua puncta pro residuis Horis pomeridianis & antemeridianis hujus Solarii eadem ratione deteguntur, ad quæ si ex centro Circuli ducantur rectæ, illæ quæsitæ erunt lineæ Horariæ.

CCLXII. Index hujus Solarii obtinetur, quando centro Circuli infixus supra lineam Meridianam sic constituitur, ut superior ejus inclinata superficies cum eâ angulum componat parem latitudini istius loci, in quo Solarium usurpabitur, atque tum parallelismum cum axe Mundi obtinebit.

CCLXIII. Superest, ut Plano Horizontali Solarium hoc imponatur & cum Plagis Cœli consentiat. Illi explorando Tabella Quadrangularis, ex solidiore materiâ parata, subservire potest, cujus Typum & usum in INSTIT. ASTRON. pag. 221 & 222 expressimus.

CCLXIV. Plagæ observari possunt multipliciter, vel ex meridianâ umbrâ Fili perpendicularis, vel ante & pomeridianâ Gnomonis, vel variâ Stellarum Azimutho, de quibus citato statim loco, & pag. 223 uberius.

CCLXV. Repertis Cœli Plagis si plagæ Solarii Horizontalis conformes redduntur, absolutum est. Typum ejus pag. 224 exhibuimus.

II. *Solarium Verticale directum, Meridiei & Septentrioni obversum.*

CCLXVI. Ut Solarium, quod primario Circulo Verticali parallelum est,

G g 2

est,

est, & *Meridiei obversum*, extruatur, fac in plano Semicirculum, & ipsum ducto radio in duos quadrantes partire. Hic lineam Meridianam, seu Horariam duodecimæ exprimet.

cclxvii. Tum Globo Coluróque ut statim dispositis & retentis, Quadrans Altitudinis puncto Zenith ab occidentali Meridiani latere adnectatur, & extremitas ejus ad verum Occasum applicetur, & in eo quiescat.

cclxviii. Post Globus per horam in occasum volvatur, & notato arcu Quadrantis, qui, stante hoc situ, inter Meridianam atque Colurum est, totidem etiam gradus in Semicirculo à reposito puncto Duodecimæ, ab utrâque parte numerentur, & terminus hujus numerationis versus ortum ostendit notam pro primâ pomeridianâ, & terminus ad occasum notam pro undecimâ antemeridianâ.

cclxix. Notæ pro reliquis Horis eadem viâ pervestigantur, quin sextam pomeridianam extremitas diametri, quæ ad ortum est, exhibet, uti eandem antemeridianam opposita ejusdem extremitas.

cclxx. Dein ex centro hujus Solarii ad reliqua notata peripheriæ puncta rectæ ducantur, hæc petitiæ erunt lineæ Horariæ.

cclxxi. Index in hoc Solario ex centro Semicirculi educendus est supra lineam Duodecimæ ad angulum, qui complemento elevationis Poli congruit, atque ita suprema Indicis superficies parallelismum cum Axe Mundano obtinebit.

cclxxii. Tandem reliquum est, ut hoc Solarium, quâ viâ mox diximus, ad Cæli plagas dirigatur, & perpendiculariter supra Horizontem consistat, quod ex Filo sic dependente promptissimum scitu est.

cclxxiii. *Solarium Verticale directum ad Septentrionem* cum Verticali statim delineato coincidit. Tantum hoc inversum Septentrioni obvertatur, & pro viii antemeridianâ ponatur iv antemeridiana, atque pro septimâ quintâ; pro iv pomeridianâ viii pomeridiana, & pro quintâ septima. Utriusque hujus Solarii Typus extat in INSTIT. ASTRON. pag. 226, 227.

III. *Solarium Meridianum ad Orientem & Occidentem.*

cclxxiv. Denique ut *Solarium*, quod *Meridiana parallelum* est, componatur, ducenda est in plano gemina linea, quarum alte-

ra planum Horizontis, altera planum *Æquatoris* representet, ad angulum se mutuò interfecantes, quì elevationi *Æquatoris* supra Horizontem, in quo Solarium erigendum est, adæquat.

cclxxv. Dein alicui puncto *Æquatoris* inscribatur Semicirculus, cujus diameter parallela ipsi constituitur, atque qui à concursu *Æquatoris* & lineæ Horizontalis eo usque recedit, ut in *Æquatore* lineæ Horariæ requisitæ commodè notari possint.

cclxxvi. Tum Semicirculo in XII æquales sectiones distributo, ex centro ejus per notata in arcu puncta tot rectæ punctatæ in *Æquatorem* producantur, quot lineæ expetuntur Horariæ.

cclxxvii. Insuper per puncta hæc *Æquatoris* lineæ perpendiculares traducantur, & quando Solarium *Vero Ortus* obvertendum est, linea perpendicularis per *Æquatorem* trajecta, quæ concursui *Æquatoris* & Horizontis proxima est, linea est xi antemeridianæ, ac quæ hinc altius ascendit, decimæ, & sic ex ordine.

cclxxviii. Quando Solarium *Vero Occasus* obvertetur, linea, quæ *Æquatorem* rectâ interfecans huic & Lineæ Horizontali vicinissima est, referet lineam primæ pomeridianæ, & sic porro ordine ascendente.

cclxxix. Ultimùm Stylus Meridiani Solarii rectâ erigendus est ex puncto *Æquatoris*, quod linea sextæ in eo demonstrat, ad longitudinem, cujus est radius Semicirculi horarii in *Æquatore* descripti. Aut supra lineam sextæ ad rectos angulos in pari distantia ab *Æquatore* lamina erigatur, cujus latitudo longitudinem dicti radii omninò exæquat.

cclxxx. Solarium ita instructum, si suæ Plagæ, uti oportet, exponatur, expectationi satisfaciet. Interim Solarii Meridiani cum Orientalis, tum Occidentalis Typus pag. 229 & 230 delineatus occurrit. Verum de Coronidis Solariorum, nec non universæ Institutionis Astronomicæ Synopsi pro Instituti nostri ratione hæctenus.

F I N I S.

S E

S E R I E S A R G U M E N T O R U M S Y N O P S E O S A S T R O N O M I C Æ.

S E C T I O P R I O R.

I. <i>Astronomia Definitio. Motus Stellarum. Scientia hujus Divisio.</i>	pag. 3
II. <i>Motus primus. Axis & Poli Mundi. Equator.</i>	4
III. <i>Horizon Mathematicus, Sensibilis, Reſtus.</i>	5
IV. <i>Horizon Parallelus, & Obliquus.</i>	6
V. <i>Horizontis Obliqui Affectiones.</i>	7
VI. <i>Horizon Globi.</i>	8
VII. <i>Stellarum circa Horizontem Refractio.</i>	9
VIII. <i>Stellarum supra Horizontem Aliiundo & à Vertice Distantia.</i>	ibid.
IX. <i>Mutua Stellarum Distantia, & varium earum Azimuth.</i>	10
X. <i>Meridianus, & varia ab eo pendentia Problemata.</i>	11
XI. <i>Modi cognoscendi Elevationem Poli & Equatoris, nec non Declinationem. Usus Meridiani in Globo.</i>	12
XII. <i>Ecliptica. Circuli Tropici & Polares.</i>	14
XIII. <i>Ecliptica Divisio. Longitudinis Semicirculi. Longitudo & Latitudo.</i>	ibid.
XIV. <i>Stellarum Divisio. Fixæ. Numerus Antiquis notatus. Classes & Constellationes.</i>	15
XV. <i>Constellationes Eclipticæ.</i>	16
XVI. <i>Constellationes Hemisphæri Borealis.</i>	17
XVII. <i>Constellationes Hemisphæri Australis.</i>	18
XVIII. <i>Stella atque Constellationes Novæ. Via Lactea. Via ad Syderum notitiam.</i>	19

S E C T I O P O S T E R I O R.

I. <i>Motus Secundus. Ejus Divisio. Secundus Motus Fixarum. Motus Trepidationis.</i>	21
II. <i>Planeta. Dies cum suo Initio.</i>	22
III. <i>Divisio Diei in Diem & Noctem Artificialem. Crepuscula.</i>	23
IV. <i>Alia</i>	

IV.	<i>Alia Diei divisio.</i>	24
V.	<i>Secundus Solis Motus. Varii Anni.</i>	25
VI.	<i>Litera Dominicalis variat. Cyclus Solis.</i>	26
VII.	<i>Anni Tempestates. Coluri. Initium Anni. Equinoctia & Solstitia.</i>	27
VIII.	<i>Phænomena Zona Torrida.</i>	28
IX.	<i>Phænomena Zona borealis Temperata & Frigida.</i>	29
X.	<i>Ortus, & Occasus Cosmici, & Acronychus.</i>	30
X.	<i>Ortus & Occasus Heliacus.</i>	31
XI.	<i>Eclipsis Solis, nec non Eiusdem Macula.</i>	32
XII.	<i>Macula & Phases Lunares.</i>	33
XIII.	<i>Motus & Eclipsis Lunarum.</i>	34
XIV.	<i>Menses & Anni Lunares.</i>	36
XV.	<i>Cyclus Luna. Periodus Calippica. Modus utrumque Pascha investigandi.</i>	37
XVI.	<i>Indictio. Periodus Dionysiana & Juliana.</i>	39
XVII.	<i>Planeta Mercurius, & Venus.</i>	40
XVIII.	<i>Planeta Mars, nec non Iovis & Saturnus cum suis quisque Satellitibus.</i>	41
XIX.	<i>Zodiacus. Multiplex Aspectus Planetarum.</i>	42
XX.	<i>Domus Cælestes. Ratio emendandi. Usus earum, & Aspectuum omnino vanus.</i>	43
XXI.	<i>Varia Parallaxis. Impar est ad omnium Stellarum Distantiam a Terrâ emendandam. Primi Motus coloritas.</i>	45
XXII.	<i>Apparens & Vera Stellarum Magnitudo. Ratio utramque intelligendi.</i>	46
XXIII.	<i>Situs Stellarum ex Ptolemaei Sententiâ.</i>	47
XXIV.	<i>Situs Stellarum ex iudicio Copernici. Motus Terra Diurnus & Annuus.</i>	48
XV.	<i>Motus Inclinationis in Terrâ; unde varia Anni Tempestates, & Motus Fixarum in Consequentia.</i>	49
XXVI.	<i>Varium de Copernicano Stellarum Situ iudicium.</i>	50
XXVII.	<i>Situs Stellarum Tyconicus.</i>	51

S Y N O P S E O S D E S O L A R I I S.

I.	<i>Solarium Horizontale.</i>	Pag. 52
II.	<i>Solarium Verticale directum, Meridiei & Septentrioni obver- sum.</i>	53
III.	<i>Solarium Meridianum ad Orientem & Occidentem.</i>	54

S E N E C A capite primo de Cometis.

Mehercules non aliud Quis aut magnificentius
quæsierit , aut didicerit utilius , quàm de
Stellarum , Siderumque naturâ.





